




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2147/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2147/A




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2147/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2147/A


2147/A











GABRIELIS

FALLOPPII ME-


DICI MUTINENSIS

OBSERVATIONES

ANATOMICAЕ,

AD PETRUM MANNAM.

medicum Cremonensem.




PARISIIS,

*Apud Bernardum Turrisanum, via Iacobea,
in Aldina bibliotheca.*


1562.

CVM PRIVILEGIO.





AD LECTOREM.


 V M multa eadēque
 satis graues reperiantur
 causa, quibus scriptores
 ad edendos libros in lu-
 cem, quos priuatim scri-
 pserint impelli solent: gra-
 uiores tamen duæ, vtilitas atque honor, quæ
 ad idem inducere homines valent, potissimum
 extant. Namque vtilitas (si priuata fuerit)
 ita scriptorum animos aliquando concitat, vt
 ipsi maioris, sed alioquin turpioris quæstus
 causa labores suos peruulgent, eorūque vi-
 lem mercaturam faciant, non sine aliqua ip-
 sius sapientiæ, è cuius vberrimis fontibus scri-
 pta illa manarint, infamia. Ex horum tamen

a ij

EPISTOLA.

numero illos planè excipio, qui dura oppressi
 paupertate, ut se ipsos, ac coniuges, liberósque
 honestè alant, quæstus hoc genus faciunt.
 Cum ij non solum non infami dedecore, sed
 maximo potius honore sapientiam ipsam af-
 ficiant, utpotè illam, quæ si animo disciplina-
 rum ornamenta, corpori quoque alimentum,
 ac commodum præstare queat. Sin autem pu-
 blica fuerit hæc utilitas, eo etiam magis scri-
 ptores urget, ut publici commodi, omnium-
 que hominum usus rationem habeant: hi que
 ab hac perciti, labores & lucubrationes suas
 perpendentes, sæpèque ac sæpius (ut dicunt) ad
 Lydium lapidem reuocantes, si illas reliquis
 hominibus vsui futuras omniumque auribus
 dignas esse nouerint, in vulgus libenter edunt,
 ne auari, vel illiberales erga genus hominum
 sint, nève esse videantur. Maxima verò, ac pro-
 pemodum infinita est in hac re publicæ existi-
 mationis vel communis gloriæ vis, & effica-
 citas. Quoniam cum maior pars illorum ho-
 minum, qui plurimum lucubrant aterna
 mentis

mentis sensa, & consilia scriptis explicare
tentant, non solum pulcherrimis artibus, ac
disciplinis ornatum, sed etiam optimis, &
sanctissimis moribus fictum, atque ab omni
vitiis, præcipuè verò auaritiæ & arrogan-
tiæ labe carentem animum habeant. Cùmque
sibi nunquam tantum tribuant, quòd existi-
ment ipsorum scripta eius esse auctoritatis, ut
alios edocere valeant. Ideo neque à priuata,
neque publica utilitate impulsì, suos libros non
exponunt: quòd sit andem eos aliquando edunt,
illud profecto faciunt, primo ut omnibus aliis
pateat, eos otiosam ætatem, & sine vllò labore
quietam minimè traduxisse: deinde ut quæ
fuerint ipsorum studia, & quantum in iis la-
borarint, profecerint ve pariter indicent: siq; a-
liquid quod laude, ac gloria dignum sit effece-
rint, ut inde honorem plurimum sibi acquire-
re valeant. Nam si ea, quæ edita sunt, auri-
bus doctiorum digna esse non sint reperta,
vituperium potius, quàm gloriam auctoribus
suis pariunt. Quare qui honoris causa libros

EPISTOLA.

edunt, hoc primum optimè animo voluere debent, præcipites istas editiones non esse vllam laudē ipsis allaturas: sed si talia, quæ alios docere possint, vna cū illis edita fuerint, hæc ornamēto ac summo decori ipsis erunt. Deinde timide quoque si tales fuerint libri (cum iudicio doctissimorum hominum eorum consilia pendenda exponantur) ipsos emittere debent. Quod quidem vsque ad finem obseruandum esse cēseo, cū videā doctissimos homines plurimos qui Græcè, vel Latinè, vel Italicè quoque scribentes, ad extremum fermè vitæ libris aliquot editis totam eam gloriam, & dignitatem quam primis aut alteris sibi acquisuerant, penitus extinxisse. Atque adhuc plures alios noui, qui cum diu præclara doctrinæ fama floruerint, conscriptis tandem aliquot, editisque libris, eam totam amisisse, aut potius abiecisse mihi visi sunt. Huius autem facti ratio & causa est in promptu. Quoniam natura nobis est insitum, vt iis in rebus, quas valde ac diu profiteamur, aliquando etiam errare possimus.

simus, atque simul erremus. Quanquam autem, ut dixi, priuata, aut communi utilitate, vel gloria ipsa commoti scriptores ut plurimum labores, ac lucubrationes suas aliis hominibus communicent: neutra tamen me hac causa impulit doctissime lector, ut tibi libellum hunc exponerem. Non publica aut priuata quidem utilitas. Quonia semper ita immunis fui ab omni auaritie rubigine, ut si non liberalis, tenax saltem communi etiam testimonio minimè dici debeam, neque rerum egestas ita me oppressit, ut tam difficili, ancipiti que ratione vitæ commoda fuerint mihi paranda.

Neque præterea ita impudens, arrogans-ve sum, ut mihi persuadeam debile meum ingenium in hac arte à clarissimis viris exculta, ea esse pariturum, quæ in vulgus emissa vniuerso hominum generi vsui esse debeant. Et quanuis quoque negare minime possim, me non ita esse gloriæ appetentem, vel laudis audum, ut omnes alij qui sapientiæ studio, & reliquis nobilioribus artibus sunt penitus de-

EPISTOLA.

diti. Huius tamen rei ego libellum hunc non
 peruulgavi, cum optime nouerim ab omnibus
 qui ipsum legerint, laudis palmam non esse
 obtenturum. Cum tyrones in artem minimè
 introducturus, aut veteranos quoque per pau-
 ca sit docturus, totusq; paradoxis scateat, quæ
 admirationem potius parient, quàm quòd li-
 bro dignitatem addant. Sed quoniam quàm
 plurimi reperiuntur, qui aut scribendo, aut
 publicè, priuatimve profitendo, multa inuenis-
 se, quæ ab aliis minimè visa sint in hac arte si-
 bi arrogant, seseque alienis plumis ornantes.
 uti Aesopeus graculus, ea quæ ab aliis, aut à
 me ipso, vel potius à meis discipulis audientes
 malè didicerunt, pro suis edunt, & venditant:
 & aliquando ita sibi arrogant, ut eadem di-
 storta & corrupta exponant.

Præterea quoque cùm audiam aliquot ex
 meis amantissimis auditoribus, quos in hac
 arte summa cum diligentia erudiui, ut dictis
 suis auctoritatem, ac pondus aliquod addant,
 sese mihi opponere, ac sententiis meis aduersa-
 ri,

ri, easque aliquando distortas, & falsas (quales ne quidem somniarim) referre. Ideo ne decipiaris candide Lector, libellum hunc tui gratia edo: ut si quando in Anatome horum mentio inciderit, habeas unde hæc colligere, verosque ipsorum auctores agnoscere possis. Librum hunc ante quatuor annos scripseram, rogatus à clarissimo viro Petro Manna philosopho, ac medico doctissimo, antequam de vita decederet. Cui quidem roganti nihil negare unquam potueram, ob summam illam auctoritatem, ac existimationem in qua apud me erat, & meritò quidem. Quoniam si externa, atque simul interna hominum ornamenta alienos animos sibi conciliare possunt tot & tanta in hoc sanctissimo viro erant, ut non solum meum atque omnium doctiorum, qui ipsum nouerant, animum sibi conciliare, sed arctissime etiam deuincire potuerint. Is enim ex nobili ac satis diuite familia Cremonensi oriundus, in doctissimū philosophum ac medicum euadens, atque ob id ultimò Mediolanensium

EPISTOLA.

Duci maximè carus (medic⁹ enim familiari ipsi fuit) plurimis in hac arte medica honoribus perfunctus nunquam à studio literarum recessit. Cúmque adhuc quasi senio confectus esset literas Græcas Catonis exēplo didicit, in plantarum historia semper diligens ac assiduus fuit. Sed præ cæteris ita anatomæ incubuit, vt nil magis, neque vnquam legendo, meditandóque nisi mors illum inuasisset, defatigatus esset.

Hunc ergo librum, vt tanto viro satisfacere scripsi, tibiq³ nunc, ne in iis, quæ dixi decipiaris, communico. Quòd si mihi tandem sorte obtigerit, vt quæ in ipso continentur tibi satisfaciant, dignaq³ doctorum auribus esse videantur, non leue procul dubio honoris, & laudis lucrum inde faciam: quamuis non hac sed ea, quam dixi causa, in lucem edam. Tu verò meum hoc institutum æqui bonique facias quæso, & Vale.

GAB.



GABRIELIS FALLOPPII
OBSERVATIONES
anatomicæ.

AD PETRUM MANNAM ME-
dicum Cremonensem.



ECREVERAM iam multo
antea, quàm hæc ad te scri-
berem, doctissime Manna,
me nihil vnquam, quod ad
anatomem pertineret, scri-
ptis esse commendaturum:
Ad quod quidem genus in-
stituti non leui impellebar
ratione, dum absolutissimum Andreæ Vesalii opus
anatomicum legerem: in quo mihi videbatur nihil
posse desiderari, quod aut ad copiã partium explica-
tarum, aut situm, aut magnitudinem, aut substãtiam,
aut speciẽ, vel vsum, aut denique quod ad integer-
rimam humani corporis historiam pertineret. Hinc
enim colligebam diuinum hoc Vesalii monumen-
tum perpetuò duraturum esse, neque vnquam ex
animo, aut memoria posterorum elapsurũ: meque
vel quoscunque alios frustra enixuros, si vellemus
eandem hanc prouinciam optimè, ac integerrimè

OBSERVATIONES

administratam rursus aggredi. Quoniam alterum è duobus necessarium videbatur, aut vt eadem, & fortasse ineptius referendo, scripta nostra ne legerentur efficeremus, aut vt contraria, vel saltem ab iis, quæ in eo volumine reperiuntur, diuersa tradentes, ab omnibus, & meritò irridemur. Hac igitur de causa in eadem sententia plures annos, ne dicam menses perstiti, donec aliquantisper grandior in hac arte anatomica factus, atque etiam audacior auctoritate ipsius Vesalij redditus, cum quasi solidiores animi mei vires persentirem: primùm disquirere cœpi, atque etiam iudicium meum interponere tentavi inter Galenum & Vesalium ipsum, quisnam illorum magis ad veritatem accesserit in maximis illis controuersis, ac aduersariis sententiis, quæ inter ipsos vel (vt rectius dicam) intervtriusque sectæ anatomicos versantur. Nosti enim plurimos reperiri doctissimos viros nostrorum temporum, qui omnibus viribus Galeni partes tueantur: alios verò, qui adhuc plures sunt, ita Vesalij dogmata defendere, vt ne perlatum quidem vnguem ab ipsis recedere audeant. In hoc itaque iudicio, quamuis non negarim, me illud vnum obseruasse, nempe quod optimus anatomicus Andreas Vesalius, veluti exercitus victoriæ ardore ac impetu actus sæpe aliquid tentat, quod minus aut ad gloriam propriam conducit, aut optimis Ducibus ac Imperatoribus satisfacit, Galenum aliquando in verbis potius, quàm in sententiis capit, aliquando mutilum (quod facere debuerat) minimè excusat, ac sæpe indignius quàm anatomicum, philosophum, ac medicum tam
 insi-

insignem deceret, carpit & accusat. In hoc tamen (inquam) iudicio, ut ingenuè veritatem illam, quam mihi videor, longa exercitatione assequutus fatear, nō dicā in maiori, sed in maxima aduersarū sententiarum parte, pedibus etiam ipsis ego in sententiam diuini Vesalij veni, atque nunc persisto. Quod optimè semper mihi celsisse video : quoniam cum in publicis gymnasiis, Pisano scilicet & Patauino, vbi tot præclari philosophi, atque medici profitentur, vbi tot diuina auditorum plurimorum ingenia excoluntur, magis semper Vesalij, quàm Galeni partibus fauerim, nunquam aliquem virum doctum, aut probum inueni, qui hoc meum institutum accusarit. Plurimos equidem (ne inficias eam) reperi, qui ob exercitationem optimæ iuuentutis, Galeni partes tutati mecum sæpius disceptarunt, at tandem ex his nullus vnquam à me inuentus est, qui iugulato propemodum sensu, veritatem ipsam fateri noluerit, hacque actus relicto Galeni placito, ad Vesalium non accesserit. Post hoc autem iudicium cōfirmatis adhuc magis animi viribus quærere cœpi, an in hac arte, in qua Hippocrates primum, deinde Aristoteles, præterea Erasistratus, Marinus, ac Herophilus, & tandem Galenus errauit, solus Vesalius reperiat, qui nihil vnquam dormitando, non solum hos diuinos scriptores, sed etiam Homerum ipsum aliquādo (ut fertur in adagio) dormitantem superarit, seu potius aliquid sit ab ipso prætermisum, vel non satis integrè enarratum, seu aliquid distortum, vel ab historia partium corporis humani discrepans, in illius volumine anatomico reperiat. In hoc mul-

OBSERVATIONES

tum reuera varias ob causas sudaui, primùm, quia
 tentauì rem per se difficilissimam: secundum, quia in
 verba magistri iuratus, atque illius auctoritati plu-
 rimùm tribuens non audebã ex iis carceribus, quos
 ipse arti imposuit egredi: tertium, quod & grauissi-
 mum est, quòd publicam notam pertimescebam,
 momosque etiam ipsos auribus meis obganientes
 iam tum audire videbar. Hæc tamen omnia satis
 strenue superauì. Nam rei difficultatem summo stu-
 dio, labore & vigiliis plurimis vici. Magistri reueren-
 tiam, & timorem ipsius exemplo leniui. Quoniam
 vti Vesalius non in scholis quidem viuæ vocis au-
 ditor, sed in musæo (quia librorum omnium, qui ab
 ipso scripti sunt heluo eximius fuerit) Galeni disci-
 pulus factus non ipsius auctoritate deterritus est,
 quin plurima arti adderet, quæ à præceptore eius
 prætermissa erant. Ita & ego in illius schola (quia
 eius scripta diligenter legerim) versatus, alacrius in
 hoc pariter artem iuuare tentauì. Postremò testimo-
 nio integerrimæ conscientia nixus, ac plurimorum
 doctissimorum hominum, qui mea hæc præsentem
 viderunt, atque manibus etiam tractarunt, apertè
 cognoui, momos istos veluti fuitiles, vanasque vm-
 bras, ita esse timendos, quæ per se dissolutæ in fumũ
 abeunt: cum præcipuè in his cõtrouersis nullus ali-
 us iudex constituatur, quam homo ipse atque par-
 tes illæ, quibus humani animi organum conflatur.
 His hæres, ac innitens fundamentis quædam repe-
 ri (etsi non plurima) quibus tanquam nouis inuentis
 ars hæc nostra ornari, atque aliquantulum (absit fa-
 stus) augeri potest. Quæ cum obseruarim, statim mu-
 tata

rata priori sententia scriptis notavi, ac disposui, & commentarios mihi feci, quos decreueram nonum vsque in annum premere, antequam aliis communicarem: opportunè tamen editurus, ne publicæ utilitati inuidere, nève Dei optimi munus suppressere aut meos labores, sudoresque merita apud posteros corona, si qua digni foret, defraudare viderer. Quàm verò magni ponderis apud ingenuos quosque sit veritas, ex hac tota historia, quam tibi retuli non solum noui, sed sensu etiam ipso percepi, cum grauissimorum hominum auctoritates, præceptorum doctissimorum documenta, communemque apud omnes scriptorum existimationem, quasi negligens veritatem ipsam rerum ante oculos tantum semper habuerim, illamque solam colere ausus sim, multos alios in hoc doctissimos viros imitatus. Quare, qui scribendo nostram hanc artem, quam sapientiam vocamus, aut voce Græca φιλοσοφίαν illustrarunt, haud grauitè ferre debent, quando adhuc superstites sint, si qui illorum scriptis doctiores facti aliquid arti addant, quod veritati, quam ipsi sensu, aut ratiocinatione inuenere, omnibus numeris respondeat. Neque illi, qui postremo loco scribunt, nimia audacia, vel petulantia acti priores accusare debent, eoque minus, cum illorum scriptis adiuti, tales in sapientiam progressus habuerint, quibus facti doctiores artem illustriorem reddere potuerunt, ni velint ingrati, aut impij animi notam subire: quoniam vtrunque hoc veritatis ipsius leges dicant.

Hoc meum institutum (vt ad ipsum redeam) doctissimè Petre, ad vltimum vsque calcem, nisi tu im-

OBSERVATIONES

pedimento esses, perduxissem. Verum auctoritati,
 ac existimationi, qua apud me plurimum vales, de-
 esse non potui, quin statim, cum de voluntate tua
 certior sum factus, arrepto calamo partem aliquam
 eorum ad te scribam, quibus carere artem anatomi-
 cam, vel potius aliorum anatomicorum scripta ob-
 servaui. Hoc libenter (mihi crede) subterfugerem,
 sed nescio quo vultu philosopho sapientissimo, me-
 dico experientissimo, homini aetate, ac moribus gra-
 uissimo, & de me quoque optimè merito, tibi in-
 quam patri amantissimo hoc officij genus negare
 possim. Quare scribendum est, lubensque scri-
 bo. Sed antequam ad enarrationem veniam, hæc au-
 di. Primum cum ista ad te scribam, ea synceri ani-
 mi puritate hoc facio, veluti si Patavinæ scholæ me-
 dicis, ac philosophis, vel ad Galenū, aut ad Vesaliū
 ipsum scriberem. Quare si quid erroris in his lucu-
 brationibus erit deprehensum, id nullo dolo, sed in-
 tegra conscientia scias fuisse patratum, meque in no-
 minandis aliis anatomicis, ac præcipuè ipso Vesalio,
 & in iis explicandis rebus, in quibus ab his dissen-
 tiam, nulla vnquam petulanti oratione, aut accusa-
 tione turpi esse vsurum, cum nullam aucupem glo-
 riolā ex dedecore alieno, sciamque neminem gratis
 esse pungendum, offendendumve. Quamobrem in
 te vno vellem omnes anatomicos contineri, vt ab
 illis hoc exorarem, quod nunquam sibi persuadeāt,
 me aut vanæ ambitionis causa, aut vt illos offendam
 scribere, sed vt potius tibi ac veritati, quæ mihi pa-
 tuit satisfaciam. Postremò à te quoque peto, quod
 mihi liceat vti breui oratione, & quasi per capita
 hæc

hæc recensere : præcipuè cum volumen anatomicum moliar, in quo anatomen integram complectar, atque minutissima quæque ad hanc artem pertinentia. Illud erit quamplurimis figuris exornatum, quæ corpus humanum & simias etiam, ut Galeni dogmata faciliora sint, exprimant. Neque hæc imagines solum eiusdem generis partes, ac similes inter se continebunt, sed etiam diuersis ex classibus inter se simul complicatas, veluti in ipsomet corpore humano connectuntur, indicabunt. Sed ad Rhombum tandem rediens, ac ad præsentem institutionem, in ipsa talem seruabo ordinem, ut primum quæ circa ossa obseruarem scribam: secundum, quæ ad musculos pertineant, tertium, quæ circa venas, arterias, & neruos à me visa sint: quartum, quæ in visceribus abdominis, aut thoracis sint obseruanda, ultimò verò quæ circa capitis partes notarim explicabo.

Disputationem satis longam in scholis instituere, atque eandem etiam perficere soleo de natura, & de causis ossium, ac reliquis omnibus, quæ ad ipsa pertinent. Quæ quoniam à me luculenter descripta est in opere anatomico, cuius mentionem feci, cum quæ locus hic eam minimè requirat: ideo ipsam præmitto, atque ad ossium partes descendens, processus scilicet, ac appendices, vnum quod obseruauit, referam.

Plurimæ sunt ossium partes, quas ab anatomicis processus vocari leges, aut audies, cum tamè appendices sint, veluti in secunda ceruicis vertebra, tuberculum illud, quod dentis formam exprimit, unde & nomen tota vertebra accepit, ab anatomicis pro-

OBSERVATIONES

cessus vocatur, cum tamen appendix sit. In scapulis quoque interior processus appendix est, non autem ut dicunt anatomici, processus, in femore *τεοχαιτηρ*, maior secundum anatomicos processus dicitur, cum tamen appendix sit & dici debeat. Os quoque illud acutum, quod iuxta mammillarem processum in capite prominet, *συρσειδης* processus ab anatomicis vocatur, cum re vera appendix sit. Neque ut aliqui opinati sunt, hæc ossium partes processus appellatæ, appendices postea adiunctas habent, sed ipsæmet totæ appendices sunt, quod etiam in quamplurimis aliis, præter has quas dixi, ego observavi. Nam cum anatomicis consentio, Processum esse ossis partem legitimam, non adnatam, sed ex ipsomet osse enatam, ac prorumpentem, quæque nihil ab osse differat, uti in maxilla inferiore apparet. At cum ista à me dicta in fœtus formatione ossa sint, aut cartilagine distinctæ, & tales aliquot annis post formationem perdurent, proculdubio non processus, sed appendices appellandæ sunt. De usu autem appendicum non loquar, cum ad anatomicam speculationem, quam in opere maiori perficiam, pertineat hæc tractatio. Sed vnum hoc tibi promitto, me ibi esse verum appendicum usum proditurum, quod à nullo, quantumvis docto anatomico, adhuc factum est.

In ossium commissuris explicandis, scriptores parum inter se concordantes reperio. Neque eorum divisiones, aut classes, in quas ossium compages disponunt, mihi arrident. Quoniam aliqua addunt, quæ non sunt, & quædam alia, quæ adsunt, prætermittunt:

nec

nec præterea nuda capita proponunt, vnde diuisiones hæ ortum ducant. Quare ego, vt habeas quid cum aliorum scriptis in hac re conferre possis, quandam partitionem subiungā, quam octo annos antè in scholis meis auditoribus iam communicauī, ex hac cognoscere poteris, non solum anatomicarum vocum, quæ ad articulos pertinent, vim, sed etiam veras ipsas differentias, quibus variæ compaginum species constituentur.

ARTICULI IN OMNES suas species diuisio.

TRES sunt, Manna, manifestiores differentie, quibus structurarum varietas in ossibus continetur. Medium per quod ossa committuntur. Proportio eorum inter se. Et finis ad quem natura sunt factæ. Inter quas medium, quo iunguntur, & ipsa *ἀναλογία* primum locum, mea sententia, obtinere, ac veluti commissuram totam formare videntur. Sine enim vtroque, aut horum alterutro nunquam ossa committi possunt. Nam quod ad medium attinet, nunquam costæ ossibus pectoris optimè copulari poterunt, cum nulla adsit proportio, nisi intercedat media cartilago vtrisque maxime respondens. In capite vero tanta est analogia tum ossium inter se, tum cavitatum, spiculorumque, vt sine ligamento etiam simul iungantur. At coxæ cum femore magna inest

b ij

OBSERVATIONES

similitudo, ac proportio: cui tamen additur & medium, quo coniunguntur. Quare his exemplis actus ad articulos componendos medium & proportionem maioris momenti esse existimo (cum ipsa sint, quæ ossa iungant) quàm finem ipsum, ad quem fuerunt à natura destinati. Propterea structuræ differentias, quæ à medio sumuntur primo loco ponam, secundo, quæ ab analogia, tertio eas, quæ sumuntur à fine. Nec reliquas minoris momenti prætermittam, quæ vel ab efficiente causa, vel à numero, aut partibus ossium colliguntur.

Ossium
commissura
quam græci
ἐνωσις,
σύνθεσις, σύν-
ταξις, ὁμί-
λια, vel e-
tiam Hip-
pocratica
voce, σύνθε-
σις vocāt,
fit cum ip-
sa iungun-
tur simul,
vel —

Per coalitum, nullo diuisionis reli-
cto vestigio, in qua coniunctionis
specie ita simul coalescunt ossa, ut v-
num tantum esse videantur, ac præ-
terea fiant. Huiusmodi commissura
σύνθεσις, & ἐνωσις ab antiquis græcis,
Galeno teste, vocabatur, eo quod os-
sa simul coalescerent, quod triplici de
causa fieri solet, vel —

Est autem obseruandum Hippo-
cratem variè usurpare voces istas
σύνθεσις, & συμφύεσθαι. Nam aliquan-
do propriè usurpat, ut cum tertio de
fracturis, textu tertio, vulnera, quæ
coales-

coalescunt $\xi\upsilon\mu\phi\acute{\upsilon}\sigma\alpha\iota$ dixerit, pariter cum $\&$ coniunctionem in maxilla $\xi\upsilon\mu\phi\upsilon\sigma\iota\upsilon$ vocarit, secundo de articulis textu 33. Vsurpat etiam minus proprie vocabula ista articulum explicans, ut cum 3. de fract. 55. ossium brachij coniunctionem $\xi\upsilon\mu\phi\upsilon\sigma\iota\upsilon$ vocat, $\&$ cum 4. de Artic. 29. commissuras manus digitorum, ac pedis $\xi\upsilon\mu\phi\upsilon\sigma\iota\varsigma$ appellat.

Sine coalitu.

A natura ipsa generante, atque ossa simul, dum ipsa perficit coniungente. Quod genus in appendicibus omnibus ossium apparet, pro exemplo etiam addi potest $\sigma\acute{\upsilon}\mu\phi\upsilon\sigma\iota\varsigma$ una in osse frontis, in maxilla una, in occipitis osse quaternæ, in osse, quod à cunei forma $\sigma\phi\eta\mu\epsilon\iota\delta\epsilon\varsigma$ à Græcis vocatur binæ, ternæ in qualibet vertebra, excepta secunda cervicis, in qua quaternæ insunt, in utroque aurium foramine una proponatur, in osse pectoris plures, ternæ aut quaternæ in Ilium osse. Et ut vno verbo dicam, in his, $\&$ reliquis ossibus tot sunt $\xi\upsilon\mu\phi\acute{\upsilon}\sigma\iota\varsigma$ $\&$ coalitus, quot appendices. Nam in humero, qui sursum $\&$ deorsum appendicē habet binæ insunt, in femore quaternæ, quia unica donatur appendice in parte qua iungitur cum tibia: altera circa caput superius: tertia est $\tau\rho\chi\alpha\upsilon\tau\iota\varsigma$

OBSERVATIONES

μειζον vocatus: quarta vero appendix est τετραρτηρος
(μειζον, vel μινος dictus.

Natura pristinam unitatem restituyente, ut
in ossibus fractis, quæ ferruminantur: nam in
his aliquando ipsius calli coniungentis vestigium
nullum apparet, quod constat in calvarie fractu-
ris ferruminatis, & in ossibus infantum tener-
rimis.

Natura, quæ non ex intento, sed necessitate ma-
terie coacta, in symphysis opere suo abutitur, veluti
fit dum ossa capitis delectis futuris ob senium con-
nascuntur, vel cum prima cervicis vertebra capiti
coniungitur ob hanc vel aliam causam: pariter cum
duæ vertebrae inter se, aut radius & cubitus quod
sepe observamus) coalescunt.

Sine coalitu,
nullaque facta
unitate, ita ut
ossa distincta
semper maneant,
ac unumquod-
que suam natu-
ræ servet. Hæc
commisura æp-

Nulla interveniente
copula, aut medio,
quo ossa colligentur,
sed suomet corpore
ac materie inter se ip-
sa committuntur.

Hæc

ἄρθρον vocatur à
Græcis, à nostris
verò articulus
(quanquam v-
traque hæc vox
aliud magis pro-
prie significet)
in quo iunguntur
ossa, vel —

Hæc compositio
συνάρθρωσις ab an-
tiquis Græcis di-
cta est, quæ qui-
dem duobus fit
modis vel —

Per se iunctis
ossibus, cum ex-
trema s. sua
substantia con-
nectuntur. Quæ
coniunctio ad-
dita analogia
fit in modum
vel --

Per accidens. i.
per aliam commissuram. In hac
enim specie ossa iunguntur inui-
cem sine ligamento, verum con-
iuncta servantur, non suamet sub-
stantia, sed merito alterius com-
missuræ, & hæc addita proportio-
ne, quæ linea recta, aut circulari,
aut composita quadret, consti-
tuunt συνάρθρωσιν, quæ ἀρθρῶσις à
Græcis dicta est. Huc etiam spe-
ctare videtur coniunctio illa, quæ
aliquando, quanvis in unguem
fiat, in capite, vel in facie ita laxa
est, ut aliis hinc inde apertis sutu-
ris per se dehiscat. Per lineam re-
ctam armonia manifesta est in

b iiij

OBSERVATIONES

nasō. Per circularem aut compositam in secundo osse malarum, quod in interno oculi angulo collocatur, & aliquando in parte squamosa ossis temporum reperitur.

Aliqua interveniente copula.

Duarum ferrarum, quæ aduersis spiculis iungantur, ob quam serratæ coniunctionis similitudinem, hæc commissura $\pi\rho\iota\nu\omicron\varsigma\delta\eta\varsigma$ à Græcis vocatur, atque inter capitis ossa sæpe ac sæpius reperitur.

Vnguium ac pelicularum illarum, quæ à Græcis $\vartheta\epsilon\gamma\chi\mu\omicron\iota$ dictæ vngues circundant, unde ortum ducit commissura $\sigma\acute{\epsilon}\mu\mu\eta\varsigma\epsilon\iota\varsigma\omicron\nu\chi\alpha$, id est, in vnguem dicta, cuius exemplum etiam in ossibus capitis inuenitur.

Pannorum simul confutorum. Atque hæc à Græcis $\rho\alpha\phi\eta$, id est sutura vocatur, quam maxima ex parte in caluaria videmus, quanquam nomine suture, & eam quæ ad vnguis, & eam, quæ ad serra similitudinem fit, auctores sæpe nominant.

Clavi atque excipientis ipsum cavitatis, quæ commissura in dentibus cum suis alueolis apparet.

Talis-

Talisque constituta συνάρθρωσις à Græcis γόμφωσις vocata est. Quanquam hoc genus etiam inter ea, quæ medio coniunguntur, videatur connumerandum. Nam in alveolis malarum (vt testantur anatomici) est veluti quoddam carneum gluten, & circumquaque insunt gingivæ, quibus dentes illis validius agglutinantur. Tamen cum illa caro ita pauca sit, vt vix oculis sit manifesta, cumq; gingivæ aliquando sint hinc inde ita erosæ, vt dentes minimè tangent, ipsique nihilominus in alveolis suis contineantur, nec cadant: postremo, cum plurimos dentes ita fixos malis ac maxillæ videamus, vt etiam in cadavere aridiori glutine, ac gingivis corruptis, difficillimè loco moveantur, aut auellantur, sub hoc genere potius talem coniunctionem colloco, quàm sub illo, quod medium habet.

Aliqua interueniente copula, vel medio quo colligantur ossa, merito	Neruea est à qua talis συνάρθρωσις species συνάρθρωσις dicta est: quæ ob variā adiun- ctā analogiam, qua inter se ossa copulatur, in va- rias distinguitur	Cardinis more cū altero coniūgitur, vnde structura ip- sa γιγγυμοειδής vo- cata est: quæ qui- dem fit aliquando inter duo ossa tan- tum, vel vno in ar- ticulo: et aliquādo inter tria, vel duo bus in articulis --
---	--	---

OBSERVATIONES

cuius mediū	species: aut	
fit commis-	enim alte-	Axis more in alterum inserirur, quod veluti rotæ rationē habet, ad dito ipsius in gyrum motu & manifesto, veluti si circa axem rota moueretur. Quod in prima & secunda cervicis vertebra ap- paret cum superior ad processum secundæ ita alligetur, veluti rota ad axem. Hæc com- missura proprio desti- tuta est nomine, ve- rum imitationis gra- tia τοῦ ἁποδιδῶντος appella- ri potest.
sura ab an-	rum os ---	
tiquissimis		
scriptoribus		
ut existimo		
διὰ τὴν ποσὶν δι-		
εἶτα. Quod		
autem ita		
appellari de-		
beat, inferi		
patebit. hæc		
præterea de		
articulatio	∴	
non semper		
eadem vni-	Carnea etc.	
tur copula,	A	
sed aliquan-		
do ---		
	Cartilagi-	Cavum valde &c. C
	nea, vel mix-	
	ta &c. B	Cavum leniter &c. D

Inter duo ossa tantum, cum alterum ex his habet
aliquod cavū recipiens & processū aliquem rece-
ptū: ac vice versa, alterum os pariter cavum reci-
piens

piens & processum receptū possidet. Quod quidem fieri potest aut in vna eademue ossium parte cum magno, ac manifesto motu, veluti in cubiti articulo, vel in secundo & tertio quo ossa digitorū coniunguntur. Aut in variis, distinctisque horū duorum ossium partibus cum satis insigni motu, veluti in radio & cubito simul iunctis. Quanquā autē hoc genus articulationis vltimū γινώσκουσιν vere non sit appellandum, cum in ipso vnus non sit tantū articulus, sed gemini, alter quidem superior, alter vero inferior: quorū vterque ad suū genus articuli referri debet: ideoq; nos in obseruandis istius differentiis aut proferendis variis exemplis non immorabimur.

Inter tria vero ossa fit. Cum illud, quod medium est recipitur ab vtroque extremo osse, veluti in foribus antiquorum cardinatis cardo masculus appellatus recipiebatur à foemina infra supraque. Huius cardinatae cōpagis exemplum adest in maxilla: cum vtrunque ipsius extremum caput à cavitatibus vtriusq; ossis temporum excipitur. Hac de cā Celsus hūc articulū cardinis modo fieri dixit. Fit etiā inter tria ossa, cum illud, quod est medium, alterum ex extremis recipit, ab altero vero recipitur: veluti fit in ipsis vertebris, quas ἐπίκεντρον & per ginglymum coniungi dixit Hippocrates 3. de Artic. tex. 34. & Galenus in lib. de ossibus. Coniunctiones has auctorita

OBSERVATIONES

te Celsi & Hipp. ad cardinatum commissuram re-
tuli: cum tamen re vera, si velimus unicam ossis cū
osse coniunctionem, & non geminas simul obser-
uare, nihil cum cardine similitudinis habeant.

Διάρρηξιν vocat Galenus cōmissuram, quæ habet
ἑνάρη, καὶ ἑνόν. Cuius auctoritati tantum tribuo, ut hoc
verum esse credendum iudicem. Neque id, quod di-
cturus sum, velim, quannuis aduersum hanc senten-
tiam feratur, quod audaciæ, aut peruicaciæ potius,
quam indicandæ veritatis desiderio adscribas. Nam
ego adduci non possum, vocem hanc ratione ipsius
motus, fuisse huic generi articuli impositam. Ratio-
nem autem audi, Ἀρρῶν frequenter apud Hippocra-
tem, Galeno etiam teste, alterum tantum atque ro-
tundum cohærentium inter se ossium significat.
Aliquando non rotundum, sed illud, quod cauum
est, atque rotundum excipit: raro utrunque simul
vel integram commissuram notat. Ab hac voce
ἀρρῶν deducta est, coniunctionem, atque com-
missuram ipsorum ἀρρῶν significans, quæ coniun-
ctio si arcte & sine vinculo medio fiat, συνάρρῶν
vocanda est. Quoniam vox illa συν. ossiū ipsorum
maximam firmissimamq; quæ suomet corpore fiat,
iuncturam significat. Quod si laxior sit ista articu-
latio, neque ossa suomet corpore coniungantur, sed
ad hanc conseruandam ligamentum, vel medium
quoddam necessario addatur, tūc διαρρῶν mea sen-
tentia

tentia est vocanda. Nam cum ἀφ' ὧν ὡς ὅτι ut dicebā,
 significet per se coniunctionem ossium, addita præ-
 positione διὰ, opus est, quod talis significatio augea-
 tur, vel imminuatur, vel in cōtrarium mutetur, aut
 motus aliū sue rei modus exprimatur, aut (quod ra-
 rissimum est) eadem penitus significatio maneat. Ve-
 rum quannuis διὰ, in mixtione sensum imminuat, ut
 apud Hippo. 3. de fract. tex. 51 in voce διακνήματος
 & in verbo διακνέειν apud eundem lib. 2. de artic.
 tex. 12. que significant motum imminutum, ut Ga-
 lenus ipse lib. 4. de artic. comment. ex 44. testatur.
 In hac tamen voce non est dicendum διὰ, diminuere:
 ita ut διὰ ὧν ὡς ὅτι parvū articulum significet. Deinde
 quannuis ἐμμεν, atque intentionem, aut modum per-
 fectiōre significet, ut apud Hip. 2. de fract. tex. 68.
 in verbo διατρίβειν, tamen in hac voce διαφ' ὧν ὡς ὅτι, uti
 opinor, id non facit, cū hac nec perfectior, nec etiam
 solidior species sit articuli, quā illa, quæ contrā di-
 vīsa συν' ὧν ὡς ὅτι appellatur. Quod autē nihil agat, ni-
 hilq; hac voce ἀφ' ὧν ὡς ὅτι significatū immutet, haud cre-
 diderim. Quid igitur dicendum, cum aliquid agat in
 hac compositione, neque significatum corrūpat, ne-
 que eundem imminuat, augeatue? Non ob id ego di-
 xerim motum manifestum, aut non manifestum
 adiunctum exprimere, sed potius in hanc veniam
 sententiam, quod in hac voce eandem vim seruet,
 quam quasi propriam extra compositionem habet.

OBSERVATIONES

Nam vox ista quandā veluti μεσότης notat, quod etiam in aliquot aliis vocibus compositis facit, ut apud Hippocratem in 2. de fract. text. 37. in voce διαφωσος apparet, dum loquitur de appendice superiori ipsius tibiae. Nam per διαφωσιν intelligit partem quandam ossis processus modo prominentem in ipsa appendice, quae inter capita media femoris inferiora inseritur. Hæc eadem vox etiam apud Galenum in 5. de administ. anato. explicat lineam quandam nervosam, quae media inseritur, ac distinguit inter musculos abdominis rectos, & sextum illorum, qui thoracem movent. Quamobrem διαφωσος etiam erit coniunctio ossium per medium aliquod cōpacta, & laxior quam sit ipsa μεσότης. Quod etiam hac ratione confirmare possum. Nam in 3. de artic. commen. text. 37. inquit μεσότης διαφωσος, quod est quasi per commissuram appensum esse, idem significare, quod διαφωσος. præterea Hippo. 2. de artic. text. 8. διαφωσος & ἀμπροσθεν pro eodem posuit, quod etiam in commento Galenus testatur. Vnde ex his colligere possumus fictis vocibus ἀπαρτησιν, μεσότης διαφωσιν & διαφωσιν eandem colligationem, in qua os ab osse dependeat exprimere. Et si dependet cum non alteri sua substantia affigatur: opus est aliquod medium ligamentum reperiri quo id fiat. Sicq; διαφωσος erit commissura per μεσότητα, ut dicam mediationem alicuius facta.

Vltimo

Ultimo addamus, quod Hippo. loco dicto, tanquam
 opposita opponit $\delta\iota\eta\rho\delta\omega\tau\alpha\iota$ & $\sigma\omega\mu\eta\rho\delta\omega\tau\alpha\iota$. Nam in-
 quit: Mala quidem immota manet, quia $\sigma\omega\mu\eta\rho\delta\omega\tau\alpha\iota$
 quasi sua substantia, nec per aliud arcte infixa est ca-
 piti. Et subiungit, non autem $\delta\iota\eta\rho\delta\omega\tau\alpha\iota$, id est laxa
 compage. & per aliud ligamentum coniungitur, ne-
 que in his vocibus motum subintelligendum cen-
 seo, quonia^m absurdum hoc esset. Mala immota manet,
 quia iungitur immobili commissura, & non com-
 missura motus magni, ac manifesti, nam esset idem
 referre variis verbis. Quare rationibus his & ea prae-
 cipue quod nullibi (quod meminerim) legi apud scri-
 ptores Grecos $\delta\iota\alpha$, motum manifestum, aut ma-
 gnum significare. His inquam rationibus colligam^{us}
 $\delta\iota\alpha\rho\theta\epsilon\omega\sigma\iota$ commissuram ossium esse, interueniente me-
 dio vel copula factam, quam tãdem motus magnus
 & manifestus, aut parv^{us} ac immanifestus sequi pos-
 sit. Nam dubiũ minime est ossa ligamento cõiungi,
 vt articulus moueri possit: veluti illa in quibus mo-
 tus non requiritur non ligamento, sed suamet sub-
 stantia copulantur. Hæcque sententia in quampluri-
 mis articulis intelligẽda est, quoniam aliquot ex ipsis
 reperiuntur, qui ligamento nexi, motu destituuntur,
 veluti in pube, atque in lateribus ossis sacri, & for-
 tasse etiam in fibula, ac tibia.

OBSERVATIONES

C
Cavum valde est, alterum verò multum prominens, quod in profundam cavitatem inseritur, indeq; commissura provenit, quæ tertia est διαρθρώσεως species, vocaturque ἐν ἀρθρώσει, quæ habet motum aut-

Paruum, aut non valde manifestum, veluti articulatio septimi cum secundo & primo ossibus carpi.

(::)

Magnum valde & manifestum, ut in humeri articulo cum cavitate scapulæ, quam κοτύλην vocat Hippocrates, in tibia ac talo, in primo osse adiuncturam manus, & radio. In prima etiam articulatione pedis & manus. Sed omnes istæ ἐν ἀρθρώσει leuiore admodum sunt: illa autem, quæ reperitur in femore et coxa perfectissima & exquisitissima est.

D
Cavum leniter est, alterum vero leniter prominens, qui-

Magnus uti inter primum, & secundum pollicis os.

Paruus & manifestus, ut in articulis ossium metacarpij inter se, & cum quibusdam etiam ipsius carpi.

¶ Nullo

διὰ τὴν αὐτὴν
 species quæ ἀρδρῶ
 δια. dicitur.

Sub qua vari
 ant etiam ar
 ticuli ratione
 motus, qui a
 liquando ad
 est aut —

Nulla aut saltem paruo & im
 manifesto, ut inter prima pedij
 & tarsi ossa, ac in multis aliis
 articulis cum tarsi, tum carpi,
 quæ ita leui ἀρδρῶ δια iunguntur,
 ut nec tantillum moueri possint,
 & quasi per harmoniam coniun
 cta videantur.

Carnea, à qua quidem specie vinculi species
 quoq; fit διὰ τὴν αὐτὴν, quæ συσπῆκσις vocata est. V
 num autē est notandum, quod ista συσπῆκσις du
 plex est, vna de qua loquuntur Chirurghi medici,
 quæ est restitutio solutæ continuitatis quodāmo
 do in integrum, in quacunq; corporis parte, quæ fit
 crescente carne, atque cauum explente. Altera
 est, de qua loquuntur anatomici, quæ nil aliud est,
 quàm colligatio ossium extremorum simul carneo
 vinculo facta. Hæcq; de articulationis species est:
 quanquam Galenus improprie hanc inter species
 συσπῆκσις ad illam Chirurgicā fortasse συσπῆκσιν,
 quæ re vera σύμφορις est, respiciens connumeret. In
 qua anatomica συσπῆκσις illud etiam est obseruan
 dum, quod carnosæ partes ad exornandos potius
 articulos additæ sunt, vel ad iuuandas veras ac

OBSERVATIONES

nerueas copulas, quàm quod ipsæ per se primo articulos coniungant. Hæc pariter diuidi potest in quatuor species ratione analogiæ ossium, quemadmodum diuidebatur & συνεργίας, veluti in -

ἡγλυμοῦ, cuius exemplum reperitur in ipsis vertebris, cum musculi illi dorsales ipsa simul colligare videantur. Aliud exemplum est in radio & cubito, cum musculi, qui pronā aut supinam reddunt manum, præter primum mouendi munus, coniunctionem etiam hanc cardinatam aliquantisper coniungant.

ῥοχοειδῆ, cuius exemplum non ita in promptu habemus, nisi dicere velim⁹, musculos illos, qui 7. in loco à me enumerātur inter mouētes caput, vim etiā habere coniungendæ primæ vertebræ cervicis cum secūda, inter quas talis dearticulationis species continetur.

ἐνέφ' ὁρώσιν, cuius exempla sint in articulo femoris & coxæ, nec non in illo, quo humerus & scapula iunguntur: cum hi à carnibus recti, colligari etiam quodammodo videantur.

ἀφ' ὁράδιαν, cuius exemplum in promptu non est.

Carti-

B
 Cartilaginea
 vel mixta
 copula ex ner-
 ui substan-
 tia & carti-
 lagine, quæ
 mixta ma-
 teria νευροχον-
 δρωδης voca-
 tur. Cum i-
 taque à car-
 tilagine iun-
 gitur articu-
 lus νευροχονδρω-
 σις vocatus
 est, cuius iun-
 xta analo-
 giam variæ
 esse possunt
 species, ve-
 luti ---

γίγγλυμος, cuius ob partitionem
 ipsam mentionem feci, non quod
 exemplum inuenerim.

περοχειδης, de qua idem diximus,
 quod de cardinata specie.

ἐναρθρωσις, cum paruo motu, qualis
 reperitur in articulo pectoris, cum
 iugulo.

ἀρθρωδία, cum motu manifesto,
 uti in articulo acromij & iuguli, vel
 in articulis, quibus vertebrarum tan-
 tum corpora inter se ligamento car-
 tilagineo coniunguntur, quanquam
 harmoniam tales articuli quo ad
 proportionem emulentur. Sine motu
 verò ἀρθρωδία erit, coniunctio illa,
 quæ est inter os sacrum, & ossa il-
 lium, & quæ inter ossa pubis reperi-
 tur, & si ista posterior harmoniam
 quoque emuletur.

OBSERVATIONES

Iam ad ossa reuertamur, & primum ad caluariam ipsam, cuius formam naturalē satis doctē explicarunt anatomici omnes, atque vti hæc etiam variēt, monuerūt. Verum aliqui reperiuntur, qui quartam depravatā figurā in caluaria speciem dari asserunt, eandem quē proponi ab Hippocrate affirmant, à quibus ego libenter exorarem Hippocratis locum, in quo legere possim quartam hanc figuram. Nam Galeno consentio dari non posse, credo quē me pariter vidisse Venetiis puerum quendam stolidum, qui pro exemplo quartæ huius figuræ proponitur, cum tamen sui capitis figura ab hac multum, meo iudicio, distaret.

Quare a te peto, cum sis in hoc genere observationum valde versatus, vt si quam aliquando figuram huic similem videris, mihi significes, aut istud à Iohanne Baptista Capredono anatomico (vti nosti) exercitatissimo quæras, & locum Hippocratis, si in illum vnquam incideris, mihi demonstres, nam ingenuè fateor, ipsum ignoro.

In sagittali vocata sutura obseruavi. Quòd in omnibus puerulis, quos non paucos vnius anni secui, vsque ad narium ossa semper pertingit. Ita vt in omnibus puerulis, qui tenerrimi sunt, frōris os ex duabus cōstare partibus reperierim. In aliquot quidem vsque ad primum septenarium: in aliquot verò infra: raro in adultioribus reperi, semper autem ac perpetuo in iis, qui annum vnum non excefferant. Neque adhuc obseruare potui, an vera sit anatomicorum regula: quod sutura sagittalis producaturs vsque ad nares in iis, quibus lata admodum, & angulosa

losa sit frōs. Vti falsum esse optimè noui, quod hæc eadem futura sagittalis aliquando in infantibus occipitij os vsque ad medullæ spinalis foramen diuidat. Nam ego plurimos puerulos & vnius anni, & sex mensium, & duorum, & vnius quoque tantum ab exortu secui. Secui etiam & non paucos ante tempus maturitatis editos, qui octo, aut septem, aut sex mensium spacium in vtero impleuerant, neque vnquam hoc miraculum in his reperire potui. Cum tamen in omnibus fermè, qui nondum sextum vitæ mensem attigere, viderim occipitij os in extremo appice superiori quandam diuisionem continere, quæ ad sagittalem desinit. Verum nunquam hanc ad medullæ foramen pertingentem inspicere potui. Hocque illud vnum est, quod aut me, aut alios anatomicos (quod magis arridet) decepit. Quare hoc ita constituto ab errore minimè vindicari possunt, qui asserunt os, quod à lambdoide futura describitur, ex quinque, aut septem aliquando ossibus constare.

Sæpenumero etiam miratus sum, quomodo fieri potuerit, vt proportio illa futurarum, ac prominentiarum capitis, tradita à magno Hippocrate, ita probata sit ab omnibus anatomicis, quorum ego notitiam aliquam habere potui. Quod omnes vno ore asserant. Quoties anterior capitis prominentia perit, perit & coronalis futura. Dum perit posterior prominentia, perit quoque lambdoidis futura. Cum autem vtraque protuberantia deletur, ambæ etiam delentur futuræ, atque harum loco vna reperitur, quæ medium caput per longum, & altera, quæ me-

OBSERVATIONES

dium per transversum secat, inuicemque se secantes
μαστωδὺν faciunt, quem nostri decussationem appel-
 lant. Quæ opinio quantum à vero declinet, omnes
 qui uti ego feci in hac re laborare voluerint, apertè
 cognoscere poterunt. Nam primùm Ferrariæ, tùm
 Florentiæ, ac præterea ubicunque locorum mihi li-
 cuit, ingentes ossium acervos, ac strues maximas
 evoluerè, hac potissimum de causa, plurimas calua-
 rias, que penitus rotundæ essent vidi cum omnibus
 futuris. Vidi infinitas propemodum sine hac vel illa
 prominentia, in quibus tamen non deerat hæc vel
 illa futura. Vidi in aliquibus obliterated coronelem,
 & tamè prominebat frons. Vidi obliterated lamb-
 doidem, & nihilo secius prominebat occipitium.
 Vidi etiam capita sine vlla penitus futura, nullæque
 deerant prominentiæ. Gloriarì non possum me vn-
 quam vidisse decussationem illam in caluaria, neque
 hominem alloquutus sum, qui ipsam viderit. Præ-
 terea ut ingenuè sententiam meam tibi aperiã, nun-
 quam observaui aliquam futuram obliteratedam, ac
 ex toto deletam, nisi in caluariis senum, si rectè se-
 num caluarias cognoscere potui, assumpto veritatis
 argumèto, à crassitie ossis, ac duritie, atque ab ipsius
 caluariæ amplitudine. Cùm igitur ob vetustatem
 tantùm ipsius animæ hæreant futuræ, quod sym-
 ptoma procul omni dubio non accidit in prominē-
 tiis capitis, non video hanc necessariam esse conse-
 quētiā: Occiput non prominet, ergo vacat futura:
 vel vice versa: Deest hæc futura, ergo & prominen-
 tia. Meque summoperè cōfirmat in hac sententia,
 quod videam in regione temporum, in qua tantum
 abest

abest, vt adsint prominentiæ, quod ibi maxime caluaria omnes sunt depressæ, adesse suturas manifestissimas, & satis peruias. Neque datur locus obiectiioni, quòd futuræ hæ non sint, neque suturarum nomine ab antiquis, præcipuè ab Hippocrate donatæ fuerint, quod in 9 de vsu part. notauit Galenus. Quoniam potissimum suturarum vsum habet, cum ligamentum & vasa, quibus περιράνιον, & dura membrana cerebri iunguntur, admittant: atque ab Hippocrate (si liber de locis in hominibus Hippocraticus est) futuræ vocantur. Quamobrè enixè à te peto, atque ab omnibus aliis doctis viris, vt quid de hoc dogmate statuendum sit, quærant, ac publicis in monumentis librorum collocent.

In quinque ipsius capitis propriis futuris consensio cum aliis anatomicis. In sexta autè ab aliquibus proposita dissensio. Primò, quia illa futura non est, sed, potius harmonia quædam, etsi hoc quidem leue sit. Secundò, quia cùm os illud ad cribri imaginem formatum non tantùm capiti, aut cavitati caluariae inseruiat, sed etiam narium amplitudini, ea sui parte qua spongiam exprimit, & spongiosum ob id ab Hippo. est vocatum, ac simul cavitati vtrique oculis continendis destinatæ famuletur, ea parte, quam diuinus Vesalius opinatus est, esse os distinctum, ac pro tertio malarum recensuit, cùm tamen re vera istius cribri ossis communis sit pars. Nam cùm multiplex sit, cribrosa parte ipsi capiti, spongiosa nariû cavitati, plana verò ac lata oculorum sedi inseruit. Quamobrem si futura diuidens os πολύμορφον vocatum à reliquis ossibus, non inter proprias capitis,

c iij

OBSERVATIONES

sed inter communes futuras connumeratur, pariter hæc pro sexta propria non est censenda: cum os vel rectius partem ossis describat, quod capiti & maxillæ commune est. Si quis autem istius ossis veram imaginem cognoscere voluerit, non ipsum perpendat in adultis tantum, in quibus cum difficile à reliquis auellatur, frangitur, sed in puerulis vnius anni, nam in his luce meridiana clarius cognoscet. Et tertium malarum os dictum & spongiosum, & illud quod cribrosum appellamus, esse vnius atque eiusdem ossis partes, quod etiam in adultis percipere poterit, sed magna opus est diligentia, videbitque quantum decipiantur ij, qui nituntur ostendere duo ossa spongiosa ab hoc cribro distincta, quæ aliquando à carie Gallica exedantur, cum partes annexæ & connatæ dicto ossi sint.

Occipitij os tribus ex partibus constare proditum est. Vna quidem quæ à foramine medullæ spinalis incipit, ac desinit ad fines basilaris vocati ossis. Quod autem reliquum est totum, à sagittali sutura diuisum, constat in puerulis duabus ex partibus. Alij publicè in scholis aliquando asserunt hoc os ex quinque partibus, vel ex septem in puerulis constare. Quod vtrunque, ni decipior, à veritate alienum mihi videtur. Quoniam in omnibus puerulis, quasi vsque ad integri anni finem, quatuor tantum partes reperiuntur. Neque ex pluribus, aut paucioribus natura debuerat hoc os compingere, vt apertissime constabit: cum in opere magno vsum diuisionum & appendicum ipsorum ossium, quæ postea oblitterantur leges. Dictæ autem partes hæc sunt. Prima

ma est tota ea ossis amplitudo, cui hæret cerebellū, quæ uē à veris lambdoidis cruribus continetur. Hæc semper vna est, neque vnquam in duas partes diuisa. Quauis in summo appice aliquādo sectio quædam, sed breuis admodum appareat. Huic adduntur secunda, & tertia, quæ foraminis magni latera efformant, & *κορυφαὶ* vocatas eminentias continentes, ab additamentis lambdoidis futuræ describuntur. Quarta ac vltima pars ea est, quæ secundam, & tertiam copulans foramen anteriori in parte perficit, describiturque hæc ab extremis additamentis lambdoidis, atque linea illa, quæ additamenta dicta coniungens occipitij os ab axillari distinguit. Hæc ab aliis anatomicis dissentiens obseruauī.

De mammillari capitis processu gemino loquentes anatomici, in hanc communem veniunt sententiam. Quod factus sit non solum pro inserēdis musculis quibusdam, qui caput mouent, sed etiam ut sua ampla cauitate, qua insculptus est organis auditoriis inseruiat. Quod vltimum non vnde quaque à me probatur, cum in puerulis auditus organum (sicuti reliqua sensuum instrumenta) integerrimum sit, quod probant prima, secunda, & tertia cauitas, incus, malleolus, & stapes ossicula minima, quæ partes omnes integerrimæ sunt, neque per trāuersum pilum in puero vnus diei distant ab iisdem in senē decrepito. Cum itaque integrum & perfectum sit organum, atque mammillaris processus tunc temporis fermè nullus sit, nec cauernas habeat, non dicendum est, quod concameratæ illæ cauitates quæ postea succedunt, ob auditorium organū sint factæ:

OBSERVATIONES

quoniam necessario antequam dictæ cauernæ insculpantur, ipsum organum imperfectius fuisse fatemur, quod tamen minimè fateri debemus. Quare sequetur eundem usum has habere, quem reliquæ cavitates possident, quæ in basilari osse, atque malis post ortum sensim sculpuntur, cum eadem ratione atque eodem tempore fermè fiant. De hoc autem usu alibi dicam.

Propè mammillares processus, scio quòd obseruariis geminas, veluti acus osseas, quas anatomici fermè omnes processus vocât, atque *καλκτρὰ* à calcaris effigie vel *χαφιδεῖς* à scriptorio calamo, vel *συλοιδεῖς* à columnæ figura, & rectitudine appellât. Quanuis nō desint inepti, qui *συλοειδεῖς* scriptorio stillo similes interpretentur. Has acus *βελουειδεῖς* etiam dictas non esse processus (vt supra quoque notavi) assero, sed appendiculas. Nam in nuper natis pueris osseæ non sunt, sed cartilaginee, dumquæ augescunt corpora, ipsæ etiam crescunt, osseæquæ fiunt, atque ad quartam fermè annorum septimanam vsque per diurnam elixationem, vt accidit in appendicibus tenerrimorū ossium dehiscūt, separariquæ possunt quod nunquam in veris processibus accidere reperies.

In ossibus temporum plurima sunt antra & cavitates, inter quas tres sunt præcipuè, & magni momenti factæ à natura, vt auditus ipsius organa, & neruum anatomicorum expansum, puriorémque innatum, aut complantatum ab istis vocatū aerem contineant. Hæ ab aliquot anatomicis satis imperfectè, ab aliquot verò falso descriptæ sunt. Igitur quales.

quales sint audi, & vti collocata in se organa contineant. Incipiam primo ab exterioribus, atque ab illo præcipuè meatu, qui *πρὸς ἄκρως* dicitur. Hic meatus (loquor de parte ossea denudata à perioſtio atque à cartilagineo auriculæ canali) dum formatur à natura osseus annulus est distinctus à reliquis subiectis partibus ossis temporum, qui vt ego obseruaui in caluariis puerorum fermè vsque ad septimum mensem per cocturam seiungi potest. Quoniam cartilagine (vt multæ aliæ appendices) reliquo ossi incrustatus est. Huius rei causam fuisse opinor membrulam tympani, quæ in intimo meatu, primæque cavitare reperitur. Nam vt illa in formatione mollius aliquod haberet principium, vnde texeretur: natura hoc interstitiū cartilagineum inter os reliquum & meatum vel annulum dictum apposuit, cui subliniretur membrana. Extenditur autem ipsa, non per transuersum, sed obliquè, veluti si scriptorium calamus ea parte, qua deraſum & attemperatum dicitur, tensa membrana obstruamus, hæc enim nō per transuersum, sed obliquè calamus claudet. Idem fit à membrana in hoc naturali meatu, qui postea obliterateda crusta vnitur reliquo ossi & crescit, canalisque ossei effigiem integram exprimit. Causa autem istius obliquæ positionis membranæ est (vti opinor) primo, vt membrana magis recta respiceret cavitatem primam, quæ ipso meatu elatior est: deinde ne illius aer, aut aqua, aut quicquam aliud, quod meatum ingrediatur recta hanc membranam petat, ipsamque lædat. Ictus enim obliquus minus lædit, quàm qui recta fertur. Ab hac itaque membranula,

OBSERVATIONES

quæ myringa auris vocatur à barbaris, false creden-
 ribus, ipsā à tenui cerebri meninge oriri, incipit pri-
 ma cauitas, maiorque aliis duabus, quæ tympanum
 semper à me vocabitur, ob eam quam habet cū mi-
 litari tympano similitudinem. Locus istius præcipue
 est inter radices mammillaris processus, & sedem
 illam, cui caput maxillæ inseritur ad articulum. At-
 que principium processus illius, qui petrosus voca-
 tur, magisque in interna caluaria conspicuus est, in-
 sculptum in intimis præcordiis hoc tympanū con-
 tinet. In tympano tria sunt obseruanda. Primum of-
 sicula tria. Secundum fenestræ geminæ. Tertium ca-
 nalis quidam, veluti aquæ ductus: quibus tanquam
πάσπαρον, quarto in loco addi posset corpus quod-
 dam, quod veluti nerueū filum videtur. Tria autem
 ea ossicula sunt admodum parua & inter se duo-
 bus articulis compacta, in quibus incrustatio cartila-
 ginosa eadem adest, quæ in reliquis articulorum ge-
 neribus reperitur. Hæc antiquis anatomicis (si eorū
 scriptis fidem præstamus) ignota fuere, primūque,
 qui in lucem produxerit fuit Iacobus Carpēsis, pri-
 mus quoque procul omni dubio anatomicae artis,
 quam Vesalius postea perfecit, restaurator. Nam in
 isagoge anatomica, & in commentariis in Mundini
 anatomen, luculentam duorum ossiculorum men-
 tionem fecit, quorum historiam postea diuinus Ve-
 salius expoliuit, atque alterum quod prius est malle-
 olum, alterum verò incudem à similitudine appella-
 uit, simulque optimè descripsit. Tertiū (si nolumus
 debita laude quendam defraudare) inuenit ac pro-
 mulgauit primus Iohānes Philippus ab Ingrassia Si-
 culus

culus philosophus, ac medicus doctissimus, dum Neapolitano in gymnasio publicè anatomen doceret, atque etiam theoricam & practicam (vt aiūt) medicinam profiteretur. Nam vir ille, vt pater ex ipsius scriptis editis, ita in omnibus artibus nostræ partibus exercitatus est, vt consummatissimus medicus cum sit, merito etiam haberi & dici possit. Qua autem ratione tertium hoc officulum postea diuulgatum sit audi. Anno Domini millesimo quingentesimo quadragesimo octauo, quo ego primùm Pisis profiteri cœpi, cùm neque à Vesalio, qui multò antea, neque à Columbo ciue tuo, qui anno proxime superiori anatomen Pisis tractauerat, nulla fuisset facta mētio istius ossis, dum eam ego celebrarem, ad me venit quidam auditor meus iuuenis doctissimus, qui (si recte memini) doctoratus ornamentis iam insignis erat: Ingressiæquē affinitate coniūctus (nomen nunc memoria haud retineo) hicquē me monuit, Iohannem Philippum tertium officulum in tympano inuenisse, quod stapedis nomine ob figuram appellarit. Ego hac re commotus adhibito maiori studio officulum lætus inueni, statimquē publicè protuli omnibus admirantibus. Atque præterea Bartholomeo Madio sanctissimæ memoriæ medico doctissimo ac celeberrimo per epistolam communicaui: scripsi etiam de hac re quibusdam amicis qui Romæ erant, de qua, vt rescripsere, à Columbo, qui paulò ante anatomen tractarat nihil audiuerāt, neque ab ullo alio, cùm in Italia tunc temporis, vno excepto Iohanne Baptista Cannano medico & anatomico celeberrimo, nullus alius præter dictos

OBSERVATIONES

reperietur, qui doctè anatomen publicam docere potuisset. Hæc vera est divulgati inuenti historia. Et quanuis aliquādo meum hoc dixerim, aliiq̃ue illud idem de se affirmarint, Deus tamen gloriosus scit Ingrassiæ fuisse inuentum. Atque cum stapedis, aut staffæ nostrorum patrum effigiem gestet, meritò stapedis nomine ab eodem fuisse donatum. Nam superiorum temporum stapedes erant veluti triangulares orbes sine alio distincto foramine, per quod postea in nostris additum lorum traduceretur, situs istorum ossiculorum est talis. Malleolus, qui prior est, caudam vel pediculum insertum membranæ interna in facie habet, caput verò sursum tollitur versus anteriora. Huic capiti insidet incus, vel dens secundum ossiculum ea sui parte, quæ latior est, & leni quadam cavitare tuberculū dictum excipit. Cumq̃ue incus gemina crura possideat, altero quod brevius, crassiusq̃ue, & elatius est hæret parieti ipsius tympani, ea in parte, qua aquæ ductus labitur: altero verò oblongiori, graciliq̃ue, ac declivi coniungitur cum stapedis apice: qui quidem stapes sua basi alteram, quæ est superior, tympani fenestram claudit. Extrema verò horum ossium, quibus in articulum coagmētantur cartilagine, vti dixi, illita sunt, ac mobilibus quibusdam membranulis ligamenti vice colligātur mobiliaq̃ue sunt. Nam agitata vel concussa myringa, malleolus mouetur, & incus, & stapes, aut aperto sinu acu quadam vno ex his ossiculis agitato, reliqua duo simul etiam consentiunt. Si locus hic mihi concederet, vt possem sententiam meam de sono diffusè & clare explicare, quis sit vsus istorum ossium

ossium, & fortasse verus proponerem: sed nimis longum esset & ab instituto alienum, ideo alibi hoc scriptum reperies.

Secundum, quòd in hoc tympano obseruare debes, geminæ sunt fenestræ. Altera elatior & quasi in media concameratione tympani collocata, quam stapedis basis claudit: Figura istius oualis penitus est quæ aperta desinit in secundam cavitatem, quam labyrinthum nominabo. Altera verò humilior est, rotundaque & ad posteriora cavitatis declinās, quæ per os penetrans in geminum canalem aut viam finditur, quarum viarum vna in dictum labyrinthum, altera in tertiam cavitatem cochlearem, vel cochleam à me dictam tendit, hæc secunda fenestra nullo osse clauditur, cùm tamen prior stapedis basi semper clausa maneat.

Tertium quod ego obseruatione dignum existimo, canalis quidam osseus est, qui recto huius cavitatis quasi subtenditur, exitque extra caluariam post radicem clarius inter illam ac mammillarem processum. Principiū autem ipsius est intra caluariam. Nam si rectè inspicias, videbis quintum par nervorum, à reliquis anatomicis ita vocatum, extendi ad mediū fermè processum ossis temporum, quem internum atq; petrosum appellamus, illuc tēsum hoc par ingreditur in canalem quendam insculptum, in quo latens in duas finditur partes, alterā quidē magnam, alteram verò paruam & gracilē valde, duriorēque. Hæc posterior perforato osse occulto quodam canali versus anteriora capitis serpit: deinde reflexa tympanūque ingressa proprio hoc canali osseo deorsum & posteriora versus ad pinx ip-

OBSERVATIONES

sius auriculæ radicem erumpit, & disseminatur, vñ suo loco dicam. Via igitur istius nervi canalis hic est, de quo loquor. & aquæ ductum à similitudine appello, quem mea sententia non bene norunt reliqui anatomici, cùm tortuosum vel capreolarem vel cochlearem aliquando esse dicant, aut quod peius est, cæcum meatum etiam appellent non sine errore. Cùm sciant cæcum vocari intestinum, quia aditum habeat, exitum quæ minimè. At sic meatus exitum habet manifestiorem ipso aditu. Quod si tertiam cavitatem, cochleam à me dictam, cæcum meatum (cùm nullum veluti cochleatum testæ exitum habeat) appellarent, recte quidem facerent: verum ab isto meatu nullus postea nervus labitur ad exteriora à quinto pari, vt sit per dictum aquæ ductum, vel canalem. Hac curato mi suavisime pater vt Capredonus noster, qui alter Herophilus in anatomico mihi videtur, summa diligentia detecta tibi exponat, quoniam voluptatem non leuem hinc percipies.

Quartum, quod *πίπερον* appellavi, cùm ad ossa minime pertineat, quodque in hoc tympano observandum videtur, est filum, vel chorda quædam tenuissima, quæ per medium tympanum percurrent, incumbit vel attenditur illi articulo tantum, quo stapes cum altero crure incudis copulatur. Quidam nervulum id esse opinati sunt. Ego quid sit aperte fateor, ignoro. Aliquando arteriola, aliquando nervus videtur, pro nervo quidem ostendi, verum, vt dixi, hæsitans, atque pro nervo in posterum indicabo, donec in meliorem sententiam animus inclinet.

Tu pro

Tu pro acerrimo tuo ingenio eniteris veritatem discutere, atque discussam mihi communicabis. Hæc verò satis sint de tympano.

Secunda cavitas illa est, quæ labyrinthus potest appellari, in radice petrosi processus insculpta. Ab hac tres cuniculi oriuntur, & in eandem redeunt circulares penitus, à quibus nomē accepit ipsa cavitas. Quorum vnus est inferior, qui ab anteriori parte cavitatis diuertens versus exteriora, ac deinde reflexus in eadem cavitate, per posteriorem angulum recurrit. Alter cuniculus oritur ab eodem anteriori cavitatis angulo, sursumq; elatus, quasi ad ὀρθόγωνον, facto semicirculo iterum in cavitate per angulum posteriorem regreditur. Tertius oritur & occidit, aut finit in posteriori angulo cavitatis, nam inde ortus, perforatōque osse circulari quodam canali exteriora versus, illuc item reuertitur. Cū igitur hæc cavitas valde minor priore tot habeat meatus & cuniculos, meritò labyrinthus dicetur, in quam prospicit fenestra ovalis clausa à stapede, & altera orbicula, quæ etiam in cœcam cavitatem tendit, de qua iam loquar.

Est itaque tertia dicta cavitas valde minor duabus superioribus, atq; insculpta reperitur in eodem processu petroso in latere ipsius anteriori, interque hanc & canalem illum, in quem primum quinti paris nervi gemini, durus scilicet, & mollis integri ingrediuntur, tenuissimum quoddam interstitium ossium continetur. Nam in eodem situ pates sunt, verum canalis in medio processu, cavitas verò in anteriori ipsius latere est collocata, quæ duobus aut tribus

d

OBSERVATIONES

gyris in morem cochleæ constat, neque exitum habet. Vnde cochlea, vel cochlearis cavitates vel cœca etiam est dicenda. Hæc in intima superficie veluti etiam secunda cavitates & cuniculi eiusdem, & omnes etiam dentium naturales cavitates membranula quadam mollissima ac tenuissima vestiuntur, quæ an sit nervus expansus, an aliud, non refert. Hoc tamen certo scio, tria aut quatuor reperiri foramina minima, quæ in tertiam hæc & secundam cavitatem pertingunt à canali dicto, quem primum nervi quinti paris subingrediuntur per hos meatus paruos nervuli, à quinto pari dictæ membranæ communicari, aut ipsorum facultas & vires possunt, vel quod verissimile est, à dictis propaginibus membranula ortum ducit. Summa verò diligentia & arte ista veniunt tractanda. Quoniam meatus dicti ita parvi ac exiles sunt, ut vix capillum aliquando admittant. Principium verò cœcæ cavitatis oritur à secunda illa fenestra vel meatu, quem secundo in loco in tympano descripsi, quique bifidus effectus in labyrinthum quoque declinat. De usu verò & causis horum omnium alio in libro dicam.

Ad octauum os capitis ita ab anatomicis vocatum venio, ὀστέον τὸ οὐκ ἔχει σκελετόν à Græcis dictum, quod mutilatum suis partibus, cum commune sit capiti & maxillæ, tantum inter propria capitis recensuerunt. Nam, ut supra quoque à me dictum est, parte ea, quæ cribrum foraminibus emulatur, calvarię cavitatem explet. Illa verò, quæ σπογγώδης vocari potest, & à qua fortasse Hippocrates totum os σπογγώδες appellavit, ad narium cavitatem formandam concurrir,

rit, atque etiam oculi cavitatem, quam orbitam appellant. Nam os illud, quod à diuino Vesalio, tertio in loco recensetur inter illa, quæ malas explent, per se distinctum os non est, sed pars ipsius spongiosi, spongiosum verò totum additamentum est, vel pars coli: quemadmodum etiam processus ille medius, qui descendens partes narium superiores discriminat, eiusdem coli pars censenda est. Hæcquæ meridiana luce clariora sunt, quàm vt probatione egeant. Quamobrem totum os *ἡθωειδὲς* quadruplici partium genere constabit. Prima sit processus ille superior, qui iacet inter papillares cerebri processus vera odoratus instrumenta. Secundo pars illa, quæ cribri modo perforata est, sustinetque membranam iisdem foraminibus peruiam, à qua parte totum os cribri vel coli nomen sibi acquisiuit. Tertia sit processus alius in inferna parte situs, qui priori ex aduerso respondet, partemque narium superiorem distinguit. Quarta est spongiosa pars, atque cauernulis prædita, à qua totum (vt dixi) os etiam *σπογγιωδὲς* fuit vocatum, quæve vtramque narium superiorum cavitatem explet, oculique intimam orbitam perficit, quod os distinctum omnes anatomici numerarunt, atque etiam indicarunt in publicis dissectionibus, iis exceptis, qui à me admoniti, aut à meis auditoribus errorem agnoscunt, maleque præterea erga me grati sunt. Cùm igitur colum tot particulis constet, etiam in tenerrimis puerulis, totque efformandis partibus inseruiat, inter communia ossa erit recensendum, non autem octauo in loco inter ossa capitis tantum. Vsum, situm, & compages dicti ossis

d ij

OBSERVATIONES

præfens locus non requirit, eoque minus cum à Vesalio hæc optimè explicata sint.

Σφυγες os describentes anatomici prætermiserunt, quod in generatione ex quatuor partibus constat, quæ sensim postea ita connascuntur, ut cum infans ad septimum mensem, post ortum suum peruenit, vix distinctæ appareant. Partes autem hæ ita describuntur. Prima atque eadem crassior est, quæ quasi vera basis totius ossis videtur, mediâmq; propemodum basim capitis occupat, & transversa linea dirimitur ab extremo additamento ossis lambdoidis. Huius tanta est longitudo, quanta est magnitudo sellæ, quam insculptam habet ad continendam glandulam, quæ ex infundibulo cerebri pituitam colligit secundum anatomicos. Eadem cum secunda parte copiosa cartilagine copulatur, quæ quidem secunda pars ea penitus est, cui visorii nervi simul copulati primo hærent, atque disiuncti, dum oculos petunt, foramina inurunt. Hæc veluti alas geminas ossæas possidet, dextram & sinistram rimam efficientes, quæ maxime omnium in intima oculi cavitare apparent, atque transitum secundæ nervorum coniugationi, dum oculos petunt, atque aliquot aliis tertiæ, quartæ, & octavæ propaginibus ministrant. In hac eadem secunda parte in pueris (quavis spongiosa sit) nulla adest cavititas, aut sinus usque ad integrum annum. In adultis verò geminus reperitur & satis amplus, qui post primum exactum annum fieri incipit, & pro ossium incremento magnus aut parvus adest. Hic quoque sinus vestitur tenuissima quadam membrana, aut pellicula, veluti vesti-

vestiuntur etiam cavitates geminæ, quæ in osse frontis & malis contentæ sunt, quæque pariter in nuper natis caluariis non reperiuntur, sed interea dum adolescunt ossa fiunt. In dictis sphenoidis sinibus quædam anatomicorū sententiæ non placent. Quarū vna est, quod in ipsis pauca & mollis admodum medulla contineatur: hoc autem nunquam videre potui, sed semper aut vacuos inueni, aut pituita quædam viscida imbutos. Alia sententia est à quibusdam publicè promulgatà, quod sinus hi cum sinibus iis, qui gemini in osse frontis supra oculos & nares continentur, sint continui, quæ sententiæ falsa est: quoniā, ut illi in superiorem, anterioremve narium cavitatem declinant, ita hi in eandem amplitudinem posteriorem prorumpunt, spatiumque duorum transuersorum digitorum in adultis inter hos iacet, quod totum ab osse spongioso occupatur. Tertia & magis suspecta sententia est quorundam aliorum, nempe quod aer attractus per nares ingreditur cavitates geminas frontis, ibique tandiu seruetur, donec fluat, ad hos sinus à quibus ad cerebrū idem aer attrahitur pro materia spirituum. Hanc sententiam coarguit, & ridiculam indicat defectus dictorum omnium sinuum in pueris per integrum annum, & aliquando etiam diuturniore temporis spacio, in quibus tamen spiritus naturales recreantur. Ex his ego colligo licere cuique philosophari, at non semper sine errore. Verū redeamus ad secundam partem dicti ossis. In hac, qua respicit palatum quidam clauus, & ceu palus osseus inest, cui affigitur os satis longum ac latum in ortu carti-

d ii j

OBSERVATIONES

lagineū, vomeri vel cultro potius in aratro vomer
 præeunti simile, quod ab aliquot anatomicis negle-
 ctum, magnam operam in distinguenda narium ca-
 uitate dextra & sinistra præstat. Succedunt postea
 tertia & quarta pars, quæ inuicem simillimæ sunt, v-
 na dextra, alia sinistra, in his sunt processus alati, &
 quicquid inter illam rimā oblongam in oculorum
 cauitate positam, atque osse temporum continetur.
 In dictis quoq; partibus sunt foramina illa per quæ
 quinti paris neruorum propago minor, secundum
 diuinum Vesalium deferitur ad temporum muscu-
 los; item illa, per quæ secūdam eundem maior por-
 tio tertij paris & totum quartum par deferuntur ad
 linguam & palatum (quanquam hæc aliter multo se
 habeant, vt in explicatione dictorum neruorum au-
 dies.) Item illa, per quæ re vera ramuli arteriæ fopo-
 ralis per membranam duram distribuēdi feruntur.
 Hæ partes vna à dextris, & altera à sinistris cartilagi-
 ne colligantur cum prima tantū parte, ac solidio-
 re totius cunei formis, deinde versa in os cartilagi-
 ne ita connascuntur, vt ex tot partibus vnum tan-
 tū os *πολύμορφον* meritò dictum resultet, cuius pro-
 fecto si à me dictis ea addes, quæ optimè à reliquis
 anatomicis tradita sunt de ipsius figura, situ atque
 vsu, integram historiam habebis.

In ossibus capitis, & in futuris illis quibus iungitur
 aut propriis, aut communibus, quædam alia addere
 possem, quæ cum non sint admodum magni mo-
 menti prætermitam, atque od malas ipsas descen-
 dā, vno hoc interim obseruato, quod frontis os in
 pueris semper geminū est à sagittali diuisum per in-
 tegrum

tegrum annū, & aliquādo etiam vsq; ad septēnium diuisio hæc apparet, quæ postea coalescentibus ossibus oblitteratur, atq; rarissime in adultis reperitur.

In numero ossium malarum (loquor de propriis) primò à reliquis anatomicis dissentio. Nam diuinus Vesalius tertium addit in vtroque latere positum in oculi orbita, quod pars coli est, quare his demptis decem tantum erūt descripta ossa ab ipso. Aliquot alij sunt, qui vt numerum augeant, ac tredecim ossa numerent, spongiosa illa duo addunt, quorum mētio facta est in cribro, seu collo: verum vti constat, decipiuntur, cum illæ sint communis ossis partes, non autem propria malarum ossa. Quare ego certo assero vndecim tantum esse ossa malarum. Primum, secundum, quartum, quintum, & sextum, Vesalij oblitterato tertio, quæ postea ingeminata decem sunt, hisque addatur illud, quod vomeris figura constat, vt vndecim fiant.

In futuris etiam malarum dissentio, primum à Galeno, quoniam futurarum enumeratio, quam ipse in libro de ossibus facit, falsa est non solum in hominibus, sed etiam in simiis, canibus, & brutis ferè omnibus, quæ ego videre potui. Quanuis ab aliquot anatomicis falsa in hominibus, at in simiis, & canibus vera dicatur. Præterea dissentio ab iis, qui publicè testantur reperiri futuram sub palato per transversum ad vtrumque caninum pertinentem, quæ in pueris patet, in adultis verò ita oblitteratur, vt nullū ipsius relinquatur vestigium. Nam reperio hanc diuisionem, vel rimam potius esse, quàm futurā, cum os ab osse non separet, neque in exterioribus appa-

d iij

OBSERVATIONES

reat, vel cum os cum osse non coniungat, quod futurarum munus est, si sub articulo cōtineri debent. Præterea non mihi videtur hæc diuisio magis conspicua in pueris, quàm in adultis, in quibus paucissimis, atque iisdem senioribus vidi hanc esse obliteratam. Vltimò addam in quarto, secundū Vesaliū, malarum osse reperiri cavitatē insignem, & ita amplam aliquando, vt in illa articulus vltimus pollicis ipsius manus delitescere possit. Hæc in pueris nulla reperitur, illis crescētibus postea fit, atq; tenuissima pellicula interna in facie vestitur, & sæpe ac sæpius muco repleta est. Quis autem sit vsus huius & aliorum cavitatū, quarum mentionem feci, aliàs dicam.

In maxillæ partibus maximam illam controuersiam legisti, quæ inter Vesaliū & Galenū ipsum versatur? Hic enim ex duabus partibus constare asserit, ille ex vna tātum: quid ego obseruari dicam. In omnibus puerulorum cadaueribus, quæ ego secui, annum non excedētium, reperi maxillam semper constare ex duabus partibus ossis, copiosa cartilagine medio in mento coniunctis, ita vt cultro molliter per medium corrente seiungi potuerint. In iis verò, qui annum excefferant, magnam adhuc istius diuisionis partem reperi. In aliquot etiam, qui septennes erant, vestigia adhuc quædam inerant. Idem mihi accidit secāti caudatæ simiæ pullum, hic in Italia ortum, nam dissectam maxillam in mento reperi. In omnibus autem aliis caudatis & non caudatis simiis, quas plurimas secui, integrā semper reperi, vti feci in omnibus hominibus vltra septimū annum mortuis. Quāobrem pro Galeno dici posset,

set, ipsum de tenerrima maxilla loquutum fuisse. Quod si aduersarius respondeat, non decere dogmata de imperfectis partibus assumere, sed de perfectis esse tractandum. Addas hac quoque causa, errasse omnes anatomicos, qui de appendicibus ita diffusè loquuti sunt, cum illæ in imperfectis tantum ossibus, non autem in adultis reperiantur.

Sed vellem vt mecum obseruares mi doctissime Petre, miram alueolorum in malis & maxilla quoque naturam, quæ ea est, vt cum ossea sint, circa tamen propemodum videantur, nullamque stabilem formam aut numerum habeant. Nā ex his quidam renascuntur, quidam pereunt & obliterantur, quod fortasse incredibile videtur. At scias me hæc haud finxisse, sed in quamplurimis sectionibus priuatis ac publicis diligentissimè obseruata, meis oculatis auditoribus indicasse. Talis autem est istorum alueolorum natura. Quotiescūque aliquis dens euellitur, neque nouus repullulat, alueolus statim ille constringitur, atque consolidescit, nullumque ipsius vestigium apparet. Immo si cadat dens vnus, ac nouus pro ipso subrogetur, nouum pariter priori oblitterato sibi excauat alueolum. Ex quo ego colligo, quod vti vsque ad extremum senium in dentibus remanet virtus, qua crescant & formam capiant: idem etiam in malis & maxilla accidit, ideoque circa septuagesimum annum aliquando erumpentibus genuinis dentibus, noui formantur alueoli, & in ultimo quoque senio cadentibus ipsis, alueoli occecantur, quod non fieret, nisi viuifica illa vis formatrix, adhuc in ossibus viuens, reperiretur.

OBSERVATIONES

Ad dentes venio, in quibus dimittam disputationem de numero ipsorum, & de radicibus, quibus hærent: sed descendam ad formationem, in qua vnum observaui, quòd omnes dentes in se habent cavitatem magnam, aut parvam proportionem molis ipsorum, quæ cavitatis linitur quadam membrana tenuissima, exactissimoque sensu prædita, quæ in causa est, ut dentes sentire videntur. Hinc est, quòd caloris & frigoris sensum habent: humidi autem vel sicci nullum, neque etiam solutione continui dolent nisi hæc ad membranam pertingat. Rationem puto hanc esse, quoniam duri aut mollis, aut sicci vel humidi qualitas statim non communicatur membranæ, & ideo nullus sensus adest. At spiritus qui in substantia dentium continetur à calefacientibus, aut refrigerantibus patiens statim à parte post partem alterationem membranæ communicat, & inde sensus fit, quia membrana patitur. At in soluta vnione, in attritione, & collimatione, cum nihil patiatur membrana, nullus dolor aut sensus adest. Aliquot reperiuntur anatomici, qui asserunt (uti audio) membranam hanc conflari ex arteria, vena, & nervulo simul mistis, quæ tria vasa ad singulos dentes pertingunt. Verùm hæc sententia penitus similis illi videtur, qua anatomici aliquot antiquiores asseriebant ex nervo, cute, & carne, atque ossibus simul mixtis vngues constare, ut testatur Galenus in secundo de Adm. Anato. Quod ad radices dentium nervuli, venulæque

que, & arteriolæ perueniant, non est negandum. Verum quæ ratione ij, qui diuisionem tenerriamæ maxillæ in mento non viderunt, possint vasorum ita tenuium mixtionem Lynceis oculis perspicere non assequor, dicant quicquid velint. Nam si in intima cavitæte dentes videtur pulsare, dum inflammationem patiuntur, vt diuinus Galenus aliquando expertus est, id accidit, quia ad radicem dentis pertingit arteriola, quæ fortasse minima cavitatem ingreditur (quanuis oculis hoc non assequamur) non autem, quia hæc vasa simul mista membranam pariant.

Quoniam forma arteriæ tunc corrupta esset, & per consequens pulsandi actus. Sinus iste totum occupat dentem, ea excepta parte, quæ gingiuis denudata est, quæ solidior ob cibos atterendos requirebatur. In hoc quoque caries dolorosa subnascitur, vermesque aliquando colliguntur, qui hominem mirum in modum excruciant. Quare optimè ipsum obseruabis.

Sed hoc vnum audi in iisdem dentibus quod minimè placet. Anatomici quia vident in puerulis aliquando euelli dentes, qui in extremo imperfecti sunt, atque molles, & quasi cauati, in hanc sententiam venire, dentes appendicibus donari, quæ cadant subcrecente reliquo dentis cuiusque exordio. Quod re vera minimè dixisset diuinus Vesalius, si in perficienda arte (quod genus laudis minimè illi detrahi potest) dili-

OBSERVATIONES.

gentissime obseruasset puerulorum caluarias, & precipue eorū, qui per abortum imperfecti adhuc nascuntur. Quare vt rem hanc optimè cognoscas, de dentibus tibi pauca quædam differam.

Dentes duo habent tempora, quibus gignantur. Alterum quidem in vtero post malarum generationem, quo tempore duodecim numero formantur in malis, & totidem in maxilla, sex scilicet in vtroque latere dextro, & sex in vtroque sinistro: ex quibus quatuor sunt incisoriij vocati, gemini canini, & sex maxillares: tres scilicet in vno quoque latere collocati, qui omnes dentes, sed imperfecti, ac sine radicibus latitant in suis alueolis, qui pariter duodecim sunt sub integris ipsis gingiuis, vt ego pluribus in cadaueribus obseruauī. Notandum tamen est, quòd semel, aut bis ad summum in hac prima dentium generatione, in maxilla, aut superioribus malis quatuor tantum reperi maxillares geminos ytrinque, qui quatuor collecti, additisque reliquis sex denarium numerum tam in malis, quàm in maxilla explerunt. Dentes hi dum nascitur puer, diuersa ex materia constant, altera ossæ & dura, altera molli. Nam prior pars qua erupturi sunt, ossæ & caua, posterior verò mollis admodum & humida est: atque pellicula quadam tenui vestita videtur, quòd etiam in origine pennarum, dum adhuc teneræ sunt, apparet. Quoniam pars illa, quæ extra cutem prominet, cornea & dura est: illa autem, quæ in alis latitat mollis, humidave, & ceu sanguis, vel pituita concreta apparet. Ita in his dentibus, quod primum est durum ac ossæum, quod medium aut vltimum

timum latet, illud molle, & veluti concretum phlegma videtur. Hoc erumpentibus ipsis sensim, & sensim obdurescit, osseumque fit, & intus excavatum in radices formatur. Quamobrē accidit, quod si nos elixemus caluariam nuper nati, sed perfecti pueri, per cocturam dissipata parte posteriore ita molli, ea tantum, quæ ossea gingivas excessura erat, relinquatur, & pro dente agnoscat. Quod si cruda caluaria secetur, pars etiam posterior nulla difficultate poterit cognosci, quæ in vivente animali sensim & sensim obdurescit, & ossea, ut dictum est facta, spatio plurimum annorum formatur. Quare accidit, ut circa septimum annum, aut paulo ultra citràve euulsi dentes, aut à suppullatibus expulsi imperfecti, & quasi appendices quarundam radicum quæ adhuc relictæ sint, videantur. Quoniam lacerto dente pars mollis cum pellicula ipsa relictæ sit in alveolo, aut à supplantante alio, qui priorem extrudit, sit corrupta.

Alterum verò tempus, quo dentes gignuntur, est postquam in mundum venerit fœtus ante septimum annum. Nam latentibus quibusdam seminariis generationis, in malarum ossibus decem gignuntur dentes in utraque, superiori scilicet, & inferiori, quinque in latere dextro, & quinque in sinistro. Ex his quatuor sunt incisorij: duo canini, & quatuor maxillares: quorum maxillarum duo sunt illi, qui proxime caninos sequuntur: duo quoque illi sunt qui à philosophis & græcis *σφενδαμνες*, & à nostris genuini vocantur. Ex istis sex anteriores dum erumpunt, primores extrudunt, atque in eorum loca succedunt:

OBSERVATIONES

quod si accidat casu, ut occulta aliqua de causa, aut negligentia nutricum primores minimè vellantur, aut per se cadant: posteriores hi nihilo secius strata sibi via per novos alucolos in malis quidem ut plurimum extra, in maxilla verò intro erumpunt. (Quavis etiam variet ratio hæc) videturque novus dentium ordo exortus, qui historicos pariter & anatomicos sæpe delusit. Ex reliquis quatuor, qui maxillares sunt: duo ultimi genuini nunquam alios sua è sede exturbant, cum circa tertiam annorum septimanam, & ulterius etiam usque ad decimam exoriantur. Alij vero duo aliquando primores maxillares expellunt, aliquando (quod frequentius est) ad latus eorum exorti numerum omnium augent. Loca in quibus primum crescunt secundi ordinis dentes, sunt genuinorum quidem extremi malarum fines, Maxillarium vero locus immediate sub radice illius maxillaris est, qui in generatione fœtus primus post caninos sequitur: quique aliquando à nouo expellitur (vtri dictum est) aliquando autem non: sed inter ipsum atque caninum proximum novus sibi sedem collocat. Caninorum autem sedes est sub extrema radice vtriusque canini veteris, quæ cum in malis ipsis sit valde alta, inferiorem quasi oculi ambitum ac foramen illud, per quod tertij paris nervus ad faciei partem illam emittitur, tangit. Incisorium præterea illorū, qui in vno latere sunt (nā duo sunt dextri & duo sinistri) alter, qui exterior est inter caninū & incisorium subiectum: alter verò inter hunc & illum pariter incisorium, qui interior est, locum sortitur. Qui omnes postea dentes, dissipato osse erumpentes

pentes in auras veniunt extrusis, aut cadentibus iis, qui prius extrabant. In ipsis autem generationis modum hunc observaui. A viuifica facultate agente spiritu (vtri opinor) excavatur, os simulque gignitur folliculus membranæus, qui geminum apicem possidet, alterum posteriorem, cui neruulus, & arteriola & venula applicantur: alterum verò priorem, à quo veluti cauda quædam pendet neruea, quæ per foramen ossis angustissimum ad latus illius dentis, cui nouus succedurus est, vsque ad gingiuas egreditur. In hoc folliculo concrescit materia quædam alba tenaxque, & tandem dens ipse in priori tantum parte osseus, & in posteriori ex materia dicta constans, quod etiam in iis, qui in vtero geniti sunt accidit. Erumpit autem vnusquisque dens per id foramen dilatatum, per quod antea angustissimum existens transmittebatur folliculi cauda à me dicta: Atque folliculus disrumpitur, & dens nudus, durusque extat, temporisque successu in partibus posterioribus perficitur. Hæc multo sudore, & longo temporis spacio adhibitæque omni diligentia vera esse observaui, neque dubito si tu laborem hunc vnà cum Capredono nostro subire volueris, quin sis historiam hanc approbaturus.

Multa sunt foramina in ossibus malarum, atque ipsius caluariæ in quorum numero & vsu à reliquis anatomicis discrepo sed quoniã fortasse, quæ maioris sint momenti expectas, idèd alibi de his tractabo. Afferunt anatomici os, quod à similitudine vocis dicitur, habere additamèta superiora, quibus iungatur cum processu styloide, quæ additamèta nunc tribus nunc qua-

OBSERVATIONES

tuor officulis & quasi internodiis consistunt, quorum utrumque nunquam ego videre potui, sed ferme semper reperi additamenta hæc, vnico osse & satis breui ac gracili constare, quod ad stiloidem processum nequicquam pertingeret. Verum illi per ligamentum nerueum satis longum adnectebatur. Sæpe ac sæpius etiã reperi corpora mollia, qualia sunt foeminarum, habere os *υοειδές*, sine his additamentis superioribus, ipsorumque loco adesse ligamenta eadem longiora, quæ ab hyoidis osse medio, vsque ad styloiden utrumque peruenirent. Vellem ut hoc in osse diligenter usum peculiarem, ac potissimum perpenderes, de quo ego à reliquis anatomicis dissentiens, alibi tractabo.

Sub osse dicto collocatur larynx, constans ex quatuor cartilaginibus: prima quidem scutiformi, ita ab anatomicis dicta: altera, quæ ab annuli, quam habet similitudine, *κρικαειδής* dici potest, quãuis ab anatomicis sine nomine sic dimissa, tertia ex duabus constat, quas pro vna tantum recensent anatomici, & *αφ' υ ταινοειδής* vocant. Hacque ratione quatuor sunt. Ex dictis primam & secundam reperi aliquando in valde senibus osseas factas, neque solum in decrepitis, sed etiam in primo senio constitutis. Tertiam verò, vel ut rectius dicam, tertiam & quartam, osseam nunquam vidi. Neque possum illorum opinionem probare, qui laryngem osseam, non autem cartilagineam esse volunt. Quod si aliquando cartilaginea reperitur, imperfectam tunc esse asserunt. Quoniam natura destinauit partem hanc, ut ossea esset, non autem cartilaginea. Quæ sententia, si vera esset, seque-

sequeretur homines integrum vocis organum usque ad consistentem ætatem non habere: quod minimè concedi potest. Deinde, si illud corpus cartilagineum, quod temporis successu osseum fit, dum cartilagineum est, si imperfectum dici debet, procul dubio cartilagine illæ, quæ costas cum osse pectoris iungunt imperfectæ dici debent. Quoniam in vetustissimis animalibus osseæ fiunt, quod tamen minimè dici debet, cum valde perfectiores sint, dum puræ cartilaginee sunt: quod ex usu ipsarum facile patere potest. Vnum notavi in prima laryngis cartilagine, quod quando ossea fit, primum obdurescere incipit in partibus lateralibus lineaque illa media prominens, veluti angulus cartilagineus relinquitur à summo ad imum, qui tandem & ipse osseus fit. Hoc posset quibusdam non valde exercitatis imponere, dum crederent istam cartilaginem geminam esse, non autem unicam. Verùm si rem in senioribus valde quæsierint, reperient omnia ossea, errorémque facile agnoscere poterunt. Quamobrem te vnum oro. Quod Capredonum meum admoneas, virgeasque ut omni adhibito studio hæc obseruet, & si quid contrarium adinuenerit, mihi quoque significet.

Ad dorsum venio & totam medullæ spinnam, in qua ab anatomicis dissentio, cum ipsi asserant maiora esse foramina vertebrarum superiorum, quam inferiorum, quod falsum est, vna excepta prima: nisi magnitudinem hanc meriantur cum amplitudine totius vertebræ. Nam maius est foramen secundæ & tertiæ cervicis, respectu magnitudinis vertebræ

OBSERVATIONES

ipsius, quàm sit foramen secundæ, aut tertiæ lumborum eadem seruata ratione. Verùm si conferantur foramina inter se, quod ipsi anatomici faciunt, dum medullam continuò, cùm descendit, magis diminui, & ob hæc foramina angustiora reddi asserunt: non possum ego artes ipsorum tueri, aut ab accusatione vindicare.

Credo præterea, quòd à Capredono nostro audiueris, me opinari vnà cum reliquis anatomicis, vertebrarum corpora appendices habere supra, infraque. Quam sententiam diligentius postea ruminans, reperi aliqua ex parte falsam. Nam re vera appendices non sunt, sed extrema ipsius ligamenti cartilaginei vertebrae intercedentis quæ in ambitu exteriori, semilunari quodam circulo duriora, atque ossea facta supercilium dictorum corporum, anteriori tantum in parte augment. Verùm in media aut posteriori parte, vbi foramen medullæ adest, nihil tale reperies. Hinc accidit, quòd in durissimis vertebris coctis aut crudis, cum ipsorum corpora nudata sunt à ligamento, adest quidam veluti colis semilunaris, qui qui ab anteriori margine ad posteriorem vsque partem decliuus est. Hoc verum experimentum confirmat præterea ratio, quoniam si sciamus verum appendicum vsum, aperte cognoscemus nullum in his ossibus ipsarum esse opus.

Verum in his vertebris vnum obseruato quæso, quod ego maixima cum animi voluptate fortasse primus obseruauit. Ipsas ex tribus partibus ossis cum oritur puer, & quasi per integrum annum consistere: quarum vna est corpus ipsum, geminæ reliquæ
illa

illæ sunt, quæ foraminis medullæ latera efformant. Hæ corporis lateribus dextro & sinistro, & inter se ubi spina est, cartilagine ligantur, quæ postea ossea facta iuncturas delet. Hoc in omnibus verum est, excepta secunda, quæ ex quatuor partibus constat, corpore videlicet, & duabus posterioribus, quæ latera constituunt, & quarto dente, qui quavis processus vocetur ab omnibus anatomicis, est tamen re vera appêdix, nuclearis figure, quæ postea ita ligatur conuersis omnib⁹ cartilaginibus in os, ut pars vertebræ & processus, potius quàm appêdix esse videatur. De prima vertebra tecum libere agam, doctissime pater, (ingenuitatem quæso agnosce) hæc me decepit, quoniam in pueris, qui maturè orti statim mortui sunt, mihi visa est constare ex quinque partibus, in aliquot verò aliis ex tribus tantum. Cum ex quinque constabat tales erant. Prima illa erat, quæ anterior loco corporis collocata cum dente ligatur. Secunda & tertia laterales erant, in quibus cum inferiores, tum superiores sinus insculpti sunt, atque hæ dictæ partes secunda & tertia aliquando mihi visæ sunt puræ cartilagine. Quarta præterea & quinta illæ erant, quæ reliquum totum foramen perficiebant. Cum igitur secunda & tertia puræ cartilagine essent, tres tantum partes osseas reperi, primam scilicet, quartam & quintam. Sed hoc aperte fateor me ob tenuitatem non ita certo eius historiam, sicuti reliquarum omnium tenere. Verum mihi parcas, quoniam non omnia possumus omnes. Alius superueniet, qui aliquid adens hæc mea perpoliet, aut ego, ni vires desint, idem in alio opere perfaciam.

e ij

OBSERVATIONES

De ea posteriori parte vertebrarum, qua spina constituitur, scias ipsam totam cartilagineam esse, ac deinde osseam factam appendicis modo reliquis partibus adglutinari.

Tam si uersi processus vertebrarum thoracis antequam durum fiat animal multa in extremis donantur cartilagine, quæ deinde ossea facta, & tuberculum, & cavitatem vel sinum cui inseritur, costa efficit, videturque & est appendix dictorum processuum.

Thoracis vertebrae undecim nunquam videre potui, duodecim semper reperi, duobus cadaueribus & maribus quidē exceptis, in quibus ob adauctum numerum à duabus costulis ita paruis, ut rudimenta costarum potius, quàm costæ viderentur, tresdecim reperi vertebrae: verum in lūbis quatuor tantum numerabantur. Atque coarticulatio illa, quæ in reliquis hominibus in duodecima esse solet, in his cadaueribus nihil variabat.

Antiquiores anatomici, quod dixerint os sacrum ex tribus, aut quatuor constare vertebrae, accusantur acerrimè à recentioribus. Quoniam istud os constet ex vertebrae sex, aliquando autem ex quinque, ut ipsi asserunt. Ego autem obseruavi frequentius ex quinque partibus, quàm ex sex constare: vnumque aliud notaui, quod quotiescūque in corporibus à me dissectis, reperi os sacrum ex partibus sex constare, κόκκυξ ex tribus tantum factum erat, & in quibus reperi κόκκυγα ex quatuor constare, in iisdem sacrum ex quinque tantum inueni.

His præterea addas, quod in nuper natis puerulis,

partes

partes sacri ossis reliquę superiores vertebrę ex tribus constat particulis: corpore scilicet, & duabus, quę latera posteriora constituunt, foramenque medullę perficiunt: quę etiam partes ita vniuntur postea, vt nihil diuisionum appareat.

De coccyge, quę habeo dicenda, hæc sunt. Ipsum totum, dum oritur puer, esse cartilagineum, & quatuor ex partibus constare, si sacrum ex quinque, vt dictum est ossibus factum sit, ex tribus vero tantum, si sacrum ex ossibus sex constiterit. Cartilaginee istę vsque ad septimum ferè annum naturam suam seruāt, præcipuè tres extremę, postea incipiunt in ossium naturam verti, itaque solidari, vt non tria ossa, sed vnum tantum (cum simul conuascantur) fiant. Figura harum partium non rotunda, sed lata est, totumque os in rostrum veluti acutum desinit.

At magne admirationis mihi datur occasio: cum videam à Galeno propositum coccygem, qui neque humani, neque simiarum dicto ossi respondet. Quoniam ex tribus ossibus à Galeno descriptis: tertium, quod & vltimum est in simiis non caudatis, à me non reperitur perforatum, neque per illud medium medullę extremum egreditur, vt asserit Galenus. Neque etiam inter ipsum & secundum oritur tertium neruorum par, ex iis tribus, quę à coccyge prodire idem testatur. Talisque præterea est istorum trium ossium structura, vt potius (si mihi liceat ab antiquorum placitis recedere) dicendum sit, esse alteram ossis sacri partem, quàm coccygem: quod quidem sacrum os in simiis quoque ex sex partibus constet, careatq; coccyge, cum illo minimè eguerit

OBSERVATIONES

hoc animal. Primo, quia ut sine cauda esset, à natura est constitutum, cuius caudæ pars, vel cuius loco coccyx in quamplurimis animalibus reperitur. Secundo, cum simia habeat nates præter modum graciles, immo sine natibus animal sit, ideo non egebat tanta dorsi productione. Nam coccyx in hominibus est veluti aditamentum dorso additum ob ipsum indicem tantum. Quoniam propter amplitudinem natium intestinum rectum erat producendum, aliter incommoda fuisset se cum egestio: cumque natura ad hoc egeret osse, cui musculus ani, totamque sedem alligaret: quòve intestinum ipsum fulsiret, hac ratione, uti ego opinor, in hominibus additus est coccyx. Quare cum simia non caudata minimè egeret coccyge, merito natura, parte hac illam mutilavit. Divinus autem præceptor Galenus cum coccygis factam mentionem legisset in scriptis Herophili fortasse, aut alterius, ultimam ossis sacri partem infima illi ascripsit. Hac mihi pater coniectura sit, non autem lex lata, confirmatave. Iam verò in caudatis simiis quomodo res ista sit constituenda, non ita mihi compertum est: Non ob eam quidem rationem, quod omnia apertis oculis non inspiciam, mihi que tota res nota non sit, sed quoniam reperio vertebrarum magnum esse numerum (octo enim sunt) per quas medulla extrema transit, & à quibus nervorum, ultima paria oriuntur, ultima excepta, per quam mediam extremam medullæ elabitur in nervum simplicem formatum. Ex his autem ossibus quatuor sunt, quæ maximam connexionem, & figuræ proportionem inter se habent, Hæc eadem superiora & maiora sunt, quorum

quorum duo priora cum ossibus illium connectuntur. Ab his quatuor neruorū paria prodeuntia, veluti ab osse hominum sacro ad anteriora æquè ac ad posteriora feruntur. Post hæc sequuntur alia quatuor per quæ media fertur medulla, neruūq; inde exortū ad latera posteriora, vti in vertebris dorsi tantūm disseminatur, per sinus à processibus ascendētib; & descendētib; factos elapsi. In extremo autem illorum reliquæ medullæ, vt dixi, finiunt. Dictorū vero ossiū connexio, & figura tantā analogiam inter se habent, vt vnius classis profecto sint. Quare ego dixerim, aut omnia hæc ossa, quæ 8. sunt numero sacrum in caudatis simiis explere, & quicquid ossium ultra hæc est additum ad exornandā caudam, pro coccyge illud totum fuisse adiunctum. Aut priora quatuor sacrū os explere, & reliqua, quæ subsequuntur quatuor coccygem: quod consentaneū erit sententiæ Galeni, cum in 12. de vsu partium cap. 12. sacrum os ex quatuor constare partibus dixerit. Hæc de osse sacro & coccyge tam simiarum, quàm hominum satis dicta sint.

De costarum numero quid dicam? nihil aliud habeo, quàm quod nunquā vndecim inuenerim, duodecim fermè semper, bis autem ad summum vnam superadditam reperi, credōq; maiori ex parte illos, qui vndecim se vidisse testantur, inter coquendum duodecimam aut amisisse, aut nimia coctura eliquasse. Addam caput illud summū, quo vertebrarū corporibus hærent costæ, appendicē esse, veluti appendices quoque sunt reliquorum ossium capita, quibus inuicē articulantur. Idem assero de processibus

e iiij

OBSERVATIONES

illis, quibus costæ iunguntur cum transuersis processibus vertebrarum, nam appendices re vera sunt, non processus. Si aliquando legeris apud aliquem anatomicum scriptorem, quod costarum partes, quæ vertebris alligantur, sint duriores, ac solidiores reliquis istius rei memor sis, me contrarium penitus reperisse, cum medias ac laterales partes in iisdem longè duriores viderim.

Mirum fortasse tibi videri poterit: quod ego asseram omnes, quos hucusque legerim scriptores, in osse pectoris describendo negligentiores, quam par erat fuisse. Veruntamen sententiæ meæ postea acquiesces, si primo obseruaueris Galenum loquentem de osse pectoris simiarum, dixisse in libro de ossibus ad tyrones, illud ex septem tantum ossibus constare, quæ synarthrosi cohæreant. Quod ego falsum reperi in omnibus simiis, quas adhuc secui. Nam in illis (de non caudatis loquor) octo semper ossa inueni, atque illud, quod octauum præmittitur à Galeno, quodq; re vera ob cartilaginem mucronatam factum est, longius reliquis omnibus vidi: quod etiam negligentiae crimen auget. Deinde si in memoriam renocabis ea, quæ à recentioribus de his partibus dicta sunt (tres enim vel ad summum quatuor esse asserunt) eos negligentiores fuisse reperies. Nam si de numero ossium loquuntur, quibus constat totum os pectoris quando formatur fœtus, errant, cum dicunt quatuor vel tria esse: Quoniam vno excepto primo reliquæ partes penitus cartilaginee sunt. Sin autem de numero illo verba faciunt, quo constat os dum puer oritur, aut dum vnus mensis,

sis est, adhuc errant: Quoniam octo tunc numero sunt ossa cartilagine multa inter se distincta, quorū septem pro cartilaginibus costarum compaginandis, & octauū pro mucronata cartilagine fuit factū. Quod si de adultis & perfectis corporibus loquantur: tantū abest vt verus sit propositus numerus, quod vnicum os, vt plurimum reperitur. Quamobrem quid ego obseruari audi. Generatur hoc os & necessariō ob articulos costarum ex pluribus cartilaginibus, quæ postea ossa fiunt, suntque octo numero, vt etiam in simiis apparet, tot enim sunt ossa pectoris, quot sunt integrarum costarum paria, at in homine sunt septem ista paria. Septem ergo erūt & partes istius ossis. Et quoniam mucronata cartilago fundamentum, cui hæret requirebat, ob id octauum est additum. Ossa autem hæc quotidie duriora fiunt, & per integrum fermè annorum septennium distincta manent. Hoc exacto coniungi statim incipiunt, & pauciora fieri, ita vt sex tantum appareant vno facto osse ex quarto & quinto, & alio ex sexto & septimo. Præterea verò vnio hæc magis crescit, & quatuor tantū reperiūtur ossa facto coalitu inter tertium, quartum, quintum, sextum, & septimū, ita vt vnicum os tantū appareat. Nam quod latius ac primum erat os, in hoc sensu adhuc integrum manet. Idem accidit secundo, & idem vltimo, cui hæret cartilago mucronata. Reliqua omnia media in vnicum os conflātur, numerusque quaternarius resultat, qui etiam temporis cursu ac durescente corpore obliteratur: cū facto coalitu inter secundum & tertium, tria tantū remaneant. Accedente au-

OBSERVATIONES.

tem homine ad virilem ætatem os vltimum vnitur secundo ex pluribus facto, & duo tantum remanent, primum scilicet illud quod latius genitum est, & alterum quod ex illis septem est conflatum. Verum post cōsistentiæ annos, quo tempore etiam capitis futuræ oblitterari aliquando incipiunt, accidit, vt articulus, qui inter duo hæc ossa continetur, per coalitum deleatur, & vnicum os tantum fiat. Hæc ego in multis cadaueribus variarum ætatū dissectis summa diligentia obseruavi, quæ si volueris poteris certo cognoscere maxima ex parte vera esse.

In scapularum historia à reliquis anatomicis in hoc primum dissentio: quia asserunt ossiculum internum, quod rostri modo prominet prope cotylen, processum esse, atque aliquot ex his asserunt ipsum appendice donari. At ego testor processum minimè esse, sed appendissem penitus, neque noua alia appendice donari, cum tota in generatione cartilaginea sit, atque ossea deinde fiat, & appendicum modo scapulæ per cartilaginem ad septemnium vsque adglutinetur. Hoc exacto cartilago media in os vertitur, ossiculumque ipsum processus & non appendix apparet, hæcque ratione anatomicos decipit.

Vellem mi pater, vt cum dabitur otium, mea causa tantillum subires laboris in inuestiganda veritate. Quid sibi voluerit Hippocrates in primo de Artic. statim in initio vbi pluries mentionem facit ἀρρωμία & ἐπρωμία, mihi que postea significares, quid per has voces intellexerit bonus ille senex. Quoniam video anatomicos minimè inter se concordēs. Nā vt à posteriori voce incipiam) Vesalius & alij anato

mici ab ipso fumentes asserunt musculum deltoidē
ἐπωμίδα vocari: quod ergo apud nullum scriptorem
 veterem adhuc reperire potui. Legi quidem apud
 Galenum hunc musculum *τῆς ἐπωμίδος*, vel *πρὸς ἐπω-*
μίδα, vel musculum *τὴν ἐπωμίδα κατεληφότα* voca-
 ri, & apud Oribasium 25. collectorum similiter ap-
 pellari observavi. Deinde legi apud Ruffum Ephre-
 sium in primo & secundo de appellatione partium
 hominis hæc verba. *Τὰ δὲ ἀπὸ τῶν τερόντων ἐπὶ τὸν ὤ-*
μοις κατέκοντα ἐπωμίδες, quæ sententia eadem peni-
 tus cum sententia Galeni est, qui in primum de Ar-
 ti. Hipp. com. tex. 4. ait *ἐπωμὶς δὲ, τὸ ἐπ' αὐτῷ τῷ ὤμῳ μί-*
εος ἐπιτενέμενον ὡς ἐπὶ τὸν τράχηλον. Ex quibus collige-
 re possumus, quicquid ultra humerum ad cervicem
 usque continetur, illud totum *ἐπωμίδα* vocari,
 quod contra falsum videtur esse ex sententia alia
 Galeni in eodem libro in comm. text. 61. & a-
 libi ubi de deltoide musculo loquitur. Item ex
 sententia Oribasij loco dicto, quoniam uti scri-
 bunt musculus *δελτοειδὴς* epomida occupat. Si ergo
 deltoides, ut in anatome apparet, non est in regio-
 ne supra humerum ad cervicem usque: sed infra a-
 cromium, atque epomida occupat ex autoritate
 horum: sequetur in cōstanter epomidis locum esse
 assignatum. Hanc varietatem auget Polux, qui lib.
 2. ait *κλειδῶν δὲ τὸ μὲν πρὸς ὠμοπλάτες ἐπωμὶς, & pau-*
λο infra subdit. Τὸ μὲν ὑπερέχον τῷ βραχίονος, ἡ κεφαλὴ
καὶ ὤμος κεφαλὴ καὶ ἐπωμὶς, &c. Ut ergo colligamus,
 si vox ista *ἐπωμὶς* est musculus deltoides, vel
 est regio, quam occupat hic musculus, vel illa
 est, quæ inter cervicem & humerum iacet: vel

OBSERVATIONES

est claviculæ pars scapulis coniuncta, vel tandem
brachij ipsius summum caput. Meritò dixi, anatomi
cos ipsos inter se minimè consentire: atque lucis lo
co maximas huic parti tenebras inspersisse. Quid i
gitur apud Hipp. per ἐπ' ὤμους intelligendum sit, pe
nes te iudicium esto. Ego hanc coniecturam, ne ra
citus difficultatem proposuisse videar, in medium
afferam. Cùm ὤμος p. ud Hipp. duo significet & ar
ticulum ipsum humeri, & brachij etiam caput, quod
in articulo continetur, ἐπ' ὤμους vocari autumo ex
ternum illud caput, ac minus, quod partim ab appen
dice, partim verò à brachij ossè, qua iunctum est ap
pendici formatur. Quanquam Vesalius totam appen
dici ascribat, quod tamen nihil refert. Tuberculum
hoc parvus veluti humerus est, maiori ac verò hu
mero superadditus, vnde ἐπ' ὤμους dicta est. Hoc à del
toide musculo occupatur, atque digitis ipsis in vi
uentibus quoque hominibus tangi potest, & quem
admodum ἐπιγρῶνις vocatur à quibusdam patella,
vt testatur Galenus in secundo de officina Medici
comm. tex. 14. Vel vt rectius dicam: cum ab Hipp.
in lib. de Artic. ἐπιγρῶνις vocetur in genu tubercu
lum illud acutius, quod à patella formatur, ita etiam
ἐπ' ὤμους dicitur tuberculum hoc accurius ab Hippo
crate, vti ego opinor, totaque etiam regio, quæ ab
ipso occupatur sub ἐπ' ὤμους nomine cognoscitur.
Coniecturam hanc tibi propono, vt ipsius iudex sis
atque etiam seuerus vindex, si à veritate aberrare
videatur.

De acromio loquens Galenus in libro de ossibus
ait, quòd ab anatomicis quibusdam ἀκρόμιον vocatur
arti-

articulus ille, quo iugulum & spina scapularum simul iunguntur, & quotiescunque mentionem facit dicti articuli Galenus ἀκρώμιον semper appellat, & aliquando etiam ἀκρωμιαία ut in quinto de Anat. admin. cap. tertio fecit. Alij fuere, qui ἀκρώμιον dixerunt esse quodam ossiculum tertium, quod inter iugulum & spinam scapularum collocatum sit. Huius sententiæ fuit Eudemus, ut testatur Ruffus Ephesus in primo de appellatione partium corporis humani, atque Galenus hanc eandem opinionem ascribit Hipp. in quinto de Anat. admin. cap. 3. & in 13 de usu part. cap. 11. Quanquam in posteriori loco non videatur ipsi seni hoc adscribere, sed potius in hanc sententiam loqui. Verum qui viderit priorem locum cognoscet ex mente Hippocratis in hoc posteriori esse loquutum, neque tantæ inconstantiæ, & vanitatis esse redarguendum Galenum. Quoniam in libro de ossibus variam quorundam anatomicorum opinionem proponit in quinto de Anat. admin. Hipp. sententiam explicat, in 13. verò de usu part. illius ossis tertij, quod ex auctoritate Hipp. & aliorum quorundam in hominibus reperitur usum disquirat. Quamobrem hæc inconstantia dici minimè debet, eoque minus cum ipse articulum iuguli & scapularum ἀκρώμιον ferè semper appellarit. Ab his dissentit diuinus Vesalius, & schola anatomica, quæ ab ipso sumpsit cum aperte asserant ἀκρώμιον esse processum ipsum, qui spinæ scapularum additus cum iugulo in articulum iungitur, hancque Hipp. mentem fuisse in primo de artic. planè testatur. Alij quoque fuere anatomici, qui per ἀκρώμιον intellexerunt liga-

OBSERVATIONES

mentum iuguli & scapularum : Huius sententiæ fuit Ruffus Ephesius, atque diuinus Hippo. à quo Ruffus accepit, nam legimus in primo de Artic. tex. comm. 16. hæc verba de acromio, quæ postea Ephesius descripsit. *Εστὶ δὲ τὸ τοῦ ὀστέου δεσμοῦς τῆς κληίδος, καὶ τῆς ὀμοπλάτης*, ex quibus verbis aperte colligimus, Hipp. per ipsum acromium, aut ligamentum, quo articulus iungitur, aut articulum ipsum scapularum & claviculæ intellexisse. Quoniam ego reperio duas voces apud Hippocratem *ἀκρώμιον* scilicet, & *τὸ τῆς ἀκρωμίου ὀστέον*, in eodem primo de artic. quæ mihi videtur res diuerfas significare, proboque hac ratione. Si enim posterior idem significaret cum priore, os acromij secundum Hipp. esset ligamentum, quod non est dicendum. Quare duo sunt, quæ his vocibus explicantur, cumque duo sint ego quaerens quod nam sit hoc os acromij, nullum aliud inuenio, quàm scapularum processum, cui mādāt Hipp. in quadā humeri prolapsi restitutione pedem imponi, ac deorsum propelli. Si itaque hoc erit *ἀκρωμίου ὀστέον* proculdubio ex mente Hippocratis *ἀκρώμιον* nihil aliud erit, quàm ligamentum dictum, aut articulus inter claviculam & scapulas qui quāuis etiam reperiatur in simiis, humano penitus similis, ob id non accusandus est Hipp. quia dixerit in hoc articulo variare naturā hominis ab aliis animalibus. Quoniam eorum infinitus est numerus, quæ iugulo & articulo hoc carēt, atque excepta simia, ea etiam animalia, quæ hoc articulo prædita sunt, ita varientem ab humano possident, ut meritò Hipp. naturam humanam distare à reliquis animantibus, præcipuè domesticis, ac communibus,

munibus, nullo excepto, dixerit. Quare ex his colligens, dicam Hippocratem per ἀκρόμιον ligamentum, quod spinæ appendicem & iugulum colligat intellexisse, aut cum Galeno fuisse in eadem sententia (quāquam ipse Galenus non animaduernerit) quod sit articulus inter scapulam & iugulum constitutus. Tu hæc, quæ dixi, perpendes: vnā cum loco illo Hippocratis, & postea per otium sententiam tuam ad me scribes.

In humero vel brachij osse, præter alia anatomorum præcepta obseruaui, inferiorem partem ipsius duabus appendicibus donari: altera quidem, quæ totum tuberculum internum exornat: altera verò, quæ tuberculum externum, cui radius iungitur occupat, & partem etiam cavitatis, quæ trochleam imitatur. Inter has duas quædam cartilago collocatur, quæ vltra septimum annum ossea facta, & eiusdem cavitatis partem, atque supercilium exterius perficiens pro tertia appendice à curioso anatomico addi posset. Quauis omnes hæc appendices longiori temporis successu, ita tandem ossi vniantur vt nullius appendicis, ne dum triplicis vestigium aliquot relinquatur.

Item anatomici aliquot superiorem partem cubiti appendice destituunt, aliquot processum posteriorem quadam parua appendicula donant. Ego verò totam illam partem superiorem cubiti cartilagineam esse obseruaui, dum oritur fœtus, posteriorem scilicet & priorem processum κορῶν vel κόρυον à Galeno dictum, vnā cum media sigmoide cavitare. At ex his postea prior processus vnā cū cavitare ipsa citissimè in os vertitur, & appendicis vesti-

OBSERVATIONES

gium statim deletur, posterior verò totus ac extremum illud, quod ὀλίγον μόνον à quibusdam, & γὰρ ab Hippocrate, teste Galeno & Ruffo, vocatur, usque ad septimum annum appendix est, & quasi cartilagineum visitur, post septimum autem durescere incipit, ac osseum penitus factum reliquo ossi adglutinatur.

Ossa carpi, vel primæ partis ipsius palmæ per synarthrosin coniungi asserunt anatomici, à quibus ego dissentio: cum videam primum ordinem dictorum ossium coniungi cum secundo eiusdem laxo quodam articuli genere, in quo aliquis adest motus, & satis manifestus, præcipuè ad posteriora. Præterea omnia ossa inter se ita colligata video, ut per diarthrosin potius, quàm per synarthrosin sint iuncta, quanvis motus non ita magnus adsit, ut in genu & cubito.

Prætermisere anatomici, quòd omnia ista ossa dum nascitur fœtus, non ossa, sed cartilagines sunt, quæ postea ossæ fiunt spongiosa substantia prædita, uti reliqua omnia, quæ ex cartilaginibus ossa facta sunt. Exemplo addantur appendices, & ossa pectoris & coccyx, atque similia. Sed quoniam ex his omnibus octauum positum à Galeno ultimum est, quod fiat osseum, & diutius cartilaginofum, quàm reliqua visitur, ideò à vertebra, ut opinor, cartilagineum est vocatum. Huic ossi quidam Galeno imponentes id, quod ipse nunquam somniauit ascribunt, in simiis sinum quendam, cui vlnæ processus styloides dictus apratur. Verùm in simiis hoc non reperitur, neque Galenus sinum hunc unquàm in dicto osse
som-

somniauit. Verum tertio primi ordinis ossi assignat, uti planè in simiis reperitur.

In digitorum ossibus nihil quòd nō sit à reliquis anatomicis proditū reperi, hoc vno excepto, quòd primi & secundi internodij ossa appendices habēt suprā, infraque satis insignes. Tertij verò articuli phalanx tantummodo habet supra: cū caput extremum carni, aut vngui iungatur, nullaque ideo appendice egeat.

Sæpe ac sæpius miratus sum, qua ratione antiqui scriptores in osse ilium illud fecerint, quod in omnibus aliis erat prætermisum. Nam non memini me vnquam vidisse alicuius ossis, quod vnicum sit, partes propria nomina habere, ossaque distinctis vocibus appellari: sed aut spinæ, aut capita, aut processus, aut appendices, aut cavitates huius vel illius ossis appellatæ sunt. In hoc verò esse video vnam ipsius partē os *λαρόνων*, id est ilium: alteram os *ἰχέων*, id est coxendicum: tertium os *ἡκίης*, pubis scilicet vocari, totūque ipsum os, teste Galeno in lib. de ossibus nomine est destitutum. Quanquam præterea ab eodem Galeno, & ab Hippocrate 3. de Arti. tex. 96. aliquādo nomine *ἰχέου* totum appelletur, atque etiam ab Ephesio *λαρόνων ὀστέον*, & a Celso, coxæ nomine totum sit vocatum. Omnis enim regula aliquando fallit. Rem istam non sine ratione ab antiquis factā esse credebam, cū tamen eam ignorarem: neque apud aliquem anatomicum scriptorem reperire possem. At natura ossis diligentissimè à me observata rem manifestauit. Nam inueni hanc partem ossæam ad septimum vsque annū ex tribus

OBSERVATIONES

ossibus, quæ simul in ipsa cotyle multa cartilagine iunguntur, constare. Quorum maius totam amplitudinem ilium in se continet, & cotyles etiam partem superiorem format. Minus illud est, quod ad pubem pertingit & partem anteriorem tantum cotulæ efficit: necnon dimidiam quasi partem illius foraminis, quod maximum omnium visitur in hoc osse. In parte enim inferiori simul & anteriori dicti foraminis cartilagine multa dirimitur à tertio. Quod quidem tertium quo ad magnitudinem ipsam medium est inter dicta, totamque huius partis ilium posteriorem, & inferiorem regionem occupat & acetabuli inferiorem ac posteriorem, & quasi etiam totam mediam continet. Vnde factum est, ut cavitās hæc ἰγίου potius & coxæ, quam ilium aut pubis dicta sit. Hoc item tertium os magni foraminis totam superiorem, ac posteriorem, & ferme dimidiam inferiorem periferiam in se habet. Igitur cum hæc ego inuenerim, mirari desij, eoque magis cum causam, cur ita à natura formarum sit hoc os, optimè nouerim, quæ à me alibi explicabitur, tibi que in præsentia historia satis sit, quam veram procul omni dubiò reperiēs.

In femoris osse, & tibia, fibulaque nil reperi, quod multa dignum sit admiratione: in quo ego ab aliis anatomicis differam: Cum quibus etiam consentio patellam cartilagineam penitus esse dum oritur animal, talemque pluribus mēsis permanere atque ossēā postea fieri & duram valde, qualis in adultis apparet.

In pede omnia ossa tarsi in ortu pueri, & ad plures mēses etiam veluti carpi ipsius ossa cartilaginea

sunt, excepto calcis osse, quod eo tempore nescio quid ossei in medio continere mihi visum est. Cur autē natura ossa carpi, atque hæc tarsi pariter prius formarit cartilagine, quàm ossa, locus hic nõ requirit, vt ego indicē: cū & vsus, & causas reliquorū ossiū de quibus loquutus sum, prætermiserim. Pedij præterea & omniū digitorum ossa supra, infraque, appendices habent. Excipiuntur extrema quibus hærent ungues, quoniā in superiori tantū parte appendicibus prædita sunt.

De sessaminibus, quod cartilagine sint, & perdurent vt plurimum vsque ad consistentiæ annos, exceptis illis duobus, quia in pede sub policis primū articulum reperiūtur, assero. Quoniā ea multo citius obdurescūt, & ossea euadūt. In vsu istorū ab aliquot anatomicis dissentio, sed de re ista in hoc libello minimè tractabo.

In genere cartilaginū verarū quæ scilicet semper cartilagine remanent, pauca sunt, in quibus a reliquis anatomicis dissentia, eaq; potius vsus, & collocationē, quàm naturā, aut numerū ipsarū respiciūt. Quare vt ad ea, quæ grauiora sunt deueniā, cartilagine prætermittā, hoc vno tantū addito, quod nullus anatomicus hucusq; ita descripsit asperæ arteriæ cartilagine, vt illas nosse, aut figurā aut nexū ipsarum videatur. Sed de his ego suo loco dicam.

Nihil quod auribus tuis dignū sit habeo in ligamentorū historia, quib' ossa inter se colligātur, eoq; min' cū quicquid ab antiquis & quicquid à diuino Vesalio peditū est de ligamētis si optimè, atq; attētè legeris totū veritati respōdere inuenias. Quare ad

musculos venio.

In hoc capite, ni si historia me retraheret vellem quòd disputationem quandam legeres, qua consti- tuo quid sentiendum sit de vnitae, aut multitu- dine musculorum: cùm in hoc anatomici valde in- ter se discordes sint: addoq̃ue canonem, quo vnus- quisque musculus cognosci potest an alterius pars sit, & an potius per se distinctus consistat. Sed quo- niam in ea tractanda prolixior sum, quàm hic locus requirit, ideò disiunctam ab hac historia, cùm no- uum dabitur otium ad te mittam. Musculosq̃ue nunc aggredior, inter quos illis, qui occiput tenent primum locum ascribam. Secundum musculis au- rium. Tertium frontis, ac postea reliquis suum ser- uato eo ordine, quem Vesalius sequutus est.

In occipitio gemini musculi reperiuntur, à reliquis omnibus anatomicis prætermis: vnus dexter & alter sinister. Qui tenues admodum oriuntur ab illa linea transuersa in occipite, in quam desinunt mus- culi, qui mouentes scapulam & caput ipsum, in cer- uice sunt collocati. Ab hac itaque linea fibris recta- fursum ascendentibus dicti musculi manifestè in- ter se disiuncti oriuntur, qui breues admodum sunt (nam longitudinem non excedunt, quam transuer- so pollice metiri possumus) sed ita lati, vt vnusquis- que quasi auriculam sui lateris tangat. Isti desinunt in cordam vnicam tantum latam ac tenuissimam, quæ ex panniculo carnosio facta videtur, totumq̃ue caput occupans, & musculos aurium anteriores, & frontis quoque perpetuos musculos simul cum di- ctis copulat. Dixi frontis perpetuos musculos: Quo-
niam

niam vti illos in omnibus, quæ secui cadaueribus
sæper reperi, ita vice versa hos occipitij musculos,
aut aurium anteriores dictos sæpe ac sæpius nō in-
ueni. Hinc fieri opinor, quòd plurimos reperimus,
qui totum capitis corium mouent, cū tamen ma-
ior hominum pars motu isto destituta sit, aut ita
paruum habeat, vt sensu dignosci minimè possit.
Munus horum duorum musculorum est cutem ca-
pitis ad posteriora diducere.

Auricularum musculi tres aliquando reperiuntur
atque in illis præcipuè, qui dum viuerent manife-
stissimè aures motabant. Horum primus qui in an-
teriori parte collocatus est, oritur à fine extremo &
superiori musculi frontis eius lateris, in quo est au-
ricula ipsa, in quam definit. Musculus hic valde te-
nuis descendit versus aurem, & suo fine inseritur in
eam ipsius partem, quæ ἀντιλόθεν, & in principium
illius, quæ ξύστηρ auriculæ vocata est. Munus ipsius
est ad superiora ac anteriora auriculā trahere. Secū-
dus musculus, non vt aliqui opinati sunt a māmilla-
ri processu, sed supra ipsum ab occipitio oritur, v-
bi definūt musculi posteriores, qui scapulā & caput
mouent. Hic angusto principio exortus per trans-
uersum fertur descendendo, & parum latior factus
veluti si in tres digitos diuideretur, posteriori au-
riculæ inplantatur, vt illam ad posteriora, & aliquā-
tis per altiora trahat. Tertius musculus ille est, qui
primus inter mouentes genas & faciei cutem con-
numeratur, πλάτυσμα μωδες dictus. Nā hic aliquā-
do ita carnosus fit, itaque ascendit, vt in partem in-

f iij

OBSERVATIONES

feriorem auriculæ quæ sub fibra latitat insequatur, hancque ad inferiora trahat. Musculos hos sæpius vidi, atque aliis ipsos indicaui. Veruntamen sæpe etiam accidit, vt non reperianrur. Quæ varietas potissima fortasse fuit causa, quod horum veluti neq; illorum, qui in occipite sunt, nulla ab aliis anatomicis facta sit mentio. Vnum autem in ipsis obseruaui, quod quotiescunque priores in occipitio positi reperiuntur, semper & isti auriculæ omnes manifestè apparent.

In musculo frontis, aut vnus, aut gemini sint, quod non magni facio, à diuino Vesalio dissideo: quoniam musculum esse atque ad id à natura factū credo, non autem panniculum carnosiores redditum, & fibris pluribus auctum. Cū motus & ductus omnium fibrarum penitus similis, quæ duo in caroso panniculo desiderantur, hoc indicent. Ortum huius musculi non ab inferioribus, sed à superioribus partibus esse censeo, cū illuc attollantur supercilia & cutis simul totius frontis. Neque ab hac fronte tantū media oritur, sed ab ea superiori parte, in qua capillorum finis adest. Aliquando etiam ab vltiori vsque ad coronalem suturam exortum vidi. Neque ob id cum illis sentio, qui ductum fibrarum huius musculi obliquum esse credunt, non autem rectum. Quoniam superciliiorum motus rectus ad superiora, & dissectio met ipsa contrarium indicant.

In musculis palpebrarū, qui oculos regunt ac deregunt diu erraui, vnà cum Galeno & diuino Vesalio,

lio, atque simul cum tota anatomicorū schola. Quoniam semper exteriorem illum, qui totum oculum ambit ab interno angulo ortū in duos dissecui, vnāque ipsius partem aperire, atque alterā genas claudere opinatus sum, mihiq̃ue ipsi pluries æque, ac aliis in publicis dissectionibus & priuatis imposui. Postea cum in Oribasij locum incidissem in lib. de dissect. musculorum ex Galeno cap. 29. qui liber est 25. collectorum, cœpi dubitare de hac re, neque ob id sciebam à nodo me extricare. Locus Oribasij hic est: Naturæ quidem in palpebris fabricandis artificium inuenisse, riteq̃ue exposuisse (vt modò diximus) optimi dissecandi professores visi sunt. Ego verò ipsis utique omnia crederem, si mihi ipsi magni anguli musculum exactè ac certè vidisse persuaderem. At neque adhuc manifestè ipsum vidi: Et dum manuaria opera vitium illud, quod egilopa vocant, curatur: locus ille non solum plerunque exciditur, verum totus etiam adeò exurit, vt à subiectis ossibus squammæ exilient. Neque tamen propterea palpebræ motus vlla ex parte vitiantur, quo circa res ista consideratione egere mihi videtur. Locus hic suspicionem iniecit in animum atque ita diligentem me fecit, vt tandem veritatem inuenerim, sed vide qua ratione. Anno ab ortu Christi millesimo quingentesimo quinquagesimo tertio, quarto kalendas Ianuarias dum hic Patauij in publica anatome totus essem, Matthias Gurtich medicus Germanus (vir non solum

f iij

OBSERVATIONES

philosophorum ac medicorum disciplinam, & Latinę Gręcęque, ac hebraicę linguę cognitionē doctus verū etiam in penetrandis medicamentorū medullis per ignis vim, atque sublimationē vocatā, ita excellens, vt omnes, quos ego adhuc nouerim penitus superet) admirabili quadā ratione Venetiis medicinam faciens, ad me misit caput phocę in foro piscario emptum, detulit autē Rubertus Phinch tūc auditor meus, ac veluti filius amātissimus, qui postquam in excellentem philosophū, & medicum euasit artē medicā nunc exercet summa cū laude & gloria apud Serenissimam Sarmatię, vel Pollonię reginam. Ab hoc diuino propemodū ingenio plurima ego expecto æternitatis monumēta, si diuturnam vt spero, Deus Optimus Maximus vitā illi cōcesserit. Hoc acceptū caput secare cepi, atque secando obseruauī animal hoc vtranque palpebrā mouere, & oculum vnde quaque detegere. Instrumenta erant quatuor musculi rubri admodum in oculi orbita vnā cum reliquis ocularibus musculis latentes, & cum ortu illorum qui motuū rectorum oculi opifices sunt cōnati: vnus in parte superiori: alter in inferiori: tertius in interno angulo: quartus in exteriori situs erat. Hi in quatuor chordas desinebāt quarum vna in superiorem tarsum, altera in inferiorem, tertia in internū angulum, quarta in oppositum inferebatur, à quibus oculus vnde quaque detegebatur tractis musculis. Quam structuram publicē in theatro ostendi, atque inde admonitus, statim in bouino oculo simile instrumentum, quo superior tantū palpebra tollitur, disquirere

quirere cœpi, illudque vnicum inueni. Ab hoc exemplo doctior factus etiam in humano oculo reperi musculum paruum & tenuem admodum, cuius principium ab eodem penitus loco oritur, unde etiam manat principium musculi oculum recta ad superiora attollentis. Hic paruus musculus in chordam admodum latam desinens totum in palpebræ superioris tarsum inseritur, atque palpebram attollens oculum deregit. Vnicus autem est, quoniam hæc sola palpebra sursum attollitur. Musculum ipsum maxima animi mei voluptate in eadem anatome publice ostendi. Gloriórque, quod primus in Italia fuerim, qui nodum ab Oribasio propositum dissoluerim. Nam neque cum ego anatomicum opus Valuerdæ nuper hispanica lingua Romæ excussum lego, vllam huius à me promulgati musculi mentionem factam reperio, quo argumento adducor, vt credam anatomicis etiã Romanis, quorum ex sententia plurima noua profert Valuerda, musculum hunc ad hanc vsque diem esse ignotum.

In musculis nasi, buccarum & labiorum à Vesalio hac ratione dissentio. Quoniam, vt à sexto pari ab ipso proposito, quod in narium amplitudine locatum est incipiam, in hoc minime mihi satisfacio, neque quid aperte asseram, aut negem habeo. Aliquando enim adesse videtur: aliquando non. Audio ciuem tuum Columbum plane asserere musculum hunc figmentum esse. Ego mi Petre non audeo ita aperte hoc negare: quoniam in aliquot nasutis cadaueribus (vt dixi) mihi visus sum vidisse, in aliquot verò non. Quare opus habeo præceptore, atque

OBSERVATIONES

donec aduenerit, qui rem patefaciat, anceps ero, aut
 potius in Columbi sententiam inclinabo. Dum ter-
 tium par descripsit, nouum musculum prætermisit
 carnosum totum, sed gracilem atque teretem, qui
 oritur à cavitare illa, quæ malis subiicitur, & in la-
 brum superius, vel potius in frenum, ipsum inferi-
 tur. Hic musculus multa pinguedine obuolutus in
 omnibus cadaueribus à me repertus est. Quintum
 par ego tale reperi, quod non membraneum, sed
 carneum videtur: neque à malarum osse tantum o-
 ritur, sed etiam à tota cavitare, vel à canali illo osseo,
 qui circa nares est. Hoc par narium pinnam exte-
 riore occupat, & in labium superiu inferitur. Qua-
 dam etiam carnosæ fibræ, non paucae à medio su-
 percilio, & spina narium exorta, quæ obliquæ de-
 scedunt, prædicto musculo adduntur, atque pinnae
 implantantur, ad hanc sursum reuellendam. Has
 posset aliquis pro pari musculorum recēdere, quod
 nares dilaret: posset etiam quinti paris partes asse-
 rere, quod nihil refert, modo cognoscat vsum, quæ
 in reuelēda pinna habent. Alium præterea inuenio
 musculum carneum, sed paruum qui circa radicem
 pinnae narium exoritur, atque illam ascendens per
 transversum vsque ad summū ferè dorsum nasi a-
 scendit vt contractus ad suum principium depresso
 pinna nares claudat. Hic ab ipso prætermisus est.
 Vltimo in loco addēda est moles illa carnea, muscu-
 losa tamen, quæ vtrumque labium format. Nam &
 hæc in duos musculos diuiditur, quorum alter su-
 perius, alter verò inferius labrū efficit, suosque mo-
 tus distinctos à motibus aliorum musculorum ha-
 bet

bet. Ex hoc sequetur nouem esse musculorum paria, quibus narium pinnae, labia, & totius faciei cutis mouentur.

Primum scilicet traditum à Vesalio.

Secundum ab eodem descriptum.

Tertium, quod ab illo pariter adiunctum est.

Quartum prope aut exortum, quodque ab illo est prætermisum.

Quintum, quod ab ipso, quarto in loco recensetur.

Sextum ab ipso, quinto in loco numeratum, quod ut dictum est, in duo diuidi potest. Sed pro vno, cum non multum referat censeatur.

Septimum, quod ab ipso est prætermisum.

Octauum, quod ille sexto in loco recenset. Nonum, ac vltimum illud est, quod vtrūque labium efficit.

Omnes, qui de musculis oculorum hucusque scripsere, aut publice profitentes (quod ego sciam) loquuti sunt in publicis dissectionibus, male planè illos enumerarunt. Nam ut à diuino Vesalio incipiam: ipse nobis septem musculos enumerauit, qui quidem in boue reperiuntur, quatuor scilicet moribus rectis, & geminos circularibus inferuientes, non rectè tamen, mea sententia, ut sunt in boue collocatos. Septimum addidit, qui magnus ad radicem oculi situs est. Verum octauum prætermisit, qui munus habet trahendi membranam illam cartilaginofam, quæ ab Arist. 2. de Hist. Anim. ca. 12. vocatur *ἀρμα ἐν τῷ κερ-
ατῷ*. hac nectantur animalia bruta cum aliquid ne in oculos incidat, timet, & *καρσιμύτην* tunc dicuntur ab eodem Arist. Musculus igitur, qui hæc trahit à Vesalio prætermisus in bobus, qui ipso donati sunt, octauus

OBSERVATIONES

erit: vel saltem pars illius, qui oculum ad exterior-
 rem angulum trahit. Qua autem ratione oriatur,
 quove in loco situs, & vti membranæ illi alligetur,
 quæque sit dictæ membranæ structura, collocatio,
 & vsus à me prætermittuntur: cum in humano o-
 culo minimè sint. Iam addatur Lycus antiquissimus
 anatomicus, qui voluit quinque tantum esse oculo-
 rum musculos cuius sententiæ Romanos etiam a-
 natomicos esse ex Valuerdæ Hispani libro collige-
 re possum. Ex his quatuor rectis motibus præsumunt,
 vel etiam circularibus, nec non sistendo oculo con-
 tinendoque, qui motus omnes à dictis quatuor mu-
 sculis, mea etiam sententia, fieri possunt vno illo ex-
 cepto circulari, qui vt opinor ab his musculis suc-
 cessivè motis fieri non potest. Quoniam fieri ne-
 quit, vt ex refractis duobus vel pluribus motibus
 rectis resultet circularis: cum inter rectum & cur-
 vum nulla detur proportio. Sed risum continere a-
 liquando nequeo: cum videam in humano oculo a-
 desse circularis motus opifices musculos hosque ab
 exercitatissimis anatomicis minimè videri. Quin-
 tum addunt musculum, in quo quid sibi velit do-
 ctus Valuerda ingenuè fateor, ignoro. Id autem for-
 tasse fit, aut quia nimis breui oratione eum descrip-
 sit, aut quia Hispanicum dialectum non ita ego possi-
 deo, vti in eo intelligendo loco requiritur. Quare, vt
 vides, cum omnes negligenter de his musculis tra-
 ctarint synceram ipsorum historiam, vti se habent,
 in humano oculo sic habeto. Posteaque iunctis ad
 sydera palmis Deo Optimo ac Maximo, qui hu-
 manos oculos tam insigni magisterio ornârit, hym-
 num

num laudis canito.

Sunt itaque sex numero in hominis oculo musculi à me explicandi, siquæ aperientem oculum elata gena adiungere voluerimus, septem numero erunt. Verùm hoc ultimo prætermisso, sex tantùm nos tractemus. Ex his quatuor sunt, qui rectis motibus præfecti, ita sunt collocati, eamque originem & insertionem plane habent, quam reliqui anatomici adscripsere, quique si omnes simul agant, intro oculum trahunt & sistunt. Alij duo in gyrum flectunt quorum prior, qui & longior & gracilior reliquis dictis est in interno angulo collocatum, oritur ab eodem penitus loco, vnde is incipit, qui rectâ oculum ad internum angulum trahit: hic non in hominibus solùm sed etiam brutis ipsis, cùm ad anguli interni exteriorem ferè marginem peruenerit, cùm lacrymalis caruncula subiecta prominet, & vbi utræque lacrymalis meatus vnitur, in chordam teretem gracilemque desinens, eam trochleæ obuoluit, quæ chorda reflexa ad angulum rectum versus regionem superiorem oculi in illam inseritur. Inter implantationes duorum illorum musculorum (si rectè memini) quorū alter sursum, alter verò ad angulū exteriorem recta oculum trahit. Trochleam verò appello cartilagineam quandam, quæ canalem habet, per quem currit dicta chorda, & ligamento membranaceo ita ab angulo pendet, vt trochleæ penitus imaginem in se contineat. Quæ cùm in oculis bouinis valde magna sit, & in humanis non minima, miror quomodo fieri potuerit, vt ab anatomicis non fuerit obseruata, aut si notata fuerit,

OBSERVATIONES

qua ratione aliis nō communicarint. De his loquor, qui libros anatomicos ediderunt. Musculus hic quintus dum intro ad principium trahitur, chorda sua circulari quodam motu oculum ipsum ad angulum internum obuoluit: cui opponitur sextus, qui in parte inferiore orbitæ oritur ab ea rima, quæ ceu futura apparet facta ab illa squamma ossea, sub qua latens neruus tertij paris ad malas exteriores per satis amplum foramen transmittitur. Aliquando etiā ortum obseruavi, quasi in exteriori matgine ab ea futuræ parte, quæ in orbita inferiori apparens, coniungit primū os malarū cum illo, quod maximum omnium a Vesalio quarto in loco numeratur. Ab altero itaq; ex dictis locis parum intra ambitū exteriori carnosio principio ortus hic musculus gracilis, & teres per transversum ad angulū exteriori a - scendens oculumq; transversum amplexatus breui chorda in ipsum inseritur, ita ppè insertionē quinti, ut aliquādo illius atque sexti istius vna atque eadem chorda videatur. Dicti musculi munus est, ut dum deorsum trahitur versus principiū suum in gyrum ad angulū exteriori oculū voluat. Huic historiæ Capredonū nostrū testem addo, cui primum inuentū hoc monstraui, dum vnā mecum Patauij cadauer quoddā dissecaret. Quoniam autē hic musculus sextus transversus latitat inter oculū, & chordas duorum musculorum, quorum alter infra, alter in angulo exteriori collocatus est, ideo anatomicorum mentem ita perturbavit, ut aliqui dixerint ipsum ab oculo ortum in eundem inseri.

Anatomici omnes, quatuor tantū musculorum

lorum paria maxillæ adscripserunt, quintumque ignorarunt, non sine magna naturæ contumelia: cum tamen & perspicuum inter secandum sit, & proprius vsus ipsum etiam prodat. Minimè enim negandum est (nisi veritas ipsa sit iugulanda) quartum par musculorum à Vesalia descriptum os aperire. Temporales verò os claudere & maxillam malis valide adstringere. Malsiteras etiam tum stringere, tum ad latera maxillam diducere, vnde malsiteres dicti sunt. Latentes quoque in ore cum à cavitate processus aliformis oriantur, & ad anteriora parum declives in maxillam internā in facie citra angulum inferiorem inserantur, productam maxillam retrorsum reuocare. Quod si hæc vera sunt, vellem ego vt par illud, quo maxillam ad anteriora producimus, proponerent. Nam maxillæ motus simplices sex sunt, & vnus compositus. Simples sursum & deorsum, dextrosum & sinistrosum, antrorsū, & retrorsum. Cōpositus verò ex dextro & sinistro, & eo, qui antrorsū & retrorsum fit, ille est quo videtur circumduci maxilla. Si igitur motus sursum temporales, deorsum quartum par, ad dextram & sinistram malsiteres, retrorsum verò latentes in ore opifices sunt: Requiruntur necessariò gemini muscoli, vel vnus saltem, qui antrorsum hanc eandem partem protrudat. Scio mi Petre quòd talem argumētandi rationem, falsam esse dicere poteris: cum tibi liceat vnā cum reliquis anatomicis hoc motus alia ratione distribuere. Verūm ne verbosis rationibus litem hanc finiamus: Sed gladiolis ipsis, auferas tēporales musculos, auferas

OBSERVATIONES

massiteras, & diligentissime auferas, quoniam sub his statim nouum par musculorum videbis, quod distinctam est ortu, ductu, & insertione ab iis, qui latentes in ore vocantur. Nam illi oriuntur ab intima cauitate vel canali processuum aliformium: isti verò principio partim neruoso, & partim carnosio exordium ducunt ab ala vel latere exteriori ipsorum processuum, & à facie dicti lateris externa, quæ aspera & inæqualis est. Aliqua etiam ex parte oriuntur ab apice illo ossis sphenoidis asperiori & acuto, qui in temporum cauitate exaduersum os iugale respiciens rimæ imminet amplissimæ, quæ ab eodem sphenoides & maximo malarum osse est formata. Illi præterea antrosum declinantes inseruntur in maxillæ regionem dictam. Isti verò satis carnosii pro ratione magnitudinis facti, & ad posteriora vsque oblique diducti in maxillæ ceruicem & capitis eiusdem internam in faciem inseruntur. Munusque, vt luce clarius videbis, hoc impositum habent, vt maxillam antrorsum trahant. Vide quæso quàm multa sint prætermissa à diuinis anatomicis, vt postea nos inuenientes hæc, planè cognoscamus in hoc organo diuini animi plurima etiam latere, quæ fortasse Deus gloriosus nostris oculis non manifestabit.

Cùm musculos hyoidis ossis recensent anatomici quatuor tantum, paria constituunt, quæ os istud moueant: atque aliquando secundum hyoidis par cum primo mouente linguam ita confundunt, vt idem pro duobus depingant. Ego autem à natura rei edoctus sex paria musculorum, quæ hypsiloides moueant

moueant esse dico, quæcunque omnibus acurate dissectantibus planè apparere possunt, eaque hoc ordine recensebo.

Primum par illud sit, quod à summo pectoris osse ortum in dictum os, ut alij asserunt anatomici, inseritur: hocque primum Vesalij sit. Secundum par quasi cutaneum (quia immediate sub illis, qui maxillam deorsum trahentes hos aperiunt, cuti subiicitur) ortum à summo mento, atque eius lateribus & obliquis fibris deorsum declinans, in os hyoides inseritur. Munus ipsius est, ut altero trahente musculo oblique sursum feratur os; utroque verò trahente recta ad apicem menti sursum ac antroorsum vellatur.

Tertium par illud sit, quod tertio in loco à diuino Vesalio numeratur ortum à calcari, & aliquando à quarto musculo os apertiente perforatum in latera hyoidis: ea sanè insertione quæ ab ipso proposita est inseritur.

Quartum gracile admodum à scapula ortum, ac in hyoidis latera insertum ipsum deorsum trahit, quod quarto etiam in loco à Vesalio collocatur.

Quintum à nemine proditum, & rectis fibris ortum à medio, internoque mento in os hyoides inseritur. Hoc reliquis anatomicis ignotum est, aut inter partes primi mouentis linguam collocatum: cum tamen nullam cum lingua communicationem habeat.

Sextum par efficiunt geminae carnes muscutorum effigiem gerentes, quæ ab eodem mento or-

OBSERVATIONES

ta, aliqua ex parte commixtae apparent cum primo mouente lingua. Verum ulterius ad inferiora procedentes inferuntur in latera ossis hyoidis, munusque habent hoc vnu, vt ad mentum ipsum os trahant.

Multum ac diu laboravi in dissecandis linguae musculis, neque vnquam humanae aliorum anatomicorum placita quadrare inueni. Vesalius diuinus noue musculos assignam, qui motuum linguae opifices sint. Valuerda decem esse asserit. Ego vero tot reperire nequaquam potui, quamquam summam diligentiam, atque studium in his inuestigandis adhibuerim. Quot igitur a me inuenti sint, audi. Primum repari par ab asperitate quadam in interno ac medio mento posita ortum, principio satis angusto, a quo deinde latius factum in mediam fere lingua inferiorem implatur, atque maxima ipsius pars versus radicem linguae, minima vero est regione dictae versus anteriorem apicem fertur, ita vt eiusdem musculi partes contrariam subeant operam. Nam cum maxima fibrarum portio agit ad exortum tracta exierit linguam extra dentes & labia. Cum vero minima munere suo fungitur introrsum eandem reuocat. Dictorum autem musculorum aliquot fibrae aliquando ossi hyoidi communicantur. vt idem ad mentum attrahant. Primum hoc par moles illa carnea videtur, quae pro nono musculo a Vesalio numerata est. Cuius etiam primum par linguae ascriptum, nisi pars istius sit, vt in homine reperiatur, ego plane ignoro, meque nunquam vidisse fateor. Secundum par ab ossis hyoidis lateribus oritur, atque in radicem, & latera ipsius linguae inferitur. Hoc in homine simplex est, quauis in bobus reperiatur geminum, idem Vesalij etiam secundum dici

potest. Tertiū par ab externa calcaris facie oritur, nō vti in bobus carnosum & crassum, sed gracile, atque inseritur nō ad finē implātationis secūdi paris, sed circa ipsam mediā, ac vltterius procedēs quasi ad apicē linguæ summū peruenit. Hoc Vesalij tertio pari respōdet. Quartū, quod & faucibus ascribi potest, oritur ab interna facie calcaris gracile admodū, atque ad anteriora declinās, in mēbraneū veluti desinit rēdinem, qui primæ laryngis cartilagini, ac hyoidis lateribus, necnō & extremæ liguę inseritur. Huius munus est linguā & partes dictas retrorsum ac sursum attrahere, et fauces ī deglutiēdo cōstrīgere. Hoc equē iter fauciu musculos, ac iter linguę motores enumerare possumus. Quare si linguę ascribemus, quatuor erūt paria, quę ipsam mouebūt, sin faucib⁹, tria tātū. Sciās q; planē nullos alios dictos musculos reperiri ī homine, si qs rectē secare voluerit.

Verū mirari iā desine. Quod ego hæc inuenerim, cū videas homines in accusando Vesalio audaciores cūcta eius vestigia sequi, nihilque q; ab ipso sit prætermisum addere. Nā Vesalius fauciu musculos leui quadā negligētia (quoniā nō omnia possumus omnes) prætermisit. Qui posteriores fuere quique Galeni & Oribasij librū de dissectione musculorū aut legerūt, aut legere debuerūt, ita horū fauciu musculorū obliti sunt, veluti si nō adessent, aut saltē à Galeno indicati minimē fuissent. Vesalij em̄ opus editū erat antequā ciuis me⁹ Augustinus Gadaldin⁹ medic⁹ doctissim⁹, & de studiis nostris cōmunib⁹, quā optimē merit⁹, libellū Galeni de dissectione musculorū latinū à se factū in lucē dederit. Vt igitur o-

OBSERVATIONES

omnes anatomici, qui post editum opus Vesalij scripsere, hoc nomine accusandi sunt, ita ille ab hac nota liberandus est. Sed ad rem. Galenus in eo libello duos describit musculos faucium, quorum alterum in dextra, alterum in sinistra parte collocat, ac reliquos prætermittit. Quamobrem quomodo se habeant hi muscoli in homine, & quot sint, audi, discasque quàm diligentius anatomici veterum scripta debeant observare.

Tria sunt istorum musculorum paria quæ faucibus dilatandis, aut constringendis inseruiunt. Quorum primum (ut ab hoc artificioso incipiam) oritur nervoso, atque tenui principio ab apice quodam cunei formis ossis, qui ultra foramen illud paruum est, per quod arteriola per membranam dispergenda in caluariam ingreditur, quique apex articulum maxillæ cum osse temporum quasi tangit. Ab hoc igitur principio ortum, & gracile admodum per cavitatem pterigoidis internæ eius alæ, vel lateri attensum descendit, ac desinens intendinem nervæ tenuem quidem, sed latiusculum, transit per mirabilem quandam rimam, quæ in extrema dicti pterigoidis ala insculpta est, atque inseritur in cavitatem illam palati partem, à qua gurgulio dependet. Munus istius paris est, quia reflectitur ad dictam rimam, ut sursum atque antrorsum quodammodo, gurgulionem, & extremum palatum trahat. Si que ipsius alter tantum musculus agit, opus est, ut partes dictas trahat ad illum latus, in quo situs est. Secundum par nervoso itidem principio ab eadem propinqua parte, unde primum oritur, atque deorsum declinans
ad

ad faucium latera in partes, quæ amygdalas vocatas continent, inseritur, & quasi totam partem faucium lateralem, ac posteriorem amplectitur. Munus istius est, vt amygdalas sursum, ac ad latera trahat, totamq; faucium cavitatem in diuellendo quasi dilatat. Tertium ortum ab ea parte, qua basis capitis ceruicis iungitur, tenue admodum totam faucium posteriorem, ac lateralem cavitatem vestit, & descendens inseritur in hyoidis latera, & in primam cartilaginem laryngis, & aliquando in radicem linguæ, obscure tamen. Munus istius est fauces angustare atque (vti opinor) offæ deuolutioni vel deglutitioni inseruire. Siquis etiã velit, poterit per me quartum linguæ par his adiungere, cum ad idem opus conferat, & quatuor faucium paria constituet, quorum duo ad dilatationem, atq; ob motum cibi vel humidi alicuius in vomitibus ad superiora propulsi, ne ad nares ferantur, sunt facti. Duo verò reliqui ad constringendas fauces, gutturque attollendum ob deglutitionem sunt destinati. Mi pater cum hæc obseruaris, certo scio, quod ita placebunt vt si nihil aliud noui indicarim, tibi tamen hac in vna in re satis superque satisfactum esse fatearis.

In musculis tamen laryngis quædam etiam habeo, quæ tibi communicanda sunt. Et primum circa proprios vocatos, in quorum primo pari atq; secundo Galenus se ipsum decepit, ac simul etiam Vesalius: cum in septimo de vsu part. cap. 11. & in lib. de dissect. organorum vocalium cap. 5. quatuor hos dicat esse musculos, quod falsum est non solum in homine, sed in larynge etiã bouina, cum vnum tantum sit par,

quod exortum à cricoide cartilagine in scuti formē inferitur. At præterea excusandus est Galenus, cū in libello de dissect. musculorū tacitè se ipsum castigans, pro vno pari tātū numerarit. Quod in secūda editione minimè fecit Vesalius, neq; Valuerda, qui cū asserat tātā diligentiam ac studium adhibuisse vnā cū ciue tuo Columbo in indagādis laryngis musculis, nō viderit se par vnum tantum bis repetitum pro duobus proponere (vnū etenim re vera est, non duo) neque præterea animaduertit locum Galeni à me citatum: Verum hi quoque excusatione digni sunt, cū alios anatomicos excusamus, à quibus maiores adhuc errores, quā hi sint patratos videmus. Nescio autē quo oculos intētos habuerit eiuis tuus, atque simul idem Valuerda dū musculos laryngis simul dissacarent. Asserit enim hic in opere hispano nunquā in cōspectum ipsorū venisse quintū par musculorū inter proprios laryngis à Vesalio descriptū, cū fortasse nullū aliud isto magis perspicuū sit. Hoc tamē Valuerdę dono, quia postea fuit valde diligens in obseruando quarto pari cōmuniū, quoniā re vera in homine nō adest, egōque tātū in ruminantibus reperire potui. Sed adhuc ipsum fuisse diligentiorē vellē in discutiēdo sexto pari à Vesalio inter proprios laryngis descripto, an vnus scilicet sit musculus, an duo: quōdque munus habeat, an dilatandæ cōstringendæue ligulæ. Nā vnus mihi videtur, qui ligulę partem dilatat. Hæc tantū habeo de musculis laryngis dicendā, in quibus ab aliis dissentiam.

De scapularū musculis taceo, quia optimè omnia
à di.

à diuino Vesalio sunt prodita. Idē minimè obseruare possum in illis, qui humerū, vel brachiū mouent. Quoniā reperio omnes recētiōres anatomicos in hac esse sentētia, quod secūdus mouens humerum ΔΕΛΤΟΙΔΗΣ dictus ab auctoribus græcis ἰππομῆς vocatus sit, quod falsum est, Hippocratis, Galeni, Ruffi Ephesij, atque tandem Oribasij autoritate, vt superius probaui, cū in acromio tibi sententiam meā aperirem. Quare admonendi erunt omnes vt auctorū verba diligentius perpendant. Rursus Vesalius, ac Valuerda in describēdo quarto musculo, qui humerū eundem deorsum trahit, pratermisserunt, musculū hūc aliquando cū ad angulū inferiorem scapularū peruenerit, inde plurimas carnosas fibras recipere, & quasi nouo alio, sed minimo principio donari, quod nō in vno, vel altero tātūm cadauere, sed in quāplurimis obseruaui. Quāquā minimè negarim, aliquādo hoc non reperiri. Verū maioris momēti musculus est, qui ab ipsis pratermittitur, cū tamen multo antea nō fuerit pratermissus in simiis à Galeno 98. cap. libelli de dissect. musculorū, neque etiā in secūdo de Anat. admin. cap. 1. Nā in hominib⁹ quoq; reperitur, & à tertio sibi proxime herēti omnibus notis distinctus est, chorda scilicet, insertionē, tunica, & ortu, cūque ita se res habet, vt omnibus patere potest, hic octauus merito erit musculus, qui in omnib⁹ hominib⁹, suūti, oritur à parte superiori costæ inferioris scapularū, quæ ceruicij, iūgitur, breuissq; est admodū, sed nō ex carnis à reliquis omnibus manifestè seiūctus, qui neruoso fine propè septimi musculi insertionē, in humerū implan-

OBSERVATIONES

tatur, cūmq; huius munus ipso vix cōspecto statim pateat, ideò illud prætermittam. Quando autem musculum hunc requires, videto quæso, an pars tertij à nemine dici possit, meque admoneto.

Iam ad capitis musculos venio, doleoque, quod in his minimè sim concors cū reliquis anatomicis. Quoniam nunquā ita rerum nouitatem affectaui, vt gratis ab aliorum sententia recedendum esse iudicarem. Neque illam laudē, quā ex alieno vituperio mihi acquisierim, verā aut solidam esse censeo. Cū illud vnum semper mihi satis fuerit in scholis posse fideli dissectione aliorum, ac præcipuè veterū anatomicorū placita ita explicare, vt ab omnibus meis auditoribus apertè intelligi, ac memoriæ mandari potuerint. Quamobrē nisi vrgeret veritas ea, quæ mihi per plures annos perspecta videtur, certo scias, me nunquā à Vesalij dogmatibus esse recessurū, quod in musculis capitis facere cogor, cū ea diuisio, quæ ab hoc summo anatomico facta est subiectæ rei minimè respondere videatur: Quare audi quales à me reperiantur. Primus musculus mouens caput, oritur neruoso principio à spinis primæ, secundæ, tertiæ, quartæ, quintæ, & sextæ vertebræ thoracis. Deinde ascendēs oritur etiam carnosus exordio à ligamēto illo medio, quod per spinas ceruicis vsque ad occipitium medium currit, ita vt principiū dicti musculi perduret à sexta thoracis, vsque ad tertiam ceruicis vertebram, qui musculus inde oblique carnosus factus ad caput ascēdit, atq; ab illa parte, quæ à thoracis spinis oritur duas mēbrancas chordas producens, easdem in processus transuersos

transuersos primæ & tertiæ vertebræ ceruicis, vel secundæ & tertiæ, & quartæ aliquando inserit. Altera verò parte carnosiori, quæ, vt dictum est, à ceruicis ligamento oritur, ad occipitium vsque ascendit, atque in ipsum implatur ea sanè ratione, quæ à diuino Vesalio prodita est, quadam neruosa particula excepta, quæ in mammillarem processum inseritur. Vfus istius est vt circumducatur caput, atque eas ceruicis partes, quibus adnectitur. Quod si vnà cum coniuge suo æquè ad proprium principium velatur, recta dum abnuimus retrorsum caput ac ceruicem trahit. Secundus musculus oritur triplici principio, primo scilicet (quod aliquando, sed raro deest) à spina septimæ ceruicis vertebræ, & aliquando à prima vel secunda tantum thoracis spina, altero verò nascitur principio à transuersis processibus primæ, secundæ, tertiæ, quartæ, & quintæ thoracis vertebræ. Quod ita variat, vt aliquando neque à quinta, neque à quarta oriatur, sed à primis tantum tribus, aliquando etiam loco quartæ & quintæ oritur quodam tenuissimo initio à processu transuerso octauæ. Tertium atque vltimum huius musculi principium est à transuersis processibus quinque inferiorum vertebrarum ceruicis. Ex his itaque tribus locis, continua tamen serie, exortus musculus, (dicant quicquid velint alij de mole carnea) atque ascendendo vnus ita effectus, vt minimè diuidi possit comparique suo quasi connatus in occipitium ratione tradita à Vesalio inseritur. Neque vt aperte videre poteris portio illa quarta descripta à Vesalio huic adiudicanda est, sed potius pro tertio mu-

OBSERVATIONES.

sculo est numeranda. Isto agente caput retrorsum ad latus trahitur, agente verò toto pari recta retrorsum vellitur. Tertius musculus nō admodum grandis, nec crassus oritur nervoso principio à transuersis processibus sex priorum vertebrarum cervicis (adde quod etiam aliquando incipit à processibus transuersis primæ, secundæ, tertiæ, quartæ, & quintæ thoracis, sed hoc raro admodū) carnosusq; leniter factus nervoso fine inseritur in radice posteriorem mammillaris processus. Hunc pro quarta parte secundi musculi tradit Vesalius, cū tamen exactè distinctus sit musculus. At fibræ aliquot cuiusdam dorsalis musculi, quæ cum principio huius commisceri videtur, erroris causâ fuere. Munus istius est, vt ipso agente retrorsum trahat caput, & ad latus, adiuuante verò suo cōpari retrorsum tantū leniter ducat. Quartus musculus is penitus sit, qui tertio in loco à Vesalio censeretur. Quintus sit quartus ab ipso descriptus. Sextus sit quintus à Vesalio enumeratus, in cuius vsu ego valde ab ipsius sententia dissentio. Quoniam huic ascribit munus mouendi caput in gyrū vnà cum musculo sexti paris, quod mihi penitus à veritate abhorrens in hoc quinto videtur. Nam si non potest moueri caput in gyrum nisi ad motum primæ vertebræ, quæ circa dentem secundæ obuoluatur, necessarium erit vt ab hoc musculo prima moueatur & ad motum ipsius caput pariter vertatur: hoc autem fieri nō potest, ergo sequetur non esse instrumentum motus capitis in gyrum. Videamus enim ortum, atque insertionem: si vertebra est circunducenda ortus erit
in

in occipitio, & insertio in processu transuerso dictæ vertebræ. Iam agat hic musculus, si interea caput moueatur, agere non poterit, quia opus est quiete ipsius partis vnde oritur, si trahere debet. Si igitur detur, quod caput quiescat musculo agente circūducetur vertebra, at ad motū ipsius circūducitur etiam caput: ergo accidet vt simul & semel moueatur caput, & quiescat. Sed demus caput moueri dū agit hic musculus. Quæro iam, an motu contrario vel eodem moueri debeat? Si contrario moueatur, concursus proculdubio fiet, atque ita ad motū vertebræ non mouebitur caput, quia vertebra dextrorsum, caput, verò sinistrorsum motibus contrariis agitantur, per quos concurrent. Verū sit idem motus, vt sinistrorsum vtrunque feratur. Quæro iterum quodnam ex ipsis in motu præcedat, caput scilicet, an vertebra? Videtur esse respondendum vertebram præcedere, quoniam ipsa per se moueatur, caput verò per accidens ad motum illius. At à capite adest motus principium, quia inde musculus oritur, qui ipsam trahit, ergo sequetur à capite vertebram moueri, & non à vertebra caput, quod est contra dogma ipsius. Aliquis tamen respondere posset, quod circūducitur caput ab hoc musculo à vertebra exoriente atque in occiput desinente. Verū si hoc daretur, sequeretur, quod iste musculus moueret caput per se, & non per motum vertebræ & in proprio articulo, qui articulus secundum Vesalium est ineptus ad motum circularem. Quare si concedimus musculum hunc sextum, vel Vesalij quintum inseruire circulari motui, necessario

OBSERVATIONES

sequitur aliquod ex his incommodis, quod verum dogma, imò verissimum de capitis motu in gyrum per accidens destruat. Decepit autem istius sexti musculi positio diuinum hunc anatomicum, quæ quasi contraria positioni videatur musculi septimi paris. Verùm si ad hanc positionem oculos valde intentos habuisset, poterat facillimè deceptionē vitare, cùm istius sexti paris musculi ab occipite orti quasi recta deorsum inclinantes in transuersos primæ cervicis vertebræ implantari videantur, non autem obliquè declinare, vti in motu circulari requiritur, & quemadmodum septimi paris musculi se habent. Si igitur in gyrum non mouet hoc par, quis erit suorum musculorum vsus? ille profectò erit, qui ascribitur à Galeno in lib. de dissectione musculorum ca. 9. vt si integrū par trahat, faciat quod recta leniter abnuamus. Sin alter tantū musculus vt retrorsum caput in illam partem inclinet. Septimus præterea musculus ille sit, qui sextus à Vesalio describitur verus opifex istius motus in gyrum dū vnicus tantū agit. Quoniam si integrum par ager aut sistet caput, aut illud retrorsum vix trahet, ad motum scilicet ac quietem vertebræ, cùm hæc capiti ob ipsam accidunt. Octauus & penultimus ille sit musculus, qui septimo loco ab eodē explicatus est. Huic nonus musculus, vel par nonum musculorum addatur aliqua ex parte, sed non integrè à Galeno propositum, quod in anteriori cervicis facie sub gula collocatū oritur nervoso principio ab omnibus ferè vertebris cervicis chordis quibusdā originem à principio processuum trāsuerforum ducentibus.

centibus. Nam à septima, sexta, quinta, quarta, & tertia quoque vertebra hac ratione innatū, & carnosum aliquantisper factum ascendens inseritur fine carneo in capitis basim inter vtrumque processum, quo cū prima vertebra articulatur, ad hoc vt manifestè caput ad anteriora flectat. Vltimo in loco notandi sunt musculi duo admodū parui, qui à processu transverso primæ vertebræ orti, valde graciles ascendunt ad caput, & in illud inseruntur propè māmillarem processum, videnturque particulæ illius, qui à me tertio in loco numeratus est. Horum mentionem fecisse videtur Galenus in lib. de dissect. musc. dum loquitur de vndecimo musculo vel pari caput mouente. Tu nunc meam hanc sententiā sub incudem ponas, vt cognoscere possis, quòd *ἡ ἐστὶ πονηρὸν κόμματος* vt est in adagio, hæcque de musculis capitis tibi satis sint.

Sequuntur abdominis musculi, in quibus penitus cum diuino Vesalio, ac reliquis anatomicis idē sentio, hoc vno excepto, quod rectis circa principium adscribunt quandam partem carnosam à pube ortam, quæ nulla ratione illis adscribenda est, causas postea subiungam, cū prius partem hanc descripsero. In inferiori itaque abdomine inter lineam illam albam, in quam concurrunt chordæ omnium ferè musculorum, atque principium nervosum rectorum, oritur musculus quidam totus carnosus principio non admodum lato ab osse pubis quasi à parte ipsius exteriori, qui obliquè ascendens versus lineā dictam in acutum desinit, totusque obliquo fibrarū ductu in ipsam inseritur. Lon-

OBSERVATIONES

gitudo istius musculi non admodū magna est, cū
 non pertingat ad vmbilicum vsque, nec spatiū qua-
 tuor transuersorum digitorum excedat. Vtus est ip-
 sius mea sententia vt oblique deorsum lineam illā
 nerueam atque agente suo coniuge alterius lateris
 recta eandem deorsum trahat, ita vt ad compres-
 sionem subiectarum partium ad inferiora faciat.
 Nam si adhibita diligentia musculos oblique ascē-
 dentes obseruabis, illos iuxta anatomicorum placi-
 tum à summa ilium spina initium ducere videbis.
 Siq̃ue ductum deinde prosequaris chordam vtriuf-
 que, dextri scilicet & sinistri parum infra vmbilicū
 concurrentem reperies. Qua ratione fit, vt muscu-
 li isti oblique deorsum comprimant omnia, quæ in
 abdomine sunt à superioribus vsq; ad vmbilicum,
 aut parum infra. At quæ in summe continentur vi-
 scera, ea ab his nequicquam comprimi possunt.
 Quare hac ratione sequitur iniustam esse naturam,
 cū oblique descendentes, & transuersi, & recti
 omnia comprimant, oblique verò ascendentes ea
 tantū oblique deorsum trudent, quæ superiora
 sunt, inferiora verò minimè tangant. Hæcque tan-
 tū à rectis ad dorsum, atque à transuersis cōpressa
 elidantur. Quare natura æquitatem suam seruans
 ob istorum defectum duos hos musculos paruos &
 obliquos in inferiori abdomine collocauit, vt quic-
 quid infra vmbilicum est, oblique deorsum trudat,
 atque defectum oblique ascendentium corrigant.
 Audio quosdam, qui se mihi amicos profitentur,
 publicè hanc opinionem aliquando irridere, atque
 rationes etiam aliquot afferre, quibus probent
 auditoribus

auditoribus suis hos non esse musculos distinctos, sed potius rectorum partes. Nam asserunt, Particulæ istæ musculorum definitionem minimè habent, ergo muscoli distincti non sunt. Secundo, Carnes istæ aliquando non reperiuntur, ergo quintum par musculorum à natura institutum minimè faciunt. Quoniam si hoc esset, semper reperirètur. Tertio, Nullum habent vsum proprium, ergo muscoli nō sunt, confirmatur autem ab his nullum habere vsum carnes istas. Primò, quia non faciunt ad priapum ipsum erigendum, quoniam nullam cum ipso cōiunctionē habent. Secundò, quia nec vesica, nec aliquod aliud viscus in inferiori abdomine contentum ab his comprimi potest, cūm satis validè ab omnibus octo reliquis musculis comprimātur. Tertio, non credendum est, quòd rectis opem ferant, cūm ita magni validique ij sint vt nullo adiumento præcipuè istarum minimarū carniū egeant. Quāobrem ex his omnibus sequitur (vt ipsi asserūt) carnes has quintum musculorum par minimè conficere, sed esse potius rectorum particulas. Doleo ego, quòd isti virium suarum non sint æqui aestimatores, quoniam non ita liberè in alios anatomicos loquerentur, sed per me liceat quicquid in me velint, amicitia enim nostræ illud dono, atque contentionis istius occasionem laudo. Quoniā *ἀγαθὸν δὲ τοῖς ἄλλοις βραβεῖον*, vt ait Poeta, semperque ex huiusmodi litibus aliquid in commodum illorum, qui addiscere volūt cedit. Sed tu audi, quā se ipsos decipiāt, quāue friuolæ rationes istæ sint, quibus infringere par hoc musculorū nouū tētāt. Nā cū primò dicūt,

OBSERVATIONES

quòd definitionem musculi minimè habent, ingenuè fateor me ignorare quid sibi velint per definitionem musculi. Quoniam si definitionem intelligunt, quæ tragelaphum nobis exprimat, hæc procul dubiò istis minimè competit. Verùm si illam agnoscunt, quam ego, & ante me Galenus in principio primi de motu muscu. agnouit. Musculum scilicet esse immediatum motus voluntarij organum. Dico hanc definitionem summoperè ipsis quadrare, esseque voluntarij motus vera organa, atque suminis partes volūtaria compressione oblique deorsum trudere & consecutione certa musculos esse, atque à me ideò appellari. Ad secundam verò rationem, quòd aliquando carnes hæ non reperiuntur, atque ideò nisi sint partes rectorum musculorum nullum par nouum constituent nullumque proprium vsum habeant, respondeo. Primum hanc obseruationem dici posse falsam. Quoniam & ego plurima dissecai cadauera, neque hos musculos aliud quidquam vnquam passos vidi, quàm hoc solum, quod ita inuicem connati essent vt ex duobus vnus tantum appareret factus: hoc verò semel vidi. Sed demus istos hoc obseruasse. Nam fieri potest, vt musculi isti sint aliquando à natura prætermissi, vt fit in musculo latescens tendinis in manu, cuius aliquando obliuiscitur natura, vt ipsi optimè norunt, qui tamen quando adest pro musculo habetur, & munus suum subit. Quod si valeret istorum ratio, hic quoque dici posset musculum non esse, quia aliquando desit: & ideò numerandum pro parte primi, aut secundi flectentis manum, quibus

bus adnascitur. Hoc autem, si nunquam dicere audent, nec in his dicta ratione idem audeant. Ad tertiam verò rationem quòd vsum non habeant respondeas, vsum potissimum habere, vt viscera in sumine contenta oblique comprimant deorsum, atque confirmationem istius rationis primam ita confuto. Quòd non ita facile ego ad priapum recurro, neque vnquam dixi, quòd ab his musculis pars ista moueretur. Neque vnquam anatomicus fuit ita stolidus, qui in homine recensuerit aliquè musculum, qui in abdomine collocatus, colli inferuiat. Concedo igitur musculum hunc colli non inferuire, atque simul consequentiam nego, quòd vsum non habeat. Secundam verò confirmationē tollas negando vesicam, & reliqua suminis viscera oblique deorsum per se ab aliquo ex octo musculis abdominis trudi. Nam obliqui descēdentes hoc non faciunt, cum sursum obliquè trudāt. Recti verò minimè aut transuersi, cum ad latera & ad dorsum propellant. Obliqui quoque ascendentes cum originem suam altiore habent, atque parū infra vmbilicum in lineam mediam chordæ ipsorum inferantur, non possunt esse opifices istius expressio- nis, nisi cum trahunt deorsum viscera superiora, atque his mediis illa quæ infima sunt, trudent, quæ expressio per accidens est, vnde postea sequetur, quòd vesica comprimi nulla ratione possit per se deorsum, nisi superiora viscera quoque illuc impellantur, quod minimè dicendum est: cum in nobis met ipsis quotidie experiamur vesicam ipsam compressam lotium reddere absque vlla reliquo-

h

OBSERVATIONES

rum viscerum compressione dum mingimus leniter. Atque apertè cognoscimus abdominis musculos ad hanc actionem, nisi violenta sit, nunquam concurrere. Nam cùm valide lotium ciaculare tentamus totum tunc abdomen manifestè ad inferiora contrahimus: Si igitur verum, hoc est, necessarium erit aliud dari instrumentum præter dictos maiores musculos, quo leniter vesica deorsum exprimatur. Galenus in lib. de dissectione muscu. hoc munus parti inferiori rectorum adscripsit. Ego verò, cùm sciam musculos rectos non deorsum, sed ad spinam propellere, asserui obliquos illos paruos istius levis motus esse opifices. Neque mihi visus sum absurdum protulisse, cùm à regione vesicæ minimè distent, sed potius immediate illi hærentes tangant. Deinde etiam, cùm non ita parui sint, ut munus hoc explere minimè valeant. Quoniã primo cùm lotium aperto ceruicis vesicæ musculo quasi per se effluere possit descendendo: Secundo cùm substantia vesicæ tota carneis fibris contexta se ipsam contrahat, hancque expressionem adiuvet, meritò requirebantur parua instrumēta exteriora, quæ rem istam perficerent. Neque magnis egebat natura cùm nihil frustra agat. Hi itaque erunt, qui moderatas expressiones vesicæ efficient, violentis verò inseruiunt vnà cum his maiores abdominis muscoli, ipsum totum & vnà vesicam exprimentes. Ad tertiam verò rationem, qua probant musculos hos nullum habere vsum, quoniam credendum minimè sit ipsos rectis musculis magnis admodum, atque validis opem ferre. Respon-

deo

deo me nunquam hoc somniasse, quod rectis opē ferant. Quoniam recti thoracem recta deorsum trahunt, atque in se ipsos contracti, quæ in abdomine continentur, per accidens ad dorsum propellant. Isti verò parui obliquè deorsum partem illam tantum in qua sunt deprimunt. Verum quid deinde sequeretur incommodi, si opem afferrent mea sententia rectis, validissimisque musculis? hoc ne fortasse esset præter consuetudinem naturæ humanæ? Conspicias, mi Petre tertium Vesalij & Valuerdæ musculum qui pedem mouet, atque conferas quæso cum primo, secundo, & quarto, quoniam videbis illum multo minorem tribus his posterioribus validissimis musculis, quàm sint hi parui in abdomine ad rectos relati, & tamen ad eundem vsum penitus factus est ille paruus musculus, ad quem reliqui tres dicti, ad extensionem scilicet ipsius pedis. Possem quoque aliquot alia istius rei proferre exempla, quæ breuitatis causa nunc prætermitto, atque simul colligo hos non ita facile mirari debere, si quis aliquando dixerit, naturam iuuare maxima organa, illisque opem afferre minoribus aliquot, immò minimis organis adiunctis. In hac controuersia iudicem te, atque vnà tecum Capredonum nostrum constituo, quo sententiam ferratis vtri nostrum veritatem protulerint. Sed prius audi rationes, quibus ego actus, hoc dogma publicarim.

Prima est, quoniam ego viderim musculos hos membranula quadam tenuissima à rectis esse distinctos.

Secunda, quia istorum fibræ nunquā cum fibris

h ij

OBSERVATIONES

rectorum commiscuntur, neque in aliquam illarū transuersarum linearum, quę in rectis nerueę sunt, desinunt.

Tertia, quia recti muscoli rectas penitus possident fibras, isti vero obliquas habent.

Quarta, quoniam desinunt semper in illam mediam lineam neruosam, nunquam autem in rectos musculos.

Quinta, quia video illos necessariò illic requiri, cum obliquè ascendentes in Epifio, vt plurimum operam suam minimè nauare possint, vt obliquè deorsum partem illam exprimant. Dixi autem vt plurimum, quoniam aliquando accidit (hocque à reliquis anatomicis minimè est animaduersum) vt dictorum musculorum principium nō incipiat primum à spina ilium, sed inferius à ligamento illo valido, quod ab eadem spina, vsque ad ossa pubis percurrit, atque tunc temporis secundum hoc musculorum par ea, quę sunt inferiora in sumine etiam deorsum trahit. Verùm hoc admodum raro accidit.

Sexta & vltima ratio est, quod horum actum manifestissimè non ego solus, sed plurimi alij apertè in se ipsis agnoscunt. His de causis ego commotus geminos musculos & nō partes rectorum esse dixi.

Ad testium musculos descendo, in quibus aliam sanè originem reperio ab illa, quę ab anatomicis prodita est. Quoniam manifestissimè eos semper video ab osse ilium, vel ab illo ligamēto, cuius mentionem nuperrimè feci, initium ducere sub chorda

da

da musculorum obliquè descendantium, atque vnà cum peritoneo & vasis per foramen chordæ egredi. Aliquando etiam obseruauì à partibus anterioribus ossis pubis aliquot fibras carneas dictis musculis communicari, ita vt geminus aliquando ipsorū obseruetur ortus, qui cū in simiis fermè perpetuò geminus sit, & exquisitè distinctus, & manifestè carneus, fuit in causa vt Galenus cap. 27. lib. de dissectione musc. asseruerit geminos musculos habere vtrumque testem, qui postea coeunt in vnū desinant. In mulieribus quoque semper hos musculos (simplices tamen) reperi ab eodem loco ortos atque per foramen chordæ obliqui descendantis vnà cum cremasteribus vteri egredientes, breues quidem atque decurtatos, neque vllam cum testibus fœminarum coniunctionem habentes. Hæc de musculis testes attollentibus.

Iam ad thoracis musculos venio, in quibus cū ita vastus sit numerus, mirum fortasse tibi videri posset, si nihil à reliquis anatomicis dissentiam. Ego verò non libenter ab aliorum sententia recedo, eoq̃ue minus cum in re maximi momenti illud agendum sit, quæ aut me summæ audaciæ, aut alios anatomicos, præcipuè diuinum Vesaliū, quem veluti miraculum aliquando admiror, negligentia maximæ arguet. Sed cū hæc in publicis Scholarum theatris à quamplurimis probata viderim, non erubescam eadem tibi cōmunicare, vt iudiciū tandem, quod de ipsis feceris audiam. In primo & secundo, atq; tertio thoracis musculo, cū rectè ab aliis anatomicis descripti sint, nihil addam, præter-

h iij.

OBSERVATIONES

quàm quod secundum libentius inter scapulæ musculos, quàm thoracis numerarem. In quarto verò notandum, hoc est, quòd illius partes non inseruntur in omnes costas, sed tantùm in sex inferiores, ea quidem ratione, quam tradit Vesalius, mouet tamē non has sex tantùm inferiores, sed etiam reliqua superiores sex. Vide autem qua ratione. A duodecima & vltima costa propè in sertionem dicti musculi oritur quædam chorda, quæ carnosæ efficitur, atque iterum excarnis facta ascendens in sextam costam inseritur, & musculi gracilis effigiem habet. Ab vndecima item costa pari ratione vna oritur chorda, quæ inseritur in quintam. A decima item vna, quæ in quartam, & à nona alia, quæ in tertiam inseritur. Sic quoque ab octaua & septima geminæ, quæ in secundam & primam miplantantur, omnesq; istæ chordæ musculi distincti videntur, ita tamen inuicem, & cum prædicto quarto in superficie complicati, vt partes ipsius videantur, cùm re vera non sint. Dum igitur quartus musculus sex inferiores costas deorsum trahit, reliquas etiam superiores sex prædictorum additamentorum ope mouet, cùm tamen re vera vsque ad primam minimè ascēdat. In sexto thoracis musculo obseruavi, quòd ab omnibus anatomicis qualis potius in canibus reperiatur, quàm qui in homine sit descriptus carnosus totus, tenuis, atque septem costarum integrarū cartilagine occupans. Quæ notæ vt plurimum in hominibus non inueniuntur. Nam musculus hic potius nervosus est, quàm carnosus, ita vt quibusdā in partibus nervosa tella videatur carne infracta.

Neque

Neque vnquam vltra secundam costam vel ipsius cartilaginem ascendit, quod ego obseruavi in omnibus cadaueribus quæ adhuc secui. Accidit etiã aliquando, vt ad secundam ipsam costam non peringat. Quare mihi credas, quòd neque totus carnosus est, neque omnes integrarum costarum cartilagines occupat. Reperio deinde tres alios musculos, quos ego thoracis proprios esse opinor, quiq; nisi addantur, non adsunt instrumenta, quibus ad superiora thorax ipse eleuatur. Nã primus musculus thoracis à reliquis anatomicis huic muneri designatus, cùm à iugulo oriatur, iugulum verò ipsum ossi pectoris, atque acromio, quod thoraci innititur copulatum sit, non potest validè omnium costarum eleuationi inseruire. Tertius deinde thoracis musculus eleuationi costarum ab anatomicis præpositus, quamuis illas attollat, tamen quia paruus atque obliquus debilem insertionem habet, solus hanc muneris functionem integrè obire non potest. Quamobrem absurdum minimè esse iudicârim, si pro septimo thoracis musculo addatur ille, qui neruoso principio ortus ab interna facie processuũ transuersalium tertiæ, quartæ, quintæ, & sextæ vertebræ ceruicis, carnosiorque factus inseritur in primam costam, vt illam ac totum simul thoracem attollat, hic à nemine est descriptus. Cui octauus adiungitur, secundus scilicet inter dorsales à Vesalio connumeratus, qui oritur ab omnium vertebrarum ceruicis transuersis processibus (quanquam prima & secunda aliquando

h iij

OBSERVATIONES

excipiantur) atque inseritur in primam costam, & aliquando etiam in secundam thoracis: & quamuis ortus istius musculi nervosus sit, insertio vero carnosâ cum vice versa potius esse deberet, hoc tamen impedimento minimè sit, quoniam partis ratio vnde originem ducit hoc postulat. Deinde idè facere consuevit natura, vt planè apparet in primo, secundo, & tertio mouentibus caput, & in aliquot scapulæ musculis, & in tertio huic parti, thoraci scilicet à Vesalio ascripto. Hic attollendo thoraci inseruit. Nonus sit ille musculus, qui ortus à processibus transuersis quartæ & quintæ vertebræ cervicis in secundam costam inseritur, & aliquando etiam in tertiam carnosâ fine. His ego tribus posterioribus atque illi, qui in ordine omnium tertius est, laboriosam ellevandi thoracis operam ascribo, cum mea sententia ab vno tantùm tertio perfectè id fieri minimè possit.

Ad intercostales venio musculos, in quibus omnes anatomici penè lapsi sunt, primusque fuit Galenus, qui cùm in lib. de dissect. musc. cap. 23. rectè dixisset musculos hos in vnoquoque latere viginti & duos esse errorem geminum, statim subiunxit, alterum quidem dum asseruit omnium istorum musculorum fibras vniformes esse vsque ad extremum inter costas nothas, at inter integras vniformes tantùm esse vsque ad cartilagineas. Quoniam cùm illuc peruenerint vniformes, tunc mutant ordinem, atque ductu priori contrario feruntur, quæ sententia fuit in causa, vt Auicēna prima primi cap. de Anat. musculorū thoracis deceptus hac fibrarū
mutatione

mutatione dixerit in vno quoq; spatio inter costas quatuor integras musculos cōtineri, quod ita veritati alienū est, quā quod alienissimū. Alter verò Galani error est, cū intercostaliū musculorū exteriores thoracē dilatare, intimos autem cōtrahere asserit: quod falsum esse patet, si quis voluerit animum ad rem ipsam reuocare. Nam quamuis aliquot nostrorum temporum anatomici sibi ipsis atque aliis imponentes in dissectionibus viuorum hoc opus ostendere tentent, illis tamen non succedit, tūcque fide maxima, qua omnia illis credantur magis quā oculis opus est. Nullus enim musculus inter costalis vti instrumentum voluntarium, potest costarum spatium, in quo continetur dilatare, vel costam à costa seiungere. Ea autem ratione, qua ligamenti munere fungitur, quo costæ inter se iunguntur, ac ligantur, per accidens facit ad dilationem. Nam exempli causa, dilatatis costis inferioribus deorsum à musculis extrinsecis, aut eleuatis superioribus à musculis extrinsecis: reliquæ mediæ sequuntur costæ, atque spacia media dilatantur, quod opus musculorum inter costalium ratione fit, quoniam ipsi costas trahunt: & hac ratione per accidens dilatant. Quod nisi adessent instrumenta exteriora, ab ipsis minimè fieret. Possunt etiā alio modo intercostales muscoli spacia media dilatare, si illi, qui collocati sunt inter primam & secundam, attrahant vnā ad altāram, exempli gratia, secundam ad primam: quoniam hoc pacto dilatabitur spacium, quod inter secundam & tertiam

OBSERVATIONES

cadit, cum illa versus primam feratur. Hæc tamen dilatatio non fiet per se, nec à musculo in spacio dilatato existente, sed ab illo, qui spacium superius contrahit, & idcirco per accidens. Sed de hoc lis minimè instituta est. Quoniam quærimus an musculus collocatus inter primam & secundam & exterior has contrahat costas, huic verò subiectus & magis intimus an easdem dilaret. Hoc Galeni, atque omnium anatomicorum pace dicam, mihi non probatur, neque etiam diuino Vesalio, aut vlli docto viro, qui ab omni passionum genere sit immunis.

Doleo præterea Vesalium in hanc deuolutum esse opinionem, quod in singulis spatiis costarum integrarum contineantur quatuor intercostales muscoli, cum duo re vera tantum sint, vnus exterior, qui incipit in parte posteriori vsque à processu transuerso vertebræ, cui adnectitur costa atque obliquè antrorsum declinantibus fibris pertingit fermè vsque ad cartilaginis initium, qua costa ossi pectoris iungitur, ibique finit. Aliter verò huic subiectus non à processu incipit, sed à parte illa, in qua flectitur, curuaturve costa, & fibris antrorsum obliquè abscedentibus vsque ad os pectoris peruenit, spaciumque inter cartilagineas ipsas contentum replet. Hoc autem notatu dignum est, quòd quanto exterior ulterius oritur in posterioribus partibus à processu scilicet vsque, tanto etiam citius finit in anterioribus, & vice versa, quanto interior tardius à flexura

flexura costæ incipit, tanto etiam tardius finiendo ad os usque pectoris pertingit. Tota hæc pars secundi musculi, quæ explet spacium inter cartilagine contentum, cum aliquantisper elleuetur ad exteriorem illius spacij superficiem, locumque ipsius exterioris musculi qui non adest occupet, fuit in causa, ut ipsam novum esse musculum Vesalius sit opinatus, qua quidem ablata cum adhuc fibræ carnosæ contrario ductu positæ statim appareant, has idem opinatus est esse quartum intercostalem musculum, cum tamen Deo Optimo Maximoque teste, sint partes sexti musculi de quo supra locuti sumus. Quare pace tanti viri assero in vno quoque costarum integrarum spacio duos tantum reperiri musculos, interiorem scilicet atque exteriorem, tertiumque ab ipso designatum esse secundi interioris partem, quartum verò sexti, qui in cavitare thoracis continetur portionem. Ex his sequetur, quod in undecim vnus lateris costarum spatiis viginti tantum & duo contineantur musculi, non autem triginta & quatuor, hocque omnium oculis, qui perfidiosè secare noluerint, manifestè patere poterit. At fortasse minus fide dignum tibi videbitur, quod Vesalius vno iactu vigintiquatuor musculos addiderit, qui in hominis thorace non reperiantur, quodque partes sexti musculi pro intercostalibus recenserit. Hoc idem ego quoque fateor, mihi que ipsi & aliis quammaximi anatomici aucto-

OBSERVATIONES

ritate fretus, per plures annos imposui, neque trigintaquatuor tantum in vnoquoque latere ostendi, sed etiam tot, ut ostenderem feci. Veruntamen cum Deus postea aurem velleret, non potui veritatem supprimere, aut tenebris obscurare, credoque Vesalium ob eam ingenuitatem, quam in aliis etiam desiderat, non solum hæc grauitè non laturum, sed potius mihi immortales gratias esse habiturum, si vnquam ad illius doctissimas aures hæc nostra peruenerint. Sed hæc satis de musculis thoracis, quos dorsales sequuntur.

Dorsi totius musculi ita varij & complicati sunt, ut non sit mirum si anatomici scriptores inter se concordēs non erunt. Nam ut quid sentiam ingenuè profitear, indigesta moles atque confusum chaos musculorum mihi videtur, in quo præceptorem desidero, qui distinctè ante oculos hos mihi dissecet, ipsiusque partes ad certum numerum ac ordinem diducat. Minimè enim in his musculis explicandis, quod in paucissimis aliis accidit, mihi fatissacio, eoque minus cum videam, quod si ego voluerim meliorem instituere diuisionem ob rei difficilem naturam, alius fortasse anatomicus eam assequi non poterit ob infinitam fibrarum & originum, & insertionum, quæ in hoc chao continentur, multitudinem. Est enim veluti plurimarum viarum labyrinthus, in quo tamen coram te quid obseruari liberè dicam.

In sex paria musculorum totam hanc molem carneam satis commodè diuidi posse, mihi visum est.

est. Quorum quidem parium primū illud sit, quod primo etiam in loco à Vesalio est connumeratum. Nam nihil, mea sententia, huic addi debet. Cui addatur secundum par triplici ortum principio, prior quidem à processibus transuersis primæ, secundæ, & tertiæ vertebræ thoracis, vel à processibus tertiæ, quartæ, & quintæ, nam aliquando ab his, & ab inferioribus vsque ad octauam deriuatur principium hoc. Secundum verò principium subministratur veluti pars quinti musculi dorsum mouentis. Nam ab extrema illius parte portio quædam huic musculo admiscetur, quæ aliquando non inde, sed à costa septima, sexta, quinta, & quarta orta apparet, hocque secundum à me dictum principium transuersis processibus primæ, & secundæ, & tertiæ vertebræ attensum, ac ascendens vnitur cum priori, & tertio, vltimòve exortu, qui est veluti portiuncula extrema musculi illius, qui inter mouētes thoracem quarto in loco ab anatomicis enumeratus est. Hac ratione cōiunctum vnū in vtroque latere format musculum, qui in processu transuersos septimæ, sextæ, quintæ, quartæ, & tertiæ vertebræ ceruicis, & aliquando in omnes penitus inseritur. Hoc par musculorum ita videtur misceri cum tertio capitis pari, vt imponens Vesalio pro vno eodēque tertio dicto ab ipso lineatum sit. Tertium par illud sit, quod totam ceruicem occupat, insertum non solum in spinas ipsius, sed etiam in processus transuersos, & illorum radices variis variisque modis. Oritur hoc par à processu-

OBSERVATIONES

bus transuersis vertebrarum thoracis incipiens à nona, vel ab octaua vsque ad primam. Oritur quoque ab omnibus processibus transuersis vertebrarum ceruicis vsque ad secundam, atque inferitur, vti dictum est. Vfus ipsius vti reliquorum satis patet. Quartum addatur par, quod sub quinto nuper dicendo occultitur, & admodum carnosum exterior ab ea cavitare, quæ inter os ilium & spinam sacri iacet, atque ascendens variis principiis augetur ab omnibus transuersis processibus vertebrarum lumborum, cumque ad thoracem peruenerit ab illius pariter vertebrais augetur variis principiis, quæ tria videntur.

Vnum elatius ab extremo vnus cuiusque processus transuersi: alterum inferius quasi à radice eiusdem processus: tertium verò à spinis singulorum vertebrarum incipit, ita vt tria musculorum genera simul mixta esse videantur. Vno quidem exteriori fibris longioribus constante. Altero verò intimiori existente, quod fibras breuiiores habet. Vltimo etiam adhuc breuiore, quod à spinis ortum est. Vnus tamen musculus, mea sententia, censendus est, qui dicto multiplici principio incipiat. Hic plurimas chorδας emittit, quibus inferitur in omnes lumborum ac thoracis vertebrae multiplici insertione, alia quidem exteriori, alia magis intima, atque alia etiam in spinas ipsas, aliâque in processus transuersos, & vltima in sedem inter has dictas geminas contentam inferitur. Huius musculi cognitio ortu, ac
infer

insertione, vsus statim patet. Quintum verò par illud sit, quod maximum omnium dorsalium est, veluti pars illius, quod mouens thoracem, quarto in loco numeratum est, oriturque nervoso principio à dorso ossis sacri, atque ab osse ilium parte in posteriori, qua iungitur sacro, necnon à spinis omnibus vertebrarum ipsorum lumborum, sub quo nervoso principio tanquam sub tegumento quodam aliud summe carneum exordium latitat. Ab hoc principio exortum par istud robustissimūque factum, interea dum ascendit tres insertionum species habet. Nam primo quibusdam chordis parvis admodum inseritur in omnes costas, quo inseruntur etiam chordæ quarti paris, ac proprii ipsius thoracis: accidit tamen ut quandoque non in omnes, sed in octo tantum costas implanteretur. Secundo quibusdam aliis chordis inseritur in omnes processus transversos vertebrarum thoracis. Tertiò verò implantatur in spinas vertebrarum eiusdem thoracis, incipiendo à decima atque ascendendo ad quartam usque, aliquando verò à sexta tantum usque ad tertiam. Hæcque insertio fit nervoso fine. Ab hoc extremo pari principium quodam oritur, cuius in secundo pari facta est mentio. Sextum atque ultimum musculorum par illorum sit, qui à divino Vesalio quinto in loco sunt enumerati, quosque inter *ψόξ* à Græcis vocatos musculos contineri asserit, non sine aliqua nota. Quoniam re vera musculi *ψόξ* ab

OBSERVATIONES

Hippocrate, Galeno, & cæteris dicti & à quibusdā aliis *νευρομήτορες* & *αλώπενες* appellati: duo illi sunt, qui à Vesalio numerantur sexto in loco inter femorum motores. Et quamvis Clearchus auctore Pol- luce, vel Clitarchus auctore Ephesio dorsales musculos exteriores his nominibus vocari dixerit, in errore tamen teste eodem Ephesio fuit. Legas Galenum in libro de dissectio. muscu. cap. 25. & quinto de Anat. Admin. ca. nono ubi *ψῶς* istos explicat. Quibus dimissis ad *ψῶς* Vesalij redeo, qui sextum par dorsaliū explēt, itaque ab ipso recte explicantur, ut nihil à me desiderent. Hæc est ratio musculorum dorsaliū, qua nisi ipsis talis ordo imponatur, re vera uti sint disponēdi me ignorare ingenuè fateor.

In musculorum numero, qui cubitum, atque manum mouent, quive in brachio & ulna continentur, penitus Vesalio assentior. Quoniam omnia, quæ ad horum historiam pertinent diligentissimè explicavit, nihilque aliud addendum est, quàm hoc unū. Quod latescentis chordæ musculus aliquando geminus reperitur in utroque brachio & ab eodem loco penitus uterque ortus, quorum unus in chordam latam desinit alter in ligamentum transversum in carpo inseritur, quod ego ter, aut quater ad summum observavi. Verùm in illis musculis, qui in summa & extrema manu continentur non ita concors sum. Primo, quia in volæ parte illa, quæ ab Antiocho Tibertio Lunæ mons vocatur, reperio in pāniculo pingui ipsius manus carnem quandam, quæ muscu-

musculorum effigiem habet, sed musculorum tenuium satis ac breuium, qui duo frequenter sunt, & aliquando etiam tres ortaque hæc caro in syluestri ac inferiori illius montis parte, vbi octauum carpi ossiculum situm est, à panniculo carnosio per pinguedinem disperso, vel à membrana musculum lunæ monticulum formantē vestiente, atq; in interiorē & mediam volam per transversum lata ad chordam vsque latefcentem peruenit & implantatur, tota penitus pāniculo carnosio ac pingui complicata. Munus huius est, mea sententia, vt potius cutim illius partis corrugat, quam quòd extendat. Hoc equidem meum inuentum non est, sed Iohānis Baptistæ Cannani Ferrariensis medici viri vti sine vlla controuersia inter ante signanos anatomicos collocādi, ita omni genere doctrinæ, & morum probitate comitatēque nemini secundi. Hic celeberrimus anatomicus, cū ego Ferrariæ profiterer (agitur fermè decimus & tertius annus) suum istud inuentum mihi communicauit, egōq; postea Pisi, atque hic Patavij ita publicè propalaui, vt ad omnium aures facilmè peruenire potuerit. Primus autem, qui publicis scriptis musculos hoc commēdārit, fuit Valuerda in anatome sua, hispano idiomate scripta: quamuis non satis rectè, cū vnum tantū musculum esse, atque ad extensionem factum dicat.

Secundo dissideo ab eodem Vesalio in his musculis. Quoniam dum tradit insertionem & vsum illorum quatuor, qui parui admodum in vola

OBSERVATIONES

hærent chordis secundi musculi tertium digitorum internodium flectentis, asserit hos musculos implantari in primum digitorum os, atque munus hoc subire, ut digitos introagant, & ad pollicem adducant. Quæ res valde diuersa à me reperta est, atque etiam (agitur fermè decimus annus) dum adhuc Pisiis essem in vulgus edita, testemque huiusce inuentionis habeo anatomicum ac medicum clarissimum Antonium Ponzanellum, qui in academia Pisana tunc temporis auditor erat meus, posteaque mihi suffectus est dum inde discederem non sine magna nominis sui celebritate, atque insigni animi mei voluptate, cum illum æque ac fratrem ob eximiam ipsius virtutem valde diligam. Verùm ad rem rediens, dico musculos non inferi in primum os digitorum, sed potius desinere in chordam posteriorem, quæ omnes digiti articulos extendit, atque insertio hæc circa medium primi internodij fieri solet, ex qua patet primarius istorum musculorum vsus. Quoniam ipsis ad principia contractis extenduntur digiti, non integri tamen, sed secundus tantùm & tertius illorum articulus, in qua re deceptus est Valuerda. Nā cum aliquid de extensione facta ab istis musculis audiuisset (per totam enim Italiam ab auditoribus meis hoc dogma iam multos ante annos disseminatum erat) neque diligenter suarum chordarum insertiones inspexisset, in anatomico opere ubi istius rei facta est mentio, dixit, musculos hos digitos extendere, cum potius esset dicendum alteros atque postre-

postremos digitorum articulos ipsos erigere. Et re quidem vera cum chordæ istorum paruorum ultra primum articulum coniungantur cum chordis extendentibus, non possunt eundem primum dirigere, sed potius flectere debent. His adde quòd cum dictæ chordæ in transitu ad exteriorem digitorum regionem colligantur cum ligamento laterali primi articuli, id accidit, vt musculi ij leniter etiam possint primum internodium digitorum quodam leui motu ad policem adducere.

Tertio ab eiusdem Vesalij sententia recedo. Quia locutus de musculis illis octo, qui inter ossa metacarpi continentur, atque singulis dictis ossibus gemini distribuuntur, ait quòd musculi isti chorda sua inseruntur in latera prima ossis digitorum, atque hunc vsum habent, vt digitos flectant. Quod in ipsa rei historia minimè inuenitur. Quoniam chordæ istorum octo veluti & aliorum quatuor, qui nuper à me dicti sunt, colligatæ aliquantisper ligamento primi articuli digitorum, per latera feruntur ad exteriores chordas, quæ extendunt, atque in illas inseruntur ad vsum extendendi secundi & tertij articuli omnium digitorum, neque quicquam variant ab vso prædictorum quatuor, sed potius istorum tendines cum illorum chordis ante insertionem aliquando coniunguntur. Miror autem quomodo Valuerda, vel qui illum docuit, admonitus ab illis primis quatuor non cognouerit quoque istorum vsum, & si vnquam hominem viderit, à quo ob vulne-

i ij

OBSERVATIONES

ra metacarpo exteriori inflicta primi digitorum articuli extendi non possint, non obseruarit, quàm cito, & quàm validè secundus & tertius articuli extendantur. Quod si obseruauit, cur præterea non animaduertit ita celerem & vehementem, aut validum motum ab illis solis quatuor gracilibus musculis fieri non posse? cùrque hos non inuenit, qui dictis opem ferūt? sed non omnia possumus omnes. Valuerdæ etiam non leues habendæ sunt gratiæ, quod anatomicum librum ita facili breuitate conscripserit, & venustissimis imaginibus ornarit, vt non parum omnibus qui hispanam linguam calent, prodesse possit.

Quarto in loco numerum, aut ordinem illorum musculorum non probo, qui pollicem mouentes, ab aliis anatomicis sunt descripti. Numerum quidem, quoniam in plures possunt diuidi, quàm ab ipsis sit factum: ordinem verò, quia ab aliquot ita confusè vnà cum illis, qui collocantur in vlna sunt explicati, vt si quis musculos paruos in vola positos, pollicemque mouentes quærat, difficilimè, longoque labore inueniat. Sum enim ego istius sententiæ, quòd simul omnes hi parui musculi, qui polici inseruiunt sint simul explicandi maiores facilitatis gratia. Quare à me ita explicentur. Primusque ille sit quo indici pollex adducitur, estque vigesimus quartus Vesalij. Hic carneo principio, partim etiam neruoso, oritur ab osse metacarpi, quod indici subiicitur, atque carnosus implantatur in totum primum articulum pollicis.

cis. Neque ego vnquam inuenire potui nerueum illum tendinem, quo (vti traditum est ab aliis) in secundi ossis radicem inseritur. Secundus sit decimus quartus Vesalij, ortus & insertus, vt optimè ab ipso traditum est. Tertius sit eiusdem decimus quintus cum eadem penitus origine, atque insertione. Quartus sit decimus sextus propositus ab ipso, cui hoc tantum addendum est, quod etiam neruoso quodam principio oritur ab osse metacarpi minimo digito subiecto, vbi cum carpo iungitur. Atque simul notandum est, quod hi tres muscoli, quartus scilicet, tertius, & secundus desinunt in vnam tantum, atque eandem chordam, quæ attensa sesamino ossiculo interno inseritur in latus secundi ossis eiusdem digiti. Quintus musculus subiectus his tribus proximè dictis & carnosus, oritur ab osse metacarpi, quod subditur indici infra medium vsque ad iuncturam cum carpo, & iungitur eadem chorda, qua tres dicti secundo ossi ipsius policis. Hic prætermisus est ab anatomicis. Quidam tamen intuitus omnes hos quatuor posteriores musculos vnicam chordam habere, atque hanc lateris interioris sesamino hærentem in os inseri, fortasse diceret vnum tantum esse musculum, atque eo magis cum isti quatuor à me enumerati omnes in eadem partem policem trahant, differantque motus istorum per magis & minus tantum, quod per me quidem licebit. Nam vt horum difficilem diuisionem euitem, libenter ex ipsis vnum constituam. Ve-

OBSERVATIONES

rùm si quis aliorum auctoritate fretus priores, secundum scilicet, tertium, & quartum tres esse voluerit, necessariò etiam quintus erit distinguendus. Sint igitur omnes hi aut quatuor aut vnus, non multum refert, modò quantus sit, & vnde oritur optimè pateat. Sextus parvus musculus est, qui nervoso principio ortus partim à metacarpi ossibus indici ac medio subiecti, vbi cum carpo iunguntur, partim etiam ab illo osse, quod in brachiali subiicitur polici ab eo propemodum loco, vnde ligamenti transuersi pars inferior oritur, atque inde ascendens in chordam desinit, quæ ita amplexatur sesaminum internum secundi articuli policis, veluti chorda septimi, & octavi, & noni musculi extendentis tibiam amplexantur patellam in genu, atque deinde inseritur in latum internum, atque antè ipsius secundi ossis policis ad illud flectendum. Septimus oritur à ligamenti transuersi parte superiore, atque satis excarnis desinit in tenuissimam chordam quæ in latum externum versus posteriora secundi ossis inseritur ad totum abducendum policem ab indice, vt opinor. Octavus musculus oritur à media sede ligamenti transuersi, atque priori septimo continuus, & admodum similis est, desinitque in chordam plenioram, quàm sit septimi chorda, ac inseritur in latum externum tantùm dicti secundi ossis, prope eiusdem septimi insertionem. Coniunctum habet musculum prædicto. Verùm si quis voluerit hos duos musculos pro vno numerare, istud per me si-

nc

ne vlla controuersia facere poterit. Nonus oritur partim à sede infima ligamenti transuersi, partim ab osse carpi, à quo dicta pars ligamenti prodir. Principium autem ipsius est carnosum, & partim neruosum, totusque musculus satis carnosus in duos, si quis vellet diuisibilis, sed vnus tantum sit, & in cordam latiusculam finiat, quæ exterius sesaminum amplexata, inseritur in anteriorem faciem ossis secundi policis. Munus habet, vt secundum os dictum flectat, & vnà cum primo osse pollicem totum ad mediam volam, & vltra minimum digitum ducat. Nam primus & quintus ad indicem adducunt, secundus ad internum latus medij, tertius ad internum latus annularis, quartus verò ad latus internum minimi, at hic nonus vltra minimum etiam adducere potest. Decimus oritur à sede summa & media ligamenti transuersi, ac ascendens in os primum policis latere in externo implantatur, atq; etiam obscure inserit aliquot fibras in secundum os eiusdem. Hic respondere posset duodecimo à Vasalio descripto, qui latitans sub septimo & octauo abducit pollicem versus lunæ montem.

Vndecimus, qui decimo tertio Vesalij respondet, oritur à sede infima ac media ligamenti transuersi, & ab illo osse carpi, à quo dictum ligamentum manat. Hic musculus latens sub decimo & nono inseritur in primum os policis in internum latus externum versus. Insertio verò est à radice huius dicti ossis vsque ad extremum ipsius. Munusque habet adducendi pollicis

OBSERVATIONES

Quolam. Si quis tamen nollet ita curiose hæc distinguere, posset postremos hos duos musculos pro vno tantum recensere. Quamobrem si ita placuerit, tu poteris ad breuiorem numerum omnes hos redigere, ita vt sex tantum numero sint: primus scilicet, qui primo loco est enumeratus, secundus, qui secundum, tertium, quartum, & quintum contineat, tertius, qui sextus est descriptus, quartus, qui septimum & octauum continet, quintus, qui nonus est, sextus qui ex decimo & vndecimo constar. Hæc de musculis paruis in summa manu constitutis satis sint.

Iam ad musculum vesicæ venio, cum in musculis penis ab aliis anatomicis minimè differam, excepto vsu ipsorum, de quo postea sicuti & de aliis infinitis rebus, quas hic prætermitto, alibi tractabo. In hoc vesicæ musculo video omnes anatomicos in magnum satis incommodum deuenire. Quoniam si ipsum constituent vt faciunt, infra glandulosa corpora, nunquam poterit egredi semen sine lotio in coitu. Nam si debet semen egredi, opus est, quòd musculus cum infra sit, dilatetur, ipso autem dilatato egredietur etiam lotium, aut saltem aliqua eius stilla. Quoniam eo tempore & ani, & abdominis musculi contrahuntur, & per consequens vesica quoque premitur: præterea in diuturno seminis profluuium cum semine etiam egrederetur lotium, cum sit ipso valde tenuius. Tertio si hoc esset, lotium semper versaretur circa meatus illos per quos ingreditur

tur semen in canalem, atque eisdem corrumpere-
ac perpetuo semen impurum exiliret. Quæ tamen
incommoda cum non superueniant, aperto indicio
sunt musculum dictum non infra glandulas, sed su-
pra in prima ceruice vesicæ esse collocandum. In
quo non expectes integram musculi, & à subiecto
canali distinctam substantiam in partibus exterio-
ribus sitam, vti in ano, ac similibus partibus appa-
ret. Sed est ceruicis substantia carnosior transuer-
sis plurimis fibris texta, quibus hoc agit, vt se ipsam
constringat. Fibræ autem istæ latent inter rectas in
ipsa ceruice. Nam cum rectas exteriores detrahe-
ris, postea apparet musculus transuersus, vel fibræ
dictæ, & sub his aliæ adhuc rectæ continentur.
Quare mihi crede, in homine nil aliud est iste mu-
sculus, quàm quod à me dictum est, atque in exer-
citis dissectoribus non adesse potius, quàm adesse
videtur. Sed adest tamen ea ratione, quam dixi, su-
pra glandulas collocatus. Quoniam verò in canali
infra glanduloso parastatas apparent aliquot trans-
uersæ fibræ, ideò has anatomici nostri decepti, mu-
sculum esse opinati sunt. Verùm si musculum ve-
sicæ, qualem ego exposui cognoscere volueris, vt
elices oportet aliquantisper vesicam, nec penitus
coquas. Quoniam tunc faciliè in prima statim cer-
uice ipsius inter fibras rectas tunicae exterioris vt
dixi, reperiens musculum hunc latentem transuer-
sum, & cum glandularum corpore connatum. Ne-
que (scias) vnquam alia ratione inspicere poteris.

In musculis ani miror cur anatomici non obser-

OBSERVATIONES

uarint locum Galeni in lib. de dissec. muscul. cap. 30.
vbi primo in loco enumerat musculum quendam
cutaneum & circularem in extrema sedis ora collo-
catum, qui ita cuti impactus est, vt non possit
ab ipsa separari, quod illis quoque accidit, qui
in palpebris, fronte, & similibus partibus repe-
riuntur. Quare cum in homine hic quoque mu-
sculus sit, iustum est, vt quatuor describantur ani-
musculi, non autem tres tantum, vt ab anatomicis
factum est.

Ad musculos mouentes femur veniamus, in
quibus penitus mihi non satisfaciunt huius artis
magistri. Quoniam pro quinto musculo ita insi-
gnem, atque ita variam carnis molem proponunt,
vt in ipsorum historiis non musculorum diuisionem,
sed potius vnionem mihi affectare videatur.
Est enim dicti musculi principium, & fibrarum du-
ctus, & insertio ipsa ita varia & multiplex, vt saltē
plures habere partes (si vnus est) videatur, quæ mea
sententia erant describendæ. Si quæ liceret ea, quæ
ab aliis tradita sunt penitus euerrere, ego planè tot
esse musculos dicerē, quot sunt partes istius quinti,
cum inter se ortu, fibris, insertione, tunicis, atque
etiam aliqua ex parte vsu ipso varient. Sed demus
vnum esse musculum, tu tamen audi quales sint
ipsius partes, & quot numero, ac reliqua, quæ ab
aliis prætermissa sunt. Inter quæ hoc principem te-
net locum, quod huic quinto debuerat etiam octa-
uus musculus à diuino Vesalio descriptus adscribi.

Quoniam ita istius pars est, vt reliquæ omnes à

me

me explicandæ. At hoc minimè factum est. Scio, neque reuocare tento, sed voluissem, quod cum ex tot partibus quintum constituent musculus, vt contractior, & ideò facilior enumeratio muscutorum femur mouentium sit (nimia enim rerum multitudo ex omnium sententia confusionem parit) ita etiam vt adhuc breuior esset, octauum huic quinto adiunxissent. Quoniam ita cum isto quadrat, vt reliquæ omnes partes, quæ octauo isto excepto quatuor numero sunt. Atque harum prima à Vesalio minimè descripta oritur ab osse pubis à linea superiori nerueo principio, ac descendens inseritur in lineam femoris asperam suo fine. Huius tamen pars vna desinit in quandam ἀνωρεύουσαν, quæ vnitur cum tendine quartæ partis iam dicendæ, atque inseritur in alterum femoris caput, quod internum ac inferius genu ipsum constituit : hæcquæ pars statim subiacet, & quasi quoque coniuncta est cum musculo octauo. Secunda pars quinti, vt ait Vesalius oritur à tota fermè linea, qua ossa pubis simul iunguntur. Hæc satis carnosæ, & lata obliquis fibris descendens, implantatur in partem superiorem asperæ lineæ femoris. Tertia pars ita vario fibrarum genere constans, vt geminus musculus videatur (nam quæ superiores sunt fibræ quasi transversæ, inferiores verò plurimæ obliquæ sunt) oritur ab appendice coxendicis, atque à toto coxendice in gyrum circa foramen latum, quod nonus musculus occupat. Principium autem carnosum, & aliquantisper nerueum est, à quo musculus descendens

OBSERVATIONES

vel pars dicta inseritur statim sub minore rotatore in totam lineam asperam. Quarta pars & vltima, quæ tamen prima est Vesalio, ab appendice coxendicis nervoso principio orta, descendit ac desinit in chordam teretem, quæ sibi adiuncta aponeurosi satis tenui partis primæ, de qua superius locutus sum, inseritur in internum tuberculum femoris inferioris. Hæ quinti musculi quatuor partes, vel quinque potius addito octauo, ita describendæ atque ordinandæ mihi videntur.

Asserunt præterea anatomici recentiores decem esse musculos mouētes femur, neque vident, quod vndecimum pretermiserunt, qui oritur ab ischio posteriori brevis, sed satis carnosus, & inseritur in rotatorem maiorem in parte posteriore supra insertionem decimi, vel inter spacium illud medium inter rotatorem maiorem & minorem ad hoc munus, vt in gyrum femur rotet ad posteriora. Hæc de musculis femoris satis sint. In mouentibus tibiâ non habeo aliquid auribus tuis dignum nisi velim de vsu, & magnitudine, & loco, & compositione differere, quæ ad præsens institutum minimè pertinent.

Ad musculos itaque pedem mouentes veniam, in quorum enumeratione ego apud reliquos anatomicos eum ordinem non reperio, quem ars fortasse requireret. Sed quoniam hoc ad historiâ non necessariò pertinet, ideò ad aliud me conuertam, quod magis animaduersione dignum sit. Illud autè primum est, quod cum natura principium primi & secundi

secundi musculi mouentis pedem sumāt ab illa cavitare posteriori, quæ statim est supra tuberculum vtrumque in inferiori femore, cūque in cruris directione tubercula illa gemina retro valde ferātur, & ad posteriora quasi conculcent, ac comprimant principia dictorum musculorum, ne quid mali inde accideret, eadem valde prouida apposuit sesamina ossa, atque inseruit dictis principiis singulorum singulo apponens, ne atterantur, aut lacerentur, quod à nemine notatum est (quod sciam) præterquam à Vesalio per trāsennam in administratione dictorum musculorum. Hoc in simiis ita frequens est, vt in illis perpetuò repperim, in homine verò accidit, vt sæpe & sæpius alterum deficiat, nunc internum nunc quoque & externum, quod in simiis, vt dixi, nunquam vidi.

Quintus & sextus musculus inter motores pedis, quamuis optimè descripti sint à Vesalio, illud tamen notatu dignum continent, quod vt plurimū ea in parte, in qua sub tarso ac pedio, reflectuntur insertam habent cartilaginem, atque sesaminum ossiculum ob attritionem ibi magna industria à natura collocatum. Sed hæc fortasse leuia, illud maioris momenti est. Quòd extremos quatuor musculos, quos inter motores digitorum pedis descripsit Vesalius, repperio eadem ratione, qua in manu suis chordis implantari in chordas exteriores, quæ extendunt, atque horum munus esse assero, non flectendi, aut adducendi, sed extendendi, non equidem totos digitos, sed secundum tantum, & ter-

OBSERVATIONES

tium illorum articulum. Reliqui verò decem parui musculi, quorum quatuor collocantur inter media ossa pedij, quatuor verò in planta sub iisdem ossibus, & duo ad latera, vnum scilicet policis, & alterum minimi, non ita manifestè desinunt in easdē chordas extendentes digitos, vt in manu, sed potius videntur desinere in ligamentum primi articuli ipsorum digitorum, facti ad hoc, vt magis flectant, quàm quòd extendant. Extensio enim non ita necessaria in digitis pedum est, veluti in manu.

De venis, atque ortu ipsarum satis diffusè tractaui in ea disputatione, quam ad te scripsi aduersus Aristotelicos pro tuenda medicorum sententia. Nempè quod venarum fons sit hepar, & non alia nobilis corporis humani pars. Quare ne bis eadē repetam, cumque non ita ad institutum faciant, omnia hæc prætermittam, atque ipsorum loco nouā aliam controuersiam addam, quæ quamuis extra carceres mihi propositos cōtineatur, cū ad vsum pertineat, tibi tamen nequaquam displicebit: hacq; de causa nunc immaturius fortasse de ipsa tecum ago, vt maturius sententiam tuam audire possim. Afferunt anatomici venarum fibras rectas attrahere, transuersas verò exprimere, atque obliquas retinere succos, qui in illarum cavitatibus continuo sunt, cum ex hoc triplici genere fibrarum membrana ipsarum constet, quod dogma mihi quasi figmentum videtur. Quoniam fibræ in hac membrana ita latent, vt potius in potentia sint, quàm in actu, neque moueri loco possunt ob connexionem,

mem, arque densam, mutuamque inter se texturā. Nam cum omnis attractio, quæ fit, sit duplex, Vna quidem vera & vniuoca, de qua Aristoteles septimo physic. tex. 10. loquitur, estque species motus localis, in qua motum ab alio, & non à se ipso mouetur, cum hac tamen lege, vt mouens non quiescat, sed moueatur, velocioriq̃ue motu, quàm motum vel tractum ipsum, neque vnquam ab eodem moto seiungatur. Altera verò sit æquiuioca & non vera attractio, de qua loquitur Auer. in comm. illius 10. tex. dicti, in hac trahens quiescit, & non mouetur, tractum verò tantum fertur, & ista est species motus localis prima proposita ab Aristotele in eodem loco, qua motum se ipsum mouet, & nō ab alio. Sed quoniam se ipsum mouet ad aliquem determinatum motum, aut scopum: ideò dicitur trahi ab illo, veluti ferrum trahi à magnete & alimentum à mēbris ipsis dicitur, cum tamen re vera non attrahantur, neque vera sit hæc attractio, sed analoga, quia motus iste localis non fit ab alio, sed à virtute intima, qua ferrum vel alimentum mouet se ipsa ad determinatam magnetem, aut membrū. Præter has autem duas species attractionum nullæ aliæ adduntur, quas ego sciam. His ita constitutis cum dicant anatomici venas fibras rectis sanguinē attrahere, vel alios humores, ab ipsis ego quæro, qua nam specie attractionis illud faciant priori videlicet an posteriori? Prior equidē cōstitui nō potest, quia opus est vt fibræ rectæ moueātur loco, & velocior sit illarū mor⁹, quā sanguinis vel humoris

OBSERVATIONES.

tracti, cuius motus exemplū, luce meridiana clarius apparet in fibris rectis stomachi vel gulæ. Quoniā dictæ fibræ carnosæ, puræque & non implicatæ locali mouentur motu, dum cibum, potumque attrahendo mouent. At in venis ita textæ sunt hæ fibræ cum obliquis ac transuersis, vt nullo modo moueri possint, eoque minus cum carne vacent, & in potentia potius, quàm actu esse videantur, nisi dicamus miraculo diuino moueri, quod philosophus naturalis non concedet. Quod autem posteriori attractione & æquiuoca sanguinem attrahāt fibræ rectæ, procul omni dubio concedi potest, cum ipsæ quoque alantur. Verū animaduertendum est, quod neque hac specie attractionis priuandæ sunt trāsuersæ, neque obliquæ, cum omnes alantur, vel ad ipsas alimentum æquè feratur. Quare ego colligam vlla ratione fieri posse, quod rectæ venarum fibræ faciant ad veram humorum attractionem. Idem assero de transuersis expellentibus. Quoniā si expellere debent, opus est vt loco moueantur, quamuis postea (teste enim Aristotele deficit expellentis motus) ipsarum motus defecturus sit: motus autem iste adesse minimè potest, quoniam ita contextæ, implicatæque sunt, vt potentia potius, quàm actu inesse videantur, ac præterea quod maioris momenti est, excarnes sunt. Sin autem expellunt æquiuocè ita vt illud, quod expulsū dicitur se ipsum mouens illas tanquam contrarium fugiat, idem scias commodè de rectis etiā dici posse. In obliquis præterea quæro, quomodo retineant, tracti,

an æquiuoca, anve vera retentione, in æquiuoca consentimus, quia sanguis seipsum mouens ad illas illic se etiam ipsum sistit, atque principium huius retentionis in sanguine intrinsecum est, at in vera dissentimus, quoniam opus est fibras istas, si quid agere debent, se ipsas contrahere, quod si contrahantur in se ipsas cavitatem contentam per obliquum angustiores reddent, & per consequens obliquè exprimendo expellent. Quare istarum motus ad expressionem potius faciet, quàm ad retentionem. Quamobrem his explosis vsibus, scias nulla alia de causa triplici hoc genere fibrarum venosam membranā à natura esse factam, quā ob *διωρητική*. Nam cū sanguis aliquando nimium redundans extendat venas violentis extensionibus, aliquando rectis & aliquando obliquis, opus fuit, vt membrana ad positiones rectas, & obliquas diuulsa extendi posset, non autem lacerari, quod illis accidit ob ductum rectum, transuersum, & obliquum fibrarum latentium in ipsius substantia. Tu qui in dialecticis optimè versatus es, rem istam perpendas quæso, mihiq̃ue sententiam tuam communices.

In vasorum coniunctione, quæ fit in hepate, videntur anatomici hoc sentire, quòd venarum extrema oscula ab illa vena, quæ *πλεγματική* dicitur orta osculis illarum, quæ à caua sunt, simul iungantur, & sibi inuicem respondeant, quam rem nunquam potui satis apertè cognoscere, quamuis summam diligentiam, studiumq̃ue adhibuerim. Quare fiunt

k

OBSERVATIONES

vnquam hoc inspicere poteris, mihi significato, atque simul etiam modū quo idem affecutus fueris. Verūm hoc audi, quod fortasse problematis alicuius non inutilis occasionem tibi subministrabit. Aliquando reperiuntur rami venarum à portæ truncō per hepar disseminati, qui ab extremo apice sinistrae fibræ ex hoc viscere egrediuntur, & per ligamentum, quo in illo latere hepar aliquando septo transuerso iungitur repentes, atque ipsi septo communicati, descendunt per posteriora ad dorsum vsque, ibique iunguntur sub pancreo cum quibusdam aliis venis ab eodem portarum truncō extra hepar abortis, ad quem verò vsum meander iste sit factus, fateor ignoro. Adde, quod aliquando rami aliquot ab eadem fibra extrema sinistri lateris egressi per ligamentum quoddam intermedium in lienem declinant, atque per ipsius substantiam disseminantur, veluti faciunt illi, qui à vena caudicis per mesenterium ducti in eundem lienem inseruntur. Aliud item obseruaui, quod ramuli venæ cauæ, qui perforato diaphragmate illi propagines subministrant, nō solūm ad cordis inuolucrum pertinet, sed etiā ad membranas *συνεχόμενους* dictas, in quibus ita iunguntur cum illis venarum ramis, qui à iugulo sub osse pectoris per easdem membranas descendunt, vt eadem vasa penitus ascendentia & descendentia videantur.

In vena sine pari plurima adnotaui, quæ (vt mihi videtur) ab aliis aut falsò erant addita, aut negligentia non leui prætermissa. Addita quidem hæc erant.

Nam

Nam Amatus medicus Lusitanus (vt ab ipso incipiam) in prima curationum medici : centuria, in scholiis curationis 51. comprobare volens in pleuritide eiusdem lateris affecti venam in cubito secandam esse, atterit, quòd in principio venæ istius sine pari adsunt membranulæ seu ostiola, vel opercula dicta, qualia in orificiis vasorum cordis apparent, quæ ingressum sanguini concedunt, egressum verò in cauam venâ minimè : vnde sequitur, quòd secta vena in cubito quantumuis euacuet cauam, nil tamen sanguinis educit à vena sine pari. Quoniam ostiola illa regurgitatē sanguinem in cauam egredi impediunt. Testimonia partim viuæ, & partim neci subiecta adiungit. Nam testatur hoc sibi ostensum fuisse à Iohanne Baptista Cannano nobili anatomico, atque in duodecim dissectis humanis, & totidem aliis brutorum cadaueribus idem penitus fuisse compertum. Vellem mi Petre, quòd Iohannis Baptistæ Cannani integerrimos mores, atque solidam doctrinam optimè, vt ego facio, cognosceres. Quoniam hominem ad quamlibet aliã operam potius, quàm ad fingendas fabulas aptum esse iudicares. Neque credas hoc dogma ab ipso vnquam (nisi vt fortasse per iocū aliquot, qui cum Amato adessent deluderet) esse proditum. Nam reuera opercula hæc nō reperiuntur in hominibus, nec etiam in brutis, quæ ego secui. Neque ita ineptus est Cannanus, vt secando patentem atq; amplam venæ sine pari in exordio cavitatem optimè conspiciere non potuerit. Quare ego in Amatum,

k ij

OBSERVATIONES

virum alioquin doctū, potius culpam huius criminis reiicerem, quoniam nō ita rectē omnia, quæ ad anatomen pertinent, aut viderit, aut intellexerit, ut rectē sunt à Cannano explicata.

Addidit idem Amatus, quòd ab axilla prodit vena quædam cū axillari ipsa connata, quæ ad thoracis exteriora descendens in plures venulas diuaticatur, quæ postea iunguntur cum internis illis, quæ à vena sine pari ortæ octo inferiores costas nutriunt. Hoc equidem partim verum, partim etiam à vero alienum dici potest. Quoniam ab axilla vena ea prodit cuius tres, vel ad summum aliquando quatuor rami iunguntur cum tribus aut quatuor propaginibus venæ sine pari. Quorum vnus inter tertiam & quartam costam, alter inter quartam & quintam, tertius verò inter quintam & sextam, atq; vltimus, qui quartus est inter sextam & septimam perforatis intercostalibus musculis iungitur cum vasis interioribus. Neque vnquam ego potui talem connexionem, aut infra septimam, aut supra tertiam reperire. At vice versa, sæpe ac sæpius vnū tantum aut geminum connexum loco trium, aut quatuor inueni. Quam rem antequam Amati Centurias legissem, ipse quoque meo labore, ac Marte obseruauit.

Additum etiam à diuino Vesalio est, venæ sine pari residuum per diaphragmatis foramen, vel diuisionem ad aliquot lumborum vertebrae descendere, quod nunquam inspicere potui, quāuis summum studium, ac diligentiam in hoc inuestigando adhibuerim

adhibuerim. Vt plurimum autem vidi, atque in publicis theatris auditoribus meis ostendi, extremam venæ sine pari partem dextram & sinistram ad latera corporum ipsarum vertebrarū sub diaphragmatis imam insertionem serpere ad inferiora, neque ipsum vnquam perforare, aut per rimā arteriæ dicatam progredi. Vidi quoque has partes venæ sine pari admirabili quadam ratione cum aliis vasis inferioribus copulari. Nam vt à sinistra incipiam hæc circa transuersos vertebrarum processus descendens, ac sub diaphragmatis & sexti musculi mouentis femur origine latens, ad emulgentem venam sinistri lateris inseritur, vario tamen modo. Aliquando enim in partem superiorem ipsius in aduersum seminariæ venæ. Aliquando in in partem posteriorem ita vt huius insertio non appareat. Aliquando verò accidit, vt ab emulgente ipsa in parte, qua dorsum respicit, oriatur quædam vena, quæ ad inferiora corpora nutrienda declinet. In hanc itaque cū ab emulgente exorta est, inseritur vena de qua loquor. Aliquando etiam accidit, vt hæc pars venæ sine pari tribus aut quatuor ramulis superioribus, posterioribus, ac infimis emulgentem adeat. Frequentius tamen in ipsam immediate vnico ramo implantatur.

Quamobrem si aliquando per lotium expurgari pleuritim videris non amplius dicas per venam sine pari materiam, quæ inflammationem fecerit ad cauam, & ad cordis dextram auriculam, ac tandem per emulgentes ipsas ad renes transmitti, cum

k iij

OBSERVATIONES

immediata vena ad renes pateat. Dextra verò pars reliqua latens sub membranis circa processus transversos eiusdem lateris, & sub dextro principio diaphragmatis, & sexti muscoli femur mouentis, descendit vsque ad tertiam lumborum vertebra, ibique iungitur cum ramo venæ non ab emulgente, sed à caua parum infra emulgentem orta, & inde descendens cum aliis quibusdam ramulis venarum iuxta lumbos ab eadem caua subortis iungitur, præcipuè verò cum vno satis in signi, qui erumpens iuxta vltimam lumborum vertebra à ramo magno ipsius cauæ, qui femur petit, sursum ad latera ascendit. Hunc connexum, vt plurimum in dextro latere talem obseruaui, raroque admodum reperi in hoc eodem latere venam sine pari cum emulgente coniungi. Ex his iã colligas, an in pleuritide incipiente vena in poplite secta possit non leue adiumentum afferre ipsi sanationi, cum tanta sit coniunctio venæ sine pari cum illis, quæ infra umbilicum sunt. Has coniunctiones tanti momenti, vsusque inter illa, quæ dixi à reliquis anatomicis esse pretermissa numerabis.

In humeraria vena hoc notato, quod axillaris vocata propago est in hominibus, atque omnibus, quæ iugulum habent. In iis verò, quæ iugulum non habet, ramus est oriundus à vena iugulari externa. Quam rationem ortus nunquã (quamuis studium addiderim non leue) in hominũ cadaueribus inuenire potui.

Vnum addit diuinus Vesalius in vena iugulari externa.

externa. Nempe ipsam maiorem esse interna, quod observationibus meis valde repugnat. Quoniam ut plurimum internas iugulares externis maiores ac latiores reperi, exceptis aliquot fœminis, in quibus vice versa hoc mutatum vidi. In his autem vnum aliud obseruavi, quod ramorum diuaticatio illa tradita ab aliis anatomicis non ad amicum tota à me reperta est. Quare uti vna quæque ex his venis ascendens distribuatur audi. Exterior iugularis vena vnà cum interiori, atque vnà cum illa, quæ ad axillam tendit, oritur sub musculo caput ad thoracem adducente, ab altera duarum illarum partium, in quas tota vena caua diuiditur, cum ad iugulum peruenerit. Hæc itaque exterior statim orta ramulum à se dimittit, vnà cum axillari quasi connexum & sub iugulo reptantem ad nutriendos musculos qui sub scapula latitant, & ad acromium, & partes circa humerum collocatas. Ab hoc ramo statim orto aliquando deriuantur venæ aliquot, quæ descendentes ad mammillas feruntur. Sed istæ aliquando desunt, mutatoque loco oriuntur statim à trunco magno, unde iugulares, & axillares ipsæ nascuntur. Quare sub initio iuguli, ubi iungitur cum osse pectoris, perforatis musculis ad mammillas deorsum descendunt. Ipsa deinde vena iugularis supra dictum musculum ascendens collum vniuersum, ac partes ipsius cutaneas vsque ad mammillarum processum vix sensibilibus venulis nutrit, ibique consistens diuiditur tota in duos ramos: Quorum altero, qui anterior est, coniungitur cum

k iij

OBSERVATIONES

alio ramo iugularis internæ, cuius iam ego mentionem faciam, facta; ex his duabus, vnica vena disseminatur vti ego dicam. Altero verò posteriori perreptat per partes posteriores ipsius auris, atq; per illas, quæ circa mamillarem processum sunt, ibique finit.

Interior verò iugularis à dicta sede, vnde & exterior, & orta, & vnà cum soporali arteria coniuncta (quibus etiam attenditur sexti paris nervus) superiora petens, ac sub musculis latitans, varias à se promit venas. Inter quas prima illa est, quæ ad glandulas inferiores transmissa musculis ibi collocatis, atque subiecto œsophago propagines distribuit. Secunda est illa, quæ ad superiores dictarum glandularum partes perueniens, musculos pariter laryngis superiores nutrit. Tertia, quæ satis insignis ac magna vena est, atque in plures alias diuita tendit variis ramis ad diuersas partes. Nam primo irrigat posteriores ac laterales laryngis musculos. Secundo vena alia ad musculos hyoidis peruenit, quæ partim in illos inferitur, partim verò cutanea ascendens ad meati mediam regionem illic dispergitur. Hæcque eadem sub mento medio vni ta cum coniuge oppositi lateris venam vnicam gignit, atque eandem cutaneam, quæ vsque ad iugulum descendens, ibique diuaticata articulum iuguli vtriusque, ac membranas circumpositas nutrit. Tertio ad musculos linguę laterales ramum immit tit. Quarto magnā satis venam ad angulū maxillæ inferiorem, ac posteriorem fundit: quæ vena in duos diuiditur

diuiditur ramos. Quorum primus ascendens per genam ad angulum oculi internum venit, sed antequam illuc pertingat, ramulum propagat versus nares sui lateris, qui in duas partes sectus, altera radicem cartilaginis ipsius pinnæ subit, altera verò ad mediam ferè pinnam ascendens in internam narium tunicam desinit. Hæcque vena est, cui hirudines applicandæ sunt internæ. Prior autem pars est, cui exteriores applicantur pinnæ, vel fibræ narium.

Cùm igitur prior dictus ramus ad angulum venerit, quandam insignem partem de se in cavitatem mittit, quæ per oculi musculos, & membranas exteriores spargitur. Aliam quoque emittit particulam ad supercilium, quæ cum coniuge alterius lateris coniuncta per nasi dorsum cutanea usque ad extremum tuberculum descendit. Huicque applicandæ sunt hirudines, quæ à medicis aliquando summo naso apponuntur. Tertiam fundit postea propaginem ad frontem, quæ cum oppositi lateris compari, vel coniuge vena coniuncta solet formare illam, quæ ab Hippocrate recta vocatur. Sed ut plurimum vtraque disiuncta manens ac per frontem ascendens disseminantur. Secundus verò dictæ quartæ venæ ramus plures de se propagines ascendendo producit. Quarum vna subingressa, maxillam per laterales linguæ musculos dispergitur, simulque venulam per maxillæ foramen vnà cum nervo & arteria ad dentium radices transmittit. Altera massiterem petit. Tertia cum arteria ad

OBSERVATIONES

tempus ascendens iuxta auriculæ radicem anteriorem per totam illam regionem temporalis musculi disseminatur. Quarta verò cum ramo illo iugularis externo (cuius facta est mentio) coniuncta duos statim producit ramos, atque priorem mittit ad articulum malarum, & ad masseterem latentem, omnesque ad illas partes, quæ summis in faucibus latitant: posteriorem verò ad auris regionem posticam, ubi totus dispergitur. Ultimo totum, quod reliquum est ipsius venæ iugularis (quod quidem totius fermè dimidium est) ascendens ad capitis basim posteriorem per proprium foramen insculptum partim in additamento lambdoidis, partimque in osse petroso in fontem ipsorum sinuum membranæ durioris cerebri terminatur. Quorum sinuum veram & certam historiam inferius audies. Quando igitur iugularis interna maior est, quàm sit exterior (quod fermè perpetuò reperitur) in corpore bene venoso tali diuicatione prædita semper à me visa est. Capillamenta verò ipsius extrema ac minima non sum prosecutus, quia id fieri à me commodè non potuit. Sin autem (quod raro accidit) extrema maior, interna verò angustior sit, immutatur aliquando ratio, & faciei venæ ab hac exteriori originem ducunt. Quod tamen perraro (vt dixi) ego obseruavi.

Succedit tertio in loco, quæ per transversos vertebrarum cervicis processus ascendit. In hac non labores, vt inspicias introitum vnà cum adiunct

iuncta arteria in caluariam, quem illi diuinus Vesalius adscribit. Nam asserit quod cum ad summam cervicem venerit hæc vena, residuum ipsius vnà cum coniuge arteria transit per foramen sub capitulo utroque, quo caput cum prima vertebra articulatur contentum, ad sinus membranæ. Quod tu nunquam reperies. Quoniam primò arteria ipsa non inseritur in aliquem sinum duræ: deinde non ingreditur per dictum foramen in caluariam, sed per latissimum amplissimūque illud, per quod medulla ipsa ad spinam descendit: tertio vena ipsa per primæ vertebrae processus vnà cum arteria minimè transit, neque per prædictum foramen ingreditur: sed uti feratur audi. Statim cum vena hæc in iugulo orta septimæ vertebrae processum superarit, inde ramum insignem mittit in sinum cervicis, deinde superata sexta idem facit: alium enim ramum in eundem sinum emittit: item superatis omnibus vertebis vsque ad secundam idem penitus facit. Nam cum ad primam peruenerit, quod reliquum ipsius est partim in dictum sinum desinit, partim in posteriora cervicis disseminatur, neque primam vertebrae attingit. Non solum autem dum ascendit comunicat ramos sinui cervicis, sed etiam ex aduerso venas transmittit ad musculos cervicis posteriores. Quæ venæ inuicem, ac simul cum quibusdam aliis colligantur, quæ ex sinibus membranæ durioris per foramen dictum extramittuntur.

Quoniam multæ sunt venæ, quæ à dura mēbrana

OBSERVATIONES

& per futuras, ac per foramina propria ad exteriora capitis propagantur. Quæ quidem cum iungantur cum aliquot exterioribus ansam erroris anatomicis præbuerunt. Quoniam ipsi credunt atque asserunt esse venas exteriores, quæ per illa foramina ingrediantur ad membranam, cum potius sint internæ, quæ egrediantur, atque copulentur cum externis ipsis. Dictæ autem venæ sunt diligenter observandæ in ipso capite, cum duces sint facultatum, quæ à medicamentis sincipiti appositis cerebro communicantur.

Sed quoniam mentio facta est à me sinum ipsius cervicis, meritò hic quærere posses, qui nam isti sinus sint. Cum neque apud Vesalium, neque apud alium quenquam mentionem factam legeris. Scias duos esse sinus, qui à foramine capitis maximo alter dexter, & alter sinister incipientes usque ad finem cervicis perveniunt, eadem ratione duram meningem perforantes, ut faciunt alij sinus in intima capitis cavitare. Sed de his tractabo diffusius cum de reliquis sinibus inferius loquar.

Illud quoque observatione dignum est, quod tu, si summam adhibueris diligentiam, reperies venas, quæ per musculos rectos ascendunt ita uniri cum illis, quæ descendunt à iugulo sub osse pectoris usque ad cartilaginem mucronatam, ut unica penitus vasa esse videantur, non autem à duobus locis, iisque aduersis orta. Ratio autem qua iunguntur, duplex est. Nam ab iisdem venis ascendentibus

dentibus videlicet & descendantibus communi-
cantur propagines quædam ipsi cuti suprapositæ,
quæ inuicem concurrentes connascuntur & vni-
untur manifestissimè rem hanc intuentibus oculis
ipsis. Alia etiam ratione idem fit. Quoniam dicta-
rum venarum extremæ partes circa hypochon-
dria in extrema ac summa rectorum musculorum
parte in facie ipsorum interna inuicem iungun-
tur. Ex hac gemina coniunctione apertissimè co-
gnosces magnam esse sympathiam inter ceruicem
uteri & mammas. Nam venæ ascendentes oriun-
tur à ramo, qui originem habet eadem, quam ille, à
quo venæ ad uteri ceruicem ac sinum propagan-
tur. Descendentes verò per spacia media cartila-
ginum, quæ costas pectori vniunt, propagines
manifestissimas vnà cum arteriis (quamuis de
his dubitet Vesalius) mammillis communicant.
Quare magni illius, qui adest consensus hæc po-
test dici potissima causa. Si ramen aliqua potest
reddi causa ipsorum consensuum, qui inter partes
corporis humani reperiuntur,

Magnum etiam ob hæc vasa agnoscimus con-
sensum inter nares ipsas & abdominis partes exte-
riores, quæ in hypochondrio continentur. Quo-
niam venæ descendentes nascuntur circa iugulum
ab iis ramis maioribus caux, vnde & iugulares ipse
erumpunt, à quibus postea narium venulæ ortum
habent. Quamobrem non ineptè præcepit Hippo-
crates, quod fluente nare dextra imponamus cu-
cubitulam hypochondrio dextro, & sinistra, fluē-

OBSERVATIONES

te sinistro. Quia istorum vasorum ac coniunctionum opera sanguinis fluxio sistitur.

Sed postquam in mentionem incidimus istarum coniunctionum, hoc minimè præter institutum negotium erit, si addam omnes venas, quæ per corium disseminantur vniuscuiusque partis oppositas tandem inter se copulari, ac cōiungi. Veluti in capite, quæ sinistri sunt lateris cum dextris magna ex parte compulantur, in facie etiam aliquot adsunt exempla: veluti in recta vocata vena frontis, in spina narium, sub mento, ac similibus aliis locis. Idem apparet in mammis, & in hypochondriis, vti dictum est, atque in lateribus abdominis, ac thoracis. Nam venæ, quæ à iugulo ad mammas descendunt, cum aliquot aliis erumpentibus à cavitate pectoris ita vniuntur vt vnica vasa ex duobus faciant. Similiter venæ cutaneæ, quæ ab vtraque axilla erumpunt ad inferiora percutim ita suis extremis coniunguntur cum illis, quæ ab inguine vtroque ascendunt, vt vnus tantum vasorum ductus appareat. In cubito atque summa manu axiliaris dicta vena, & humeraria ita simul iunguntur, vt aliquando nil referat, aut hanc aut illam secemus. Idem in crure accidit, cum extremæ propagines venæ, ab istis saphenæ appellatæ, ita in pede, ac sura cum ramis Ischiadicæ dictæ copulentur, vt non à variis principiis, sed ad eòdem omnes exoriri videantur. Eadem coniunctio etiam datur inter exteriores atque internas. Nam sinuum, qui in membrana durioris ipsius cerebri

cerebri sunt, venæ cum exterioribus sæpe coniunctæ apparent. Iugularis interna atque externa aliquot ramis inuicem nexis copulantur. Quæ per cutim ad mammillas feruntur, cum internis pectoris sæpe videntur coniunctæ. Quemadmodum & propagines aliquot ab axilla descendentes (vt dictum est) copulantur cum illis, quæ à vena sine pari per spacia media costarum feruntur.

In abdomine etiam venæ ab inguinibus ortæ, ac per cutim disseminatæ ita frequentibus venulis iunguntur cum illis, quæ interiores per musculos serpunt, vt mirum sit. In cruribus quoque ipsis à tribus, aut quatuor in locis nectuntur internæ venæ cum cutaneis manifestissima ratione. Quamobrem veram testemur esse sententiam Hippocratis, cum ait libro de alimento. *ἐν ὅποιᾳ μία. ἐν ὅποιᾳ μία ἐν ὅποιᾳ πάντα.* Sed ad historiam.

A venâ illa magna, quæ per inguina crus vtrunque petit, antequam ex inguine penitus exiliat gemini nascuntur rami. Quorum alter exterior vnâ cum arteria adiuncta versus spinam ossis ilium fertur per cutim ipsam ad partes illas laterales nutriendas. Alter verò magis anterior sursum per abdominis cutem anteriorem, ac lateralem etiam reliqua ex parte deductus, infinitis propaginibus totam hanc partem exteriorem nutrit, atque extremis oculis, iungitur cum illis curaneis venis, quæ ab axillari ortis thoracis lateralem partem nutriunt, descendentes vsque ad abdomen. Venas

OBSERVATIONES

has & connexionem ignorarunt anatomici, aut saltem non discripserunt: veluti etiam non viderunt ramum, qui à saphena statim in initio ipsius ortus ad abdomen & ad pubem disseminatur manifestissimis propaginibus.

Dum anatomici explicant venas, quæ umbilicales dicuntur, asserunt, quòd in interna membrana fœtum inuolvente, quæ *Amnios* dicitur, paruulæ venæ continentur, quas ego nunquam videre potui, adesse tamèn nō negarim, in ea præcipuè parte, quæ propè placentam est.

Aliud aliud etiam umbilicales venas antequàm ad umbilicum perueniant, coite in vnam venam solam, cum à duabus arteriis & vraco ad umbilicum peruenire. Quam rem vellem, quòd vti intelligant, explicarent. Nam si de brutis loquuntur. Ego respondeo, quòd geminæ semper sunt venæ atque geminæ arteriæ, quæ vsque ad umbilicum vnà cum vraco perueniunt. Venæque statim antequàm abdomen ingrediantur in vnam coeunt, quæ ad portas iecinoris pertingit, vt in ouibus, capris, ac vacis omnibus, quorum fœtus secui, obseruavi. Sin autem contrà de humano fœtu loquuntur: assero me aliquando geminas arterias umbilicales non vidisse, sed vnam tantùm arteriam, atque vnicam venam vnà cum vraco ad umbilicum ascendentes, vbi iterum arteria in duas scinditur, quæ postea ad ossis sacri latera permeant. Hæc in venarum historia habui, quæ tibi communicanda esse iudicavi.

In arteriarum historia illud primum in memoriam

riam venit, quod non leuem admirationem excitat. Qua ratione factum sit, quòd anatomici ferè omnes tam negligenter obseruarint partem illam canalis vel arteriæ, qua iungitur vena arterialis circa basim cordis ipsi aortæ, cum in fœtu tam aperta pateat, tantusque sit aditus ab aorta ad venam arterialem, per quem totus sanguis vitalis fertur ad pulmones formandos, & nutriendos, dum fœtus in vtero seruatur. Et quamuis postea siccetur, tantam tamen crassitiem in se habet, vt nulla ratione sensum effugere debuerit. Nam si vmbilicalium arteriarum mentionem faciunt, cur hanc prætermisere, cum ipsam notare debuerint? Primò, quia satis magna est particula, statimque dum originem aortæ, atque arterialis venæ ductum quærimus vltro occurrit. Secundò quia à Galeno in decimo quinto de vsu partium cap. 6. aliquot (paucissimis tamen) verbis designatur. Tertiò, quia multum facit ad veram cognoscendam historiam vasorum, quæ à corde oriuntur. Tu itaque diligenter in fœtu tam humano, quàm brutorum obseruato canalem hunc per quem ab aorta ad arterialem transitus sanguini datur. Nam tantus tibi videbitur, vt cogites aliquando arterialem ab aorta potius, quàm à dextro cordis ventriculo originem traxisse.

Ab arteriis duabus, quæ sub iugulo ortæ ad mucronatam cartilaginem sub pectoris osse descendunt, propagines manifestas ad exteriora transmitti, & ad mammillas præcipuè se ignorare as-

OBSERVATIONES

ferit Vesalius: cum tamen admodum conspicuæ sint. Quare obseruato has quæso, & videto an principis anatomici (qualis ipse est) nisi neglexerit, sensum latere potuerint.

In arteriis, quæ soporificæ, vel soporales, vel soporariæ ab anatomicis nostris dicuntur, & à græcis *καρπνίδες* sunt dictæ. Non multa nota tu digna reperi, interea dum per cervicem disseminantur. Verum postquam ad caput peruenere, tunc à diuino Vesalio dissentio. Quia non reperio nisi tres ramos arteriarum in vno quoque latere, qui ad membranas cerebri pertingant. Quomodo autem isti ferantur audi. Prima arteria illa est, quæ orta vnde ait Vesalius, atque eadem serie per transuersos processus vertebrarum cervicis ducta vsque ad caput, membranâ duriores, quæ medullam spinalem vestit, perforat in latere altero inter caput ipsum, & primam cervicis vertebra: atque caluariæ cavitatem ingressa sub medullæ origine ferè media iungitur cum sua coniuge oppositi lateris, vnâque facta arteria: repit sub basi media ipsius cerebri, donec ad sellæ regionem, in qua glandula continetur, pertingat. Ibi diuiditur iterum in duos ramos, quorum alter dexter repit ad dextrum latus sellæ vsque ad secundum neruorum par: idem facit alter suo in latere, cumque illuc peruenerit uterque in infinitas propagines, diuisus inter primum & secundum par neruorum disseminatur, complicaturque molli cerebri membranæ his propaginibus, quæ propemodum infinitæ ad formandum plexum

xum choroiden⁹ tendunt.

Secunda & tertia ex tribus dictis arteria à foraria magna oritur, capitique communicatur, ratio autem ortus atque communicationis hæc est, *capitis* vocata, arteria statim cum in utroque latere orta est, uti optimè docuit Vesalius, atque coniuncta una cum iugulari vena ad partes faucibus propinquas pervenit, ramum quandam ad laryngis glandulas transmittit per ipsas, ac partes alias vicinas dispergendum. Deinde ramum secundum effundit ad easdem glandulas, sed in superiorem ipsarum regionem, & ad omnes musculos laryngis, aliquotque etiam ipsius hyoidis. Tertium postea gignit ramum, qui quasi dimidia totius caudicis pars dici potest, cuius varias arterias, variis quoque partibus distribui cernuntur. Prima enim non admodum magna ad ossis hyoidis musculos fertur. Secunda verò, quæ & maior valde est, ad maxillam inferiorem tendit, à qua varij rami distribuuntur ad glandulas ibi positas & ad musculos hyoidis & linguæ ipsius, & ex his unus satis insignis ad alterum mentilatus emissus, ac in duos furculos distinctus, altero in labium oris superius, alteroque in inferius distribuitur. Post secundam tertia arteria ad eosdem linguæ musculos & ipsam met linguam pervenit. Quarta inferitur in musculum superficialem, qui caput ad thoracem adducit. Quinta autem ad partes, quæ circa mamillare capitis processum sunt, defertur. Sexta quoque

I ij

OBSERVATIONES

ad eundem mammillarem reptans partes aurium posteriores finit. Quod præterea reliquum est totius dicti rami ascendens aliquot propaginibus in linguæ radicem & in malsiterem, & aliquando in maxillæ foramen, atque aliquot aliis in internam faucium cavitatem, & in narium amplitudinem pertingit. Aliquot etiam furculos transmittit ad latentes faucium ac maxillæ musculos, ex quibus vnus, qui grandior existit, ascendens per proprium foramen in osse cunei formi iuxta foramen tertiæ partis paris tertij neruorum cerebri, factoque sibi canali in duriori membrana per illam infinitis furculis distribuitur, atque in causa est, vt ipsa hæc membrana pulsare videatur. Residuum verò vltimum huius tertij rami iuxta radicem anteriorem auriculæ, & articulum maxillæ per tempus reptans vsque ad frontis latera peruenit, ibique terminatur. Post tertium atque ita insignem ramum arteriæ distributum tota reliqua arteria, quæ paulo minor dimidio caudice totius soporalis est, quamuis etiam aliquando maior ipsius pars sit, ascendas integræque manens peruenit ad propriam foramen, quod in petroso osse insculptum est, perque ipsum in cavitate caluariæ, & ad sellam dictam ascendit, vbi sub dura membrana adhuc latens in brutis animalibus infinitas propagunculas à se dimittens, rete mirabile efformat, in hominibus verò non insigne hoc reticulum, sed ipsius potius vmbram, ac imaginem quandam producit. Has autem propagines dicta arteria

de se

de se mittit, eo pacto vt ipsa tamen semper integra maneat, minimèque in has propagines absu-
matur, quod in aliis vasis accidere solet. Ipsa itaque tandem perforata dura membrana erumpit in ca-
uitatem sub cerebri basi inter primum & secundū
neruorum par, ibique in duos ramos tota diuidi-
tur, quorum qui interior est, iungitur cum interiori
coniugis arteriæ oppositi lateris, factaque vna ar-
teria ex duabus, distribuitur ac absimitur in plu-
rimas arteriolas, circāque initium primi paris ner-
uorum dispergitur per tenuem membranam &
ipsius cerebri substantiam. Qui verò exterior est
ramus infinitas similiter producit arteriolas, qua-
rum aliquot vniuntur cum arteriolis illius, quæ pri-
ma per basim capitis sub cerebro, vti dictum est, ad
hanc eandem sedem peruenit. Aliquot verò disiu-
ctæ per tenuem meninge disseminantur, vti illæ, &
per cerebrum ad plexum choroidem formandum.
Hæc vera est arteriarum ad caput in ternum per-
tingentium historia, quam ego sæpius obseruauī,
neque quod aliter se habeat vnquam videre potui.

Galenus in lib. de Admin. Anat. nono, & in o-
ctauo de vsu partium venulas ac arteriolas per ce-
brum disseminari testatur. Verū in verborum
processu videtur asserere, quod huiusmodi venæ
atque arteriæ cum meninge molli semper texturæ
ac ligantur, itaque textæ diffunduntur per ipsum
cerebrum, quam sententiam anatomici imitati, as-
serunt vasa potius cerebro attendi, atque in mem-
brana contexta accumbere, quam per ipsum disse-

OBSERVATIONES

minari. Quoniam per cerebri substantiam vlla neque arteriæ, neque venæ diductæ apparent. Quod ego haud confirmare possum. Quoniam & venulas & arteriolas capillares plurimas per candidissimam ipsius substantiam disseminatas video, atque conspicuas in theatro aliquot iam sunt elapsi anni, quibus auditoribus meis quotannis ostendo.

Doleo, & mirum in modum doleo, quod divinus Vesalius, quem amo, atque vti præceptorum colo, venerorque, aliquando dum acrius accusat Galenum ac alios anatomicos, ipse errer, quod ipsi accidit in vasis describendis, quæ ad sinus ipsius membranæ durioris cerebri pertingunt. Nam accusat Galenum, ac reliquos anatomicos, qui non viderint sinus dictos pulsantes, cum illud manifestissimè faciant. Deinde non inuenerint arterias vnà cum venis ad eosdem sinus pertingentes. Quorum vtrumque mihi videtur aliquantisper ab historia veritate recedere. Nam quamuis sinus & membrana pulsent, non id tamen faciunt alia ratione, quàm quod disseminatas arterias, atque eas frequentes per ipsius substantiam habent. Rami enim arteriæ sunt in causa, vt tota membrana pulset, ipsa-que agitata, causa quoque est vt agitentur sinus. Possumus etiam & adiungere, quod hæc durior membrana pulsat, quia infinitas aliquot in locis habet subiectas arteriolas per tenuem membranam disseminatas, quarum motu agitur. Huic rei argumento est, quoniam substantia ipsa sinuum pulsationi

sationi inepta est, & quamuis concedamus arterias (quod ipsi sensui repugnat neque concedendum est) desinere in hos sinus, tamen quia ipsorum substantia, ut dixi, non est apta pulsationi, nam venæ substantia fermè est, ideò nō potest pulsare. Quòd si fieret, sequeretur etiam venam cauam cum cor adiunctam habeat ac conatam pulsare. Item & arteriam venosam, quæ tamen vasa non pulsan.

Sciàsque omnes rationes, quæ pro astruenda hac opinione adduci possunt, esse leues, ut faciliè cognoscere poterit, quicumque disputationem illam legerit de natura arteriæ in opusculo contentam, de natura partium similarium, atque communium corporis humani à me conscripto, quod propediè editurus sum. Quod autem nulla arteria ad sinus membranę perueniat ita sensibus manifestum est, ut ne verbum quidem de re ista dici debeat. Quare his ita constitutis colliges primam anatomicorum arteriam minimè ad sinus duræ meningis pertinere, secundam verò à me non reperiri, multòq; minus lateralibus sinibus vniri, tertiam præterea adesse, atque distribui ea ratione, quæ à me dicta, atque descripta ultimo in loco est, quartam atque ultimam eam esse, quæ à me secundo in loco est enumerata, quæue dispergitur per ipsam membranā.

Arteriam *ἀσκήτω* in lumborum regione diuidi in duos ramos insignes notato, quod omnes afferunt, non in illa quidem parte vnde incipit os sacrum, sed in ea præcipuè, in qua est ligamentum cartilagineum, quo tertia & quarta vertebra lumborum colligantur, veluti etiam vena non di-

OBSERVATIONES

videtur in principio ossis sacri, sed penitus supra corpus quartæ lumborum vertebra. Prosequaris deinde hos ramos insignes arteriæ quousque ad inguina pertingunt, ibique videbis propaginem ab alterutro ipsorum ortam satis insignem, quæ cutim perens non solum partes cutaneas, quæ ad pubem, sed etiam illas, quæ ad ilia & abdomen pertinent fouet. Hanc ab anatomicis neglectam scias. In reliquis arteriis, quod aut nouitate, aut alia de causa, tuis auribus dignum sit, nihil dicendum habeo.

Cum igitur omnia, quæ obseruatim in historia venarum & arteriarum, aut saltem ea, quæ maioris momenti mihi visa sint, tibi communicarim. Iam ad nervos venio, in quibus primum probare non possum anatomicorum illam sententiam, Quod nervi usque ad extremum duabus tunicis cerebri modo induantur. Nam quamuis in disputatione nervorum asseram quemlibet ipsorum ex triplici illa substantia constare: hæc tamen ratione potiusque sensu distinguuntur, neque exceptis visoribus alicuius nervi, durius molliusque simul indumentum per anatomen indicari poterit. De transmissione verò ac fluxu spirituum animalium per nervos, an fiat, nec ne, deque usu nervorum, quo alij molles inseruiant sensui, alij verò duriores motui non requirit hic locus ut agam, cum alibi diffusius atque oportunitus de hac re tractaturus sim.

Processus cerebri mammillares describere anatomici omnes, quos etiam olfaciendi organa appellarunt. Verum ita negligenter aut obseru-

runt,

runt, aut explicauerunt, vt neque ortum, neque formationem ipsorum docuerint. Et quidem in hominibus horum cognitio satis difficilis est, quia nimis tennes ac parui sunt, vnde accidit nos reliquis animalibus in hoc sentiendi actu valde esse inferiores. At in brutis vti bobus, capris, ouibus, ac similibus aliis haud difficile est videre oculis apertis, quod processus isti ab extremis ventriculis anterioribus oriuntur, atque foramen manifestum è ventriculo quoque in quemque processum pertingit. Isti meatum habent ab hoc foramine vsque ad colatorium os, qui meatus pro ratione processus magnus aut paruus est. Nam in bouino processu magnus, in humano verò angustissimus est, atque ita angustus, vt nisi in recentissimo, atque integerrimo cerebro tractetur, nunquam patere possit.

Quod fortasse in causa fuit, vt reliquis anatomicis horum processuum historia minimè cognita fuerit. Per eosdem processus ac canales ipsorum aerè & vapores ad cerebri ventriculos deferri opinor mi doctissime Petre. Sed in his non amplius immoremur, cum ad reliquos neunos sit deueniendum.

Horum Vesalius primum par diuino quodam modo explicauit, neque quicquam ad illa, quæ ipse tradidit addi potest, nisi quod cerebri substantiâ mollem in se continent, quæ per expressionem in lucem venit, indicatq; hoc raram esse istorum structuram, non autem manifesto canali perforatam, per quam facilimè spiritus, atque iidem copiosissi-

OBSERVATIONES

mi refertim ad oculos meare possunt. Vtinam autē hic diuinus magister ita adamusim reliqua nervorum paria delineasset, vti hoc primum fecit. Quoniam ego ad alia nunc declinarem. Sed cū in iis hominibus, quos ego secui, rem istam multo à præceptis Vesalij alienam reperiā. Ideò sine aliqua ipsius, aut aliorum confutatione, vti nerui isti oriantur, atque disseminentur, tibi explicabo.

Secundum itaque nervorum par propè originē primi ortum nervo utrobique vno qui relatus ad visorium valde gracilis atque tenuis est, per proprium foramen optimè ab anatomicis descriptum vnà cum quibusdam aliis nervis, quos postea explicabo, ad cavitatem oculum ipsum continētem delabitur attensum visorio, statim cum os perforarit. In isto autem primo vestibulo secundum hoc par ramulum à se mittit, qui supra visorium ascendens, disseminatur in musculum illum, qui palpebram attolit, oculūve aperit, atque in illum etiā, qui recta oculum ad superiora vellit. Reliqua pars istius nerui sub visorio contenta, aliquot insignes neruulos de se fundit: vnum quidem valde conspicuum pluribus propaginibus in muscum, qui oculum recta ad internum angulum trahit disseminandum: secundum pariter conspicuum, qui bifido ramo, ac pluribus fibellis inseritur in musculum oculum recta deorsum trahentem: tertium etiam adhuc insignem emittit, qui inseritur in musculum sextum, cui ducendi oculum ad exteriorem angulum in gyrum onus inditum est. Aliquot præterea
istius

istius paris sunt fibræ tenues, quæ visorium comi-
tatæ in membranas oculi exteriores, & in intimam
quoque venam disseminantur. Hæc vera est secū-
di paris distributio, quæ ad omnes musculos oculi
non pertinet, sed ad quatuor tantum, & ad illum,
qui attollit palpebram, neque ad temporale mus-
culum transmittit propagines, vt aliquot imagina-
ti sunt. Vnum autem scias, quod nisi maxima adhi-
beatur diligentia, ac in secando simul multum adsit
otium, quod tanta est complicato istius nerui cum
aliis describendis, vt non solum ad musculum tē-
poralem, sed etiam ad dentes descēdere videatur.
Si quis tamen patientia, ingenio, atque manu pol-
lens fecuerit, hæc quæ dixi vera omninò reperiet.
Sed ad tertium venio.

In tertio pari toto cœlo dissideo à reliquis ana-
tomicis. Quoniam illud quod ipsi pro gemino pari
tertio scilicet, & quarto recensent, ego pro vno tã-
tùm enumero. Nam quanuis origo istius nerui vi-
deatur pluribus chordis, aliquot quidem molliori-
bus, & aliquot magis duris constare: Tamen cū
vna sit, atque vno ex loco orta, & vnica tantum in
sede duram membranam perforet, non est quod
ipsam nos distinguamus. Quintum enim, & sextū,
& septimum par neruorum ex pluribus propagi-
nibus originem ducit, atque sextum præcipue fibra
quadam ab origine ipsius valde distante augetur.
Tamen quia vnitæ istæ fibræ, ac simul collectæ
vnico ex foramine duræ membranæ exeunt, sin-
gularia ista paria non autem gemina, aut multi-
plicia

OBSERVATIONES

plicia describuntur. Præterea cum paris quinti portio, vna mollis valde sit, altera durior, vtraq; tamē simul collecta pro vno pari, & merito censetur. Ergo cum vna sit origo tertij, omnesque fibræ simul iunctæ per vnicam viam ex dura egrediantur, pro vno tantum pari ego describam. Sed fortasse dixerint, neruus hic statim cum extra membranam est, antequam ex caluaria prodeat in duas partes diuiditur, quarum vtraque per propriū foramen delata hæc tertium, illa quartum par edit. In neruorum paribus distinguendis foramina caluaria, mea sententia, non sunt obseruanda. Quoniam si hoc esset, cum per vnum atque idem foramen secundum par, & tertij portio, & totum quartum, & octauum quoque ad oculum ferantur, omnes hos neruos vnum par esse sequeretur. Nam si hæc duo paria sunt, quia per duo foramina, hæc quoque quatuor vnum sunt, quia per vnum foramen ducuntur, quod minimè dicendum est. Sed potius distinctionis occasio prouenit ab origine atq; vnione, vel diuisione intra membranas facta: quibus addatur etiam earundem membranarum meatuū vel foraminum vnitas. Quod si dictæ diuisioni extra duram membranam factæ, obstinatè quis adhuc hærare voluerit, atque idèd distinguere: addas tu neruum hunc non in duos distingui, sed in tres potius, videlicet in vnum, qui ad oculum: in alterū, qui ad faciem, atque vltimo in tertium, qui ad linguam & ad cæteras partes, quas audies, fertur, quæ manifestissima diuisio est. Si ergo diuiditur in tres
 neruos,

neruos, & per tria foramina elabatur, ex caluaria tria erunt proculdubio paria: tertium nempe, quartum, & quintum, quod minimè concedendum est, si quintum illud esse volumus, quod ad aurium labyrinthos fertur. At mi Petre in hoc controuersia non consistit. Quoniam facile meum hoc ius illis cederem, dum hæc duo paria facientes rectè vti diuariantur, describerent. Sed cum hoc minimè faciant de iure suo, quodcunque fuerit disturbati cedant velint nolint, atque vti hoc par tertium disseminetur, audiant. Tertium igitur par satis ampla origine vltra secundam exortum à media fermè ipsius cerebri basi multis ex partibus simul tamen iunctis constans, atque ad latus ossis declinans, in quo glandula continetur, duraq; membrana vnico ductu perforata, in medium fermè plexum retiformem in animalibus, in quibus adest, incidit, vel in coniunctionem duorum illorum sinuum membranæ duræ, qui in basi capitis ad sellam vniuntur. Hoc par cum extra membranam est, statim in tres propagines diuiditur. Quarum illa prima est, quæ ad anteriora diuertens vnà cum secundo pari, & cum quarto & octauo, vel si de more aliorum loqui voluerim, vnà cum secundo pari, & cum propaginibus minoribus tertij, & quinti paris transit per foramen secundi in illam, quæ oculum continet cauitatem. Quo cum peruenerit reliquis cum neruis & arteriolis venulisq; ligata statim in duas partes scinditur: quarum maior ac crassior supra par secundum per oculi partem elatiorem serpens

OBSERVATIONES

inter periostium ac pinguedinem, qua muscoli oculum mouentes plurima teguntur vsque ad palpebræ superioris terminum procedit, ibique manifeste in duos surculos diuisa (quanquam diuisio hæc in primo statim exordio latens inceperit) in alterum, qui exteriorem angulum respicit, & per proprium canalem, vel foramen aliquando osseum in supercilio ad frontem ascendit. In hoc deceptus est diuinus Vesalius ratus esse germē minoris propaginis tertij parit. In alterum verò surculum, qui internum respicit angulum, quique propè dictum angulum egreditur in musculum oculum claudentem & in frontis musculos disseminandus. Hic autem surculus insculptum aliquando canalem per quem feratur habet in ambitu osseo, aliquando verò non. Minor præterea in superioribus dictæ diuisionis pars ab eodem secundi paris foramine procedens, inter ramum primum & secundum eiusdē paris secundi sub musculo, qui attollit oculum sursum, & sub illo, qui attollit palpebrā quasi per trāuersum lata, ad eam cavitatis regionē accedit, quæ respondet angulo oculi interno, cumque illuc peruenit comite sibi adiuncta arteria, quæ è caluaria vnà cū visorio neruo egressa erat, & vena quoque, quæ ab eiusdem anguli exterioribus venis in cavitatem prodit, in duas fibras diuiditur, quæ quidem perforato osse ad duram membranā vbi colum in interna capitis cavitare vestit, feruntur & per illam disseminantur. Membrana autem ipsa per meatus, ac futuram colatorij permeans neruo admixto

mixto internam narium, atque ossis spongiosi tunicam efformat. Tria autem notanda sunt: Primum, quod duæ istæ ultimæ fibræ solent esse aliquando tres, & aliquando vna tantum. Secundum, quod minor ista pars, quæ nunc descripta est, quâuis sit pars primæ propaginis dictæ tertij paris, solet tamen aliquando oriri distincta usque à prima totius paris origine, distinctaque semper manet ab altera parte, etsi per idem foramen feratur, eademque tunica vestiatur. Tertium notandum est, quod ab hac eadem propagine cum per transversum declinat inter dictos musculos aliquot tenuissima capilamenta disseminatur per pinguedinem, quæ tunicam visorij ambit, quorum quædam iuxta nervum ipsum percurrunt usque ad duram ipsius oculi tunicam. Hæc de prima tertij paris propagine dicta sint.

Secunda tertij paris propago, vel truncus pluribus ex fibris, veluti nervis constans ad foramen proprium peruenit contentum in osse cunei formi sub rima vel foramine secundi paris vocato, per quod satis crassa, ac insignis, pluribusque membranis inuoluta, & pinguedine latens propago hæc procedit anteriora versus & simul per rimam quædam in oculi orbita satis conspicuam inter cunei formæ & maximam malarum os iuxta extremos maxillares contentam. Quandiu autem in hac rima latitat plures nervulos de se in temporalem musculum mittit, atque facto veluti reticulo quodam ex pluribus fibris

OBSERVATIONES

ascendentes arteriolas amplexatur, quæ per palatum, narium cavitatem, malasque, & per musculos ibi latentes disseminantur, ac deinde ab eodem reticulo aliquot minimos nervulos ad oculorum sedem distribuit. Postea ex hac rima exiliens propago in oculi orbitam, latensque sub duplicato illo osse, quod futuræ speciem ementitam exprimit, ad eiusdem orbitæ ambitum inferiorem, & ad foramen in malarum osse maximo contentū pervenit, indeque egreditur vnà cum arteria, quam sæpe ac sæpius huic nervo attensam reperi, & disseminatur per omnes faciei musculos. Sed antequam per foramen dictum ad faciem egrediatur, nervum producit, qui in partes oculum inferiorem ambiētes distribuitur, deinde novum alium dum prope dictum foramen est, antequam elabatur, producit nervum, qui tendens versus angulum exteriorem orbitæ, ruptoque osse descendit ad cavitatem illam vacuam, quæ in maximo malarum osse latitat: atque membranæ illam cavitatem vestienti implicatus, vnà cum arteriola quadam sibi aliquando distributa recurrit versus angulum internum & nares sub foramine dicto repens, per quod eruptura est ipsa propago maior. Cū igitur nervus hic per cavitatem dictam lapsus ad nares pervenerit, perforato iterum osse partim inseritur in membranā intimam, quæ extrema; nares illinit, partimque radices dentium anteriorum petit. Hoc ignorarunt anatomici cū distributionem hanc minori tertij paris propagini adscribant. Ipsa autem propago dicta

dicta ex foramine præterea erumpens per faciem distribuitur, vt ab aliis traditum est.

Tertia propago, vel truncus tertij paris, qui crassior ac posterior duobus aliis dictis est per proprium foramen ad exteriora vnà cum vena quadã caluariam aliquando ingrediente fertur. Hòcque foramen in cuneiforme osse insculptum est inter illud, per quod secunda propago dicta elabitur, & illud, per quod in caluariam incedit arteria per duram membranam disseminanda, quam ego inter illas, quæ caluariam ingrediuntur secundo in loco numeravi. Hic itaque truncus statim cùm extra foramen est multa membrana obuolutus, in plures diuiditur ramos: Quorum primus statim ad musculum temporalem delatus, atque per ipsum deorsum ad anteriora declinans plurimas illi, & latèti musculo quoque aliquot fibras communicat; postremòque perforata in parte laterali ipsius temporis chorda, vel (quod aliquando accidit etiam non perforata) prope latus eiusdem ad faciem fertur, in qua buccarum musculis propagines distribuit, & tandem ferme totus dispergitur in secundum dictarum buccarum musculum, & in subiectam cutim, & gingiuas, & in extremum palatum; faucesque vbi amygdalæ collocatæ sunt, tantùsque est huic nervo nexus prædicto musculo secundo, atque cum subnata cute, vt inde auelli minimè possit. Secundus ramus ortus ab eodem loco vnde primus, cui crassitie nequaquam cedit, in eundem temporalem musculum inseritur, ipsoque iuxta

OBSERVATIONES

maxillæ articulum perforato, descendit in internam faciem malsiteris exterioris, totusque per dictum musculum disseminatus, tandem in ipsius chordam desinit. Connectitur autem nervus hic, dum illac transit cum ligamento articuli in tempore. Tertius æquè magnus, ac secundus labens per priorem musculum latentem in ore & ex se veluti reticulum constituens, amplexatur venam & arteriam, quæ ibi sunt, atque procedens ad partem superiorem, ac posteriorem articuli ipsius maxillæ, vnà cum arteria & vena illac diducta ad anteriorem radicem auriculæ pertingit, & multisq; propaginibus in partem temporalis musculi ibi positam, & in auriculam disseminatur, sed præcipuè in ipsius radicem anteriorem vel in ἀντιόστον à Græcis dictum. Quartus dictis tribus maior descendens per exteriorem latentis musculi superficiem, pervenit ad foramen internum maxillæ, vt per illam disseminatus radices dentium inferiorem adeat, huiusque nerui portio per eiusdem maxillæ foramen exterius, atq; antè elabatur ad musculos, & ad labiū eat, & ad cutim ibi collocatā. Notādū autē est, quòd ab isto quarto nervo antequā maxillā ingrediatur, solet oriri neruulus quidem validus, qui longus admodum, ac gracilis sub maxillam serpit, donec inseratur in quartum maxillæ musculum, qui os aperit, & in illos quoque, qui sub mento positi, partim in os hyoides, partim in linguam inseruntur. Quintus nervus prædicto quarto aliquantisper minor (quanquam maior aliquando etiam reperia-

pèriatur) per musculos latentes in ore transiens ad linguæ latus infernum peruenit, atque in totam illius dimidiam partem inseritur vsque ad superficiem superiorem. An verò tunica, vel crusta ipsius linguæ exterior ab his nervis fiat, adhuc cognoscere non potui. Ab eodem præterea confinio, ubi quinque hi nervi à tertio trunco dicto oriuntur, tres aut quatuor alij neruuli deducti distribuntur per musculos in ore latentes. Hæc vera est mi Petre tertij paris in vno quoque latere distributio, multo longoque labore, ac studio à me cognita, quam nullus vnquam assequetur, nisi studiū idem, ac diligentiam cum labore iunctam adhibeat, simulque etiam caleat mechanicam secandi peritiam, sine qua anatomicus quicquam præstare nequit. Nam solent aliquot anatomici dissecto neruo quodam, eodemque tracto inspicere an aliqua simul moveatur pars, cumque vident tres, aut quatuor simul moveri colligunt in has omnes dictum neruum inseri, cum tamen satis commodè fieri possit, quod aliquot ex his moveantur, quia sint colligatæ quadam alia ratione cum illa parte, in quam solam neruus inseritur, atque ideo ad motum istius moveantur, cum tamen neruum non admittant. Accidit quoque, quod nervi membranis aliquot in locis obuoluantur, quæ multas etiam alias partes colligent, vnde fit, vt tractis nervis omnes illæ partes consentiant dictarum membranarum, ergo cum tamen neruum communicatum minimè habeant.

m ij

OBSERVATIONES

Quamobrem opus est, cum anatomicus sit artifex sensatus, ut ad extremum usque prosequatur nervos ipsos, atque omnes minimas particulas, si voluerit certam ipsarum insertionem, ductumque cognoscere, quod sine labore, aut studio, aut, ut dicebam, sine peritia mechanica fieri non poterit. Sed ad quartum par reuertamur.

Quartum par nervorum à quibusdam anatomicis proponitur recentioribus ex auctoritate Vesalii sub nomine minoris propaginis quinti paris, maleque etiam ex eiusdem sententia describitur.

Quoniam in his difficilimis rebus (quanquam omnes profiteantur se posse pluribus notis diuinum Vesalium inurere) à præceptoris scripto nequidquam discedunt, cumque inferi nervum hunc in temporalem, & latentem musculum apud ipsum legerint, conceptis iisdem fermè verbis eandem historiam refferunt. Sed multo aliter res se habet. Cum igitur ex tertio & quarto vnum par ego collegerim, neque reliquis paribus nomina mutare velim: cumque quinti & sexti ita crebra subinde habeatur mentio, ut nil in arte anatomica crebrius repetatur, ne sedes vacet inter tertium & quintum par, apposui quartum illud, quod alij anatomici minorem propaginem quinti appellant. Hanc si inspicias, certo cognosces par nervorum distinctum esse, neque posse pro alio quam pro quarto pari censerì. Igitur par istud à media penitus basi ipsius cerebri oritur, & quasi ab incipiente origine spinalis medullæ, ac aliquantisper sub cerebro serpens,
ad

ad anteriora & lateralìa versus, perforat membranam inter secundum ac tertium par dictum, indeque aliquando cum quadam arteriola adnexa, & aliquando non, per foramen secundi paris in orbitam oculi ingreditur, & totum fermè in illum inseritur musculus, qui recta ad angulum exteriorem oculum trahit, neque vllum manifestum consortium habet cum temporali, aut cum latente musculo. Vide quam differat hæc insertio ab illa, quæ ab aliis prodita est: vellémque mi Petre, quòd Capredonum cogeres, atque impelleres ad dissectionem ductuum istorum neruorum. Quoniam apertè cognoscēs nulla alia, quàm à me dicta ratione ferri. Sed ad vltiora procedamus.

• Quintum neruorum par ortum ab ea sede, quæ etiam reliquis ab anatomicis explicata est, duabus partibus, vel potius neruis constat, antequam è membrana egrediatur. Altero quidem, quo nullus neruus mollior est, exceptis visoriis, hîcque ad auditum destinatus est. Altero verò, qui quinto pari etiam assignatur, quia nascitur ab eodem penitus loco cum molliori dicto, & cum eodem ad os petrosum venit: sed reuera distinctus est neruus & durior priori, atque æquè durus, vt reliqui nerui, qui tertium & quattum, ac reliqua paria efficiunt. Neque vlla ratione videtur pars mollis dicti. Sed quoniam alij anatomici hoc asserunt, ne ab ipsis in omnibus dissentiam, pariter & ego quintum par constare ex parte dura atque molli, vel

m iij

OBSERVATIONES

neruo duriori, mollioriq̃ue dicam, ac simul vtrumque, quo ferratur, vel distribuatur, describā. Scias autem quòd si qua in parte anatomes laboravi, ac insudaui, hæc illa fuit, vt apertis oculis cognoscerem auditorij organi structuram, atque huius quinti nerui ductum. Sed ad rem. In osse petroso in cavitare capitis contento, atque in facie eius, quæ posteriora respicit, inest quodam foramen, vel meatus satis insignis, qui rectè versus exteriora aliquātisper os dictum perforat, parum autem procedit, quia statim occeatur. Sinus hic in puerulorū ossibus breuior est, & cuiusdam fornicati antri, vel porticus etiam speciem habet, in adultis, verò adaucto osse, mutataque priori specie meatus ac cuniculi formam penitus recipit. Ad hunc igitur vterque nervus mollis scilicet auditorius à me vocatus & durior etiam venit, atque vtrique meatum vsque ad extremum vbi finit subeunt. Tunc durior reperto proprio canali (quem meatum cæcum falsò appellant) in latere dicti antri, quòd partem cerebri anteriorem respicit, per os petrosum perforatū fertur sub illa superficie, quæ per anterior est, ibique aperto aliquantisper canali comitem admittit arteriā, quæ oritur ab illa, quæ per membranā duram disseminatur, postquam caluariam ingressa est. Nervus hic cum prius per petrosum versus anteriora iuerit, tunc admissa arteria, reflexoque ductu per idem os ad posteriora recurrit, sed ita oblique vt inferiora etiam atque exteriora simul petat, ac descendit in cavitatem illam in osse contentam, quam

quam tympanum supra ego appellavi, perque illam labitur, latens semper in proprio canali osseo, veluti in fistula quadam, quam ego aquæ ductum, cum tympanum in superioribus describerem, nominaui. Quo quidem artificioso ductu fit, ut iste nervus transeat, & non transeat per tympanum, transeat quidem, quia per canalem qui in tympano est, iter facit, non transeat verò, quia non in cavitare, sed in proprio canali continetur: hoc tamen nullius momenti est. Cum igitur ad tympanum descenderit nervus, aperto iterum canali proprio arteriæ comitis partem emittit membranæ, quæ vestit tympanum distribuendam, ac partibus reliquis ibi contentis, ipsæq; nervus adhuc integer cum reliqua arteriæ parte, quasi peracto semicirculo, ac circum lustrata fenestra ovali ipsius tympani manēs semper in suo canali, ac ad posteriora magis reflexus per os mammillate vocatum aliquantisper currit, ac tandem peruenit ad illud foramen, quod medium est inter bases mammillaris processus & calcaris. Sed antequam egrediatur comitem dimittit arteriam, quæ per os labens in alteram, ac oppositam partem in cavitatem calvariæ, perforato eodem osse petroso elabitur. Nam facie anteriori ossis petrosi ingressa erat canalē nervi, in posteriore verò ex osse egreditur. Nervus igitur hic dimissa à se arteria, vnicus semper existēs dicto ex foramine elabitur, perforatisq; quibusdā carnosus partib⁹, quæ māmillari processui herēt, sub auriculæ radice ad anteriora serpit,

m iij

OBSERVATIONES

cūmque ad maxillam venerit in plures distinguitur ramos, quorum primus, atque omnibus inferior, per maxillam diductus inferitur partim in massiterem, partim etiam in illum qui ex panniculo carnosio (ut aiunt) factus primus inter mouentes faciem numeratur. Secundus, qui etiam medius est, & capillaris, disseminatur per partes glandosas, ac membranosas, quæ circa auriculæ radicem sunt. Tertius, qui est maior nerui portio, ac duabus reliquis elatior sub auriculæ fibra percurrentes in illam, atque simul in totam eiusdem auriculæ radicem anteriorem, inferiorem, atque simul posteriorem disperit. Notandum quoque, quod neruus hic quinti paris cūm extra foramen elapsus est, capillamenta quædam in quartum maxillæ musculum, qui os aperit, & in tertium hyoidis perforatum à dicto quarto, in utrosque scilicet à calcari ortos fundit.

Altera quinti paris portio, quæ mollis est, & neruus auditoribus à me vocatur, vnà cum dura ad extremum illius antri perueniens quibusdam angustissimis foraminibus mediis in cavitates distribuitur geminas, atque illas quodāmodo sublinat, quarū vna labyrinthus, altera cochleæ vel cochlearis à me inter ossa vocata, atque descripta est, neque vltius procedit, vllūmve neruum à se dimittit ad exteriora. Neque tu, neque alius quisquam (ut mihi persuadeo) aliquam ab hoc quinto pari neruosam propaginem, quæ vllius momenti sit, præter à me dictas, inuenire poterit, magnæque commendatione dignus erit, si inueniet.

Frustra

Frustra visa est fortasse explicatio quinti huius paris, cum etiam à reliquis tradatur, sed si illorum sententiam cum hac contuleris, frustra non esse cognosces. Ad sextum par venio, quod cum ab aliis etiam aliqua ex parte, non omnino tamen in ipso dissentiam, quale à me sit obseruatum, tibi describam.

Sextum par, quamuis intra caluariam ex pluribus fibris constare videatur, vnicus tamen nervus in vtroque latere ob dictarum fibrarum vnionem habitus est. Quæ quidem fibræ non eo vsque vniuntur, aut miscentur, quin re vera duo semper videantur nervi sub vno inuolucro tantum contenti, eodemque ex foramine prolapsi atque ego produabus partibus, quæ vnum sexti paris nervum forment, semper recensebo. Sextum igitur par ortum, atque egressum per foramen, vt omnibus anatomicis notum est, cum sub membrana latentes duos nervos dictos habeat, alterum quidem anteriorem, ac valde minorem, alterum vero posteriorem, qui valde maior anteriori est, ex his minorem anterioremque partem ego prius describam. Minor hæc portio, vel nervus statim cum extra caluariam est, recta deorsum tendit ad musculos linguæ & ad illos, qui fauces vestiunt, maiorique ex parte in os diffeminatur, quanquam etiam propago quædam in radicem linguæ finiat. Hæc sexti portio anatomicis aliis ignota videtur, quamuis reuera adsit: egoque iam præsentia gemina cadauera habeo, secusque & in vtroque maxime

OBSERVATIONES

conspiciam video. Maior verò portio, statim cum extra caluariam est, emittit ramum in illos musculos disseminandum, qui ceruicem occupantes à Vesalio in descriptione sexti paris numerantur. Deinde descendens ramum alium ad musculos laryngis transmittit, ad illos præcipuè, qui internam laryngis cavitatem occupant, hi sunt, qui quartum par efficiunt, quinto in loco enumeratum. Aliquot etiam tenues ramulos quandoque geminos, quandoque verò plures à dicto seïunctos, ad faucium musculos transmittit, sed ex his insigniorem in musculum à larynge ortum, gulamque ambientem propagat. Quod autem reliquum est istius nervi sub subiugulari vena, atque soporali arteria latens ad inferiora descendit. Verum vnum notetur, quod maximi momenti est in hoc sexto pari, quòd tunica, vel membrana illa, qua vestitur, dum perforamen elabitur, aliquando manifestè absorbens aliquot fibrellas istius nervi, aliquando etiam immanifestè, cum extra caluariam est, producit quoddam corpus oblongum oliuaris figuræ, aliquando simplex, aliquando geminum in utroque latere, quod colore carneum videtur, at substantia nerueum durumque admodum est. Hoc corpus oliuare in quandam definit fibram nerueam, quæ per ceruicem declinans propaginibus quibusdam neruorum, qui à ceruice oriuntur, à primo scilicet, & secundo pari, & quarto, & quinto, & sexto, vel à primo, secundo, quinto, sexto, & septimo copulata est, & veluti reticulum, aut complicationem quan-

quandam efformat, quæ per totam ceruicem in
ynoquoque latere anteriori descendit, atque in ista
complicatione noua alia corpora oliuaria, aliquan-
do concreſcunt, incerto tamen numero, quæ nulla
alia ſubſtantia quàm neruea, & quaſi in calum con-
creſcente conſtat. Cùm ego primus talem neruo-
rum copulam obſeruarim, primus quoque nomi-
ne impoſito plexum ſexti paris appellabo, à quo
plexu plures nerui ad cordis baſim feruntur, vt
ſuo loco dicam, atque ab hoc eodem ſæpe ac ſæ-
pius neruus, qui ad ſeptum tranſuerſum fertur, in
vtroque latere ortum ducit: quanquam incremen-
tum accipiat maius à quinto & quarto pari neruo-
rum ceruicis. Ab hoc item plexu principium ducit
neruus ille, qui deſcendens per thoracem iuxta co-
ſtarum radices ad meſſenterij origines venit, quã-
uis addat. Veſalius, quòd dictus neruus princi-
pium ducit à propagine tranſmiſſa ad primam tho-
racis vertebram à neruo magno ſexti paris per iu-
gulum deſcendente. Sed relicto hoc plexu, ad
ramum ſexti paris maiorem reuertamur: in quo
præter illa, quæ optimè à maximo anatomicorum
magiſtro dicta ſunt, illud quoque notandum eſt,
quòd cùm in ſiniſtro latere infra caput arteriæ de-
orſum flexa venerit, producta propagine recur-
rente, quæ aliquando multiplex eſt, adhuc aliam
parùm infra producit, quæ reflexa ad corpus venæ
arterialis ad plexum quẽdã neruoſum ſub baſi cor-
dis contentum fertur. De quo ſolo loco dicam.
In dextro verò latere ſtatim cùm hic neruus

OBSERVATIONES

recurrentem dextrum fecit, quandam propaginem à se producit, quæ coniuncta cum alio nervulo à plexu dextro eiusdem sexti manente sub arteria, quæ ad iugulum ascendit, declinat ad cordis basim, desinitque in eundem plexum nerveum ibi contentum, cuius luculentam mentionem faciam, cum de nervis cordis tractabo. Idem nervi sexti paris utriusque lateris cum secundum pulmonum radices transeunt, multas fibras non ad huius visceris membranam exteriorem tantum communicant, sed etiam ad ramos asperæ arteriæ, quæ fibris dictis ramis quasi connatæ, per totos pulmones distribuuntur. Addendum præterea est, quòd dum dicti nervi stomacho herere incipiunt, aliquot etiam surculos ipsi communicant. Posteaque ad os ventriculi descendunt & disseminantur, uti optimè tradidit Vesalius. Animadvertendum tamen est, quòd ab ea oris ventriculi parte, quæ dorso incumbit, una, & aliquando geminæ propagines à dictis nervis oriuntur, quæ in unam coniunctæ feruntur in plexum nerveum mesenterij, neque unquam ego inspicere potui (quod volunt quidam) nervos ab istis sexti paris ad renes & ad uterum pertingere. Sed iam tempus est ut revertamur ad nervorum origines, atque ad septimum ipsum par.

Septimum hoc par ortum, atque ex calvaria elapsum, uti docuit Vesalius, integro constans nervo non miscetur, sed colligatur cum sexto pari. Nam servato suo corpore, ac filo rotondo ac integro, ad linguam deorsum fertur, sed antequam
à nexu

à nexu cum sexto pari recedat, ipsi communicat minimam quandam sui portionem, quæ vnica aliquando fibra, aliquando verò gemina constat, ac cum ad linguam peruenerit neruus hic minori sua portione diffunditur per illius atque ossis hyoidis musculos: maiori verò propagine tota inseritur in linguæ substantiam, ac percurrit vsque ad extremum apicem, huiusque fibræ aliquot confundi ac commisceri videntur cum fibris quinti nerui, qui à tertia propagine paris tertij ortus similiter per linguam disseminatur. Hæc vera septimi paris distributio est.

Vnum adhuc superest neruorum par ex iis quæ à cerebro vel medulla intra caluariam oriuntur, quod à diuino Vesalio ob modestiam ne numerum ab aliis anatomicis positum & confirmatū turbaret, pro distincto pari non est propositum, sed pro minori propagine tertij paris enumeratū. Quæ si ita descripta esset ab ipso, vti in homine reperitur, à me etiam probaretur: sed quoniam nihil commune habet cum tertio pari, & à regione cerebri valde distante ab origine tertij oritur, deinde etiam quia plurium propaginum tertij paris à me facta est mentio, ideò ne nouam pariam confusionem, elegi pro octauo pari numerare, cum extra seriem omnium aliorum nascatur, eoque audacius à Vesalii placito declino, cum ipse quoque in eo describendo neruo ab historia naturali diuertat. Octauum igitur par neruulo perexiguo oritur ab infima & posteriori sede vel basi illo-

OBSERVATIONES

rum cerebri processuum, qui nares ab anatomicis vocantur. Nerviulus hic inde ortus ad latus basis ipsius cerebri veniens, atque in dura membrana latitans ad anteriora fertur, secundum illam regionem, per quam ex dura membrana egrediuntur secundum, & tertium, & quartum nervorum paria. Itaque nerviulus hic in dicta membrana latitans pervenit ad foramen secundi paris, illudque penetrans in cavitate oculum continente, totus inseritur in musculus quintum in angulo interno collocatum, qui ad trochleam cartilaginosa reflexus, oculum ad angulum internum in gyrum trahit. Et veluti anatomicorum nemini hac quinti musculi positio & insertio patuit. Ita neque istius nervi ortus, ac implantatio potuit patere. Hæc satis sint inter illa, quæ ad origines nervorum mollium pertinent.

In medulla spinali illud notato, quod quavis anatomici omnes ferè asserant in exitu calvaria eam esse plenior, ac crassior: deinde sensim & sensim usque ad extremum ossis sacri semper attenuari, in illis tamen partibus, à quibus oriuntur magni nervi crassior, ac plenior est, quam in reliquis inferioribus, aut superioribus. Nam in illa parte, quæ continetur ab ultimis vertebra cervicis, quæque origo & magnorum illorum nervorum, qui per brachia feruntur, plenior, proculdubio medullam reperiens ac crassior, quam in partibus paulò superioribus aut inferioribus. Ita quoque in lumbis crassior eam partem medullæ inuenies, à qua maximi illi nervi oriuntur, qui ad crura descendunt, non autem tenuiorem, quam sit in regione superiori dorsi vel thoracis.

In Peritonæo vnum natant anatomici, quod simplicissimum sit corpus, nullasque fibras habeat: quod dogma historię repugnat. Nam quavis carnosas non habeat, aut neruosas ita inter se distinctas, vt primo aspectu statim sensum feriant: tamen si parum ipsius tella distrahatur, disrupta aliquantisper textura, statim omnium generum fibre apparent. Præterea in omento vix tantum eleuato in humano cadauere, ita apertè apparent fibræ, vt nihil apertius: at hoc peritonæi propaginem esse nemo negabit, cùmque à simplicissimo corpore compositum nullum prouenire possit, nisi aliud addatur: sequetur, quòd si in omento compositio fibrarum adest etiam in peritonæo, à quo oritur, saltem latitat. Aliud addebatur à diuino Vesalio, quòd in peritonæo fœminarum non adsunt ductus illi, aut meatus ad inguina, qui sunt in viris (de illis loquor, quæ vasa seminaria ambiunt) at contrarium ego reperio, nam in fœminis quoque sunt, & deferunt crema steres vteri ad pubem ipsam, vt suo loco dicetur, & adsunt suspensorij musculi, & foramina illa in chordis musculorū obliquè descendentium veluti etiam in viris ipsis, cunctisque qui diligenter ea loca inspexerint patere possunt. Quæ nisi adessent, fœminæ herniosæ nunquā euaderent, quod genus morbi sæpe & sapius ita patiuntur, vt intestina copiosissima in ingnē descēdā, ipseq; per sectionē antiquorū etiam testimonio sanetur. Quòd indicat easdē vias in illis reperiri, quæ & in viris. Circa peritonæi ortū in hac cōmunē sententiā anatomici veniūt, q̄ ipsum oriatur à ligamētis quæ lūborū vertebrae copulāt: ego verò geminū pricipiū

OBSERVATIONES

illi ascribo, vtrunque scilicet mesenterij exordium. Nam à plexu illo nerueo gemino, & non aliunde oriri mihi videtur. De hoc autem principio nerueo mesenterij dicam suo loco. Quæ verò me mouet ratio hæc est: Quoniam dum separo peritonæum ab omnibus partibus exterioribus, ipsum integrum totum se iungo à vertebra lumbarum & ab illarum ligamentis, ita vt manum aut digitos à lumbis dextris ad sinistros sub peritoneo transmittere possim. At principio vtrique mesenterij ita annexum est, vt integrum inde auelli minime possit. Tu videbis, iudexque eris in re tamen, quæ non magni momenti est, quoniam hoc facillime illis etiam concedo ac dono. In eiusdem peritonæi foraminibus aliqua esset quæstio an tot sint quot tradita sunt ab aliis. Deinde an illa, quæ ad inguina veniunt, sint foramina, an canales: & si canales sunt, an peruij fistulosiue sint, vel potius pleni ac densi, quæ cum primo aspectu patere possint, à me cui satis est digito hæc indicare dimituntur. Huius farinæ quoque sunt vasa quædam, quæ in ipso peritonæo duplicato canales habent, per quos permeant ad sua loca, ita vt in ista duplicatione contineantur, talia sunt *ῥεγχοι*, vena, & arteriæ umbilicales, venæ & arteriæ ac pori seminales, atq; etiam meatus vrinarij.

Ad *οισοφάγος* vel gulam venio, in qua tunica aliter, quàm ab aliis traditum est, sunt obseruandæ. Nam duas habet, quod omnes confirmant, alteram internam, alteram verò exteriorem: inter-

næ

na tamen talis est vti à me semper reperitur, non vti ab aliis est descripta. Est enim dissimilans substantiæ, quia in intima superficie veluti quoddam habet velum, fibris rectis, carnosiss, tenuissimisque constans, quod totam illam superficiem vestit: reliqua verò substantia tunica tota nervosa est omni genere fibrarum donata veluti tunica ventriculi & intestinorum interna, nihilque carnis in ista est. Prima hæc tunica ab illa oritur, quæ nervosa existens fauces intimas vestit, & vsque ad os ventriculi elatius fertur. Quæ quamvis seiungi possit ab illo interiori velo, veluti cuticula à subiecto corio, pro vnà tamen vtramque ego recenseo, cum mihi satis sit varietatem substantiæ nosse. Exterior autem tunica gulæ carnosissima admodum ac crassa veluti si esset musculus perforatus, ortum ducit à secunda laryngis cartilagine, quæ & chricoides à me vocata est, ab illa præcipuè linea percurrente per dorsum ipsius cartilaginis, quo ceruicem spectat, inter musculos laryngis secundo in pari contentos. Atque inde descendens ambit totam gulam à priori tunica formatam, ipsamque amplexatur vsque ad os ventriculi dictum. Tunica hæc fibras habet transversas maiori ex parte, superficiem verò totam exteriorem veluti quoddam velo rectis cōstare operatam: sed pro vna tantum tunica ab aliis, & à me quoque tota hæc censetur, quamvis in duas diuidi possit. Si tu crudum oesophagum manu attripias, atque secare tētes, hæc videre integrè minime poteris. Verum si aliquantisper elixes (cum elixa

OBSERVATIONES

tio illa nimiam partium humiditatē terminet, quæ certam fibrarum diuisionem impedit) & postea dissectionem tentes, omnia, quæ dixi, inesse luce meridiana clariora conspicias.

In ventriculū desinit stomachus vel oesophagus, ut optimè nosti: locus autem est vndecima thoracis vertebra. Nam in homine ibi collocatur ventriculi os superius. In quo ventriculo primum scias falsum esse illud dogma: Quod fundus ipsius carnosior ac crassior sit reliquis partibus. Quoniam illæ, quæ circa, *πύλορις* vel os superius, & circa dorsum sitæ sunt, carnosiores, crassioresq; apparent. Tunicarum ventriculi naturam præterea cognoscas, cum valde ab ea distet, quæ ab anatomicis explicatur. Tribus tunicis constat vna à peritonæo, & duabus propriis interna, exterioriq; , quod omnes quoque affirmant. At postea ita exponūt, ut nihil expositio cū re ipsa cōueniat. Quare dimissis ipsorum sententiis, uti res se habet, explicemus.

Interna ventriculi tunica tota nervosa est, & per ipsam ducuntur vasa, atque in ipsa etiam terminantur. Omne genus fibrarum habet rectum, obliquū, & transversum: sed intextum, neque sine distractione apparens, veluti in reliquis nerveis membranis, ad hoc ut optimè continere humida corpora, ne tāquā, per collum effluant, utque etiam extēdi ad omnes positiones possit. Verū in intima superficie quadam donatur, veluti crusta, quæ nervea non videtur, sed carnea potius, habetque meatus & veluti fibras non per rectum, vel obliquum, aut transversum ductas, sed quasi à centro ad circumfer-

cunferentiam, veluti in panno illo ferilino, vel bombicino patere potest, quem velutū vocamus. Nam in hoc duo cognoscimus, primum scilicet tellam ipsam variis filis rectis, transuersis, & obliquis optimè textam. Secundum autem, partem illam villosam, quæ filamenta habet ac fibras à centro ad superficiem ductas. Si igitur ex hoc panno fieret canalis, atque texta tella exterior esset superficies, huius proculdubio partis fibræ omnium generum essent, villosæ verò partis internæ, neque rectæ, neque obliquæ, aut transuersæ: sed à centro ad circumferentiam ductæ viderentur. Ita quoque in hac, quam dixi crustam, meatus vel breuissimæ fibræ feruntur à centro ad circumferentiam, vel ab intima superficie, qua respicit cauitatem ad superficiem exteriorem, qua connascitur cum vera nervosa à me dicta. Talis compositio vel substantia gemina interioris tunicæ ventriculi manifestè apparet in brutis animalibus, vti in boue, & cane, atque in hominibus etiam manifestissimè, si aliquantisper per elixationem ventriculum coquamus. Nam in crudo nimis difficilis est ista separatio, in semicocto autem crusta hæc dicta tota optimè separari à nervea tunica potest, veluti si distinctum esset inuolucrum. Sciāsque hoc ita se habere, certamque hanc esse dictæ tunicæ compositionem. Quod si à me quæras, cur natura in crustarum internum ventriculum hac villosa tunica, quanuis hoc minimè à præfenti instituto requiratur (de usu enim partium non tracto) tamen vt tibi satisfaciam respondeo,

OBSERVATIONES

quodd ad eundem vsum instituta est, cui & huic simili in tota lingua inseruit. Nā linguæ superficies simili crusta vestita est, quæ quasi villis constat. Primò, vt asperior & minus lubrica, qualis est nervosa superficies facilius arrepta cibaria ac liquores contineat, & per os ipsum obuoluat: deinde vt humores facilius imbibiti per meatus dictæ crustæ recta ferantur ad veram linguæ superficiem. Hæc enim veluti spongia est, quæ foramina omnia versus substantiam linguæ conuersa habet, quæuc succo gustabili turgens recta statim illum transmittit ad intimam ac lenem eiusdem linguæ superficiem. Postremò inseruit crusta hæc, veluti si stupa vel gossipium ob tutelā impositum esset, ne in longa elocutione, aut perpetua comestura, tādē callosa aut durior fiat linguæ superficies, in qua summa requiritur mollitudo, si statim saporis sensus excitari debet ob vitam hominis seruādam, ne noxij succi ipso minimè conscio in ventriculum ferantur. Ita quoque & in ventriculo adest, ne à plurimo ingesto cibo, potūque, ac diutius inibi contento callosior tandem & densior fieret neruea illa tunica, atque ne inde capillamenta venarum, quæ pro sugendo chylo ita necessaria sunt, occecarentur. Nam dubium non est quin dum chylus conficitur in ventriculo sensim etiam à venis eiusdem, quæ porta hepatis sunt, aliqua ex parte sugatur: aliter citissimæ refectiones, quæ vino odorato, iusculisque, atque eiusmodi aliis alimentis fiunt minimè cōstarent, si nihil suggerent venæ ipsius ventriculi. Itaq;

si dictæ

si dictæ venæ sugunt, neque immeditate cibaria tãgere debent, ne temporis successu callofiores factę obcecentur, meritò tunica ista spongiosa veluti, ac villosa apposita est, quæ prior sua raritate chylum & humorem suctum recta subministret venis ipsis sugentibus. Tertiò etiam dum hæc tunica nervea ventriculo se ipsum contrahente cibum colligit, minimè requirit lubricam superficiem ne cibus facilè labatur, idèò crusta huiusmodi apposita est ad moderatam quandam retentionem. Ista autem circa internam ventriculi tunicam satis sint.

Exterior eiusdem tunica tota carnosæ est pluribus fibris, iisque carneis constans. Nam tota ab ore superiori ad pyloron vsq; vestitur transuersis, ita inuicem contextis, vt ex illis solis tunica facta videatur: quæ fibræ statim detracta tertia, quæ à peritonæo nascitur tunica, apparent & carnosæ, sub quibus aliud genus continetur, quæ obliquæ sunt, carnosæ quoq; ac satis crassæ, quæ ortę à regione circa os elatius, atque ab illa dorsi ipsius ventriculi parte, quæ sinistra est, inde feruntur: aliquot quidẽ ex ipsis recta versus pyloron per dorsum eiusdem ventriculi dextrũ: reliquæ verò, quę plures sunt, oblique ad fundũ versus eundẽ pyloron descendunt. At hæ fibræ, quæ obliquæ à me appellantur, non multæ admodũ sunt, sed paucae satisq; plenæ ac carnosæ, neq; cũ transuersis permiscentur, sed sub illis iacēt. Præterea circa os superius ventriculi sub origine dictarũ obliquarũ aliæ carnosæ fibræ suboriũtur circulares penitus atq; eiusdẽ generis cuius sunt

OBSERVATIONES

illæ quæ in oesophago transversæ appellantur. Hæ dictū os ventriculi ambiētes stringunt, clauduntq; transversæ verò totum ventriculum per transversum stringentes, si moderatè illud faciunt, cibum amplexantur, sin autem validè stringuant ipsū, exprimunt: ita etiā obliquæ mediocriter contractæ per obliquū eundē cibum amplectuntur. Sin verò robustè agunt per obliquum expellunt. Ista autem est vera exterioris tunicæ ventriculi cōstructio, verūque fibrarum vsus. Nam vt tibi mentem meam atque animi sensum aperiam, scias quòd exceptis arteriis, quæ vitali potius, quàm voluntario se motu agitat, nulla alia particula mouet se ipsam, motu voluntario, quæ non habeat fibras carnosas, nisi sit motus conuulsionis, aut palpitacionis, vel alterius generis, quod præter naturam sit. Nam in particula, quæ se ipsam mouet, quatuor hæc obseruamus. Primum nempe motum, quo mouet se ipsam secundum facultatem intimam, qua illud agit. Tertium cū facultas hæc non insita sit partibus se ipsas mouentibus, sed à cerebro tanquam fonte defluat à nobis obseruandus est iste facultatis deflexus. Quartum est apta, ac propensa partis natura ad hanc concipiendam facultatem, qua se ipsam mouere possit. Hæc quatuor sunt obseruanda, vt dixi in omni particula se ipsam mouente, quæ haud cōsistere possunt, nisi particula ipsa fibris prædita sit, atq; illis penitus carneis. Nam vt à motu incipiam, in hoc requiritur fibrosa natura ipsius corporis moti: quoniam quicquid mouet se ipsum (vt ex-

perientia

perientia docet) motu cōtractionis, aut extensionis illud facit. Exemplo, ad sint muscoli, qui aut se ipsos cōtrahunt, aut extēdunt. Cū autē in vnaquaq; particula motus hic certus sit, & determinatus ad aliquam positionem, ideò necessariū fuit, vt tota substantia subiecti corporis disposita esset, & directā ad talem positionem, ne cum corpus contrahitur, aut extenditur incerto motu agitetur. Talis autē dispositio substantiæ nihil aliud est meatū sentētia, quā coordinatio minimarum particularū ad ipsam positionē dictā. Cū aut minima alicuius corporis ad aliquā positionē coordinētur, duo necessariò consequuntur, alterū quod dētur meatus ordinati ad illā positionē, alterū verò quòd fibras habeat illud corpus. Nā fibræ nil aliud sunt, quā minima illius substantiæ aliqua serie, & ordine cōpacta. Si igitur moueri debet corpus per cōtractionē, aut dilatationem ad aliquā certā positionē, pariter necessarium est, vt ad eādē positionē fibrosum sit. Rursus si obseruemus facultatem mihi videtur requiri, quòd sit per vniuersum corpus mouendum distributa, & ita contineatur in proprio subiecto. Proprium autē volūtariæ facultatis motricis subiectum dicitur: spiritus, spiritus autem hic dum latitat in ipso corpore mobili, necessariò requirit meatus in quibus sedeat. At quāmodum corpus requirebatur suis minimis particulis dispositum ad motum certæ positionis, ita etiam necessariò requiritur, vt spiritus, in quibus concepta est facultas, contenti & dispositi sint ad eandem positionem motus. Quoniam si inordinatè locati essent,

n iij

OBSERVATIONES

inordinatè etiam & indispositè ipsa facultas vnde-
 quaque agitarer corpus, ipsùmque indispositè agi-
 tatum inordinatè se ipsum moueret. Ne igitur hoc
 fiat, spiritus hi ordinatam locationem requirunt.

Hoc ita cōstituto patet pro ipsis spiritibus ordina-
 tos requiri meatus, at ordinati meatus in aliquo cor-
 pore necessariò efficiunt fibras. Fibrosum ergo ra-
 tione ipsius facultatis mouētis requiritur, quod sit
 illud corpus, quod se ipsum mouere debet. Tertiò
 ratione transmissionis. Nam excepto ipso corde
 nullum aliud corpus se mouet per insitam faculta-
 tem, sed aliunde recipit. Cùm autè facultas ista aliū-
 de fluat, & per totum corpus mouendum statim &
 copiosa fluat, necessarium est, vt meatus adsint dis-
 positi, qui per dictum corpus percurrant, quive spi-
 ritus contineāt, vt postea in illis spiritibus ita coor-
 dinatis facultas spiritalis, veluti illuminatio quadā
 & irradiatio à parte post partem, momentaneo
 quasi in instanti fiat, & fluere videatur. Nam si ad
 vnicam tantum corporis partem perueniret, & nō
 ad totum per huiusmodi meatus, tunc pars illa di-
 cta se ipsam moueret tantum, reliquum verò cor-
 pus moueatur tantum, non autem se ipsum moue-
 ret. Quamobrem ego colligam ob hoc, vt facultas
 ad vniuersas corporis mouendi partes statim de-
 fluere possit, necessariò requiri, quòd illud quam
 maximè fibrosum sit. Quartū, quòd dicebam esse
 obseruandū cuiusq; causa requirebatur fibrosa sub-
 stantia atq; eadē carnea ad hūc motū, est necessaria
 propensio atq; apta natura corporis subiecti ad hāc
 concipi-

concipiendam facultatem, quæ quidem propensio à carne dependet. Quoniam ego video corpora quædam fibrosa, & quæ habent adiunctos neruulos, à quibus facultatem habent communicatam, & tamen se ipsa non mouent. Alia autem se ipsa mouent cum tamen negari minime possit priora illa habere transmissam facultatem. Nam cum eadem vis transfluxa per neruos faciat & ad sensum tactus & ad motum, neque ipsa facultas variet specie, quamuis effectus specie differentes edat, sequetur, quod cum dicta corpora vim sentiendi habeant, habeant quoque motus facultatem, & tamen non mouentur, quod exemplis plurimis patere potest. Et primum panniculi carnosissimi cuius aliquot partes mouentur, & sentiunt: aliquot verò sentiunt tantum, & non mouentur: & tamen omnes fibrosæ sunt, omnesque transmissam habent per neruos facultatem. Mouentur enim partes, quæ in occipitio in fronte, atque etiam in collo ipso anteriori sunt, & in brutis animalibus plurimæ, quæ circa dorsum. Reliquæ verò his dictis coniunctæ, vel alibi per corium dispersæ vlla ratione mouentur. Sed hoc manifestius apparet in ipsis musculis, quorum cum geminæ sint partes, altera quidem, quæ musculi corpus carnosum continet, altera verò chordam, ex his duabus corpus tantum musculi se ipsum mouet, & contrahit: chorda verò tantum trahitur, neque se ipsam mouet, vti in viuis corporibus manifestè cognoscere possumus. At in chorda iidem sunt nerui commixti cum ligamento, qui & in corpore

OBSERVATIONES

musculi reperiuntur: ipsa pariter fibrosa est, & ha-
 bet meatus dispositos, atque per illos facultas equè
 transfunditur, hocque inde patet, quòd sensu præ-
 dita sit. Cur igitur si hæc omnia adsunt, se ipsam nō
 mouet, vt musculi corpus, sed potius ad illius mo-
 tum contracta mouetur? Profectò nil aliud respon-
 dere possum, nisi illud Aristotelicum de visu senū.
 Nam illi ineptè vident, quia ineptum possident
 organum. Quòd si senex oculum adolescentis ha-
 beret, vti adolescens in spicere potest, cū senī fa-
 cultas ipsa minimè desit, organum aut sit ineptum.
 Idem pariter genus causæ adscribam huic rei, di-
 cāque subiecta hæc corpora, quæ se ipsa mouent
 apta esse ac propensa ad concipiendam talem fa-
 cultatem, qua hoc modo agant. Illa autem, quæ ne-
 quicquam se ipsa mouent, ineptiora esse instrumē-
 ta istius actus. Si quis autem quærat vnde proue-
 niat hæc propensio, obseruemus quæso differentiā
 dictarum particularum, vt inde eliciamus causam
 hanc. Corpus musculi præter fibras neruosas, atque
 (vt dicam) ligamentares, carneam quoque substan-
 tiam infartam his fibris habet, quæ in chorda desi-
 deratur: similiter & panniculus carnosus aliquot
 in partibus carnem admixtam habet, in quibus agi-
 tat se ipsum, in quam plurimis autem absolutè ner-
 ueus est, atque motu orbarus. Cū igitur hoc vi-
 deam, colligo ego carnem ipsam fibris nerueis
 commixtam illud esse, quòd subiectum organum
 aptum ad concipiendam hanc facultatem motri-
 cem reddat. Hac potissimum ratione, quoniam
 facultatē

facultas ea, quæ facit sensum intensior & magis vigens requiritur ad motum. Vigor autem facultati addi potest à caliditate ipsius partis, cui sub ministratur, at corpus fibrosum, quod carne infartum est, calidius proculdubio est, quàm illud idem carne destitutum: ergo sequetur in corpore muscoli, atque in pāniculi partibus musculosis carnem esse, quæ corpora hæc apta ad hanc facultatem concipiendam reddat. Non ineptè igitur assereram nullam partem motu voluntario se ipsam posse mouere, nisi primum fibrosa sit, deinde etiam carnea. Hoc idem pluribus exēplis confirmare possem, sed hoc vnum mihi satisfacit: omnes scilicet membranas, quæ se ipsas mouent, factas esse carneas, & vt ventriculum ac in testina dimittam, in quibus aliquis posset asserere membraneas illas tunicas carneas esse factas, non ob motum, sed ob alimenti concoctionem: Venio ad oesophagum, in quo tota exterior tunica crassa & carnea facta est, & intimæ quoque interna superficies carnea, fibrosa que est, cur non tota neruea? cur ita carnea? nullus erit, mea sententia, stolidus, qui aliā afferat causam præter motum. Sed quid dicam de vesica vrinaria? vt de vtero & ipsius ceruice taceam, nōne in hac videmus tunicam exteriorem carneam manifestè? nōne in ipsa cū aliquando intromissa est fistula argentea, vt supressum lotium educatur, manifestum per sentimus motum, quo se ipsam constringit, & veluti, si quædam manus esset, ipsam fistulam arripit? Nōne poterat natura, veluti intimam tunicam ex puro neruo texuit, exterior-

OBSERVATIONES

rem quoque formare? proculdubio mea sententia potuit: cur igitur illud non fecit? dices ne mi Petre, vt carne lotium foueret: hoc equidem non est dicendum, sed potius vt motu voluntario, aut saltem mixto se ipsam moueri possit vesica hac ratione istius carnosæ tunicæ. His exemplis adhuc magis cōfirmatus veram hanc esse sententiam assero. Nullam particulam in animali se ipsam mouere, nisi fibrosa sit, ac carnem admixtam habeat, & per carnem non intelligo substantiam sui generis (quia in neruis etiam caro hæc adest) sed veram carnem intelligo, communem scilicet illam substantiam, quæ in musculis tomenti modo fibris nerueis impacta sensu ipso à neruea materia distingui non potest, quæque in vulneribus ac vlceribus expurgatis pura concrescens, sensui etiam patet. Deque hac in disputatione partium similarium diffusè tractaui. Hinc manifestè apparet, qua de causa ossa, cartilagines, hepar, lien, cerebrum, atque similes particulae seipsas non moueant, quia fibrosæ non sunt. Patet etiam cur membranæ cerebri, & succingens costas, & peritonæum, & nerui ipsi, chordæ, ac ligamenta, nec non & commune corporis inuolucrum, panniculus carnosus, vbi nerueus est, cū fibrosa sint corpora se ipsa tamē non moueant: quia fibræ illorum minimè sunt carnosæ, idest non sapiunt naturam fibræ musculosæ, quæ musculosa fibra proprium (vt opinor) organum est motus voluntarij. Hoc ita posito colligere poteris internam ventriculi tunicam (de neruea loquor) quamuis

texta

texta sit ex omni genere fibrarum, quia tamen car-
 nem non habet, nulla ratione se ipsam mouere.
 Idem dicas de venis, idem de neruosa tunica inte-
 stinorum, idem de tunica vesicæ orinariæ intima:
 quæ quamuis fibrosæ sint, tamen quia carne carer,
 ideò mouere seipsas non possunt. Quare iam pate-
 bit non esse manifestum, aut certum vsum illum
 ab anatomicis ascriptum fibris rectis venarum, &
 transuersis, & obliquis quoque, vt priores attra-
 hant, & alteræ expellant, postremæque retineant.
 Qua em̃ arte id facient si se ipsas mouere nequeunt,
 ergo venæ priuantur tribus istis facultatibus? ne-
 quaquam, immò venæ attrahunt, retinent, & ex-
 pellunt, sed æquiuocè (vt dicam) non vniuocè, v-
 niuocè enim attrahit interna superficies oesopha-
 gi, & vniuocè expellit externa tunica eiusdem, &
 externa tunica ventriculi, vniuocè quoque retinet
 πύλωες, aut ceruix vesicæ, & vteri, & σφιγκτήρ. At
 venæ vti ossa quoque, & reliquæ animalis parti-
 culæ tria hæc efficiunt, sed æquiuocè non se ipsas
 mouendo, sed quiescentes similitudinis aut dissi-
 militudinis ratione, veluti magnes attrahit, vel
 retinet, vel expellit quoque ferrum sine ali-
 quo motu ipsius magnetis locali: de qua re (vt su-
 perius etiam memini) tam manifestè & clarè lo-
 quitur diuinus Aueroes in 7. physico. comm. tex.
 10. in aurea quadam digressione, quam si quis le-
 gerit, hac mea explicatione minimè egebit. Ex-
 tergas igitur ex oculis caliginem hanc anatomicam
 Mannami, tibi que certo constituas nullam fieri

OBSERVATIONES

attractionem, aut retentionem ab interna tunica ventriculi, neque ab interna intestinorum, quia tota nervosa sunt, carneque destituta, idem de venis asseras, atque de omnibus aliis membranis nerveis, addasque in ventriculo adesse tantum motum expressionis, cum exterior tunica se ipsam per transversum vel obliquum, aut rectum contrahit: quia carnosa, & fibras quales requiruntur habet: ventriculum autem tunc continere dicas, cum pylorus se ipsum constringit, atque tunica exterior ipsam leniter amplexata, supra cibum quiescit.

Expurges quoque animum tuum ab hæretico illo dogmate anatomico, quod fibræ obliquæ faciant ad retentionem (loquor iam de carnosiss, quæ se ipsas contrahunt) & quod transversæ ad expulsionem, quoniam, mea sententia, omnes expellunt, & in transversis quidem concordēs sumus, in obliquis idem probo. Nam ego quæro ab anatomicis, an retineant dum agunt, vel dum quiescunt (actum voco motum contractionis, vel dilatationis: quietem verò relaxationem illam dum non mouentur) Si respondebunt ex anatomicis ij, qui crassiores sunt, fortasse dicent, fibras has retinere dum quiescunt: cui responso sequetur, quod dum quiescunt agant, maximum quippe absurdum, aut respondebunt quod retineant æquiuocè ratione similitudinis, non autem quia fibrosæ sint substantiæ ad motum destinatæ, quam responsum posteriorē ego concedam. Quod si respondeant prudentiores, fortasse dicent fibras has retinere
dum

dum agunt ac contrahuntur : at tu dicas dum fibræ obliquæ contrahuntur, dubium non est, quòd illud idem per obliquum faciunt, quòd per transuersum agunt, transuersæ dum contrahuntur. Istæ vero duo hæc faciunt, primò coangustant cauum per transuersum, & secundò per transuersum expellunt : ergo & obliquæ per obliquum coangustant spacium, & per obliquum expellunt : ergo velint nolint non retinent. Quòd si iterum respondeant, quando istæ fibræ retinent, dum non validè contrahuntur, sed moderatè admodum, ita vt vix amplexentur cibum, & ita retineant, aduersum hos dicas, quòd idem faciunt transuersæ, cum moderatè agunt, quoniam & ipsæ vix amplexatæ cibum, illud quodammodo retinent. Quòd in ipsis manibus etiam apparet, quando lutum digitis, aut aliud corpus molle corripimus. Quoniam si illi moderatè contrahuntur, retinent : sin verò validè agunt, exprimunt ac expellunt. Quare colligamus in ventriculo retentionis munus non esse obliquarum fibrarum, sed pylori ipsius, qui stringitur, exitumque impedit, atque ad hoc opus præterea concurrunt fibræ tam transuersæ, quàm obliquæ, sed (vt dicunt) quasi negatiuè, quia supra cibum quiescant, non autem exprimant. De hac autem re diffusius in disputatione partium similariū tractaui.

In omento nil habeo, quod referam, nisi ignorance eam attester qua in hac parte ita mentis oculi caligine crassa mihi obducti sunt, vt videre ne

OBSERVATIONES

queant ad quem vsum natura omentum formarit. Loquor de parte illa, quæ liberè vaga est, non autem de illa, quæ colo intestino pro mesenterio inferuit. Scio equidem quid dicant alij, & nō acquiesco. Quare tu qui plurimum in naturali ipsa speculatione potens es, si quid inueneris, quod validis rationibus firmare possis, mihi communices quæso.

Ad intestina ex ventriculo descendo, diuisionemque in crassa & gracilia, atque vsum & collocationem ipsorum probo, nihilque historiarum, quam scripsit diuinus Vesalius addi posse existimo. At compositioni aliquid addam. In crasso intestino concamerata illa inuolucra, & cavitates additas esse nosti, vt diutius feces detineantur, nève subinde facilè egredi possint, quod fit in multis animalibus, præcipuè auribus quibusdam, quorum intestinum fornices has minimè habet. Gracile verò intestinum cauernas huiusmodi minimè requirebat, quoniam si adessent in ipso feces facilè retinerentur, ac retentæ chyli distributionem impedire possent. Ideò leui superficie erat formandum intestinum hoc, ita tamen leui, vt lubrica penitus non esset: cum chylus vt absorberi à venis commodè possit, necessariò moderatam quandam in gracili hoc intestino moram trahat, aliter quidem ad crassum intestinum & ad feces ipsas statim flueret. Mora hæc voluntaria minimè dici potest, sed coacta & violenta, ob internam intestini gracilis humani tunnicam, quæ ita formata est (hocque notato ab aliis prætermissum)

prætermiffum) vt moderatè ipsum chylum retineat. Nam plurimas rugas transuerfas habet, quæ ad moderatam retentionem faciunt, neque violenter chylum cohibent. Rugæ autem istæ adfunt, quia longior multò est tunica hæc interna, quàm exterior fit, & ideò crispatur, rugatve, vt apparer etiam in virili pudendo, in quo cutis exterior: quia interna neruea substantia longior est. Nam deficiente ipso semper rugas contrahit. Ita quoque & hæc tunica cum valde exteriori longior sit rugas dictas contrahit & crispat, quæ quidem rugæ veluti in penis cute stabiles minimè sunt, neque huic vel illi parti adnexæ, sed mobiles facilè ex hac sede in illam propelli possunt, quod ad moderationem & minimè violentam chyli retentionem facit. Rugæ istæ non solùm euerso intestino apparent, sed etiam non euerso digitis ipsis percipiuntur, dum in exterioribus intestinum ipsum comprimimus. Si quoque intestinum flatu turgidum luci exponatur, apparent transuersæ illæ duplicationes, quæ rugas faciunt, quas ego aliquando deceptus esse venarum ductus latentes opinabar. Ita autem frequentes aliquot in locis rugæ istæ sunt, vt si interna tunica ab exteriori excorietur illis expansis sinibus non duplo modo, sed triplo etiam exterioris dictæ longitudinem excedat. Hoc primo in interna gracilium intestinorū tunica obseruabis, quòd in crassis non ita apparer, cum rugæ in cauernas & recessus illos sint expāse. Aliud etiā in hac eadem tunica interna obseruabis, quòd cum

OBSERVATIONES

neruosa penitus sit, & omni fibrarum genere constans, non autem transuerso tantum (ut opinati sunt anatomici) cumque capillamenta venarum extrema in se contineat, habet quoque crustam illam, vel tunicam internam parti villosae veluti sericini assimilata, quam etiam internum ventriculi inuolucrum adactam possidet. Hec crusta, ut opinor, eosdem usus habet, quos & in ventriculo (ut dictum est) praestat, atque in dysenteriiis illa est superficies intestinorum, quae excoriata aliquando egreditur. Si rem diligenter inspexeris videbis intestinorum gracilium tunicam internam parum, aut nihil differre ab eadem interna ventriculi. Externa autem intestinorum tunica crassior est, quam interior (quanquam contrarium asserat Vesalius) estque carnosa. Huic fibrae maiori ex parte transuersae sunt ob motum expressionis, verum in exteriori superficie habet, veluti quodam velum integrum ex fibris rectis textum, quae ita iunctae sunt, uti in oesophagi superficie, ut integram quasi tunicam efforment, neque ratae sunt istae rectae fibrae (uti asserunt anatomici) sed crebrae velumque spissum efficiunt, tenuissimum tamen, atque ego ob dictam tenuitatem non distinguo partem hanc a subiecta, sed utrumque pro vna tunica exteriori recenseo, cui postea obuoluitur neruosa à peritoneo membrana, uti omnibus notum est.

In Mesenterij historia multa docent reliqui anatomici partim à Galeno, & partim à Vesalio assumētes. Verum (quod miror) principiū vel primā originem

Originē ipsius non explicant. Tu igitur scias, quod mesenterij duplex est origo, vna quidem superior, altera verò inferior. Suprema est circa primam lumborum vertebra: infima autem est circa tertiam eorundem lumborum. At occasio superioris principij oritur à geminis arteriis, quæ erumpunt ab aorta supra regionem emulgentium, atque ab ea quidem aortæ parte, quæ vt dixi, primæ lumborum vertebræ hæret. Circa has igitur arterias statim fit quidem neruorum plexus maximus ac robustissimus, ita vt originem ipsarum valdè occultet, qui nerui variis ex partibus ibi simul compli- cantur, atque à plexu ipso infinita neruorum maio- rum ac minimorum propago arteriarum ductum ad omnia vsque viscera concomitatur. Ab hoc eo- dem principio membrana eiusdem substantiæ cum peritonæo suboriens vasa hæc vestire incipit, ibiq; principium mesenterij superius est cōstituendum. Plexus autem iste originem ducit à triplici neruo- rum genere. Primum quidem ab illis geminis ner- uorum ductibus qui oriuntur à sexto pari, vel à ple- xu eiusdem sexti paris in ceruice, & secundum co- starum principia sub membrana succingente per vniuersum thoracē, descendētes cum singulis exor- tibus neruorū à vertebriis thoracis erumpentium connectuntur, ac inde incrementum aliquod mu- ruati singuli in vtroque latere subsepto transuerso, & sub musculis, qui sexto in loco femur mouent, vocanturque *Ψευ* à græcis, per lumbos vnde & aliquid incrementi à neruis, qui inde scateant ac-

o ij

OBSERVATIONES

cipiunt, ad hanc dictam regionem perueniunt, vbi
vtrique concurrentes simulque connati plexum
hunc circa arterias exordiuntur. Secundum verò
genus neruorum ab illis est, qui à ceruice exorti,
atque cordis inuolucro adhaerentes descendunt ad
septem transuersum, ac per ipsum disseminantur.
Ab his igitur simplex nervus aliquando oritur, ali-
quando verò gemini, qui descendentes ad hunc
plexum ita validum in ipsum inseruntur, distribuū-
turve. Tertium præterea genus est ab ore ventri-
culi superiore, qua dorsum respicit, nam duo ibi
nascuntur nervi vnus ab vno, alter ab altero ex iis
geminis, qui à sexto pari ad vētriculum veniūt, qui
duo nervi circa dorsū sub vētriculi parte postero-
ri vniti in vnā propaginē, ad eundē plexum deue-
niunt, simulque miscentur. Neque ego vnquam
potui ita hos geminos nervos secando prosequi, vt
illos viderim aliquot propaginibus in renes, aut in
veterum inseri, quod anatomicis quibusdam pla-
cet. Ex hoc igitur triplici neruorū genere cōflatus
plexus primā originem mesenterio præbet. Nam
ex hac pendet maior ipsius pars robustissimè su-
spensa.

Inferioris verò principij occasio oritur ab arte-
ria vnica circa finem tertiæ vertebræ lumborum
ab aorta erumpente. Hæc enim nouo alio neruoso
plexu statim circundatur, qui variis nervis illam co-
mitatur per totum rectum intestinum vsque ad se-
dem & per partem coli. Plexus autem hic originē
ducit à superiori dicto. Quoniam inde in vtroque
latere

latere propago vnica neruorum, ac satis crassa descendit, quæ à paribus neruorum, quæ è lumbis scitent adaucta & ex aduerso concurrens plexum hūc minorem parit, indèque gemina membrana substantiæ eiusdem cum peritonæo exorta totam hāc mesenterij partem inferiorem vestit. Talem itaq; obseruabis vtriusque mesenterij originem, in quo collocatæ sunt glandulæ plures, quibus vsus hunc adscripsere anatomici, vt sint veluti ligamenta vasorum ne disrumpantur, aut lacerentur in magnis, ac violentis motibus, qui vsus nullus mihi videtur. Rationes autem in alio opere audies, tantūque in præsentia verus tibi hic proponatur vsus, vt impediāt ne vasorū ductus cōprimantur, vel à repletis intestinis, vel à prono decūbente animali, vel cōpresso abdomine aliquo alio modo. Nā si ipsi cōprimerentur chyli distributio cōmoda minimè fieri posset. Aliud etiā non minus incertū addunt anatomici, glandulam πάλυρτος dictam ob fulcimentum ventriculi factam esse asserentes. Quod si verūm esset, inutile penitus reperiretur hoc corpus in brutis, quæ prona incedunt. Quoniam πάλυρτος in istis supra ventriculum iacet, non sub ventriculo, verus autem ipsius vsus est, vt insculptum canalē habeat, per quem vena illa insignis, quæ à portis iecinoris ad lienem tendit tuto feratur. Illi nanque veluti puluinus insternitur, atque ab omnibus comprimētibz defendit. Sed hæc nihil ad institutum.

Anatomicum dogma est, atque ab omnibus

o iij

OBSERVATIONES

receptum, quod *πρὸς κοιλίαν*, qui per iecur disse-
 minantur omnes collecti in vnū meatum recta fe-
 rantur in ceruicem visicę feleę vocatę. Quod do-
 gma minimè concors est cum natura rei. Nam si
 quis studium adhibere voluerit certo cognoscet
πρὸς istos per rectum meatum ferri in intestinum
 duodenum, rectoque tramite, ac continuo in illud
 bilem flauam ad vsus opportunos exonerare. Sed
 quoniam semper commodum non est, dum chy-
 lus copiosus & recens reperitur in intestino gracili,
 vt subinde ex ipso intestino à bile proritato, ac se
 ipsum contrahente exprimatur, quia non fieret su-
 ctus, aut distributio eiusdem chyli ad hepar opor-
 tuna. Ideò natura magistra omnium pulcherrima-
 rum inuentionum insertionem istius meatus per
 quem fertur bilis in intestinum artificiose ita con-
 struxit, vt dum extenditur ipsum intestinum, atque
 tunica tunicę constringitur, non possit hoc excre-
 mentum in cavitatem duodeni exonerari. Hoc
 autem fit dum intestinum plenum chylo in opere
 distributionis quasi turget, atque eo oblectatur.
 Ne autem excrementum in hepar regurgitaret di-
 uerticulum fecit natura, in quo colligeretur, vesi-
 cam scilicet bilis quā huic meatui medio in ductu
 ceruice implantauit, vt in illam ad tempus regur-
 gitans bilis recedere, ac colligi possit. Vnde postea
 aperto meatu duodeni refluens in intestini cauum
 se exonerat. Egreditur autem bilis tunc temporis
 ex vesica, quia vas hoc ita est hepatis affixum, vt ab
 illo semper leuiter comprimatur in rectis animan-
 tibus,

tibus, in brutis verò comprimitur à vētriculo, qua ex leui compressione fit, vt aperto ductu bilis facillimè viā inueniat in intestinum. Si hoc obseruabis, verum manifestumque esse illud quod dixi inuenies, ac simul agnosces vanum esse illud anatomicorum inuentum in facultate triplici huius vesicæ, qua attrahat, & retineat propter oblectationem quādam ipsum fel, tandēque idem expellat, cū neque ipsa vesica attrahat, neq; retineat, neque expellat per se, sed omnia efficit ea ratione, quam dixi: & si quid attrahit, illud est alimentum, quod per venas ad illam, vt alatur & conseruetur, fluit. In hac autem re decepti sunt nostri anatomici à situ ipsius vesicæ. Quoniam cū viderint fundum inferiora respicere, & quæ ad ceruicem pertinent ad portas hepatis ascendere, idē opinati sunt meatus recta in vesicam ab hepate ferri. Verū si obseruauerint, quod ceruix propè portas quasi duplicata reflectitur, atque ipsius pars altera, quæ cum meatu coniuncta est, quod non sursum ad portas, sed deorsum ad duodenum respicit, simulque diligenter inspexerint ductum, ac insertionem ipsius in meatum, nō dubito quin *πελινοςίδω* mutata sententia canant, ac verum vesicæ vsum recognoscāt. In cuius historia quædam tecum disputarem libenter de concretionē lapidis copiosissimi, atque maximi, quem ego sæpe & sæpius cum in ipsa, tum in meatu ab hepate ad intestinum lato reperi, sed locus hic minimè istud cōcedit. Quare ad historiam. In qua vltimo addendum censeo, quod bis aut ter

o iiij

OBSERVATIONES

ad summum obseruavi meatum hunc, quæ exoneratur bilis, cum propè duodenum est, diuidi in geminum canalem, & vtrunque paruo interiecto spacio in idem intestinum inferi, seruata in vtroque artificiosa illa insertione. Nunquam autem vidi meatum aliquem ad ventriculum deferri, quamuis illud minimè fieri posse negarim aduersus testimonium grauissimū antiquorū, atq; diuini Vesalij, qui hoc vidit, hominēq; in quo viderit attestatus est.

In lienis historia nihil est traditum ab eodem, quod penitus mihi non satisfaciat, nihilque habeo, quod à me sit addendum, nisi quod hic Patauij publicè cadauer secuerim, in quo triplicem lienem reperi, vnum iustæ magnitudinis, alterum dimidio minorem, tertium verò magnitudinis oui columbini, atque vnusquisque suas venas & arterias & nervos possidebat, sedēsque omnium sinistrum hypocondrium, eadem omnium substantia, & eadem tunica & ad summum eadem erant omnia.

In renibus hoc obseruavi, quod ab aliorum placitis difert, meatus rectos in substantia ipsorum esse, atque per omnem renum carnem à circumferentia ad sinum medium ferri, qui sub oculis omnium patent. Hoc constituto necessariò etiam sequitur in illis dari corpus fibrosum cum omne corpus quod frequētissimos meatus habet, atq; lōgos, & ordinatos necessariò fibris cōstet. Quæ sententia reliquis anatomicis minimè placet. At quæ nam sint fibræ istę neruosa nec ne, an carnosæ, vel vtriusque generis potius, tibi discutiendum relinquo.

Obser-

Observaui quoq; atq; publicè hic Patauij auditoribus meis indicaui geminos meatus vrinarios, ac geminos sinus medios in vnoquoque rene in quodā corpore humano, in quo multa alia à stata naturæ consuetudine recedentia notavi. In hoc eodem cadauere geminas insignes emulgētes venas, & geminas arterias ad vnumquemque renem ferri, vidi. Locus autem in omnibus ferè cadaueribus, quæ ego secui, vnde oriantur venæ & arteriæ emulgētes est, vbi secunda & prima lumborum vertebra ligamento medio inter se copulantur. In renum substantiam, ac corpus disseminari venas, & arterias vsque ad extremum, atque vnà cum arteriis neruulos per totam substantiam ferri, non autem in exteriorem tunicam vnum tantum neruum definere oculis cuiuscunque patere potest. Nam in hominis renibus non reperio ego sinum illum perforatum & exteriorem à Vesalio proditum, per quem ferantur venæ, ac arteriæ: sed video manifesta ipsa vasa per totam horum viscerum carnem diducta, & in arteriis, ac venis hoc observaui, quod in renibus ita attenuatur ipsarum substantia, veluti in illis vasis fit, quæ per cerebrū feruntur. Hæc tenuitas fortasse cū sit aptissima ad lacerationem, efficiatque ne vasa tam facilè sensum feriant, fuit in causa vt hoc ab anatomicis minimè sit animaduersum. Sinum etiam illum secundum, & interiorem ab eodem Vesalio, traditum non reperio, sed alium huius locus positum. Nam inter venas & arterias, quæ in duas partes diuisæ disseminantur

OBSERVATIONES

aliæ per substantiam renis posteriorem, aliæ per anteriorem prope renis (portas appello simam illam partem per quam ingrediuntur vasa & egrediuntur meatus vrinarij) vel parum intra substantiam ipsius, sinus quidam est factus ex neruea membrana, qui plures possidet ductus, vel fistulas, veluti si digitos perforatos haberet, in quibus fistulis extremis singulis operculum est carneum veluti verruca quædam acutum, quod aliquantisper in fistulam ingreditur, illamque obturat, & lotij stilicidium constituit. Nam operculum hoc ex substantia renis constat, quæ ad illud foramen, vel fistulam pertingit, vt in cavitatem lotium percollet. Et aliquando in vno quoque renis sinu reperiuntur octo, vel decem foramina, aut fistulæ dictæ, quibus huiusmodi carunculæ aprantur, quæ ipsas operculi ingredientis modo obstruunt. A venis igitur, ac arteriis transfunditur omnis sanguis aquosus ad renes, huic similitudine substantiæ consequitur serum. Sanguis postea retinetur pronutritione, qui quia parum ob tenuitatem alit, multus subinde attrahitur atque ideò multum feri continuo subsequitur, quod retento sanguine tanquam noxium per carunculas dictas expellitur, & instillatur in sinum, ibique collectū in latiore sinus parte fluit ad meatum, qui oritur ab eodem sinu & vrinarius vocatur, deorsumque latus desinit vtrōque in latere in vesicam. Vera hæc est renis humani constructio, non autem canini, aut caprini. Nam in capris, aut canibus ista minimè sunt explicanda,

plicanda, quod utinam animaduertisset præceptor meus Vesalius. Quoniam neque in larynge, neque in lingua, neque in oculo ita facile lapsus esset, deceptus potius à bouinis, vel aliorum animalium partibus quas humanarum loco aliquando secuit, ac delineauit: quàm aut negligentia aut ingenij crafitie, cum in minutissimis, quibusdam rebus ipsum oculatissimùm, maximique diligentem, ac perspicacissimum fuisse videamus. Nimis enim in renum hominis anatome pinguedinem, non ita tamen timendam, timuit, atque inde manauit describendi renis brutorum occasio. Si autem velis, mi Petre, sinus dicti certam assequi cognitionem, aduertas ne sectionem moliaris in dorso, ac gibarenum parte, sed imposito specillo in meatum vrinarium secando vsque ad sinum illum gladio lo ascendas, simulque ipsum in sima parte diuidas per longum à superioribus ad inferiora. Quoniam hac ratione, apertis renibus, videbis totum sinum, & meatus, ac foramina illa extrema, simulque & carunculas, vel stillicidia hæc obturantia. Sed de istis satis.

Ad vesicam iam venio, in qua non æquè diligentes fuere anatomici, ac in multis aliis partibus. Quoniam non obseruarunt substantiam ipsius, quæ partim neruosa, partimq; carnosa cum sit, ipsam tamen totam nerueam esse asseruntur. Scias igitur vesicam tres habere tunicas, vti vētricus & intestina habent. Vnam à peritonæo communẽ, &

OBSERVATIONES

duas proprias. Alteram quidem, quæ tenuis admodum est nerveam, lucidam, & candidissimam, omniq̃ue fibrarum genere nervoso densissime textam, à natura institutam ad continendum lotium ne extra excolet. Hæc tunica facilimè si aliquantisper vesica in fletur ab exteriori separari potest, ita ut ego aliquando fermè totam separarim sine aliquo negotio, q̃ magni fuerit momenti. Alteram etiam habetexteriorem, carnosamq̃ue: dum autem carnosam dico, non ita rubicundam carnem videre expectes, qualem in musculis, sed subalbidam qualem in ventriculi, ac intestinorum tunicis videre potes. Ita enim carnosam hanc tunicam reperiēs, & crudam, & semicoctam: nam opus est ut omne experimentum tentes. Hæc eadem dum vesica diffidet satis crassa est, ipsa verò extensa tenuior fit distractis valde fibris, per quas nisi interna adesset tunica facilè egredi lotium posset. Fibræ quæ ipsam constituunt, sunt satis crassæ per longum & transversum vesicæ maiori ex parte, ac per obliquum etiam aliquot collocatæ ad hoc, ut vndequaq̃ue commoda fiat vesicæ contractio, atq; lotij expressio, non ut retineant attrahant, & exprimant, sed ut expressioni tantùm, quòd in ventriculo etiam dixi, incumbant. Artificiosa verò illa meatuum vrinariorum insertio, quam fieri tradit. Vesalius illis perreptantibus inter tunicam à peritonæo, ac propriam, fit re vera inter duas has proprias exteriorem scilicet, atq; internam. Hoc diligenti sectione à te facilè cognosci poterit. Quot cùm feceris, videris

derisq̃ue hanc tunicam exteriorem carnosam, & ab interna penitus distinctam, confirmabis profectò sententiam meam, veràmque esse dices: quod nulla pars se ipsam mouere possit nisi fibras habeat, vt secundum illarum ductum se ipsam colligat, contrahátque, atque nisi etiam easdem carnosas (exceptis arteriis) possideat. Nam cum vesica se constringat motu quasi voluntario, habuit à natura secundam hanc tunicam carnosam: quæ qua ratione fieri potuit, vt reliquos anatomicos latuerit? De vesicæ musculo supra locuti sumus, quare descendamus ad partes generationi dicatas.

In testium tunicis illud primum obseruauim maximam esse controuersiam inter anatomicos. Nam alij tres tantùm constituunt. Alij quatuor: Alij quinque vel sex etiam numerarunt. In his tamen illos magis probo, qui quatuor esse dixerunt, duas scilicet exteriores, ac communes, duasque proprias & interiores. Nam qua ratione acti proprias vniuscuiusque testis tunicas quidam tres esse dixerunt, nescio: potuerant si vellent non tres tantùm, sed quatuor etiam efficere. Verùm summi magistri diuisio mihi semper placuit, quod quatuor sint, & vtinam ipse nomina ita oportune his imposuisset à scriptoribus, qui de his scripsere assumpta. Quoniam nil in hac historia amplius desiderari posset. Nam ὀρεον vocauit exteriorem tunicam ex cuticula & cute conflata, scrotum à nostris dictam, & optimè quidem, quia à Galeno similiter & à reliquis Græcis omnibus vocatur. Secun-

OBSERVATIONES

dam verò communem innominatam reliquit, curri
tamen à Ruffo Ephesio *δάρτος*, vel *δάτοι* plurium
voce appelletur, atque etiam à Paulo Egineta
lib. 6. cap. 61. Hæc à panniculo carnosò ortū ducit,
& *δάρτος* vocatur, quia in excoriatione maximè
apparet, & quia facilimè ab externo scroto, inter-
nisque aliis membranis excoriari potest, vel cum
illa sit, quæ externum corium (vt ait Paulus) gluti-
nat cum internis membranis, opus est vt ipsa ex-
corietur, ac secetur, si externam ab internis seiun-
gere velimus. Tertiam quoque optimè descripsit,
orta à peritonæo, veluti etiam Paulus confirmat,
atque hanc verè nominauit, nam *ὑπεροειδής* voca-
tur à Galeno, Ruffo, & Paulo, quanquam *ἐρυδροειδής*
passim legatur voce corrupta, quæ in *ὑπεροειδής* ver-
tenda est. Nam cum disinetia istius vocis *ἐρυδροειδής*
similitudinem significet, quæ sit ista similitudo cū
rubore non video, à quo tunica ipsa rubro vel ru-
bori similis sit dicenda, potius *ἐρυδρά* debuerat vo-
cari, quàm *ἐρυδροειδής*: sed quoniam nulla adest in
ipsa rubedo, neque etiam *ἐρυδρά* dici potuit. Qua-
re optimè *ὑπεροειδής* vocata est à græcis ob vagi-
næ & inuolucris similitudinem. A Paulo etiam vo-
catur *ὑποκοειδής*, quia ab illa membrana oriatur, in
qua sunt *ὑπὸς* venarum & arteriarum: immò per
hanc etiam disseminantur, vnde capreolaris, vel ca-
preolo similis vocata est. Vnum præterea notandū
est ex Paulo, quòd huius tunicæ illa pars, quæ simæ
ac posteriori testium faciei hæret, vocatur *ὀπο-
διάμεσος*. Quartam deinde atque vltimam tu-
nicam

nica optimè describit, sed malè appellat & immeritò alios anatomicos nugaces vocat. Nam verum istius tunicæ nomen est *δύκτος* ex Galeno, at ex Ruffo Ephesio *ὑμὴν νευρώδης τῶς τυνίς* appellanda est. Quod autē *ἐμνιδίς* vocari debeat hæc tunica (vti opinor) falsum est. Quod ego ita probo, atque auctoritate primum. Nam apud quē primum nos legimus vocem istam, fuit Galenus qui etiam huius pluribus in locis meminit. At ipse testatur in primo de semine cap. 15. & 16. esse corpus aut particulam quandam corporis capiti ipsius testis impositam: ergo non est membrana vestiens testem. Quod autem non possit Galenus intelligere membranam hanc, probo. Quoniam in lib. de dissec. vteri ait, testes fœminarū habere *δύκτον*, vti habent testes virorum, quæ est tunica vestiens substantiam testis: in 14. verò de usu part. testes mulierum non habere *ἐμνιδίδα*, ait, aut si habent esse ita paruas, vt vix appareant, hoc certè nō potest intelligi de membrana testium, cū dicat non apparere in testiculis fœminarum, quod non dixisset si per vocem *ἐμνιδίδα* tunicam innueret. Præterea asserit in primo de semine cap. 15. *ἐμνιδίδα* aliquando plenam semine reperiri, quod de tunica minimè dici potest. Quare ex his ego colligo Galenum nunquam hac voce appellasse tunicam dictam. Quod si ab ipso primum promulgatam habemus vocem hanc, atque etiā ipsius explicationem, cur nos abusi nomine volumus tunicam testis improprie, ac immeritò *ἐμνιδίδα*

OBSERVATIONES

vocare? non video equidem huiusce rei causam. Sed demus Galenum aut non explicasse vocem hanc, aut cum ipsam legerit apud Herophilum, vel alium scriptorem non rectè intellexisse. Probo ego iam à verbi ipsius vi non posse tunicam hanc significare. Quoniam ἐμδιδυς vox composita est ex duabus, altera quidem ἐμ, quæ in, aut supra significat, altera verò διδυς, quæ cum desinentiam τῶν ὡροεισῶν illorum habeat, quæ in is sub fœmineo genere desinunt, ac parî ratione formetur, necesseriò inter eadem ὡροεισῶν erit connumeranda. Cùmque diminutiva hæc nomina idem aut natura, aut similitudine quadam, aut vñ cum prototypo significant diminutum tamen ac tenuius, idè διδυς deducta ἀπὸ τῆς διδυος significabit quodam corpus, quod aut natura, aut similitudine, aut vñ idem sit cum teste, sed tamen diminutum, idque erit testiculus. Iam videamus an hoc dici possit de tunica hac, de qua tractamus. Proculdubiò non eadem est natura huius tunicæ cum teste, nulla similitudo, aut figura, nisi in rotunditate illa ovali, nulla ipsius vsus communitas, cùm hæc ad ambiendam substantiam testis, ipse verò ad generationem seminis sit factus. Quamobrè sententia mea dicendum mininè est tunicam δῆπρὺν dictam vocari posse vnquam διδυς, sed potius vox ipsa corpus quodam paruum quod testem referat notare videtur, ac postea addita ἐμ illud idem supra testem, aut aliud corpus, de quo mentio habeatur insidere significat. Hoc comprobatur similibus.

similibus quibusdam vocibus, quarum crebro meminere anatomici, earumque una est ἐπιδερμὶς, quæ cuticulam naturæ, figuræ, atque usu cum cute eandem, tenuiorem tamen significat. ἐπιγλωττὶς addatur, quæ corpus paruum figuræ tamen idem cum lingua, quæ γλῶττα dicta est, significat. Idem confirmat ἐπιμολὶς vox Hippocratica, quæ molam parvam genu affixam notat, quam partem ἐπιρροὴς etiam vox apud eundem explicat. His vocibus anatomicis satis clarè patet, quod per istam vocem, ἐπιδιδυμίδα debemus intelligere aliquid, quod aut substantia, figuræ, aut usu (paruum tamen) testi sit simile, illique postea insideat, ut ipsa ἐπὶ requirit. At quæres quisnam sit iste testiculus. Respondeo, quod est corpus illud oblongum utriusque extremo testis in parte summa alligatum capiti scilicet, atque fundo. (Caput autem Aristo. & Galenus vocant partem testis superiorem protuberantem: πυθμὶς verò, id est fundum vocat. Pollux inferiorem partem) atque in medio seiunctum, in quod seminales venæ & arteriæ magna ex parte desinunt, & à quo canalis seminarius ortum ducit, Particula enim hæc malè observata ab anatomicis, quamvis in homine videatur in superficie ipsa nervosa, tamen re vera in intimis glandosa est, & si secetur ex minutissimis quasi glandulis, veluti etiam & gurgulio constat, formari videbitur, quod velim observes in crudo coctoque teste, quoniam hoc certum esse reperies. Glandosa autem huius substantia solidior aliquantisper videtur quàm sit substantia

P

OBSERVATIONES

testis, hocque illud est quod Galenus, aut diuinaris, aut forte ab Herophilo assumens dixit *ἐμδιδυμίδα* quo ad substantiam esse mediam inter testem, ac vasa spermatica, molliorem scilicet his, & duriorum illo. Cum itaque in hoc corpore eadem sit substantia cum teste, idemque usus. (Nam & in ipso semen fieri concedit Galenus & refertum semine saepe reperitur) neque varia adsit figura, merito testiculum appellare poterimus *διδυμίδα*. scilicet, cumque ipsi testi adhæreat *ἐμδιδυμίδα* etiam vocabimus, atque illud præcipue corpus est, quod in quibusdam hominibus ita laxo nexu cum teste iungitur, ut diuisi testiculi parui specimen præbeat, unde aliqui *πρὸς ῥαῖς* vocantur ob hoc symptoma.

Quoniam autem natura mirum in modum appetens conseruationem humanæ speciei non quasdam statas constitutiones, aut tempora ordinauit, quibus uti multa alia bruta, ita homines turgore veneri affecti liberis operam darent, sed omnes tempestates, omnesque horas aptas, ac opportunas esse voluit ad veneris usum, atque ad procreandos liberos, cumque hoc minime fieri possit, nisi perpetuo apta subministretur materia, ideo quoque eiusdem naturæ instinctu testes & vasa reliqua generationi seminis destinata ipsum continuo producant, quod deinde à testibus per *ἐμδιδυμίδα* & meatum seminalem perpetuo ad ceruicem vesicæ, & ad penis originem fertur, ut hoc medio in uterum tanquam in seminarium spargatur.

tur. Verum in veneris negotio homo multus esse non potest, neque perpetuò illi incumbere. Quare necessarium est, ut semen hoc colligatur & aceruetur, donec opportuna superueniente hora spargi possit. At in homine multi seminis non satis erant meatus, neque epididymis, aut substantia testium ad continendum semen, quod duorum, aut trium, & aliquando etiam plurium mensium spacio coaceruatur. Quamobrem natura propè implantationem meatum seminalium, quos *πύρις σπερματικός* vocauit Herophylus & Galenus atque etiam *ἀρχὴ σπέρματος*, ubi uniuntur simul, ut semen effundant in canalē, ad latera ipsorum circa cervicē vesicæ apposuit geminas quasi vesiculas, vnā in vno latere, aliam in altero, quæ vesicæ nerueæ sunt, satísque insignes ac magnæ, neq; vnā habent cauitatem, ut aliæ vesicæ, sed multiplicem & anfractuosam, videnturque varicum complicationem formare, & nihil in humano corpore reperitur, cui magis assimilentur quàm varicoso vasi. In has vesicas, tanquam in castellum quodam aquarium exoneratur semen continuò, quotiescunque apertos meatus quibus in canalē influat, minimè reperit. Ne autem copiosum semen totum in vnica cauitate contentum corrūperetur, ideò natura plures canales ac meatus in his vesicis effinxit, in quibus semen integrius seruetur, atque præterca voluit plures esse & anfractuosas, ne statim semen totum vno in veneris congressu affatim efflueret, magnò ve ita copiosi humoris impetu (si totus simul ef-

OBSERVATIONES

fluere) ne aut meatus nimis dilatarentur, aut ne (quod sæpe ac sæpius in aliis vasis accidit) ex plenitudine quædam obstructio statim fieret. Semē igitur ex illis varicibus sensim se explicans tutius ac moderatius exit. Vesicæ autem hæ, quamvis magnæ sint, latitant inter ligamenta recti intestini & vesicæ vrinariæ, semperque copioso semine ita turgent, ut quandoque demirer qua ratione diuinus Vesalius has non viderit, nobisque potius seminaria vasa camina, quàm humana descripserit, nihilque pro ipso respondere possum nisi, quod aliquando bonus dormitat Homerus, neque hoc illi turpitudinini, aut dedecori mea sententia est. Vesicas præterea istas aut vasa non dubito illa esse, quæ à similitudine *παράσιπτος κρυσσοειδής* vocauit Herophylus in humanorum corporum dissectione valde exercitatus, quanquam Galenus extremam meatuum seminalium partem sit interpretatus. Hos igitur varicosos adstites obserues, mi Petre, quia pulcherrimum in se continent naturæ artificium.

In penis historia à Vesalio tradita hæc desiderantur, quæ etiam apud alios anatomicos desunt: Nam quamvis reperiantur scriptores anatomici, qui ut Aristarchi videantur, liberè inuehuntur in Vesalium, & quasi semper immeritò: in rebus tamen difficilimis ab illis dogmatibus, quæ ab ipso tradita sunt nec perlatum pillum recedere audent. Talis est historia hæc, in qua nihil à Vesalij placitis recedunt, nisi fortè dum aliqui negant nervos & venas

nas ad penem deriuari. Sed ad institutum nostrum. Penem in intimo canali non cauum sed spongiosum esse constat fungosa quadam materia repletum non carnea quidem (vti ipse ex Aristotele asserit) sed nervea, ac ita dura vt quasi nerui duritiem excedat. Per hanc spongiosam materiam vsque ad summam glandem vasa feruntur insignia, arteriæ nempe, quæ ita aliquando conspicuæ sunt, quàm quod maxime conspici potest. Ad penem duo genera vasorum feruntur. Alterum cutaneum quod non curo. Alterum verò illorum vasorum, quæ per corpus nerveum ipsius penis distribuuntur, de quæ his ego loquor. Sunt enim gemini nerui, qui per mediam illâ bifurcationem, à qua originem trahit penis ascendentes ad dorsum ipsius, & per dorsum idem currentes, propaginibus non paucis subiecto nervo communicatis tandem in glandulam ac totum extremum colem inferuntur. Nerui sunt insignes ac valde manifesti, ita vt nisi lusciosos latere possint: ii que sunt, in quibus, ac simul in ipsorum inuolucris fiunt ganglia non dolorosa, vel glandulæ vocatæ ab empiricis, quæ postea sunt in causa, vt dum pudendum erigitur veluti arietinum cornu intortum turgat, & non distendatur, quod genus morbi, mea sententia, propemodum immedicabile est. Sunt præterea geminæ arteriæ intra nervos ipsos vsque ad glandem delatæ, à quibus vasis factis insignibus propagines manifestæ ad fungosam penis substantiam feruntur. Hæ pariter arteriæ per bifurcationem mediam dictam vnà cum ner-

OBSERVATIONES

nis ascendunt ad dorsum. Postremò adfunt geminæ venæ, quæ ut plurimum cùm ad mediam bifurcationem peruenerint, in vnâ tantùm coalescunt: à qua quidem vena sub osse pubis propago quædam insignis ingressa abdomen disseminatur per ligamentum quo vrinaria vesica ossibus pubis vincitur. Hæc itaque vena ex duabus ut plurimum coalescentibus orta, currit per medium dorsum exquisitè ipsius penis inter utrâsq; arterias vsque ad glandem. Horum vasorum neminem ego reperi, qui veram originem nobis descripserit. Quamobrem tibi hanc ante oculos ponam.

Cùm vena caua & arteria aorta in duas partes diuisæ recesserint à quarta lumborû vertebra versus inguina, antequam illuc pertingant ramum insignem ac crassum utrâque à se propagat ad cauitatem illam, quæ ab osse sacro, & toto osse ilium in infimo obdomine formatur, qui ramus in duas propagines, in exteriorem scilicet & interiorem optimè à Vesalio descriptas ibi distribuitur. Harum exterior, quæ & maior est, tota quodammodo (ut præceptoris verbis utar) inter sacrum & coxendicis os qua maximus neruorum crus petentium ducitur, in exteriora transversa prorepit, & numerosa ramorum serie in musculos varios dispensatur, vti optimè ab ipso proditum est. Ab his itaque tribus particulis venæ scilicet, atque arteriæ propaginibus & neruo maximo,
statim

statim dum egrediuntur per spacium illud inter os sacrum & ischium, rami satis insignes oriuntur, nervus scilicet à nervo maximo, & venula & arteria ab aliis duabus propaginibus. Quæ tria vasa reptantia & quasi circumducta ad inferiorem coxendicis ambitum, procedunt ad anteriora vsque & ad illam partem ascendunt in qua pubeis ossa simul iunguntur, & per bifurcatam penis originem penetrantia ad dorsum ipsius feruntur. Verum hoc accidit, vt fermè semper vnus lateris vena ibi in pube coniungatur cum opposita & fiat vnicum vas venosum, quod medium inter arterias ducatur vsque ad glandem, quod quidem vnionis genus in nervis istius partis fieri nondum observavi. Vera hæc est (vt opinor) vasorum origo, quæ per penem diffunduntur, neque vnquam alia à me inueniri potuit, satisque tibi sit hæc inter illa, quæ pertinent ad instrumenta semini in viro ipso dicata. Nam ad muliebria venio.

In vteri ceruice mihi videtur, quòd anatomici nostrorum temporum, ferè omnes, qui de hac re locuti sunt, aliquantisper lapsi sint. Quoniam partem illam, quæ verè ceruix non est, ceruicem appellant, veram autem ceruicem ignorant. Nam totus ille meatus, in quem virilis pennis inditur ab istis vocatur ceruix, cum tamen ab antiquis anatomicis Galeno scilicet, atque præcipuè à Sorano in tract. de vtero vocetur *αἰδοῖον γυναικείον*, necnō etiā *κόπος γυναικείος* nunquā autē ceruix, nisi

p iij

OBSERVATIONES

impropriè loquantur. Scito igitur partem hanc finum, vel pudendum fœmineum esse vocandam, veram autem ceruicem vteri eam esse partem, in qua est ostiolum illud angustum, in quod penis nō ingreditur quidem, sed tantum attingit: semen verò per ipsum infundum vteri procedit. Sed hæc leuia, grauiora, quæ sequuntur sunt. Auicen. 3. lib. fen. 21. circa finem meminit cuiusdam partis in pudendo muliebri sitam, quam virgam vel albathara vocat. Hanc Albucasis libro. 2. capitu. 71. tentiginem appellat, quæ solet aliquando ad tantum incrementum peruenire, vt mulieres hanc habentes coeant cum aliis, veluti si viri essent. Partem hanc græci κλητοῖδα vocârunt, vnde verbum κλητοῖζειν obscœnum diductum est. Anatomici verò nostri penitus neglexerunt, neque verbum quidem de ipsa faciunt. Particula hæc eadem virili peni respondet, & ex duplici neruo cōstat intus spongioso, atque atriori crassiorique sanguine referto, vt in viris. Oritur bifurcato principio ab osse vtroque pubis, atque in vtroque principio dicto musculus satis manifestum, paruum tamen pro magnitudine partis habet, vasa per dorsum curentia adsunt quemadmodum in virili membro, desinitque in quodam extremum, quod ceu glans videtur contenta quadam pelle veluti præputio, quæ pellis iungit pudendi exterioris gemina illa corpora, quæ à græcis, præcipuè à Sorano περιγώματα vocantur. Totum hoc pudendum, quia paruum est, & latitat in pinguiori pubis parte, idèo anatomo-

notamicos etiam latuit, atque ita latuit, vt ego primus fuerim, qui superioribus annis idem patefecerim, & si qui alij de hac re locuti sunt, aut scripserunt, scias quòd ipsam aut à me, aut à meis auditoribus accepere, neque tamen obid rem ipsam bene norunt. Extremam glandem istius penis statim reperies in parte superiori ipsius pudendi exterioris vbi iunguntur, vel vnde incipiūt dicta *πρωγώματα*.

Aliud etiam notandum in hoc sinu mulierum est, quod anatomici aliquot reperiuntur illos deridentes, qui hymen ibi collocant. Verum mea sententia non sunt ita deridendi, quoniam re vera tu videre poteris in virginibus membranam quandam nerueam, nō autem carneam, quæ immediatè post *ἔρπυριον* (ita enim vocant græci canalē, per quē mingunt fœminæ, vel rectius collum ipsius vesicæ) adest, & claudit sinum per transversum. Attamen non est integra hæc membrana, sed in medio perforata tanto foramine, vt minimus digitus manus suo apice in adultis facilè ingredi possit, hocque virginale claustrum est, ac per foramen ipsius facilimè egrediuntur menses: hoc noluit Soranus esse membraneum, sed potius esse ipsius sinus mulieris angustias factas ex quibusdam rugis collectis, quæ à vasis ex vtero illuc prodeuntibus contrahuntur: cūque hæ dictæ rugæ extenduntur in stupratis virginibus, atque dum vasa dicta disrumpuntur dolorem pariunt, & sanguinem veluti si mactata esset victima effundunt. Pace tamen ego tanti viri dixerim, quòd mihi potius videtur membrana nō

OBSERVATIONES

admodum crassa, atque in medio anuli modo perforata, quæ postea lacerata in stupro, ac præter modum distenta dolorem incutit, & tādē veluti in viris fit, dum laceratur glandis frenum evanescit.

Ad vterum iam venio, in quo si apertè sententiam meam explicabo, dubito ne hāc irrideas, cū ea dicturus sim, quæ non solum antiquorum & recentiorum historiam redarguant, sed etiam funditus evertant dogmata quædam, aut saltem titubare faciant. Non desistam tamen, neque ita modestum risum docti viri pertinescam, quin id, quod oculis ipsis sæpe ac sæpius vidi, aliisque etiam ostendi palam, enarrē. Scias igitur fœminarū vterū geminos habere *xpivasnegs*, vnum dextrum, ac sinistrum alterum, qui ipsum in fœminis suspendunt, veluti in viris testes ipsos. Hos opinatus est Vesalius esse musculos vteri, atque satis malè depinxit, calamōve delineavit. Musculi enim nō sunt, quamvis aliquando rubri & carnei videantur, sed sunt gemini processus nervei ab vteri lateribus orti, atque aliquando oppleti quodam carneo tomento, ita vt rubri reddantur, qui ascendentes ad inguina, ac perforantes peritonæum, veluti in viris vasa semina faciant, perforamen chordæ musculorū obliquè descendantium egrediuntur, atque cum his statim extra abdomen iunguntur muscoli suspensorij, veluti in viris, sed parvi admodum: (Nam his musculis fœminæ quoque donantur.) Processus isti cū extra abdomen sunt, parum vergunt versus pubem, ibique finiunt in pinguedine latentes, neque

neque vnquam inuicem iunguntur, neque ad téniginem pertingunt, sed semper ab ipsa duum digitorum spacio distant. In extremo autem iidem processus sæpe ita caui sunt, vt insculptam membranam elytroiden referant, hæcque cavitās aliquando pinguedine infarcta reperitur, atque sedes hæc illa est, in qua fœminatum ræmex fieri solet, quemadmodum in viris ipsis. Egoq; opinor, quòd vt in fœmina omnes partes adessent, quæ sunt in viro, ideò pro cremasteribus, ac tunicis vaginalibus à natura facti sint hi processus gemini. Omnes anatomici vno ore asserunt in testibus fœminarum semen fieri, & quòd semine referti reperiantur, quod ego nunquam videre potui, quamuis non leuem operam, vt hoc cognoscerem, adhibuerim. Vidi quidem in ipsis quasdam veluti vesicas aqua vel humore aqueo, alias luteo alias verò lymphido turgentes. Sed nunquam semen vidi, nisi in vasis ipsis spermaticis, vel delatoriis vocatis. Aliud asserunt, quòd vasa ista spermatica oriuntur à testibus, atque cum illis omninò copulantur, & desinunt in cornua ipsius vteri ita appellata, quod minimè placet, quoniam nunquam observare potui meatus istos seminarios coniunctos cum testibus, nisi vterus malè affectus fuerit, in omnibus autem aliis, aut virgines fuerint, aut vitiatæ mulieres, vel ediderint conceptum fœtū aut nō, semper desinctos vidi testes à dictis meatibus, neq; vlla apparet vena aut angustū vas, vel magnū, quòd à testibus ad hos meatus transeat, solāq; adest mēbranula tenuissima

OBSERVATIONES

à peritonæo, quæ cum omnia ibi contenta vasa venas scilicet & arterias vinctat, hos quoque meatus & testes simul copulat, ita tamen vt non se inuicē tangant. Nam inter ipsos spaciū fermè dimidij digiti transuersi intercedit, tantūque abest, vt simul connascantur. Si igitur non connascuntur, vti re vera non faciunt, neque vasa media intercedūt, vide an verum illud sit, quod dixerim dogmata aliquot, quæ ad generationem seminis pertinent valde ne titubent laborare. Testes enim mihi adfuere plurimi fide digni spectatores, quod sæpius in his meatibus semen exquisitissimum reperierim, nunquam autem in testibus, prætereaque quoddam meatus ipsos nunquam cum testibus coniunctos, nisi in malè affecto vtero, illis indicare potuerim. Nam si in vno latere adfuit tumor vel cancer, eiusdem etiam lateris testis ita contractus & colligatus cum dicto meatu apparuit, vt connati simul viderentur. At oppositi lateris sani scilicet testis non ita se habere semper visus est. Sin autem vtrumque latūs erat affectum utrūque meatus pariter coniunctus cum teste à me reperiēbatur, hocque bis aut ter ad summum vidi.

Meatus verò iste seminarius gracilis & angustus admodum oritur nerueus ac candidus à cornu ipsius vteri, cūque parum recesserit ab eo latior sensim redditur, & capreoli modo crispatur se, donec veniat propè finem, tunc dimissis capreolaribus rugis, atque valde latus reditus finit in extremū quodam, quod membranosum carneūque ob colorem

lorem rubrum videtur, extremumque lacerum valde & attritum est, veluti sunt pannorum attritorum fimbriæ, & foramen amplum habet, quod semper claudum iacet concidentibus fimbriis illis extremis, quæ tamen si diligenter aperiantur, ac dilatentur tubæ cuiusdam æneæ extremum orificium exprimunt. Quare cum huius classici organi demptis capreolis, vel etiam iisdem additis meatus seminarius à principio usque ad extremum speciem gerat, ideo à me vteri tuba vocatus est. Ita se hæc habent in omnibus, non solum humanis, sed etiã ouinis, ac vacinis cadaueribus, reliquisque brutorum omnium, quæ ego secui.

Venæ & arteriæ spermoticæ (quamvis testentur anatomici vii in viris, quod antequam ad testes veniant, miscentur) seiunctæ aliquod ultra testem feruntur, atque ita conspicuè ad ipsum vterum & ad meatus seminarios, quos plurimæ ambiunt tendunt, ut ab omnibus distingui possint. Cum autem ad vterum duplex venarum & arteriarum genus pertineat, alterum seminalium à superioribus descendens: alterum illarum, quæ à lateribus vasorum ossis sacri oriuntur. Has in sinum vel (ut vtar ipsorum voce) in cervicem vteri, illas verò in vterum ipsum vel fundum propagari dicunt. At sciendum est, quòd ista vasa superiora antequam omnia difundantur pervterum iunguntur cum aliquot ex inferioribus: & ita iuncta inseruntur in partem fundi propà cervicem vel sinum ipsum. Quod si aliquando inconiuncta inseruntur, ab illis inferiori-

OBSERVATIONES

bus semper aliquot rami ascendunt in fundum inferendi, qui simul atque in substantiam uteri ingressi sunt copulantur, ac connascuntur cum dictis superioribus venis. Quare perpetua semper adest coniunctio, aut extra uterum, aut statim sub peritonæo, quo uterus vestitur, aut in ipsius met substantia. Hanc coniunctionem ab anatomicis neglectam opinor factam esse, ut foetationis tempore sanguis nimis copiosus à seminariis vasis delatus (quod in aliquot prægnantibus manifestum est) possit per has inferiores venas in sinum muliebrem exonerari, cum alias menstruæ purgationes recta per uteri fundum expurgentur. Nollem irrideri ab anatomicis, si dixerim in substantia ipsius met uteri horum vasorum dextrorum ac sinistrorum aliquot propagines etiam ita iungi, ut unica fiant vasa, non omnes dixi, sed aliquot, atque idè consensum inter dextra ac sinistra vasa dari, & ad foetum ab utroque vasorum genere materiam transmitti: quamvis umbilicales propagines in vno tantum latere uteri radices iecerint. Vnum postremo observavi in omnibus, quas secui fœminis, aut in partu, aut post partum statim, aut ante ipsum mortuis, carnem illam, quæ placenta à me dicitur, semper occupare, vel hære alteri tantum uteri ipsius parti, in quâ definit foramen à meatu seminario veniens, atque illud quoque notavi, foramen hoc esse quasi centrum totius spacijs, quod à placenta occupatur.

In illis partibus, quæ ad foetum pertinent aliquid habeo, in quo discrepem à reliquis anatomicis, primumque

namque
licetlibet
esse autem
ramus d
que id est
maxi com
dimin in d
ramus S
que pro
quam
Quam
nona
nona
alio d
nisi a
de sem
dendum
inter d
pola
tuo
vnu
con
quor
gan
in lo
con
vno
dam
hæ
esse

mumque illud est, quod dixi dum de arteriis umbilicalibus tractarem, nempe non perpetuò geminas esse arterias, quæ cum vena umbilicali, & vraco ferantur ad foetum, sed sæpenumero vnā tantum, quæ vti ex duabus maximis arteriis chorij simul iunctis conflatur, ita quoque præumbilici foribus statim in duas diuiditur, vt ad ossis sacri arterias ferantur. Secundum est, quòd placenta illa carnea, quæ pro vasorum securitate vtero coaluit, nequaquam inter inuolucra foetus est connumeranda.

Quamuis quidā asserant hanc à Galeno vocari chorion, quod falsum est. Quoniam Galenus hanc carnem optimè nouit, non in homine quidem, sed in aliis brutis, & carnem concretam circa vasorum orificia appellat, non autem chorion, veluti in primo de sem. cap. 7. & in 15. de vsu part. cap. 4. neq; credendum est eum ita stultum fuisse, vt cum millies dixerit chorion esse membranā ex semine factā, postea carnem hanc crassā, turpēque concretionem ex sanguine chorion etiam appellet. Hanc vnicā in homine & multiplicem in cornigeris concretā, aliqui volebant esse cotyledonas, de quibus loquitur Hippocrates 5. Aph. 45. sed ij castigantur à Galeno in eodem loco, vbi atque etiam in lib. de dissect. vteri apertè carnes has non esse cotyledonas asserit, sed ipsa vasorum ora, quæ in vtero purgationum tempore acetabulares quasdam eminentias innatas habent, quales etiam in hæmorrhoidibus esse solent, veras cotyledonas esse probat ex auctoritate Praxagoræ, cuius

OBSERVATIONES

verba etiam adiungit. Sed quoniam incidi in mentionem acetabulorum duo verba, cum nihil de his in historia vteri dixerim, addam. Reperio cotyledonas nominatas à quamplurimis, atque in vtero collocatas, verum non omnes per cotyledonas eadem corpora intelligunt. Nam Diocles vti habemus apud Soranum in tracta. de vtero, voluit κοτυληδονας, quas & πλεκταίνας vocavit, esse quasdam μαρσιηδεῖς ἀμφύσεις in spacio medio vteri collocatas, quæ basim latam, ac extremum acuminatum habeant, vt fœtus dum est in vtero ab his adiscere possit, quomodo papilla sit trahenda. Alij voluerunt carnes illas, quæ adnatæ osculis vasorum fœtui sunt vt ipsa stabiliora reddant κοτυληδονας esse, de quibus supra dixi. Alij appellarunt κοτυληδονας ora ipsa vasorum vteri, quæ acetabulares quasdam eminentias menstruarum ex purgationum tempore habent, atque in horum numero fuit Praxagoras, quem sequutus postea Galenus est. Alij fuerunt, inter quos connumeratur Arist. qui in tertio de Histo. Anim. cap. 1. asseruit in solis cornutis animalibus, aut altera tantum parte dentatis, quibus etiam adduntur ab ipso δασύποδες, & mures, & vespertiliones vtrinque dentati vterum habere acetabula, atque eo tempore tantum, quo fœtus in vtero continetur, à quibus acetabulis embryo per media vasa pender. Reliqua verò omnia quæ vtrinque dentata, pedibusque hærentia animal pariunt, asserit habere vterum interna in facie leuigatum, à qua embryo suspenditur mediis ipsius vasis, non
autem

autem cotyledonibus, quoniam non adsunt. Quæ
 verò sint cotyledones istæ idem Aristo. in 2. de Ge-
 nerat. Anim. ca. 5. declarat, aitque esse corpora quæ-
 dam insculpta, quorum pars caua respicit fœtum
 & internam vteri amplitudinem, pars verò giba re-
 spicit vterum, illique connata est, atque videntur
 veluti parvæ cotulæ, vnde (vt credo) κοτυληδόνες
 sunt dictæ, quia κοτύλης effigiem gerant. (quid au-
 tem fuerit mensura, aut vasculum illud ab antiquis
 κοτύλη appellatum, qualive constiterit figura quod
 noueris credo) quibus vmbilici venæ copulantur
 atque inde alimentum trahunt. Quoniam autem
 non adsunt cotyledones, nisi dum in vtero fœtus
 continetur, ac postea oblitterantur, immò & ante-
 quam fœtus nascatur oblitterari incipiunt, dum iam
 perfectus est, & ad exitum tendit, teste eodem Ari-
 sto. præcipuè in 7. de Hist. Ani. cap. 8. meritò quæ-
 rerem ego, qua ratione oriantur ista acetabula. na-
 sci hoc modo respondet Aristoteles, quoniam na-
 tura sensim ac sensim tanquam ad mammas trans-
 mittit alimentum sanguineum ad capillamenta ex-
 trema venarum, quæ sparsa hinc inde sunt per vte-
 rum. Hoc autem alimentum plurimum ibi coacer-
 uatum facit veluti ἐξάνθημα φλεγμασίαν, hoc est tu-
 berculum, in quo cõtineatur, atque istud κοτυληδόνος
 corpus est, à quo postea aperto effluit alimentum
 ad embryonem, quo deficiente, aut quia totum
 suctum sit, aut quia non amplius à corpore trasmit-
 tatur cotyledones omnes oblitterantur ac eua-
 nescunt: & vt vtar Aristotelis verbo συμπίπτουσι, id-

OBSERVATIONES

est concidunt,cauūque delitescit.Hæc ex Aristotele acetabulorum historia est.Vltimo in loco aliquot fuere, qui κοτυληδόνας istas figmentum esse asserunt,veluti Soranus,qui de istis loquens ait, ἀφυσικὸς ἔστιν ὥσπερ αὐτῶν εἰσαγρόμενος λόγος. In hac scriptorum atque sententiarum varietate,quid ego sentiam,audi.Duobus modis loqui possumus de acetabulis,propriè scilicet,autimpropriè:quòd si impropriè loquamur,infiniti erunt modi,atque sententiæ,quæ de ipsis proferri poterunt: sin contra propriè loqui voluerimus,neque per figmenta,aut metaphoras progredi,opus erit vt intelligamus velimus nolimus,quædam esse corpora insculpta & caua,quæ cotulæ effigiem gerentia in vtero reperiuntur.Nam quæcunque κοτυληδόνος nomine donata sunt,ea omnia cavitare quadam cotulam imitantur,quod in coxæ articulo patet,cùm cavititas illa ossea,in qua ingreditur caput femoris κοτυληδὼν ab Aristotele cap.13.primi,& cap.7.tertij de Histo. Animal.vocetur,quæ cavititas ab Hippocrate in libro de locis in hominibus,atque in libro de Artic.vocatur κοτύλη,quo nomine etiam appellata est ab Homero in 5.Iliados hoc carmine.

Εἴνδα τε μνηρὸς

1^o ὅτι ἐν τρέφεται,κοτύλῳ δὲ τέμιν καλέοισι.vbi Eustati^{us} in comm.ait,cotylen vocari à similitudine κοτύλης vasculi domestici,quo haurire,ac perfundere liquores solemus.Addamus & κοτυληδόνας,quibus polyporum

rum pedes ornantur, ita enim Aristoreles vocat
cavitates quasdam in pedibus polyporum consi-
stentes, quibus arripiunt corpora ipsa, maximaque
vi eadem retinent: tantum enim est istorum cory-
ledonum robur, ut aliquando repertus sit polypus,
qui ipsis solidissima salsamentorum dolia Heliano
teste in 13. fregerit. Dictæ autem sunt κοτυληδόνες à
similitudine κοτύλης, ut asserit Eustathius in 5. o-
dysseæ in huius carminis Homericæ interpreta-
tione.

Περὶς κοτυληδονόφιν πυκναὶ λαίγρες ἔχονται. Est etiam
planta quædam apud Dioscoridem libro 4. κοτυλη-
δών, appellata à figura κοτύλης, quam possidet, ut do-
ctissimè explicat Marcellus Virgilius in cōm. illius
Dioscoridiani capitis. Huius plātæ veram effigiem
(vnde etiam addiscere possis, quæ sit κοτυληδόνων re-
liquarum figura) videre poteris expressum in di-
uinis illis commentariis, quæ doctissimus Petrus
Andreas Matthiolus philosophus ac medicus Se-
nensis celeberrimus, patriæ, atque etiam totius
Italiæ decus & ornamentum, non solum ad ex-
plicandum Dioscoridem, sed ad illustrandam cun-
ctam plantarum ac metallorum ne dicam anima-
lium quoque historiam, doctissimè ac elegantissi-
mè conscripsit. Cùm igitur omnia, quæ legimus
apud probatos auctores κοτυληδόνος appellatione
insignita ob similitudinem κοτύλης, quam ge-
stant eo nomine sint appellata meritò colligere
possum, si propriè loqui volumus, quod κοτυληδόνες

OBSERVATIONES

istæ in vtero erunt corpora, quæ necessariò acetabuli figura constabunt, simulque etiam colligemus veram tantùm esse sententiam atque opinionem Aristotelis, qui cum semper fuerit gravissimus auctor, verè etiam atque propriè, vt scriptoris gravitatem tueretur, de his corporibus loquutus est sub nomine κοτυληδόνος; quod quidem non observarunt alij: vt incipiam à Praxagora & Galeno, qui impropriè & immeritò vocarunt κοτυληδόνες capillamenta venarum, cùm in his non adsit vlla huius nominis occasio. Multòque adhuc minus observarunt illi, qui mammillares geminos processus vel carunculas, à quibus sugendi normam disceret, embryo acetabula appellant. Quoniam non reperiuntur, neque si adessent illas sugere posset, vt demonstrat aduersus istos Aristoteles in 2. de Gen. Anim. cap. 5. Præterea si etiam reperiantur nullà cùm habeant figuram cotulæ, non sunt cotyledones appellandæ. Quemadmodum neque carnes illæ aut plures sint aut vna tantùm zonæ vel cinguli, aut placenta figura constans, quibus vasa stabiliuntur, & quasi ad vterum picantur vlla ratione κοτυληδόνες possunt dici, meritòque huius sententiæ auctores à Galeno castigati sunt. De Sorano verò, qui figmentum acetabula esse dixerit, nihil addam, neque in ipsum inuehar, cùm certo sciam ipsum loquutum fuisse de vtero humano, in quo non reperiuntur. Acetabula igitur ea sint, de quibus locutus est Aristoteles, quæ re vera non inveniuntur in matrice humana, neque in canina, vt docet anatomè, sed
solum

solùm in cornutis animalibus, aut illis tantùm, quæ recenset Aristo. neque etiam veritate ipsa rem hâc indicante perpetua adsunt in his brutis, sed tantùm dum embryo in vtero continetur, quod ego sæpissimè in bubalis, vacis, ac ouibus vidi, plurimisque aliis etiam ostendi. Loco autem ipsorum acetabulorum in vacuo vtero prominēt tubercula aliquot satis insignia, quæ in enixis vacis, atque etiam in illis, quæ nondū taurum admiscere, neq; conceperūt apertissimè conspiciuntur. Hoc ita constituto quid dicendum est de Hippocrate, qui dum de humano vtero loquitur, acetabulorum meminit? Mihi parcant manes tanti viri, qui numē artis medicæ fuit, dicam ego, quòd falsa oratione vera testatus est. Nam si quis dubitarit (mea sententia) crudos aut frigidos humores, vel mucos ipsos in vtero contentos, esse causam abortus, re vera in medio lumine cecutiret: quòd præterea humores hi in cotyledonibus contineantur falsum est, quia hi non adsunt. In oculis autem vasorum contineri possent hi humores, abortum tamen ideò minimè facient. Quoniam inibi retentus mucus obstructionem pariet, ob quam fœtus alimento destitutus necessariò abortu peribit; non autem quia disrumpantur ligamenta, pondus ferrè minimè possint. Necessarium enim mea sententia est, vt mucus iste illi adiungatur parti, cuius munus est colligere vasa vmbilici cum vtero ac fœtum suspendere, si lacerationis istius causa esse debet, hæc autem caro placentæ est, quæ si imbuatur mucò ita laxa fit, vt facilimè

q iij

OBSERVATIONES

dirumpatur, neque embryonem amplius suspendere possit. Hac itaque ratione patebit Hippo. improprie locutum fuisse sub nomine acetabuli de hac carne, quæ quoniam in brutis cornigeris in acetabulis continetur, neque proprium nomen habet, ab ipso breuitatis aphoristicae leges seruante, vt lūgas circumlocutiones vitaret, κοτυληδὼς, vel acetabuli voce est explicata, & continentis nomine cōtētum ipsum per συνεκδοχὴν est appellatum. Quod si illi, qui κοτυληδὼς carnes has interpretabantur, tantum vt Hippo. mentem explicarent id dixerūt non sunt reprehendendi: Sin autem absolutè κοτυληδὼς carnes has esse dixere, nulla sunt digni excusatione. Quod autē Hippocr. intellexerit carnes istas nomine acetabulorum patet, qua in Aphorif. ipsis assignat munus sustinendi fœtus, atque ait ipsa lacerari, quòd dici non potest, neque de osculis vasorum vteri, neque de continentibus cauis, etiā si adessent. Nam vasa vteri non habent hoc munus vt sustineant fœtum, ideò de illis non loquitur: cavitates verò si adessent, quāuis faciant ad sustinēdū fœtum, tamen ipsæ nunquam dirumpuntur aut lacerantur: quare de tomento hoc carnosio intelligendum est, quòd figurata oratione sit explicatum, neque mirari debemus si Hippocra. non valde in hominum anatome exercitatus per allusionem ad illa, quæ in brutis nouit, de rebus, quæ ad hominem pertinent, aliquando locutus. Iam ad fœtum reuertamur, in quo illud tertium erit, in quo ab aliis discrepto, quod geminae tantum sunt membranae,

membranæ, quibus ipse inuoluitur, quamuis antiqui & recentiores tres esse dixerint, illasque etiam numerarint, quæ in aliquot brutis, ut in oue, ac similibus reperiuntur, geminæ quippe quæ ambiunt totum fœtum, & tertia, quæ secundo in loco est, continetque lotium, *ἡ ἀντοδὴς* vocata à græcis. Nā in illis animalibus, quorum uterus habet acetabula, venæ umbilici sunt dispersæ per totum chorion, nullaque est ipsius pars: in qua non sit aliqua vena & arteria, hæcque ratione chorion in his brutis inseruire minimè potuit ad continendum lotium. Quoniam ut opinor, vasa diu hærentia ipsi lotio refrigerata nimis fuissent, ac præterea cum continuo arteriæ dilatètur, semperque aliquid dilatatæ attrahant à circumfusus corporibus humidis, si hæssent lotio procul omni dubiò inde aliquid ferofi humoris aut vaporis attraxisset. Ideò natura cum in his totum choriò sit refertum vasis addidit (ut opinor) quendam saccum ac nouam membranam, qua lotiū contineatur ne corpora vasorum ac præcipuè arteriarum tangat. At in hominibus, in quibus *χωρίον* totum non est plenum vasis, sed tantum in illa parte, qua placenta hæret, totaque reliqua membrana, aut nulla, aut quàm minima vasa pro sui nutritione habet, natura coacta minimè fuit formare nouam lagenam pro lotio, sed ipsum transfundit inter *χωρίον* atque *ἀμνιον*, non quidem in regione ubi sunt vasa dispersa per *χωρίον*, quoniā ibi quantum scilicet durat placenta ita cōnatæ sunt istæ membranæ inter se, ut sciungi difficilè pos-

q iiij

OBSERVATIONES

sint, (seiunctæ tamen aliquando reperiuntur.) At in reliquo ambitu quanvis pariter coniunctæ sint, non tamen is adest coalitus, qui ab augescente lortio seiungi facilè possit. Abutitur itaque in hominibus natura parte ipsiuschorij, atque hinc fit quòd geminæ tantùm adsint membranæ, exterior, quæ vterum totum sublimit, & *χρεῖον* ab omnibus vocatur, quanvis falsò aliqui in hominibus hanc *ἀμνιότιδην* appellarint, quæ ve semper in exteriori superficie, & si neruea sit tota, habet expansam glutinis modo substantiam carneam, qua toti vtero aglutinatur. Hæcque carnea substantia vnguibus, ac novacula facilimè abradi potest, quæ nisi deradatur est in causa, vt membrana hæc neruea non ita lucida, vti est, appareat. Interior verò ex his duabus membranis ad continendum fœtum, atque sudoris excrementum apta *ἀμνιὸς* dicta est. Neque, mi Petre, aliam in hominibus videre expectes, quia revera nō reperitur, at in brutis cornigeris, vel omnibus habentibus vteri acetabula, tertiam veluti farcimen inuenies inter *χρεῖον* & *ἀμνιὸν* collocatam.

In ventre inferiori nihil ad ea, quæ dicta sunt potest addi à me quare ad medium thoracem scilicet iam venio, in quo duo tantùm observavi prætermittà à reliquis anatomicis, quæ mihi alicuius momenti esse videantur. Horumq; illud primum est, quòd ad nervos cordis pertinet qui nervi secundum alios anatomicos vnici sunt in singulis hominibus à recurren-
te nervo sinistro ob orti, quæ
sen-

sententia ita difert ab eo, quod ego frequentissimè vidi, atque infinitis propemodum auditoribus meis manifestè ostendi, vt vera dici non possit, tantùmque ad auctoritate istius nobilis ac ita necessarij visceris detrahit, vt ipsum quasi stupidum red dat. Cùm enim in renes, in ventriculum, in lienem, atque in hepar tot nervi à sexto pari, & à plexu illo mesenterij ferantur, vt illorum ope læsiones proprias cognoscere possint. In iusta profectò videtur hæc nouerca natura appellata, si in cornobilissimũ omniũ viscerum vnicum tantũm nervulum distribuat. Deinde si à cõsequentibus argumentari licet, videmus in hoc viscere ita magnum, itaque exquisitum sensum adesse, vt nullam possit neque intemperiem, neque solutionem continui quamvis minimam ferre, sed statim valde ingens succedit dolor, qui homines iugulat. Si igitur magnus dolor, magna etiam vis sentiendi adest, hæc autem cordi communicari, minimè potest vnico eodẽmque minimo nervulo. Necessarium itaque est, vt aut vnus maximus ad ipsum pertingat nervus, aut parui ac plures. Cùm ergo dogma hoc receptum à iustitiæ legibus recedat, atque ab oculata anatomes demonstratione, ego ipso deleto tibi quot qualẽsve sint nervi cordis referam.

Sub basi ipsius, vbi vena arterialis incipit ad sinistrum latus flecti, atque vbi adest meatus ille insignis arterialis in embryone, qui coniungit venam dictam cum arteria aorta, est plexus quidam aut complicatio neruea, qualis etiam in mesen-

OBSERVATIONES

terio à me descripta est, sed minor robusta tamen ac solida, à qua abundans copia nervosæ materiæ totam cordis basim amplexatur, pèrque ipsam plures propagines parvorum nervorum inde diductæ disperguntur, ac per totam ipsius substantiam, quamvis illas minutim prosequi nequeā. Hoc anatomici ligamentum fortasse rati neglexerunt, hâcque ratione non viderunt quot nervi in cor ferantur. Nervus autē iste plexus originē ducit à quinque nervorum propaginibus, quamvis aliquando quatuor tantum sint, quinque tamen ut plurimum reperiuntur, harumque prima illa est, de qua in superioribus locutus sum, dixique oriri à ramo magno nervi sexti paris sinistri parum infra exortum recurrentis nervi, atque inde delatam & reflexam ad venam arterialem sinistram in dictum nervum plexum ascendere. Secūda verò & tertia propago in eodē latere sinistro oritur à plexu illo: quam ego in ceruice describens plexum sexti paris appellavi. Ab hoc igitur plexu in sinistro latere gemini oriuntur nervuli (aliquando etiam vnus tantum est) qui descendentes ad cordis basim per eundem plexum distribuuntur. Quarta etiam propago & ipsa sinistra ea est, quæ ab aliis proponitur à recurrente eius lateris nervo exorta. Hæc simul cum tertia & secunda descendens in dictum plexum diffeminatur. Quinta verò propago, quæ vltima in dextro latere sita est, geminum habet principium. Nam à plexu sexti paris dextro nervulus exterior, qui recta tendit ad cor: similiter quoq; à nervo eiusdem

dem sexti paris, qui recurrentem dextrum facit statim cum thoracis cavitatem ingressus est, alius nervus non admodum parvus emanat, qui cum priori dicto iungitur, vnicumq; ac satis crassum nervum facit. Hic quintus à me vocatus duplici ex principio manans sub arteria, quæ iugulum sinistram petit latitans venit ad eandem complicationem, ac in ipsa simul cum aliis quatuor confunditur, vnicumque fit principium solidum ac nerveum, à quo postea veluti riuuli ad cor non pauci feruntur.

Alterum, quod observavi, hoc est. Omnes anatomicos dum loquuntur de cartilaginibus collocatis in aspera arteria, illis aut anularem figuram adscribere, aut *στυμοειδῆ*, quod quidem verum est in parte ea arteriæ, quæ extra pulmones apparet, & in principiis quoque illorum duorum ramorum, in quos ipsas statim dividitur. Verum cum in angustiores propagines distribuitur, ad extremos usque pulmones non observarunt anatomici cartilaginosa illa corpora non anularia esse aut *στυμοειδῆ*, sed tessellarum more variis figuris constare, alia enim *ῥομβοειδῆ* sunt, alia quadrata, alia triangula, & ut vno verbo dicam: quot sunt figuræ earum laminarum ferrearum, quibus lorica capitis tegumenta nostris temporibus formantur, ut sub pileo latentia capitis verticem tueantur: tot sunt facies istarum cartilaginum, ex quibus veluti tessellatum construitur opus in his asperæ arteriæ minutioribus ramis, ut ipsi nunquam dum contrahuntur pulmones valida etiâ cōpressione stringi, aut cōnigere

OBSERVATIONES

possint. Nam si conniueant, neque fulgines, neque vapores calidi, neque etiam pulmonum, aut thoracis excremēta (vti aliquando fit) excerni poterunt. Quoniam istæ cartilaginee appositæ sunt ipsi arteriæ adhuc vsum, ne cadentibus pulmonibus constringatur, non autem vt arteriæ materia sint, quoniam vera tunica ipsius membranosa est, talisque etiam requirebatur, vt aer facilius per ipsam egredi & ingredi posset. Nam si ex cartilagine constaret, facilis transitus non daretur per ita durum ac solidum corpus, quale est cartilagineum. Igitur arteria ex membrana facta est, cartilaginee autem sunt appositæ veluti fulcimenta ad dictum vsum. Hæc in thoracis visceribus obseruavi, quæ illis adiunges à me de vena sine pari, deque oesophago supra explicatis.

Ab aspera arteria ascendamus ad fauces, in quibus anatomici mentionem luculentam glandularum illarum, quæ *μαεϊδμα* dicuntur fecere: verum de tunica nervosa, qua vestiuntur nil dixerunt, quod proprium harum est, non autem commune cum reliquis glandulis. Aliud etiam prætermiserunt, quod maximi est momenti, tunicam scilicet dictarum glandularum perforatam esse variis in locis foraminibus satis amplis, quæ si aliquando moderatè intumeant glandulæ imponere nostris medicis solent (quod aliquando notavi) ita vt vlcera esse credant, partemque ipsam, ceu ulcerata esset, curant: cum tamen re vera vlcera non adsint, desidentēque glandularum tumore secundum

dum naturam penitus se habeant. Quoniam foramina ea, ut dixi, naturalia sunt. Quare chyrurgos tibi familiares admoneto, ne in istos crassos errores incidant.

In iisdem faucibus prætermissum est, quòd palatum, quod conspexitur non rotum osseum est, sed huius dimidia ferme pars posterior in fauces desinens à latere ad latus tensa glandulosa constat carne, quæ satis crassa est, quamvis in inferiori superficie à palati membrana supra verò à narium tunica vestiatur. Ab hac glandosa palati parte media ferè dependet aliud glandosum, non autem cerneum corpus, quod *γάργαρα* vocant græci, nostri gurgulionem laxa quadam ac mollissima pellicula vestitum. Hoc pendens supra *ἐπιγλωττίδα* ac laryngem illam mediam aliquidque quod limpidissimum sit semper instillans humectat. Nam talis est huius penduli corporis usus, non autem ille, quem ad temperandum aerem, aut commodendam vocem adscribunt. Et quamvis quidam experimenta sua in morbo gallico in medium afferant eorum comprobata exemplis, quibus vox deprauat aut corrupta ista ob gurgulionis absorptionem: scias tamen, quòd vox tantum deprauatur in illis, in quibus gallica ulcera non gurgulionem solum, sed magnam etiam illius glandosi corporis partem, quod extremum palatum complet, exederint: aut palati os & membranam perforarint. Quorum tantum gurgulio excessus est, certo scias nullum

OBERATIONES

vocis detrimentum ipsis superuenire, egoque huius rei plurima habeo exempla, atque tu si hoc rectè obseruabis, apertè poteris cognoscere, quòd nisi cum gurgulione pereat substantia palati ne quidquam læditur vox, dicant quicquid velint alij.

Ad oculos ipsos ex faucibus egrediens venio, in quibus primùm prætermisere anatomici duo foramina parua in angulo interno posita (quorum vnum est in palpebra superiori, alterum in inferiori) in viuientibus adhuc hominibus, si quis inspicere voluerit apparentia. Quæ foramina habent meatus, qui sunt caruncula *ἐγκανθίδος* vel *ἐπιγκανθίδος* dicta vniuntur in quendam communem sinum in narium cavitatem desinentem per canalem proprium in osse squamoso, quod internum angulum occupat insculptum. Per hos meatus maior lachrymarum pars, vt ego in fletibus mulierum obseruavi ad oculos emanat, ipsorumque sinus aliquando exulceratur, fitq; collecta sanie species illa vlceris, quæ fistula lachrymalis dicta est. Hæc sanies, si dum collecta est exprimatur sinus, ita manifestè excernitur per meatus dictos in internum oculorum angulum, vt nihil manifestius conspici possit. Meatus isti, lachrymalia vocantur à recentioribus chyrurgis, atque semper à me eodem nomine appellabuntur.

In oculorum cavitare, maior anatomicorum pars, nullam ponit glandulam: quidam sunt qui duas addunt, sed neutri placent. Quoniam vna tantùm manifesta ac perpetua, & satis insignis à me reperitur

peritur in parte superiore oculi propè angulum
exteriorem, prater hanc verò nulla alia adest, quæ
perpetuò appareat, ita vt momenti alicuius esse vi-
deatur. At in reliquorum brutorum oculo, quæ ni-
ctari videtur, & præcipuè in bouino reperitur quæ-
dam alia glandula callosa, ac durior in interno an-
gulo collocata, quæ ob lachrymas ibi (vt reor) mi-
nimè posita est, sed ratione illius membranæ qua
nictant. Nam in dictis animalibus membrana quæ-
dam latitat interno in angulo vngui similis, quæ cū
cartilaginis, vel corneæ tunicæ naturam sapiat, te-
nuissima tamen est. Hæc mouetur motu volunta-
rio ad angulum extremum, & oculum apertis etiā
palpebris, operit. De hac Aristot. in secundo de
Histo. Anim. cap. 12. locutus est, vti superius dixi,
quæ circa radicem habet membranam quandā va-
lidissimè dictæ glandulæ callosæ hærentem, ad hūc
præcipuè vsum (credo) vt dum trahitur cutis ad
oppositum angulum, tendatur glandosum istud
corpus veluti cornu ipsius arcus, statimque re-
missa cute recurrat, atque ipsam in proprium an-
gulum retrahat. Ducitur autem hæc membrana ad
oppositum angulum duplici corda, altera quidem
superius, altera verò inferius sub adnata mem-
brana latente, quæ à musculo quodam oritur in
exteriori angulo collocato, qui musculus à me pro
parte illius, qui totum oculum ad exteriora tra-
hit, recensetur. Sed vt ad rem redeam, prater dictā
glandulam in parte oculi superiore propè angulū
extremum collocatam, in humano oculo nullam

OBSERVATIONES

aliam reperio, quæ sensu facile, ac perpetuò percipi possit, dignæ cognitione habeatur, cui postea in brutis adiungitur illa durior de qua dixi.

In oculorum tunicis parum ab aliis dissentio, atque iis præcipuè, quæ non valde magni momenti sunt, quorum primum est membrana *νεκρωσις* à græcis dicta. Quoniam non possum ego mihi persuadere ipsam esse durioris partem, quæ à dura cerebri meninge oritur, cum non solum substantia, sed & crassitie ac figura videam differre. Quoniam hæc cornea per se sola quasi sphericam aliam cavitatem constituens extollitur extra superficiem duræ, & veluti nouum tuberculum efficit, quod in viuientibus hominibus facile apparet, ita ut non ob oculum vniuersum, sed ob humorem albugineum tantum facta videatur. In ciliari corpore illo, quod inter vucam & humorem crystallinum ac vitreum intercedit, à diuino Vesalio discrepo. Quia tunica minimè est, sed potius nexus aut ligamentum, quo vucæ iungitur extremæ membranæ crystallini: ideò non est dicendum tunica, neque pro tunica numerandum, sed potius pro ligamento, quod nos ciliare vocabimus. In tunica illa, quæ ambit crystallinum non placet quorundam opinio, qui asserunt esse eandem cum tunica vitrei. Quoniam hæc valde solidior est, quàm sit illa vitrea tunica, deinde ipse vitreus humor in cavitae etiam, in qua latet cristallinus propriam habet tunicam. Quare cum huic nulla ratione inferuiat, dicenda non est ipsius tunica, sed crystallino potius

tius adiudicanda, atque ἀεζχοειδὴς vocetur, vti ab omnibus anatomicis fit.

Verum enim vero tunica, quæ vitreum humorem ambit, & in illa cavitæ cryſtallo dicata, & in reliqua totius humoris ſuperficie à Veſalio prætermiſſa, procul omni dubio addi debet. Et quamvis hæc non cuius patere poſſit, teſtimonio tamen diligentiorum anatomicorum ſemper probabitur, hancque tunicam velim connumerare inter illa, quæ difficiliſſima plures iam ſunt anni elapſi à me, fuere inuenta, quam poſſem ex Ruffi ſententia vocare ὕαλοειδῆ, ſed locus ille, in quo de tunicis ac humoribus oculorum tractat ita corruptus eſt, omniâque ita ſimul confuſa ibi leguntur, vt nihil inde, quod ſolidum ſit ac diſtinctum abiici poſſit: idè ne ſupra arenam ædificium erigere videar, hac dimiſſa appellatione, vitrei tunicam appellabo. In humoribus autem hoc notaui, quod quamvis Veſalius affirmet humorem κησαλοειδῆ eſſe vtraque in facie depreſſum, lentique formam (à Galeno aſſumens) exprimere: in parte poſteriori tamen exactè ſphericus eſt in humano oculo, in anteriori verò depreſſus, ita vt hæc facies parum à plana diſtet. Superficies autem hæc neceſſariò inter ſe hac ratione variare, ſi opticorum campos ingredi liceret, probarem, ſed non licet. Quare nuda hæc tantum veritas tibi nunc ſatisfaciat. In aqueo etiam humore quædam adſunt, quæ quamvis grammaticem aliqua ex parte ſapiant, à me tamen tua cauſa non prætermittentur. Primum eſt, quòd anato-

OBSERVATIONES

mici asserunt humorem hunc ita tenuem vti aqua esse : ego verò semper aliquantisper crassiores reperi, nisi fortè illud accidit, quia refrigerato corpore concreseat. Secundum est, quòd Vesalius negat græcos contulisse hunc humorem oui albo, à quo quidem albagineus vocatur à recentioribus, quamuis Galenus illud fecerit in 10. de usu partium capite 4. his verbis. *ἄμα δ' ὑγρὸν λεπτὸν καὶ κατὰ τὸν δῖον περὶ τὸ ἐν τοῖς ὀφθαλμοῖς ὅστις*. Actius etiam idem fecit, quilib. 7. cap. 1. & 25. vocat hūc humorem *ὠοδὲς ὑγρὸν*, neque vnquam ego legi (vno excepto introductorio) apud aliquem scriptorē græcum vocari humorem hunc *ὕδατις*, sed semper apud Galenum reperi, quòd appellatur, aut *ὑγρότης λεπτὴ*, aut *ὑγρὸν λεπτὸν καὶ κατὰ τὸν δῖον*, aut *ὑγρὸν κατὰ τὴν κόρην*, aut similibus vocibus, & quamuis tenuis vocetur humor, id ob relationem ad reliquos humores fit, non autem quia ipse aqueus sit, nec ita tenuis, vt aqua est.

Ascendamus ad superiora, & ad caput ipsum, in quo illud primum notandum est, quòd membrana, quæ *περικράνιος* à Græcis dicitur, non solum ossa capitis vestit, sed etiam musculos temporales vsque ad iugalia ossa vocata, quibus in locis valde crassa est, ac dura : quæ quamuis ab anatomicis tunica temporalium musculorum vocetur, pars tamen est pericranei dictos musculos amplexata ob maiorem ipsorum custodiam. Nam si hæc esset propria musculorum tunica, eos cunctos vsque ad insertionem indueret, neq; ab ipsis vnquam recederet,

ret, quod tamen facit, cum propè os iugale descendit: quoniam ibi inter membranam ac musculum vtriusque lateris pinguedo aliqua inuenitur, ac spacium in quo latitat. Aliud etiam obseruandum est, quod idem pericranium veluti dura cerebri membrana aliquot in partibus capitis potest (difficile tamen) in duas partes separari, in alteram, quæ cuti hæreat, atque alteram, quæ ossi conascatur, vtraque tamen pars vnum tantum corpus efficit, quod pericranium est: totumque ortum ducit à ligamento intercurrente per suturas, neque distinguendum est pericranium à periofstio, quod aliquot nostrorum temporum anatomici faciunt. Quoniam idem penitus est in capite pericranium, quod alibi periofstium: caueantq; anatomici ne aliquando panniculi carnosii, qui veluti chorda à musculis frontis ad musculos occipitij & aurium quandoque percurrit, partem aliquam secant, & pro pericranio accipiant, verumque pericranium pro periofstio, nam hoc facillimè fieri potest. Quemadmodum autè pericranium ossibus capitis in exteriori superficie pro periofstio adest, ita etià internæ caluariæ superficièi periofstium subest, membrana cerebri durior dicta, aut saltem exterior ipsius pars. Nam dura hæc meninx facillimè diuiditur in duas membranas, quarum quæ exterior est durior minusque texta, & quasi tendo quidam latus huic membranae expãsus ac cõnatus videtur: quæ autè interior, æqualior, atq; solidior visitur, ac in ipsa sinus insunt, vt apertè anatome indicat. Pro periofstio igitur huic

OBSERVATIONES

ossi inseruit pars dicta exterior ipsius meningis. Quod autem membrana hæc duplex quasi sit, maiori ex parte ignorant anatomici.

In membrana eadem dura, canales quidam sunt, quorum numerus ab aliis anatomicis traditus illi non respondet, quem ego observavi. Constituendum autem primo est, de quo genere canalium loquimur, cum geminum ipsum sit in membrana hac. Vnum per quod currunt vasa veluti arteriæ, quæ per membranam disseminantur. Alterum in quod desinunt venæ, hocque genus canalium loco venarum est, & sanguinem in se continet, veluti in vena ipsa reconditum, & ab hoc vasa quædam oriuntur, quæ venæ penitus sunt per cerebrum, aut per futuras ad exteriora distribuendæ. De hoc igitur posteriori genere canalium vel ductuum loquor, qui διπλῶαι vel διπλώσεις ipsius membranæ vocantur à Galeno, neque horum numerus integer propositus est, nec ipsa etiam conformatio. Nam veteres & recentiorum aliqui asserunt venas per has duplicationes ferri, quod ego nunquam potui videre, quamvis non leue studium adhibuerim: at semper vidi venas in has duplicationes desinere, atque cum ipsis iungi tanquam si venæ & ipsæ essent, vidique ductus illos, quos ὀχεπεὺς etiam vocat Galenus disseminandos per varias partes, ab his duplicationibus exoriri, veluti à vena aliqua maiori, neque vnquam potui venæ tunicam à meninge duplicata scindere, meritoque istud à natura factum est, cum meninx ipsa eandem substantiam

stantiam ac tellam, quam venæ habent, possideat. Quare frustra fuisset tunica venæ, aut duplicatio ipsa cum alterum ex his oportune munus idem perficere possit. Nam quicquid philosophatur Galenus de securitate illa venarum in 9. de usu partium capite 5. illud totum ob ingenij fecunditatem commentatus est, non quod duplicationes istæ, quas sinus vocant nostrorum temporum anatomici, quatuor tantum ab ipsis numerantur, duæ posteriores, tertia media, & quarta per rectum inter cerebrum, ac cerebellum tendens: at reliquæ omnes, quæ sub basi cerebri sunt, prætermittuntur. Quare ut horum omnium sinuum certum numerum habeas, ita à me describantur.

Cum vena iugularis, quæ defert sanguinem ad cerebrum, à me superius descripta, peruenerit ad caluariam, vel ad os illud, quod petrosum dictum est, statim ingreditur sinum insignem partim in osse petroso, & partim in additamento lambdoidis exculptum, ibique desinit in membranam duram, quæ totam hanc cavitatem periostij more vestit. Ab hoc loco tãquam à perenni aliquo fonte omnes sinus vnius lateris membranæ dictæ scaturiunt, atque ideò à me ciuitas ista, fons & origo sinuum semper appellabitur, à qua primus oritur ductus, qui per duplicatam membranam sub basi cerebri, in insculpto canali osseo, in additamento lambdoidis veluti latēs, fertur ad anteriora vsq; ad os illud, in quo est glandula, quòdque ego à similitudine sellam vocare soleo, ibique coniungitur

OBSERVATIONES

cum secundo eiusdem lateris sinu, de quo iam lo-
 quar. Ab hoc itaque primo sinu antequam ad finē
 perveniat, aliquando venulæ aliquot oriuntur, quæ
 per mollem meningem ibi superpositam dispersæ
 apparent. Ab hoc eodem fontis principio oritur
 vena, aut canalis quidam, qui ad posteriora labens
 perforato osse post illud tuberculum, quo caput
 cum prima vertebra copulatur, partim desinit in
 sinum cervicis à me quarto in loco describendum,
 partim etiam distribuitur per cervicem & copula-
 tur cum venis ibi disseminatis. Fons præterea ipse
 duplicationum postquam primas has soboles à se
 deriuavit per insculptam sedem in osse temporis
 versus posteriora ascendit vsque ad summum ossis
 petrosi dorsum, indeque unica, & aliquando ge-
 minæ, tresve oriuntur venæ, quæ per suturam lab-
 doiden post mammillarem processum erumpen-
 tes ad posteriora aurium per cutim disseminantur,
 partēsque ibi collocatas, atque aliquando cum ex-
 terioribus ascendentibus venis coniunguntur.

Cùm itaque ad summum dorsum ossis petrosi per-
 venerit fons dictus, tunc angustantur atque desi-
 nit in duos ductus, in secundum scilicet, ac tertium.

Quorum prior perforata membrana sub basi pari-
 ter ipsius cerebri deorsum ad anteriora ac media
 capitis fertur per idem dorsum dictum petrosi os-
 sis, donec perveniat ad sellam, ibique iungatur cum
 primo. Ab hoc dum propè sellam est, oriuntur ve-
 nulæ, quæ per membranam tenuem propè arterias
 anteriores disseminantur, atque ab utrisque simul

iunctis

iunctis his sinibus, primo scilicet, ac secundo venulæ oriuntur, quæ ad cauitates varias ofsium distribuuntur, & vsque ad oculi orbitam etiam pertingunt. Posterior verò sinus, qui tertius est, ascendens per posteriora ad occipitij medium coniungitur cum suo opposito, veluti optimè traditum est à diuino Vesalio, apud quem hic tertius primus est, integrèque descriptus. Quare ego de hoc nihil aliud addam, sed ad quartum venio, qui in ceruicis latere utroque collocatur. Nam cum meatus, vel potius vena illa, de qua secundo in loco dixi, orta à fonte, penetrarit extra os post capitis tuberculum: tunc reflexa supra primam vertebra ceruicis membranam in canali ceruicis contentam perforat, sinumque vnum efficit sui lateris in ea membranæ parte, quæ corporibus vertebrarum hæret. Hicque sinus vsque ad septimam ceruicis in utroque latere satis ampla cauitate insignis pertingit, ac multo sanguine refertus est. Quoniam cum vena, quæ per transuersos ceruicis processus repit, superarit septimæ vertebræ processum, statim immittit magnam propemodum sui partem in hunc sinum, quodque reliquum est ascendens, ac superata sexta nouam propaginem in eundem sinum inserit. Idè superata quinta ac omnibus reliquis facit vsque ad secundam: cum enim illam superarit, tota in principium dicti sinus definit, vnico excepto ramo, qui ab ipsa exoriens per exteriora latus, in posteriores ceruicis carnes diffeminatur. Per processum verò transuersum primæ vertebræ, nunquam vena hæc,

r iiij

OBSERVATIONES

quòd ego viderim, transit, sed arteria tantum. Ab hoc autem sinu vnus lateris oritur meatus, qui in alterius lateris sinum pertingit, ita vt his nexibus obseruatis, ac vasorum complicationibus, cum Hippocrate dicere possimus *ἐν ἑκαστῇ μὲν ἐν ἑκαστῇ* *ἐν ἑκαστῇ δὲ πᾶσι ταῖς*. Cùm itaque quatuor sint hi sinus in vno latere, si addatur totidem in opposito, octo erunt omnes, quibus postea adiungatur nonus, qui sub sagittali vsque ad frontem peruenit, tertioque in loco à Vesalio descriptus est. Addatur quoque & decimus, qui quartus aliorum est, quique inter cerebrum & cerebellum recta ad glandulam in extremo tertio ventriculo cerebri contentam, atq; peni similimam fertur. Ab omnibus istis duplicationibus venæ oriuntur, quæ ad plexus *χρυσιδεῖς* formandos transmittuntur, ac distribuuntur per substantiam ipsius cerebri, quæ uero neruos cerebri, ac medullæ spinalis cōmittantur, ac tandem, quæ ad varias partes extra caluariam alendas distribuuntur.

In tenui meninge ita se strenuè gesserunt reliqui anatomici, vt nihil ego, quod ab illis non sit proditum, inuenire potuerim, veluti etiam in cerebro ipso, in quo utinā aliquando videre licuisset motum contractionis, ac dilatationis, quem primus ipsi cerebro adscripsit Galenus, & nostrorum temporum anatomici aliquot approbarunt. Quoniam ratio mihi contrarium penitus dictat, neque argumenta illa, quæ afferuntur à Galeno in libro de instrumento odoratus, & in lib. de utili. respirationis,

nis, & in duodecimo de usu partium, tanti sunt momenti (parcat mihi magistri, cui omnia debeo auctoritas) ut vnquam persuadere potuerint motum adesse in hoc viscere, cui motui obstat tota ipsius substantia, quódque pulsans sensu ipso (quod magis est) nunquam assequi potuerim, neque in viutorum brutorum anatome, neque in maximis capitis vulneribus, neque vlla alia euidenti, quam sensum subministraret ratione, quamuis summum studium, ac diligentiam hac in re adhibuerim. Adesse audacter non negarem, sed aut ob ipsius paruitatem, aut aliam ob causam me nunquam hoc assequi potuisse affirmo.

Ad calcem iam perueni, mi doctissime pater, enumerationis eorum, quæ ego nullo dictante, nec labore leui in anatome deprehendi, atque vtinam ita vera sint, vti mihi sunt visa, tibi que ita satisfaciant, ut ego in scribendo, dum voluntati tuæ obtempero (alioquin minimè) mihi met ipsi satisfeci. Atque vtinam neminem ex iis, ad quorum manus libellus hic peruenerit nostra (quod summopere exopto) offendat oratio, cum in ipso nihil à me scriptum sit, quod alios anatomicos lædere valeat, si iusti æquique rei ipsius æstimatores esse velint: Omnes enim, qui adhuc viuunt amo ac colo, & illorum quoque, qui mortui sunt, manibus optimè precor, nullius illorum gloriæ, aut laudibus inuidens, cum tam vastus sit optimæ existimationis campus, ut inde vnusquisque maxima ornamenta sibi colligere possit sine detrimento alienæ gloriæ.

OBSERVAT. ANATOMICAE.

Quod si aliquando diuino Vesalio, aut alicui alio
anatomico non lubens, sed insciens potius, vel in-
uitus vulnus aliquot infixi, oro vt hoc antidoti lo-
co à me accipiant, quòd aut imprudenter errauì, aut
si vera protuli, omnia ipsis præsertim Vesalio acce-
pta refero. Quoniam ita mihi viam strauit, vt vltre-
rius licuerit progredi, quod nunquam certe
hac ope destitutus fecere potuissem.

Vale, & Iohannem Baptistam Ca-
predonum, nomine meo
plurimum salu-
tato.

FINIS.



